



Sc. sup. 25. Pl. 5.











CLEMENS XI. ALBANUS
URBINAS PONT. MAX. CRE-
ATUS DIE XXIII NOVEMB. 1700.
P. Giffart filius sculp.

THEOLOGIA MORALIS, SEU RESOLUTIO CASUUM CONSCIENTIÆ, JUXTA SACRÆ SCRIPTURÆ, CANONUM, ET SANCTORUM PATRUM MENTEM.

Jussu Eminentissimi ac Reverendissimi Stephani
Cardinalis *LE CAMUS*, Episcopi & Prin-
cipis Gratianopolitani, Gallicâ primò linguâ,
& deinde latinâ exarata.

*Authore FRANCISCO GENETTO, Avenionensi,
Episcopo Vasionensi.*

Summo Pontifici Clementi XI. consecrata:

TOMUS PRIMUS.

*De Principiis, generalibus Theologia Moralis, & de
Casibus in genere, & in specie.*



PARISIIS,
Apud ANDRÆAM PRALARD, viâ Jacobæ,
sub Occasionis signo.

M. DCCII.

Cum Approbatione, & Privilegio Regis.

PARIS



CLEMENTI XI.
PONTIFICI
MAXIMO.



REVERENDISSIME PATER,

Lucubrationes meas, seu veriùs collectiones, Sanctitatis Tuae pedibus humiliter obvolutus confidenter sisto; cum enim hac Theologia Moralis Scriptura sacra effata contineat, sacrorum
ã ij

EPISTOLA

Canonum Decretis, & sanctorum Patrum dictis exposita, in iis praesertim quae ad mores componendos pertinent, nihilque ferè ex me ipso locutus sim, quidni sperem sapientissimo & supremo Iudici non ingrata fore?

Tam arduum opus, imbecillitatis propriae conscius, nunquam certè suscepissem, nisi Galliae Praesalum decus & gemma, Episcopus Gratianopolitanus, modò inter Purpuratos emicans, tum Hieronymus Cardinalis Grimaldus, cujus memoria in benedictione est, me ad id reluctantem, seu diffidentem incitassent.

Fusus igitur duos Priores Tomos de Probabilitate, Contractibus & Beneficiis potissimum differentes, Gallicâ linguâ, praelo commisi Lutetiae Parisiorum anno 1676. experiri cupiens, quo tandem modo hac à sapientibus acciperentur, & novâ methodo, intendendo digitum ad puros fontes, viam hactenus ferè inaccessam eruditioribus aperire desiderans, quâ ulterius & utiliùs progre-

DEDICATORIA.

derentur; quod & cum magna veritatis luce, factum jam videmus à non paucis.

Crevit animus, fateor, ex pluribus Prasulum, & Doctorem approbationibus, & ultra spem honorificâ doctrinali censurâ ipsius etiam Reverendissimi Patris Raymundi Capisucchi, tunc sacri Palatii Apostolici Magistri, postea Eminentissimi Cardinalis: tum etiam ex Decreto à sacra Congregatione sancti Officii emanato, quo Note, seu animadversiones, contra hoc meum opus duobus Tomis edita, damnata statim sunt, & inter libros prohibitos circa annum 1678. relata. Tum certè consilium mihi à sacra Congregationis Indicis tunc Secretario datum secutus, obtrectatori respondere parum curans, Tractatus de Sacramentis, majori quâ potui diligentia absolvi: & demùm Decalogum explicui.

Hæc omnia pluries in Gallia prodierunt, & non paucis doctrina sacrarum

EPISTOLA

Canonum studiosis, etiam in Aventino monte, occasionem dederunt, desiderandi, ut aliis linguis, & praesertim latinâ, ederetur hac Theologia Moralis. Ipse Eminentissimus Marcus Antonius Cardinalis Barbadicus, cujus indefessa Pastoralis sollicitudo sanctum Carolum vivis coloribus exprimit, jussit, ut in suo verè mirabili Seminario ad Montem Faliscum excitato, praelegeretur illud opus latinâ linguâ, primum à Doctore Gallo, modo Viterbiensis Ecclesiae Canonico Theologo, & postmodum ab eruditissimo fidei confessore Hiberno hujusce Seminarii Praefecto.

Horum hortatu, auxilio, & exemplo, succisivis horis, stylo facili & aperto, Moralem hanc latinitate donavi, & Sanctitati Tuae consecrare institui: sperans non injucundam fore, eo saltem nomine, quod de rebus sapius magnâ animi contentione inter Doctores agitis, pacificè loquor, neminem laceffens, neminem vallicans, nemi-

DEDICATORIA.

nem citans sine laude ; quodque proprio ingenio iudicioque meritò diffusus , Nihil de spiritu meo propheto , sed micæ tantum colligo , quæ ceciderunt de mensa Dominorum meorum. Summorum scilicet Pontificum , & sanctorum Patrum.

Petrus
Bicenf.

Patere igitur , Beatissime Pater ; pro tua singulari humanitate , comitateque , quâ unumquemque in supremo illo dignitatum fastigio blandè excipis , ut hic liber sub tui nominis summo splendore prodeat ; & ita omnibus veræ pietatis studiosis gratior , & securior evadat. Dum interim tanto Christiani orbis Pastori , qui verbo & exemplo mores fidelium ad Evangelicæ Canoniceque perfectionis normam reducere satagit ; quique in suis homiliis , sacris & Apostolicis functionibus diù intermissis , frustra reclamante negotiorum mole personaliter obcundis , aliisque non minùs privatis quàm publicis operibus , magnos Leones , Gre-


EPISTOLA.

*gorios , Innocentiosque , exultanti Ro-
ma exhibet , fausta omnia precabi-
tur,*

BEATISSIME PATER ,

SANCTITATIS TUÆ,

Humillimus , obsequentissimus , &
fidelissimus Cliens & subditus,
FRANCISCUS GENETTUS,
Episcopus Vasionensis,



EPISTOLA PASTORALIS.

STEPHANUS S. R. E.
Presbyter Cardinalis le Camus,
Episcopus & Princeps Gratia-
nopolitanus.

*OMNIBVS ET SINGVLIS
Curatis, Vicariis, & Confessariis
nostra Diœcesis, salutem & bene-
dictionem.*



U M Episcopi teneantur in
primis depositum sibi credi-
tum custodire, & puritatem
doctrinæ, quæ secundum pie-
tatem est, in suis Diœcesibus
contra omnis generis novitates illibatam
servare : ab eo tempore quo Divina pro-
videntia curam hujus Ecclesiæ nobis com-
misit, diligenter elaboravimus, ut conta-
gionem corruptelæ in Moralem Christia-
nam his temporibus invectæ sisteremus.

Epistola Pastoralis.

& ab hac nostra Diœcesi laxitatis principia expelleremus, atque opiniones flexibiles & adulatrices, quas spiritus mendacii & erroris adinvenit ad obscurandum Evangelii lumen, & puritatem Moralis Christianæ exquisitis cavillationibus depravandam procul abigeremus.

Putabamus primâ fronte, plerasque rationes quæ ad stabiliendas hujusmodi portentosas opiniones adhibentur, ita ex seipsis corruere, ut illas simpliciter referre sufficeret, ad demonstrandum iisdem opinionibus Religionis fundamenta everti, easque planè contrarias esse Philosophiæ Christianæ, & sapientiæ Crucis. Satis igitur habuimus publicè contra hæc stupenda opinionum figmenta concionari, populumque nobis à Deo commissum monere, ut sibi caveret à fallaci fūco depravatæ doctrinæ, quæ cò periculosior est, quò sensibus, & naturæ corruptæ cupiditati adulatur.

Sine ingrati animi notâ dissimulare non possumus benedictionem, quam indulsit Deus curis nostris, & vigilantia, quâ resistimus torrenti illius tam periculosa corruptionis, nihil omittentes, ut procul ab hac nostra Diœcesi hujuscemodi doctrinas veneno infectas amandaremus, quæ in id tendunt, ut præcepta & regulas à Christo

Epistola Pastoralis.

positas cupiditati , ambitioni , & voluptatibus carnalium hominum accommodent, non autem ut fidelium vitam ex Jesu Christi præceptis dirigant.

Sed quacumque tandem curâ id egerimus , ut novitates adeo periculosas reprimere , & ut ex Ecclesiæ agro pravam evelleremus granum ab inimico dum dormirent homines seminatum ; fateri debemus neque nostras Conciones , neque promulgationem Instructionum à sancto Carolo pro Confessariis editarum , potuisse plenum & efficax remedium huic deplorandæ corruptioni apponere ; & quotidie intra nos gemimus ob jacturam multarum animarum , quæ à cæcis ductoribus falluntur , qui non alia Moralis principia adhibentes , quàm vanas , & commentitias proprii ingenii adinventiones , alios secum in præcipitium miserè pertrahunt.

Expectabamus igitur , ut suscitaret Deus hominem verè doctum & pium , qui in id sedulò incumberet , ut sigillatim indicaret tutiora , & , adhibitâ autoritate , firmiora principia Moralis Christianæ ; quique nihil assereret quod in sacra Scriptura , Canonibus , aut sanctorum Patrum traditione fundatum non esset.

Cùm verò , Divinâ favente providentiâ , ad hoc consilium implendum fœli-

Epistola Pastoralis.

tem præclaramque occasionem nacti sumus : in animum induximus , magni ponderis obsequium , quo vix aliud utilius reperiri possit , Ecclesiæ nos impenituros , si curaremus ut componeretur opus præcipuas Theologiæ Moralis quæstiones explicans. Neque nos fefellit eventus ; & primi Tractatus de Morali in genere & de Contractibus , & subinde alii de Beneficiis , de Sacramentis , & demùm de Præceptis Decalogi , ita solidi nobis visi sunt , & autoritate sacrorum Canonum , & sanctorum Patrum muniti : variæque circa praxim quæstiones tam dilucida methodo & ponderosâ discussæ , ut vix aliud in hac parte nobis desiderandum superfuerit , quàm ut opus illud Gallicâ primùm linguâ scriptum , in latinam verteretur , quod & modò , magno Ecclesiæ bono , factum est.


Neque verò satis habuimus plurimum , & quidem Doctiorum Sorbonæ Magistrorum examini hanc Theologiam Moralem submittere : illam prætereà diligenter admodum : & studiosè ipsimet perlegimus , & valdè idoneam judicavimus ad instruendos Clericos de principiis sanctæ Divinæque Moralis Evangelicæ , & ad faciliorem reddendam resolutionem casuum conscientiae , qui vestris in Paro-

Epistola Pastoralis.

chiis occurrere possunt. Idcirco ut in hac Diœcesi in publicam prodiret lucem permisimus, jubentes ut in Seminariis nostris Ecclesiasticæ juventuti prælegeretur.

Cùm autem in Ecclesia constituti sitis, ut divinæ legis notitiam populis communicetis, & ut eos puriora Christianæ vitæ principia doceatis: vos, quantum possumus, hortamur, ut assiduè legatis librum Ministerio vestro adeo conveniens, & ex quo uberes fructus colligere in promptu est; cùm egregiâ methodo scientiam Sanctorum contineat, iis qui ad dirigendas animas vocati sunt apprimè necessariam. Datum in nostra Gratianopolitana civitate die 15. Februarii, Anno Domini 1702.

Stephanus Cardinalis L. S. CAMUS,
Episcopus & Princeps Gratianopolitanus.



REVERENDISSIMI PATRIS

Raymundi Capisucchi, Ordinis Prædicatorum, sacri Palatii Apostolici Magistri, postea Cardinalis Eminentissimi,

C E N S U R A.

HÆC Theologia Moralis ab eximio Doctore *Francisco de Genet* exarata, sanam, solidam, ac tutam doctrinam continet, atque ad componendos mores necessariam, quam proinde callere debent, qui Christianam Professione censentur, & propriæ salutis prospicere student. Prodeat igitur in lucem salubris hic liber, qui lucem ad errorum tenebras fugiendas, & fugandas est allaturus. Dat. Romæ in Palatio Apostolico Quirinali die 20. Augusti 1677.

Fr. Raymundus Capisuccus
Ord. Præd. sacri Apostolici
Palatii Magister.

Imprimatur. Avenion. 18. Novemb. 1680.


FRATER JOANNES-HENRICUS
DE PERUSSIS, Inquisitor Generalis
Avenionensis, & totius Comitatus Ve-
naissini.

Imprimatur. Avenion. 15. April. 1681.

FRATER HIERONYMUS DE GRASSE,
Inquisitor generalis Avenionensis.

Imprimatur. Avenion. 10. Febr. 1702.

FRATER PETRUS LACRAMPE,
Ord. Præd. Inquisitor generalis Avc-
nionensis.



Summa Privilegii.

CONCESSUM est Litteris Regiis datis Parisiis primâ die Octobris anni 1681. debitè signatis & sigillatis, STEPHANO LE CAMUS Episcopo & Principi Gratianopolitano, ut typis mandari faciat à quocumque Typographo voluerit, *Constitutiones Synodales*, aliaque Opera ad usum Seminarii sui & Diœceseos: iisdemque prohibitum quibuscumque qualiscumque conditionis existant, ne eadem typis mandent aut mandari faciant, vendant aut distrahant per viginti annos inchoandos à die quo unumquodque opus è prælo exhibit, sub pœnis subhastationis exemplarium & mulctæ trium milium libellarum, ut latiùs in hisce Litteris expositum est.

NOS CARDINALIS LE CAMUS Episcopus & Princeps Gratianopolitanus damus facultatem ANDRÆ PRALARD Parisiensi Bibliopolæ, uti Privilegio quod nobis à Rege concessum est, ad mandandam typis THEOLOGIAM MORALEM, cujus Author est Episcopus Vasionensis, in Latinum translata, octo Tomis minoris formæ comprehensam, ad usum nostræ Diœceseos. Datum Gratianopoli die 18. Octobris anni 1701. signatum CARDINALIS LE CAMUS: & de mandato Eminentissimi Cardinalis P. *Contavox.*

Cartulari Bibliopolarum Parisiensium insertum
die 20. Decembris 1701.

Hic Tomus sub prælo sudare desit die 15. Julii
anni 1702.



INDEX

R E R U M.

TRACTATUS PRIMUS de Theologia Morali in genere.

CAPUT I. *DE Principiis generalibus
Theologiae Moralis.*

pag. 1

CAP. II. *De regulis generalibus ad cognoscendum quando contra conscientiam, aut contra praecepta peccetur.*

18

CAP. III. *De Conscientia probabili.*

26

CAP. IV. *Quid agendum, quando quis habet opinionem aut conscientiam probabilem, quae à nulla contraria probabilitate minuitur, & impugnatur.*

28

CAP. V. *Quid agendum sit quando aliqua opinio probabilis concurrit cum alia contraria aequè probabili.*

31

CAP. VI. *Quid agendum, dum ex duabus quae se offerunt opinionibus, una est probabilior altera.*

45

CAP. VII. *De Conscientia dubia.*

72

Tomus I.



I N D E X.

CAP. VIII. <i>De Conscientia scrupulosa.</i>	76
CAP. IX. <i>De Peccato in generali.</i>	96
CAP. X. <i>De differentiis & diversitatibus peccatorum.</i>	104
CAP. XI. <i>De Causis quæ à peccato excusant.</i>	109
CAP. XII. <i>De Ignorantia.</i>	110
CAP. XIII. <i>De Timore.</i>	111
CAP. XIV. <i>De Indeliberatione.</i>	113
CAP. XV. <i>De Habitu.</i>	114
CAP. XVI. <i>De Intentione.</i>	120
CAP. XVII. <i>De Causis & rationibus quæ passim afferuntur ad excusandas transgressiones sacrorum Canonum & statutorum Ecclesiæ, ob consuetudinem aliquam contrariam, aut dispensationem.</i>	127

TRACTATUS SECUNDUS. De Contractibus in generali.

CAPUT I. <i>DE Definitione & divisione Contractuum.</i>	pag. 139
CAP. II. <i>Utrum Contractus per errorem factus, validus sit.</i>	143
CAP. III. <i>Utrum Contractus in quo aliqua intervenit fraus, sit validus.</i>	146
CAP. IV. <i>Utrum Contractus per metum</i>	

I N D E X.

<i>factus validus sit.</i>	149
CAP. V. <i>De iis qui possunt, aut non possunt contrahere.</i>	160
CAP. VI. <i>De Contractibus in quibus cœnes solemnitates à jure requisita, observata non sunt.</i>	163

TRACTATUS TERTIUS. De Contractibus in particulari, & primò de emptione & venditione.

CAPUT I. <i>DE Emptionis definitione.</i> pag. 167.	
CAP. II. <i>De Pretio quo fieri debet emptio & venditio.</i>	169
CAP. III. <i>Utrum liceat minori pretio & infra infimum rem emere, quando tale pretium anticipatò solvitur.</i>	177
CAP. IV. <i>De illis qui res furto surreptas, aut aliis modis injustis acquisitas, emunt.</i>	183
CAP. V. <i>De illis qui merces summo pretio vendunt, & easdem mox infimo pretio emunt.</i>	187
CAP. VI. <i>De Emptione fructuum & proventuum.</i>	191
CAP. VII. <i>De illis qui cum pecunia, & nomine alterius emunt.</i>	194
CAP. VIII. <i>De Definitione venditionis.</i>	

I N D E X.

& de rebus vendibilibus. 198.

CAP. IX. *De Fraudibus quæ à mercatoribus in venditionibus committuntur, quæque illos ad restitutionem obligant.* 204.

CAP. X. *De Venditione rerum quæ aliquo vicio aut defectu laborant.* 206.

CAP. XL. *De Mercatorum monopolis.* 211.

TRACTATUS QUARTUS. De Mutuo & Usura.

CAPUT I. *DE* Definitione & natura Mutui. 215.

CAP. II. *De* Definitione & divisione usura. 217.

CAP. III. *De* Peccati usurae gravitate. 219.

CAP. IV. *De* Rationibus & regulis propter quos potest aliquid, ultra sortem principalem mutuo datam accipi. 223.

CAP. V. *De* quibusdam aliis rationibus quæ afferuntur, ut possit aliquid in mutuo exigi ultra sortem principalem. 228.

CAP. VI. *De* Casibus, in quibus plus quam datum est, potest sine usura recipi. 231.

I N D E X.

- CAP. VII.** *De Periculo sortis.* 234
- CAP. VIII.** *Utrum Principis Constitutiones possint tribuere justum Titulum accipiendi aliquid in Mutuo ultra sortem principalem, & de montibus pietatis.* 245
- CAP. IX.** *Utrum tutores, pupilli, nobiles, & hujusmodi, possint exigere interesse juxta Decretum Principis.* 248
- CAP. X.** *Quo pacto responderi possit rationibus quæ in favorem usura & interesse afferuntur?* 252
- CAP. XI.** *Quo pacto gerere se debeat Confessarius cum his qui ex pecuniâ mutuo collocatâ lucrum percipiunt, aut perciperunt?* 260
- CAP. XII.** *De Definitione, divisione, & conditionibus Societatis.* 265
- CAP. XIII.** *De Societate animalium.* 268
- CAP. XIV.** *De Contractu Societatis pecuniariae, & utrum possit, affectuata sorte principali, aliqua spes-lucris remanere per viam trium Contractuum.* 275
- CAP. XV.** *De Usurariorum pœnis.* 291



I N D E X.

TRACTATUS QUINTUS.

De Cambio, locatione, dote, deposito,
& precario.

CAPUT I.	<i>DE Cambio.</i>	pag. 294
CAP. II.	<i>De Locationis definitione, & de rebus quæ locari possunt.</i>	304
CAP. III.	<i>De Obligationibus & peccatis illius qui rem suam alteri locat.</i>	307
CAP. IV.	<i>De Peccato quod in locatione domûs facta in favorem Meretricis aut Concubinariî committitur.</i>	313
CAP. V.	<i>De Obligationibus & peccatis locatarii seu conductoris.</i>	316
CAP. VI.	<i>De Locatione famulorum & operarum.</i>	318
CAP. VII.	<i>De Contractu dotali.</i>	324
CAP. VIII.	<i>De Deposito.</i>	329
CAP. IX.	<i>De Commodato.</i>	336
CAP. X.	<i>De Precario.</i>	339

TRACTATUS SEXTUS.

De Fidejussoribus ; promissione,
& ludo.

CAPUT I.	<i>DE Fidejussoribus.</i>	pag. 341
CAP. II.	<i>De Promissione.</i>	347
CAP. III.	<i>De Definitione & divisione ludi.</i>	352

I N D E X.

P. IV. <i>De Ludis prohibitis.</i>	354
P. V. <i>De Casibus in quibus adest obligatio restituendi illud quod quis in ludo ileatorio lucratus est.</i>	359

R A C T A T U S S E P T I M U S. De Donatione & Testamento.

APUT I. <i>DE Donatione.</i>	pag. 363
AP. II. <i>De Testamento.</i>	368
AP. III. <i>De his qui Testamentum facere vel non facere possunt.</i>	372
AP. IV. <i>De his quibus bona per Testamentum relinqui possunt.</i>	374
AP. V. <i>De Legatis.</i>	377



Errata in Primo Tomo Theologia Moralis.

P: Aginā 4. lineā 4. repetandem : *lege* : repetendam.
Pag. 7. lin. 19. eligerunt : *l. elegerunt.* Pag. 11. lin.
14. præsideret timens : *l. præsideret consuluisse , timens.*
Pag. 22. lin. 14. invincibilis : *l. vincibilis.* Pag. 27. lin. 7.
in securi : *l. securi in.* Pag. 33. lin. 13. mortali : *l. morali.*
Pag. 36. lin. 42. probabilitatum : *l. probabilistarum.* Pag.
40. lin. 28. probalissimo : *l. probabilissimo.* Pag. 44. lin. pe-
nult. obtuenda : *l. obtundenda.* Pag. 45. lin. 25. de nova :
l. de novo. Pag. 55. lin. 16. agere debemus : *l. agere debea-*
mus. Pag. 89. lin. penult. ubi agitur : *l. ubi igitur.* Pag.
105. lin. ult. interruptis : *l. interruptorum.* Pag. 110. lin. 17.
lata : *l. fixa.* Pag. 112. lin. 26. novo seculo : *l. nono seculo.*
Pag. 137. lin. ult. laudabilis : & : *l. laudabilis est.* Pag. 158.
lin. 18. tale : *l. tali.* Pag. 142. lin. 15. ultra eos : *l. ultra eas.*
Pag. 243. lin. 15. expositi sunt : *l. exposita sunt.* Pag. 278.
lin. 8. huic quæstioni : *l. huic Constitutioni.* Pag. 291. lin.
28. per usuraram : *l. per usuram.* Pag. 312. lin. 6. expolli-
ti expelli. Pag. 311. lin. 17. & his : *l. & is.* Pag. 351. lin.
24. ludum : *l. lucrum.* Pag. 363. lin. penult. qui donat : *l. cui.*
donat. Pag. 367. lin. 11. Tercio : *l. Secundò.*





Jean-Lud. K Millet. Sculp.

NON ALIOS PIETAS VELLÉT SIBI SUMERE VULTUS,
IPSAQUE RELIGIO NON ALIO ORE LOQUI

Sauvages, Victorians



TRACTATUS PRIMUS
DE
THEOLOGIA
MORALI
IN GENERE.

CAPUT PRIMUM.

*De Principiis generalibus Theologiae
Moralis.*

Quaestio 1. QUID est Theologia
Moralis?

Respons. Est scientia quæ ho-
minum mores dirigit.

Quaest. 2. Quid est hominum
mores dirigere?

Resp. Nihil aliud est quam rectè vivendi re-
gulas docere, quarum auxilio possint homines
præcepta, & ea omnia ad quæ quisque pro suâ
conditione obligatur, adimplere, actusque suos
ad Deum, & æternam gloriam tanquam ad fi-
nem dirigere, ut loquantur Instituta Juris Ca-
nonici.

Instit. Jur.
Canonic. lib.
1. tit. 1. §. Si
igitur.

2 Tract. I. De Morali in genere.

Quaest. 3. Quanam sunt illæ regulæ generales quas sequi & observare tenemur, ut in quæstionibus moralibus resolvendis in errores non incidamus?

Can. omnes
Psallentes, dist.
38.

Resp. Duæ sunt omnino regulæ, Scriptura scilicet Sacra, unde, ut dicitur in Canone, *Substantia Sacerdotii nostri sunt eloquia divina: & Traditio*, quæ potissimum in Sanctorum Patrum Scriptis continetur, ut egregiè docet Gelasius Papa, dum ait: *Vbi est quod scriptum est: TERMINOS PATRUM TUORUM NON TRANSGREDIERIS, ET INTERROGA PATRES TUOS, ET ANNUNTIABUNT TIBI, SENIORES TCOS ET DICENT TIBI. Quid ergo tendimus ultra definita majorum, aut cur nobis non sufficit, si quid ignorantes discere cupiamus, qualiter ab orthodoxis Patribus singula quaque vel vitanda, vel præcepta sunt, vel aptata Catholica veritati, cur non his probantur esse decreta? Nunquid aut Sapientiores illis sumus, aut poterimus firmâ stabilitate constare, si ea quæ ab illis constituta sunt subruamus? Ex quibus tanti Pontificis verbis facilè concluditur, quod in disciplinâ morali, illi errandi periculo se committunt,*

S. Bernard,
Epist. 174.

qui suas omnes conclusiones, decisionesve auctoritate Sacræ Scripturæ, aut Traditionis, quæ in Sanctis Patribus reperitur, non firmant. Numquid enim Patribus doctiores aut devotiores sumus? inquit Sanctus Bernardus: periculose præsumimus quidquid ipsorum in talibus prudentia præterivit; nec verò id tale est, quod nisi prætercundum fuerit, Patrum quiverit omnino diligentiam præterisse.

S. Antonin.
part. 2. Tit.
4. cap. 5. an-
te 5.

Et quod pejus est, Sæpius, ut ait Sanctus Antoninus, Vadunt ad inferos per vitium præsumptionis novitatum rectores, adinveniendò novas vias ultra consuetas ad regendum populum, si ve ut extorqueant à subditis substantias,

od pertinet ad cupiditatem: sive ut laudentur ab hominibus de modo regiminis tamquam scientiores antiquis, recedendo sine causâ à vitis eorum, contrâ illud Proverb. 22. NON TRANSGREDIERIS TERMINOS ANTIQUOS, QUOS USCURUNT PATRES TUI. Vadunt doctores in adventionibus suis, qui non sequuntur dicta sanctorum: sed opiniones novas, subtiles & curiosas, non utiles, ad pruriendum aures.

Quaest. 4. Possuntne inveniri authoritates in scripturâ Sacrâ, Conciliis, aut Sanctis Patribus, ad omnes qui possunt occurrere casus deducendos?

Resp. Nullus est casus, ut in hujusce operis prosecutione faciliè videbitur, qui non sit expressè decisis, aut saltem cujus decisio per legitimas, & nullo modo violentas consequentias, non possit erui & haberi ex principiis à Conciliis, aut Sanctis Patribus in materiâ morum constitutis.

Quaest. 5. Quomodo igitur quidam Scriptores novi varias opiniones laxas secuti sunt, ut conqueritur Alexander Papa VII. ita ut plerumque centum à Sanctâ Sede in variis decretis iam damnatae reperiantur?

Resp. Dubitandum non est, multas tantæ cæcitatæ fuisse causas. Attamen certum est, eam præcipuè processisse ex ea temeritate cum quâ multi difficiliore quæstiones ex semetipsis & ex proprio sensu & ingenio decidere ausi sunt, licet Sanctorum Patrum & Canonum requirente, & ponderare non curantes: non satis considerarunt, ingenii humani cæcitatem eò in quæstionibus moralibus majorem esse, quò voluntas nostra in malum post peccatum Adami inclinata, tenebras intellectus in his materiis plurimum auget; & ita vix, ac ne vix quidem errores vitari posse ab eo qui solâ ratione humanâ

4 Tract. I. De Morali in genere.

nititur, aut qui verba Scripturæ Sacræ aut Canonum explicare præsumit, non cum eodem Spiritu cum quo prolata & scripta fuerunt, neque eo modo quo à Sanctis fuerunt exposita, sed potius cum specie quadam humani luminis & discursu temerario multumque alieno ab eâ humili reverentiâ, cum quâ Christiani Sacris illis morum nostrorum regulis submittere se debent. Demum prophetaverunt plures novi doctores de corde suo, contra illud Ezechielis:

Ezechiel. cap. 13. *Dices prophetantibus de corde suo: Audite verbum Domini: Hac dicit Dominus Deus: Va prophetis insipientibus qui sequuntur Spiritum suum.*

S. Leo, Papa, Epist. 10. ad Flavian. Constantinop. Episc. cap. 1. *In hanc insipientiam cadunt, ut ait Sanctus Leo, qui ad cognoscendum veritatem, cum aliquo impediuntur obscuro, non ad propheticas voces, non ad Apostolicas Litteras, non ad Evangelicas authoritates, sed ad se recurrunt, & ideo magistri erroris existunt, quia veritatis discipuli non fuere. Idem Sanctus Pontifex se contrariam planè viam secutum esse luculenter ostendit, dum inquit: Frequenter quidem in diversarum questionum ambiguo, fratrum corda titubantia, Spiritu Dei instruente, solidavimus, responsionum formas, vel ex Sanctarum scripturarum disciplinâ, vel ex Patrum regulis colligentes.*

S. Greg. 7. lib. 1. Epist. 10. ad Henricum Regem. *Demum Sanctus Gregorius Papa VII. Videntes, inquit, ordinem Christiana Religionis multis jam labefactatum temporibus, & principales, ac proprias lucrandarum animarum causas diu prolapsas, & suadente diabolo concultas: concussi periculo, & manifestâ perditione Dominici gregis, ad sanctorum Patrum decreta doctrinamque recurrimus, nihil novi, nihil adinventionem nostrâ statuentes; sed primam & unicam Ecclesiastica disciplina regu-*

CAP. I. De Principiis. 5

am, & tritam sanctorum viam relicto errore petandem, & sectandam esse censuimus. Neque enim alium nostrae salutis & aeternae vitae introitum Christi ovibus eorumque pastoribus atere cognoscimus, nisi quem ab ipso monstratum, qui dixit: EGO SUM OSTIUM, PER ME I QUIS INTROÏERIT SALVABITUR ET PASCUA NVENIET: Et ab Apostolis predicatum, & à sanctis Patribus observatum, in Evangelicâ & in omni Divinarum Scripturarum paginâ indicimus.

Quidam hujusce Sæculi Doctores, Sacris Moralis Christianæ regulis non æquè ac supraliciti Sancti Pontifices detulerunt, & parum cælici successu, confisi sunt propriæ rationi & censui, contrà sacræ Scripturæ sententiam: NANNITARIS PRUDENTIÆ TUÆ; nam ille prudentia sua innititur, ut ait Sanctus Hieronymus reatus in Canone, qui ea qua sibi agenda vel licenda videntur, Patrum decretis praponit. licet enim ratio in se considerata, sit veluti quædam effusio & emanatio divini luminis; utamen fallax admodum est, & quibuslibet erroribus exposita, si consideretur in particulari, & ut est in Petro, aut Jacobo, quia unusquisque ratiocinatur in praxi prout affectus est, & acilè in quoslibet absurdos errores prolabitur dum rectam rationem sequi putat; ut videre est in tam multis non solum religionibus, sed etiam legibus & consuetudinibus, quæ ab hominibus, propriæ rationis lumini confidentibus tanquam bonæ & rationabiles introductæ sunt. Hinc tam variæ de rebus omnibus opiniones. Sed nihil meliùs fallaciam rationis particularis probat, quàm tanti, iique gravissimi errores, in quos varii hujusce ævi doctores in moralibus prolapsi sunt, dum se maximè rationem sequi profitebantur; ita ut de illis quodammodo dici posse

S. Hieronymus in Parabol. refertur in cap. Ne innuavis, De Constitutionibus,

6 Tract. I. De Morali in genere.

Rom. c. 1. videatur, quod evanuerunt in cogitationibus suis, & obscuratum est insipiens cor eorum: dicentes enim se esse sapientes, stulti facti sunt.

S. Aug. lib. 2. de Baptis. cap. 6. refertur in Can. Non asseramus. 24 q. 1. Ne igitur in rebus ad nostram & aliorum salutem pertinentibus à veritate aberremus. Non asseramus, inquit Sanctus Augustinus, stateras dolosas ubi appendamus quod volumus, & quomodo volumus, pro arbitrio nostro dicentes: Hoc grave, hoc leve est, sed asseramus divinam stateram de Scripturis Sanctis tamquam de thesauris Dominicis, & in illà quid sit gravius appendamus; imò non appendamus, sed à Domino appensa recognoscamus.

Quaest. 6. Sancti Doctores & Patres quos Deus Ecclesiae suae in variis Sæculis dedit, significarunt ne, se novas opiniones proferre nolle aut quidquam dicere ex solo proprio sensu, sed aliorum potius vestigiis fideliter inhærere veile?

Resp. Is agendi modus in totâ multorum sæculorum traditione valdè perspicuus & constans est, sanctique Patres ad unum omnes professi sunt, se doctrinam & sensum antiquiorum sequi velle, neque quidquam ex proprio iudicio proferre. Hanc regulam didicerant Apostoli ab ipsomet Jesu-Christo, qui ut exemplo suo doceret, neminem præsumere debere ex semetipso, & ex proprio sensu opiniones in rebus sacris expromere, in variis Evangelii locis ait: Mea doctrina non est mea, sed ejus qui misit me. Ego ex me ipso non sum locutus, sed qui misit me Pater, ipse mihi mandatum dedit quid dicam, & quid loquar. Et scio quod mandatum ejus vita aeterna est. Qua ergo ego loquor, sicut dixit mihi Pater, sic loquor. Dumque Spiritus Sancti Missionem iisdem Apostolis pollicetur: Cum venerit, (inquit) ille Spiritus veritatis, docebit vos omnem veritatem; non enim loque-

Joan. 7. v. 16.

Joan. 12. v. 44.

Joan. 16. v. 13.

C A P. I. De Principiis. 7

et à semetipso, sed quacumque audiet loqueretur. Humilem illam, fidelemque subjectionem et reverentiam erga sanctorum Patrum opiniones, & Canonum decreta nobis necessariam esse declarare quodammodo videtur Sanctus Paulus, dum dicit: *Quod Deus dedit quosdam* ad Ephes. c. i. *quidem Apostolos, quosdam autem Prophetas,* 4. v. 11, *alios vero Evangelistas, alios autem Pastores, & Doctores ad consummationem Sanctorum in opus ministerii, in adificationem corporis Christi. Ut jam non simus parvuli fluctuantes, & circumferamur omni vento doctrina in nequitiam hominum, in astutiam ad circumventionem erroris.* Et alio in loco: *Doctrinis variis* ad Hebr. c. i. *& peregrinis nolite abduci,* ait idem Apostolus. 13. v. 9.

Et cum Tertulliano dicere possumus: *Apostolos Domini habemus auctores, qui nec ipsi* Tertull. de prescription. *quidquam ex suo arbitrio quod inducerent eligerunt, sed acceptam à Christo disciplinam fideliter nationibus assignaverunt.*

Hinc est quod Sanctus Clemens Sancti Petri Can. Relatum. dist. 37. *discipulus & successor, in Canone qui illi tribuitur, sic disserit: Relatum est nobis quod quidam in vestris partibus commorantes adversantur sanctis doctrinis, & prout eis videtur non secundum traditionem Patrum, sed juxta sensum suum docere videntur: multas enim quidam, ut audivimus, vestrarum partium ingeniosi homines ex iis qua legunt, verisimilitudines capiunt. Et ideo diligenter observandum est, ut lex Dei cum legitur, non secundum propriam ingenii intelligentiam legatur, vel doceatur. Sunt enim multa verba in scripturis divinis, qua possunt trahi ad eum sensum, quem sibi unusquisque sponte praeumpsit: sed fieri non oportet. Non enim sensum, quem extrinsecus adulteretis, alienum & extraneum*

8 Tract. I. De Morali in genere.

debetis querere, aut quoquo modo ipsum Scripturarum auctoritate confirmare: sed ex ipsis Scripturis sensum capere veritatis; & ideo oportet ab eo intelligentiam discere Scripturarum, qui eam à majoribus secundum veritatem sibi traditam servavit, ut ipse possit ea qua rectè suscipit competenter asserere.

Conc. Constant. 3. in Trullo. Can. 19.

Sancti Patres in Concilio Constantinopolitano congregati, maximi momenti ponderisque monitum iis dant qui de moribus tractant, & ea ad quæ Christiani obligantur, ostendere profitentur: *Si (inquit Concilium) ad Scripturam pertinens controversia aliqua excitata fuerit, ne eam aliter interpretentur, quam quomodo Ecclesia luminaria, & Doctores suis scriptis exposuerunt: & majorem ex iis laudem assequantur, quam si qua à se dicuntur componant, ne dum quandoque ad id hæsitant, ab eo quod convenit excident.*

Videmus præterea, id perpetuò professos esse Sanctos Patres & Ecclesiæ Doctores, se nolle à traditione vel minimùm declinare, nihilque novi, & ex proprio sensu statuere, sed antiquorum opiniones sequi velle; ut eo modo sumendo ab antiquis, quod illi ab aliis sumpserant, doctrinæ ab Apostolis, & ipsomet Jesu Christo, per continuæ, fidelisque traditionis concatenationem propagatæ securiùs adhærent. Id jam satis dilucidè probatum fuit, ex iis quæ in præcedenti quæstione de Sanctis Leone, Hieronymo, & Gregorio dicta sunt: Constat præterea ex verbis Gelasii Papæ, sancti Bernardi, & sancti Antonini supra relatis. Attamen non inutile erit, illud ex abundanti attexere quod sanctus Augustinus docet non minus exemplo quàm verbo. Summus ille Ecclesiæ Doctor decisiones sanctorum Patrum, qui illum præcesserant, fideliter in suis variis, & multiplici-

s operibus sequitur; sed id præcipuè appa-
 : in libris quos contra Julianum edidit, in
 libus autoritate Cypriani, Ambrosii, Hie-
 nymi, Joannis Chrysostomi, Gregorii Na-
 anzeni, Basilii, Hilarii, & aliorum constan-
 titur: *Illorum, inquit, secutus sum vesti-*
a, quod sentiunt sentio, quod tenent teneo,
quod prædicant prædico: quis te non videat in
apertum jactare convivium, de illis oculum
quidem, sed simile habere judicium. Ibi-
in fine, Facturum me promisi ut Catholi-
rum qui fuerunt ante nos Episcoporum sen-
tentiis, quascumque rebus de quibus agitur
congruentes potero reperire, vitreas argutias
et fragilia, quibus tibi multum videris
nitidus & nitidus, argumenta confringam.

Alii Ecclesiæ Doctores eandem planè viam
 cuti sunt. *Dignum est, inquit sanctus Ful-*
gentius, ut in singulis quibusque Sententiis, in
quibus núbilo cujusdam obscuritatis ambigi-
mus, sanctorum Patrum definitionibus hærea-
mus, quos præveniens misericordia Dei gratis
luminavit ut crederent, & sequens instruxit
irritaliter ut docerent. Non quarimus pugnas
verborum, inquit sanctus Bernardus, novita-
s quoque vocum, juxta Apostolicam doctri-
nam evitamus: Patrum tantum opponimus
sententias ac verba proferimus, & non nostra;
ecce enim sapientiores sumus quàm Patres nostri.

Hic de rebus sacris tractandi modus à variis
 Conciliis & commendatur, & jubetur. Legi-
 mus siquidem in Concilio generali Constantino-
 politano quarto, quod *ut rectam regiamque*
veram justitiam viam sine erroris offensa te-
neamus, sanctorum Patrum decreta velut inex-
hausta quadam semperque lucentes faces sequen-
da sunt. Et observandum nobis magnopere est
ante omnia & super omnia, ut aiunt Patres in

S. Aug. lib. 1.
 contra Julia-
 num.

S. Fulgentius,
 lib. de veri-
 tate prædesti-
 nationis & gratiæ, cap.
 15.

S. Bern. Epist.
 77. ad Hugo-
 nem.

Conc. Const.
 4. Actio. 10.
 Can. 1.

10 Tract. I. De Morali in genere.

Concil. Lē-
mov. 2. an.
1034.

Concilio Lemovicensi congregati, uti manda-
tum Dei & non nostras traditiones populo ob-
servandas tradamus, & nihil nisi Scriptura-
rum divinarum auctoritate fultum statuamus
agendum. Nihilque de cordibus, nihil extra
præceptum Domini, & sanctorum Patrum, quod
absit, constituere, docere, vel jubere præsuma-
mus. Et ita cum sancto Hormisda Pontifice
concludendum est quod: *Prima Salus est recta
fidei regulam custodire, & à constitutis Patrum
nullatenus deviare.*

Can. Prima
Salus, 25. q. 1.

*Quæst. 7. Quonam modo casus dubii &
quæstiones circa mores, difficiles & intricatæ,
retroactis sæculis apud Catholicos decide-
bantur?*

Concil Ro-
man. sub Leo-
ne 4. Can.
40.

*Resp. In hujusmodi casibus, tota controver-
sia deferrebat ad Episcopum, cui peculiarem
gratiam & majus lumen, ad eas difficultates,
quæ ad regimen animarum pertinent deciden-
das, largitur Deus. Quod si quæstio nimis ar-
dua, & extraordinaria videbatur, eam Episco-
pus terminabat in Synodo Diocæsarâ, in quâ
omnes Sacerdotes conveniebant, ut videre est
in Concilio à sancto Leone Papa quarto Romæ
congregato, in quò sic legitur: *Presbyteri, qui
in diversis locis, baptisteriis, vel quibuscumque
sacris oratoriis ordinantur, instanter, ac inex-
cusabiliter ad Concilium Diocæsesis Episcopi oc-
currere, secundum statuta sanctorum Patrum
decernimus.**

Concil. Are-
lat. 6. an.
513. Can. 4.

In his Synodis Presbyteri de administratione
baptismi, & aliorum Sacramentorum rationem
reddere debebant, quandoquidem, ut dicitur in
Concilio Arelatensi, à sanctis Patribus institu-
tum est, ut quando ad Concilium venerint, ra-
tionem Episcopo suo reddant, qualiter suscep-
tum officium vel baptismum celebrent. Et ibi-
dem resolutionem requirebant illorum casuum

CAP. I. De Principiis. II

qui in eorum Parochiis accidebant : quod si quæstio ita ardua & tanti ponderis erat, ut illius decisionem in Synodo Diœcesana fieri non conveniret, Concilio provinciali reservabatur ; & ideo unus ex Canonibus Apostolis adscriptis, vult ut *bis in anno Synodus Episcoporum fiat, & inter se dogmata religionis inquirent, & incidentes Ecclesiasticas controversias disponant.* Idem planè decernere videtur Concilium Nicænum his verbis : *Habeatur semel consilium ante dies quadragesima, ut omnibus, si qua sunt, simultatibus amputatis, mundum jejunium. & solemne Deo possit offerri : secundum verò agatur circa tempora autumnii.* Censuimus, inquit Patres in Concilio Antiocheno congregati, propter Ecclesiasticas causas, & qua existunt controversias dissolvendas, sufficere bis in anno per singulas provincias Episcoporum Concilium fieri. Et ne talia Concilia finirentur antequam omnes ad animarum salutem spectantes controversiæ & difficultates decise fuissent, Arvernense ita decernit : *Quoties secundum statuta Patrum, sancta Synodus congregatur, nullus Episcoporum aliquam prius causam suggerere audeat ; quam ea qua ad emendationem vite, ad severitatem regulæ, ad anima remedia pertinent, finiantur.* Demum Concilium Trostæianum omnem talium decidendarum quæstionum modum declarat his verbis. *Sanctum & Deo autore celebratum, generaliter & sine ulla exceptione Nicænum præcepit Concilium, ut omnibus simul Episcopis Provincia congregatis discutiantur quæstiones necessaria, & quod regulariter omnibus placuerit in commune, hoc omnes tam Metropolitanis quam ceteri sequantur Episcopi, ita tamen ut in omnibus quid antiqua habeat autoritas requiratur.*

Can. 37. A. post. Concil. Nicæ. 1. cap. 5. refertur in Can. Habeatur, dist. 13.

Concil Antioch. cap. 10. refertur, ibidem.

Concil Arvernense 1. an. 535. Can. 1.

Concil Trostæianum an. 909. in prin. c. f.

12 Tract. I. De Morali in genere.

Pelagius 1.
Epist. 8. re-
fert. in Can.
Mulis. dist.
17.

Innocentius
1. Epist. 4.

Innocentius
1. ad Exupe-
rium. Epist.
3. cap. 1.

Can. Sicut. de
Rescriptis.

In Casibus verò difficilioribus & majoris mo-
menti, summus Pontifex consulebatur; isque
tales casus, aut per semetipsum definiebat, aut
in Concilio à se convocato. Illius salubris disci-
plinæ observantiam videmus in Decreto à Pela-
gio Papa promulgato his verbis: *Majores &
difficiles quæstiones, ut sancta Synodus statuit
& beata Consuetudo exigit, ad sedem Apostoli-
cam semper referantur.* Et sanctus Innocentius
primus respondens Episcopo qui eum super va-
riis casibus consuluerat, *Mirari non possumus,
inquit, dilectionem tuam sequi instituta majo-
rum, omniaque quæ possunt aliquam recipere du-
bitationem, ad nos, quasi ad caput atque ad
apicem Episcopatus referre, ut consulta vide-
licet sedes Apostolica, ex ipsis rebus dubiis cer-
tum aliquid faciendum pronuntiet: Quod &
nos libenter accipimus & dilectionem tuam me-
morem Canonum approbamus.*

Idem præterea sanctus Pontifex, dum diffi-
cultates sibi ab Exuperio Tolosano antistite
propositas, solvit: *Consulenti tibi frater carissi-
me, inquit, quid de proposita specie unaqua-
que sentirem; pro captu intelligentia mea quæ
sunt visa respondi, quod sequendum vel docilis
ratio persuaderet, vel autoritas lectionis osten-
deret, vel custodita series temporum demonstra-
ret: & quidem dilectio tua, institutum secuta
prudentium, ad sedem Apostolicam referre ma-
luit, quid de rebus dubiis custodire deberet,
potius quàm usurpatione præsumptâ quæ sibi
viderentur de singulis obtinere.*

Eodem planè modo respondens Alexander
tertius Archiepiscopo Senonensi: *Sicut, inquit,
Romana Ecclesia omnium Ecclesiarum, dispo-
nente Domino, mater est & Magistra, ita &
nos, qui eidem Ecclesie, licet immeriti, super-
na dispositionis providentiâ præsidemus, prout*

*dominus nobis ministraverit, consultationibus
spondere cogimur singulorum, & quæ viden-
tur dubia, Apostolica circumspeditionis provi-
dentiâ declarare.*

Major Juris Canonici pars ex his responsioni-
bus, seu rescriptis, constat, quibus summi Ro-
nani Pontifices varias sibi quæstiones & diffi-
cultates à totius orbis Episcopis, & super plu-
ribus materiis propositas, solvebant. Videmus
insuper, Cardinalem Borbonium Archiepisco-
pum Rotomagensem & Legatum Avenionen-
sem, summum Pontificem Gregorium XIII.
dum idem Cardinalis Archiepiscopus Concilio
in sua Provincia convocato præsideret, timens
scilicet ne proprium aut certè suffraganeorum
sensum in decidendis variis difficultatibus se-
quens, veritatem fortasse non assequeretur,
Pontificem enixè precatus est ut quid in his ca-
sibus agendum esset aperiret.

Concil. Ro-
tomagensis an.
1581. in fine.

Sed dum hanc disciplinam & agendi normam
fideliter in Ecclesiâ per multos sæculos obser-
vatam intuemur, quis non ingemiscat, videns
multos priyatos Scriptores, qui nullam in Ec-
clesia auctoritatem, aut jurisdictionem habe-
bant, audaçter & sine ullo vel minimo scrupu-
lo, his nostris temporibus, variarum quæstio-
num decisiones ex proprio sensu dedisse, & in-
super publicasse, non curantes opiniones sancto-
rum Patrum & decreta sacrorum Canonum in-
quirere, illisque fideliter adhærere, quod in
causa fuit ut evanescerent in cogitationibus suis,
& se aliosque multos in varia conscientia pericu-
la incautè projicerent.

*Quæst. 8. Quo pacto dispositum & anima-
tum esse convenit Christianum, dum Doctorem
super aliqua conscientia difficultate consulit?*

*Resp. In animo habere debet, discere ab illo
viam salutis, quæ in sacra Scriptura & tra-*

14 Tract. I. De Morali in genere.

ditione designata est, & Deum enixè rogare, ut non patiatur se duci per latam illam viam, quæ, ut in Evangelio dicitur, *ducit ad perditionem*, cujusque cavendæ gratiâ, multæ propositiones laxæ à summis Pontificibus reprobatae sunt, ut videre est in præambulo Decreti ab

Alexan. 7. in
Decreto dato
an. 1661. die
24. Septem-
bris.

Alexandro septimo editi: *Ne, inquit, ullo unquam tempore viam salutis, quam suprema veritas Deus, ejus verba in aeternum manent, arctam esse definivit, in animarum perniciem dilatari, seu verius perverti contingeret, idem sanctissimus D. N. ut oves sibi creditas ab ejusmodi spatiosa, lataque per quam itur ad perditionem via, pro Pastoralis sollicitudine in rectam semitam evocaret.*

D. Carol. in
Orat. hab. in
Conc. pro-
vinc. 6.

Hinc est quod Apostolici zeli egregius imitator sanctus Carolus, oves suæ cuius commissas sic affatur: *Longè absint à nobis voces illorum qui consuunt pulvillos sub omni cubito manus, & faciunt cervicalia sub capite universa ætatis ad capiendas animas. Na isti suis adulationum vocibus, vocumque blanditiis cum nos fallere student, tum istis etiam illecebris populos nostros decipiunt; dicunt enim bonum malum, & malum bonum. O Popule meus, quis poterit omnia mala qua te undique premunt, enumerando recensere? audent tamen isti à salutis viâ te adulationibus longius abducere: Popule meus, qui te in tanta malorum collusionione beatum dicunt, ipsi te decipiunt, & viam gressuum tuorum dissipant.*

E. Joan. à
Cruce in sen-
tent. sent. 72.

Demum Beatus Joannes à Cruce asserit quod *si quis tibi persuadere conetur doctrinam laxam, tametsi miraculis eam confirmet, ei credendum non est.*

Itaque qui volunt revera præferre cuicumque rei salutem animæ, debent in primis vitare Confessarios aut directores palpantes, & adu-

C A P. I. De Principiis. 15

latores. *Cor sapientis*, inquit sanctus Hieronymus, *vadat ad domum talis viri, qui se corripiat delinquentem, ut adducat ad lacrymas: qui provocet propria lugere peccata, & non eat ad domum latitia, ubi doct̃or adulatur & decipit: ubi non conversionem audientium, sed plausus querit & laudem.* 5: Hieron; homil. 11.

Demum verum Christianum decet, ut animæ suæ misereatur, hæc Jeremiæ verba meditari. *Hac dicit Dominus: stete super vias, & videte, & interrogate de semitis antiquis, qua sit via bona, & ambulate in ea, & invenietis requiem animabus vestris.* In hac unica viâ in Evangelio designatâ, plenam securitatem consequi possumus, & si ab ea declinemus, non multum proderit in iudicio supremo excusationem captare, quod scilicet putaverimus nos in via recta ambulare; quod invenerimus confessarios, qui cupiditati nostræ obsecundantes, securitatem nobis falsò adulantes, aut etiam errantes promiserint. *Ecce dat tibi securitatem procurator*, inquit sanctus Augustinus, *quid tibi prodest, si pater familias non acceptet? Procurator sum, servus sum; vis dicam tibi: Vive quomodo vis, Dominus te non perdet. Securitatem tibi procurator dedit, nihil valet securitas procuratoris. Utinam tibi Dominus securitatem daret, & ego te sollicitum facerem! Domini enim securitas valet etiam si nolim: mea verò nihil valet, si ille noluerit. Quæ est autem securitas, Fratres, vel mea vel vestra, nisi ut Domini jussa intentè diligenterque audiamus, & promissa fideliter expectemus? Docte præsertim Domino in Evangelio, quod cæcus, si caco ducatum præstet, ambo in fossam cadunt. Videri potest, Tom. 4. Tract, 6. cap. 6. num. 10. in fine, & cap. 10. num. 2.* 5. Aug. Homil. 12. Matth. cap. 19.

Quæst. 9. Quomodo potest discerni bonus

16 Tract. I. De Morali in genere.

Director à malo qui dat occasionem multiplicandi peccata , qui veram & utilem peccatorum conversionem potius impedit quàm procurat ?

Resp. Falsi praviq̃ue Directores semper in Ecclesia multum nocuerunt; hinc est quod Paulus Apostolus ita de eis loquitur : *Rogo autem vos, fratres, ut observetis eos qui dissensiones & offendicula præter doctrinam quam vos didicistis, faciunt, & declinate ab illis.* Tum indicans quo pacto dignosci possint : *Huiusmodi enim, inquit, Christo Domino nostro non serviunt, sed suo ventri : & per dulces sermones & benedictiones seducunt corda innocentium.* Et alio in loco dixit , quod *Ex his sunt qui penetrant domos & captivas ducunt mulierculas oneratas peccatis, quæ ducuntur variis desideriis.*

ad Rom. cap.
16. v. 17.

ad Timoth. 1.
cap. 3. v. 6.

Solent enim Directores propriæ utilitati servientes , ubique sese ingerere , secreta familiarum perferutari , variis artibus autoritatem capere , mulierum animos etiam religiosarum sibi devincire, dum illarum secretis cupiditatibus non resistunt : demùm de numero pœnitentium sibi inaniter & periculosè gratulari , solemne habent.

E contra veri probique animarum Rectores gloriam Dei tantummodò quærunt in ministerio , & illorum salutem qui spontè ad eos accedunt : cùm propria non quærant nec lucro inhiant , nullam veritatem pœnitentibus necessariam aut utilem occultant ; imò illos in eam introducunt arctam viam quæ expressè tanquam necessaria prædicatur in Evangelio : cum magna mansuetudine patientiaque cum pœnitentibus agunt , sed adulationem fugiunt , nec unquam eos in peccatis palpant , aut obdormire sinunt sub umbra falsæ & irritæ pacis , aut Sacramenta perperam sumere dum non verè conantur pravis

habitibus obsistere & eorum periculosam vim contrariis actibus obtundere repellereque. Videri potest Tom. 4. Tract. 6. cap. 10. num. 2.

Quæst. 10. Est ne quædam diversitas inter obligationes conscientiæ, & obligationes quæ ex præceptis oriuntur?

Resp. Est certè, cum possit quis peccare contra conscientiam, non peccando contra præcepta, ut videtur in Canone, qui exponens illa Apostoli verba: *Omne quod non est ex fide, peccatum est*, dicit quod, *omne quod contra conscientiam fit, ædificat ad gehennam*; & auctor Commentationum in Paulum, quæ Ambrosio tribuuntur, docet in hæc verba, quod *omne quod fit, etsi in se & de se sit bonum, si tamen non fit ex fide, id est, contra conscientiam, ut scilicet credamus esse malum, peccatum est*. Idem habetur in cap. *Per tuas litteras, de simonia*. Posset etiam quis præcepta violare & tamen contra conscientiam non peccare: nam, ut ait sanctus Thomas, *Si sit talis ignorantia qua omnino sit involuntaria, siue quia est invincibilis, siue quia est ejus, quod scire non tenetur, talis ignorantia omnino excusat à peccato*. Hic tamen sanctus Doctor de ignorantia circa præcepta naturalia & divina non loquitur, ut inferius videbimus.

Can. *Omnes*
28. q. 1.

D. Th. 2. 2. q. 76. a. 2. in corp.



CAPUT II.

*De regulis generalibus ad cognoscendum
quando contra conscientiam, aut
contra præcepta peccetur.*

Quæst. 1. Quid est Conscientia?

D. Ant. 1. p.
t. 3. cap. 10.
§. 1.

Resp. Cum conscientia sit *Cordis scientia*, ut ait sanctus Antoninus, unde dicitur *quasi cum alio scientia*; rectè definiri potest: Quod dicat & ostendit id quod agere debemus aut fugere, ut rectè vivamus. Hæc definitio sumitur à sancto Thoma: *dicitur namque conscientia testificari*, ait sanctus Doctor, *secundum quod per nostram conscientiam judicamus aliquid esse faciendum, vel non faciendum.*

D. Th. 1. p.
q. 75. a. 1j.
in corp.

Quæst. 2. Quomodo dividi potest conscientia?

Resp. Duæ sunt tantum conscientiæ species, ad quas cæteræ reducuntur: prima vera est, & ea ad quæ obligamur rectè ostendit: altera falsa aut erronea appellari potest, quia nos in errorem inducit, & falsum pro vero proponit.

Quæst. 3. Qualis est vera conscientia?

Resp. Illa est quæ præceptis conformis est, & id facere suadet ad quod præcepta nos obligant.

Quæst. 4. Qualis est conscientia erronea & falsa?

Resp. Est quædam interior apparens lux, quæ nos ad agendum ea quæ prohibita sunt inducit, ostendens & persuadens non esse prohibita.

Quæst. 5. Possumus ne sequi conscientiam erroneam?

Resp. Primò illud certum est, nos non posse

CAP. II. De Regulis generalibus. 19

agere contra dictamen conscientiae, etiamsi erronea sit, & dicat illud malum esse quod in se bonum est; quia, ut ait sanctus Thomas, Error quo creditur esse mortale quod non est mortale, ex conscientia ligat ad peccatum mortale; quia ex eodem Angelico Doctore, Ex quo aliquid proponitur à ratione ut malum, voluntas dum in illud fertur accipit rationem mali: Si ergo proponatur ut malum à ratione errante, fertur in hoc sub ratione mali, unde voluntas erit mala, quia vult malum, non quidem id quod est malum per se, sed id quod est malum per accidens propter apprehensionem rationis: sicut credere in Christum est per se bonum & necessarium ad salutem; sed voluntas non fertur in hoc nisi secundum quod à ratione proponitur: unde si à ratione proponatur ut malum, voluntas feretur in hoc ut malum, non quia illud sit malum secundum se; sed quia est malum per accidens ex apprehensione rationis. Et hoc modo peccat quis contra conscientiam, etsi contra praecepta expressè non peccet.

Quaest. 6. Nunquam ne peccat quis sequendo dictamen conscientiae erroneae?

Resp. Cum, ut supra exposuimus, possit quis duobus modis peccare, aut contra conscientiam aut contra praecepta, saepe accidit, licet quis contra conscientiam non peccet; attamen, quia ea conscientia erronea est & hic error est quodam modo voluntarius, ut explicabitur inferius, peccat contra praecepta. Sanctus Bernardus acriter invehitur in Epistola aut potius tractatu ad Hugonem à sancto Victore misso, in nescio quem doctorem, qui temerè asseruerat non posse peccari per ignorantiam: *Veritatis testimoniis paucis & manifestis, manifestum mendacium confutetur*, inquit idem sanctus Doctor: *Is forsitan qui asserit non posse pec-*

D. Th. Quodlibet 9. q. 7. a. 2. in corp.

D. Th. 1. 2. q. 19. a. 3. in corp.

S. Bern. Epistola 77. ad Hugonem à sancto Victore.

10 Tract. I. De Morali in genere.

cari per ignorantiam, nunquam pro suis ignorantibus deprecatur, sed potius Prophetam irridet deprecantem & dicentem: DELICTA JUVENTUTIS MEÆ ET IGNORANTIAS MEAS NE MEMINERIS. Forsitan & reprehendet Deum exigentem pro peccato ignorantia satisfactionem. Si ignorantia nunquam peccatum est, cur dictum est in Epistola ad Hebræos quia in secundo tabernaculo semel Pontifex in anno solus intraret, non sine sanguine quem offerret, pro sui & populi ignorantia? Si peccatum ignorantia nullum est, non ergo peccavit Saulus, quod persecutus est Ecclesiam Dei, quoniam quidem ignorans hoc fecit, manens in incredulitate. Bene itaque faciebat quod erat blasphemus & persecutor & contumeliosus; quod erat spirans minarum & cadis in discipulos Domini, in hoc ipso quippe abundantius amulator existens paternarum suarum traditionum. Non ergo debuit dicere: misericordiam consecutus sum, sed mercedem recepi; quippe quem ignorantia à peccato reddebat immunem, insuper & amulatio remunerabilem judicabat. Si inquam ignorantia nunquam peccatur, quid ergo causamur adversus occisores Apostolorum, quoniam quidem non solum malum esse nescierunt interficere illos, sed insuper quoque, id faciendi arbitrati sunt obsequium se prestare Deo; sed & frustra in Cruce Salvator orabat pro suis Crucifixoribus, quippe nescientibus, ipso teste, quid facerent, & ita nequaquam peccantibus. Nunquid non ex his satis apparet, in quantis jaceat ignorantia tenebris, qui ignorat peccari posse interdum per ignorantiam?

Quæst. 7. Quando nam peccati reus fit is qui conscientiam erroneam sequitur?

Resp. Responderi potest ex sancto Thoma peccari sequendo conscientiam erroneam, quan-

CAP. II. De Regulis generalibus. 21

talis error est aliquo modo voluntarius ; & orantia, ut docet Angelicus Doctor , est voluntaria dupliciter ; uno modo, quia actus voluntatis fertur in ignorantiam. Sicut cum aliquis orare vult, vel ut excusationem peccati habeat, vel ut non retrahatur à peccando. Alio modo dicitur ignorantia voluntaria ejus quod is potest scire & debet. Unde dicitur in Canone, quod Non omnis qui ignorat immunis est poena (id est ut ait Glossa, à peccato) ille enim potest excusari à poena qui quod disceret non invenit.

Can. Non omnis, dist. 37.


Quaest. 8. Quo pacto error conscientiae à angressione praeceptorum potest excusare?

D. Th. ibidem.

Resp. Quando provenit ex ignorantia penitus involuntaria ; & involuntaria est, ut ait beatus Thomas, cum aliquis homo ignorat aliquam circumstantiam actus, quam non tenetur scire, & ex hoc aliquid agit, quod non noceret si sciret : puta cum aliquis diligentiam adhibita, nesciens aliquem transire per viam, projicit sagittam quam interficit transeuntem : talis ignorantia causat involuntarium simpliciter. Et ita proprie loquendo ignorantia à peccato excusat, si invincibilis sit, id est, cum quis non potuit scire ea ad quae obligabatur ; & converso ignorantia non excusat quando vincit, id est quando quis poterat eam superare aliquo modo, & deceptus est, quia negligens fuit.

Quaest. 9. Quo tandem modo ignorantia potest esse invincibilis ?

Resp. Duae sunt species ignorantiae, nam alia est ignorantia juris, alia facti : per ignorantiam juris ignorantur ea quae praecepta sunt, & ita ignorantia juris est, nescire prohibitum esse diebus veneris carnem manducare. Ignorantia vero facti ea est, quam quis sciens praecepta,



22 Tract. I. De Morali in genere.

ignorat tamen illud quod agit, esse contra præcepta; ut si quis sciens prohibitam esse comestionem carnis diebus veneris, carnem tamen comedit, putans non esse carnem sed piscem; talis ignorantia facti est, non juris. His positis respondeo, ignorantiam juris ferè nunquam excusare omnino, quia tenemur scire ea quæ sunt juris; ignorantia verò facti potest esse invincibilis, & ita potest quis errare in facto sine peccato, ut si illud ignoret sine ulla sua culpa. Unde concludere possumus cum Bonifacio 8. in regula *Ignorantia*, quod generaliter loquendo *ignorantia facti, non juris excusat.*

Quæst. 10. Quandonam invincibilis est ignorantia juris, & non excusat à peccato: & quandonam invincibilis est & excusat?

Resp. Antequam illius quæstionis solutionem demus, supponendum est, duas esse species juris; aliud namque est jus naturale, aliud positivum, quod potest subdividi in jus positivum divinum, & jus positivum humanum. *Lex naturalis*, inquit sanctus Thomas, *nihil aliud est quam participatio legis aeternæ in rationali creatura, quasi lumen rationis naturalis, quo discernimus quid sit bonum & quid malum;* & ut ait sanctus Ambrosius, *Ignorantia juris naturalis omnibus adultis damnabilis est:* quod clariùs explicans sanctus Augustinus: *Ignorantia*, inquit, *neminem sic excusat ut sempiterno igne non ardeat, sed fortassis ut mitiùs ardeat.* Et licet obijci possit sanctum Augustinum ibi tantum agere de ignorantia circa ea quæ fidem respiciunt; attamen principia & rationes ejusdem sancti Doctoris, eandem vim habent circa ea quæ ad mores spectant; cum præsertim alibi dicat, quod *neceffe est ut peccet à quo ignoratur justitia*, id est qui ignorat id quod agit esse contra legem naturalem; & peccatum

Regula: *Ignorantia*. de regulis juris in 6.

D. Th. I. 2. q. 91. 2. 2. in corp.

Can. Turbatur. 1. q. 4.

S. Aug. de gratia & lib. arbit. ad Valentinum cap. 3.

Lib. 1. operis imperfecti. c. 106.

CAP. II. De Regulis generalibus. 23

orantiæ esse voluntarium voluntate facti, & voluntate peccati. . . . quod tamen factum ratum fuit. Et alio in loco ita differit: si quis eum putaverit quod malum est, hoc putando que peccat: & ea sunt omnia peccata ignorantia, quando quisque bene fieri putat, quod lè fit. Unde concors est sententia, ut ait Ger-
son, nullam in his quæ legis divinae sunt, causam ignorantiam invincibilem. Quod videtur colligi debere de lege divina quæ in Decalogo continetur, cuius præcepta ad jus naturale spectant; ratio autem cur talis ignorantia non ex-
cet, ea est, ex sancto Thoma; quia habet semper in nobis lumen necessarium ad cognoscenda præcepta naturalia, & illa tantum oramus, quia non satis curavimus iis uti diis quibus ad eorum cognitionem devenire eramus: Signatum est, inquit, super nos veni vultus tui Domine; quod pertinet ad naturalem legem, quæ nihil aliud est, quam im-
pressio divini luminis in rationali creatura. hæc doctrina saltem debet intelligi de primis magis obviis principiis legis naturalis & conclusionibus ab his principiis non multum remotis, ut colligitur ex his quæ dicit idem sanctus Doctor 2. part. quæst. 94. art. 6. in corp. qui illis juris naturalis præceptis loqui putatur non asserit, quod diverse opiniones Doctorum contra Scripturam, si quidem non pertineant ad bonos mores, absque periculo audito-
utramque opinionem sequi possunt: tunc non habet locum quod Apostolus dicit ad Romanos. 14. Unusquisque in suo sensu abundet. In vero quæ pertinent ad fidem & bonos mores, nullus excusatur, si sequatur erroneam opinionem alicujus magistri; in talibus enim ignorantia non excusat. Et eodem modo intelligi debet videtur quod alio in loco dicit: Illud

Lib. 1. Re-
tracti, cap. 15.

Epist. 154.
Joan. Gerson;
lib. de vita
Spiritali lecti;
4. Coroll. 3.

D. Th. 1. 2;
q. 91. 2, 2, in
corp.

D. Th. Quod-
lib. 3. art. 10.

Quodlib. 8;
art. 13.

24 Tract. I. De Morali in genere.

quod agitur contra legem, semper est malum; nec excusatur per hoc quod est secundum conscientiam.

Et etiam si contingere posset in aliquo extraordinario casu, ut nullam haberemus culpam in tali ignorantia; attamen quia illud rarissimum est & difficilè admodum discerni potest, deberemus in praxi judicare, quod à culpa liberi non sumus, dum re vera aliquid egimus quod contra jus naturale erat.

Ignorantia verò juris positivi divini aut humani, reperitur in eo qui nescit leges & præcepta ad quæ servanda obligatur, sive sint à Deo, sive ab Ecclesia aut alio superiori legitimo justè præcipiente.

Quaest. 11. In quibusnam casibus ignorantia juris positivi divini & humani excusat, aut non excusat?

S. Th. 1. 2. q. 19. 2. 6. in corp. *Resp.* Dicendum est cum sancto Thoma, quod *si ratio vel conscientia erret errore voluntario, vel directè, vel propter negligentiam, quia est error circa id, quod quis scire tenetur; tunc talis error rationis vel conscientia non excusat, quin voluntas concordans rationi vel conscientia sic erranti sit mala. Si autem sit error qui causet involuntarium, proveniens ex ignorantia alicujus circumstantia absque omni negligentia, tunc talis error rationis vel conscientia excusat, ut voluntas concordans rationi erranti non sit mala.*

Quaest. 12. Quam quæso securitatem habere debemus antequam agamus, quod lumen conscientiae nostrae veritati conforme sit, ut illud sequendo non peccemus?

D. Ant. 1. p. tit. 3. v. 3. c. 10, §. 10. *Resp.* Cum sancto Antonino, quod certitudo quæ requiritur in materia morali, non est certitudo evidentiae, sed probabilis conjectura.

Quaest. 13.

CAP. II. *De Regulis generalibus.* 25

Quaest. 13. Quæ est, & in quo consistit illa certitudo moralis?

Resp. Idem, sanctus Antoninus ibidem dicit, quod non consurgit certitudo moralis ex evidentiâ demonstrationis, sed ex probabilibus conjecturis grossis & figurabilibus magis ad unam partem quàm ad aliam se habentibus. Notandum est quod sanctus Antoninus loco supra citato, loquens, ut ipsemet dicit in eo loco pro conscientis scrupulosis, voluit omnino uti modo loquendi proprio, & apto ad dispellendos vanos terrores, quibus tales sæpius concutuntur: & expendens quod numquam ferè putant se habere certitudinem moralem de bonitate suorum actuum, conatus est talem certitudinem illis faciliorem reddere quantum poterat, ut illorum infirmitati mederetur: quod utile admodum est observare, ut verus dicti sancti Doctoris sensus in hac materia intelligatur discernaturque. Sed ut illa difficultas magis dilucidè explicetur & solvatur, possumus considerare hominis conscientiam in triplici statu: aut enim sufficienter convincitur ex his quæ sibi apparent, se posse agere sine errore & peccato, & hæc dicitur conscientia probabilis: aut non ita clarè videt quid sibi agendum sit, sed hæret dubius inter duas opiniones contrarias, non valens discernere quænam ex his verior sit, & hæc vocatur conscientia dubiosa: aut denique habet quidem ex una parte rationes fortes quibus convincitur se posse licitè quid facere; sed tamen restat aliquis timor vanus & nullâ solidâ ratione nixus; & hæc est conscientia scrupulosa. De variis illis conscientiæ nostræ statibus sigillatim tractabimus inferiùs.

CAPUT III.

De Conscientia probabilis.

Quæst. I. QUID est conscientia probabilis?

D. Th. opus.
de fallaciis.
cap. 2.

Resp. Conscientia probabilis nihil aliud est, ut modo diximus ex sancto Antonino, quam convictio quædam interior proveniens ex certitudine morali, quam de bonitate, & rectitudine nostræ actionis habemus, ex probabilibus conjecturis magis ad unam partem quam ad aliam se habentibus, quibus suadentibus putamus nos non errare. Hæc definitio vel descriptio convenit cum illa quæ ex sancto Thoma habetur, qui asserit, quod *Probabilia dicuntur quæ videntur omnibus, vel pluribus vel sapientibus, aut omnibus vel precipuis & maximè notis.*

Aristoteles
lib. 8. Topi-
cor. cap. 10.

Hæc certè definitio multum differt ab ea quam varii neoterici authores passim tradunt; imò dispungere quodammodo videtur multas illorum opiniones, dum rejicit opinionem minus probabilem, & eam, quæ cum non magis appareat probabilis quàm opposita, dici & considerari in praxi debet potius tanquam dubia, quam tanquam probabilis. Sed existimavi, illam definitionem quam sanctus Thomas ex Aristotele sumpsit, attendendo maximè praxim, esse accuratiorem, & statim ante oculos ponere & indicare, quæ sit vera probabilitas, & conscientia probabilis; & ideo præferendam esse definitioni, juxta quam illa opinio dicitur probabilis quæ niritur fundamento solido & idoneo ad persuadendum hominem prudentem; nam in praxi, fundamentum illud

CAP. III. De Consc. probabili. 27

lidum non est, nec dignum cui homo prudens adhæreat, dum concurrit cum alio contrario fundamento, æquè vel magis solido & efficaci, quòd scilicet suadet contrariam opinionem: maximè dum in tali electione opinio-um de salute æterna agitur.

Quæst. 2. Sumus ne semper in securi conscientia, quando juxta probabilitatem operamur?

Resp. Ut huic quæstioni, quæ maximi momenti est, & quæ majores totius Theologiæ moralis difficultates involvit, dilucidè & solidè responderi possit, supponendum est, conscientiam aut opinionem probabilem, in tribus statibus diversis considerari posse. Primò dum opinio probabilis nititur rationibus & fundamentis supra dictis, nec ulla apparet ratio aut autoritas, quæ nos possit movere ad dubitandum de rectitudine & veritate opinionis quam sequi intendimus. Secundò dum quædam opinio in se probabilis, impugnatur, rationibus aut autoritatibus contrariis, & æqualis ponderis, & ita concurrit cum opinione contraria æqualiter probabili. Tertiò cum opinio in se probabilis habet tamen contra se rationes aut auctoritates solidiores & majoris ponderis, & ita concurrit cum opinione contraria magis probabili.



CAPUT IV.

Quid agendum , quando quis habet opinionem aut conscientiam probabilem , quæ à nulla contraria probilitate minuitur , & impugnatur.

Quæst. I. **P**OTEST ne quis esse securus , se non peccare contra conscientiam , quando sequitur opinionem probabilem , quæ nullam habet opinionem aut rationem quæ illam impugnet ?

Resp. Constat ex his quæ ex sancto Thoma , & sancto Antonino supra relatæ sunt , quod dum quædam opinio ita probabilis est , ut omnes rationes & autoritates quæ intellectui nostro sese offerunt illi opinioni faveant , nec quidquam in contrarium videamus quod possit tales rationes aut autoritates invalidare , in hoc casu non peccat contra conscientiam qui talem opinionem sequitur ; & ratio est , quia , ut jam diximus , cum sancto Antonino. *Certitudo quæ requiritur in materia morali , non est certitudo evidentia , sed probabilis conjectura ;* & ita sufficit quod habeamus certitudinem moralem , de bonitate nostræ actionis , ut simus liberi à peccato ; at evidens est , illum qui habet opinionem hoc modo probabilem de bonitate suæ actionis , habere etiam eam certitudinem moralem ; quandoquidem necesse non est ut oriatur hæc certitudo ex demonstratione quæ nos evidenter de veritate convincat , sed sufficit ut adsint rationes probabiles , quæ nos potius moveant ad illam opinionem sequendam , quàm eam quæ illi contraria est. Et ita

S. Ant. p. 7.
tit. 3. cap. 10.
§. 10.

CAP. IV. De Consc. probabili. 29

concludi potest, illum esse securum se non peccare contra conscientiam, qui operatur iuxta opinionem probabilem, contra cuius veritatem nullam rationem videt.

Quest. 2. Si quis ignorans jus naturale & divinum, putaret se obligari ad aliquid agentium, quod est illi juri contrarium, posset ne excusari sequendo illam opinionem quam probabilem credit?

Resp. Respondetur ex sancto Thoma, talem non excusari; quia hic error provenit ex ignorantia legis naturalis, quam omnes scire tenentur. *Si ratio errans dicebat*, inquit Doctor Angelicus, *quod homo teneatur ad uxorem alterius accedere, voluntas concordans huic rationi erranti est mala, eo quod error ille provenit ex ignorantia legis Dei quam scire tenetur.* Præterea non excusaretur, quia non possumus habere opinionem verè probabilem quæ præceptis naturalibus contraria sit; habemus enim semper in nobis lumen sufficiens ad illa cognoscenda, & si velimus uti tali lumine, & mediis quæ ab illo nobis suppeditantur, ad cognoscendas tales veritates, semper nos inducet ad faciendum ea, quæ præceptis conformia sunt, potius quàm ea quæ illis adversantur; & ut ex doctrina supra relata patet, necesse est, ut opinio quælibet sit verè probabilis, quod quis rationes contrarias perpendens veritatem inquirat, & omnibus pensatis illam potius quàm oppositam, veram putet; & illa *Certitudo moralis*, ut ait sanctus Antoninus, *consurgit ex probabilibus conjecturis, grossis & figurabilibus magis ad unam partem quam ad aliam se habentibus.* Et ita si in praxi quis putaret opinionem verè contrariam juri naturali, esse probabiliorem; in hoc semper esset in culpa, & talis error

D. Th. 1. 2.
q. 19. a. 6.
in corp.

S. Ant. 1. p.
tit. 3. c. 10.
§. 10.

30 Tract. I. De Morali in genere:

oriretur ex aliqua cæcitate & ignorantia aliquomodo voluntaria, quæ non totaliter excusat, juxta ea quæ ex sancto Augustino & ex sancto Thoma diximus supra capite secundo.

Quæst. 3. Si is, qui ignorans jus naturale & divinum, putat se obligari ad agendum aliquid quod illi juri adversatur, peccat illud agendo; sequitur quod ille tunc necessario peccat, sive operetur, sive non operetur; nam ex una parte ille non potest agere contra dictamen conscientiæ sine peccato, & ex alio peccat etiam sequens illam erroneam conscientiam?

S. Th. 1. 1. q. 19. 2. 6. ad 3. Resp. S. Thomas illi objectioni quam sibi proposuerat, respondet: *Dicendum*, inquit, *quod sicut in syllogisticis, uno inconvenienti dato, necesse est alia sequi: ita in moralibus uno inconvenienti posito, ex necessitate alia sequuntur.* Sicut supposito quod aliquis quærat inanem gloriam, sive propter inanem gloriam, faciat quod facere tenetur, sive dimittat, semper peccabit: nec tamen est perplexus, quia potest intentionem malam dimittere: Et similiter supposito errore rationis, vel conscientia, qui procedit ex ignorantia non excusante, necesse est quod sequatur malum in voluntate; nec tamen est homo perplexus, quia potest ab errore recedere, cum ignorantia sit vincibilis & voluntaria. Et ita sequitur ex sancto Thoma, quod ratio, propter quam ignorantia juris naturalis non excusat, ea est, quia non est invincibilis, & ita aliquo modo voluntaria est. Vide quæ infrà cap. 6. q. 9. dicta sunt.



CAPUT V.

Quid agendum sit quando aliqua opinio probabilis, concurrit cum alia contraria equè probabili.

Quaest. I. **O**PINIO quæ aliquandiu probabilis fuit, est ne semper probabilis?

Resp. Cum juxta definitionem ex sanctis Thoma & Antonino supra relatam, opinio probabilis sit certitudo moralis de rectitudine nostræ actionis, proveniens ex conjecturis prebabilibus; quæ ad eam sequendam potius quàm contrariam nos inducunt, perspicuum est, opinionem quæ probabilis erat, quia magis conformis præcepto videbatur, quàm alia, posse tractu temporis fieri improbabilem, & à sua probabilitate cadere; cum possit faciliè accidere, quod ille qui habebat rationes aut auctoritates, quæ illum sufficienter convincebant, se habere certitudinem non physicam sed moralem, de rectitudine suæ actionis, inveniat deindè rationes & auctoritates contrarias, quibus moveatur ad credendum cum solido fundamento, illam opinionem, quam putabat probabilem, dum nihil illi contrarium videbatur, suam probabilitatem his apparentibus rationibus perdidisse. Ipsa quotidiana experientia talem veritatem confirmat; nullus enim est, qui non sciat & experiatur aliquando, illud quod moraliter certum visum erat in quibusdam circumstantiis, videri processu temporis dubium, aut etiam falsum novo accedente lumine, & re melius consideratâ. Con-

32 Tract. I. *De Morali in genere.*

cludamus igitur illum in magno errore versa-
ri, qui putet in materia morali, illud esse
semper probabile quod aliquandū probabile
fuit.

Quest. 2. Quando opinio probabilis con-
currit cum opinione contraria æquè probabi-
li, perdit-ne suam probabilitatem?

D. Th. q. 14.
de veritate,
art. 10.

Resp. Respondeo affirmativè, quia ex hoc
dubia efficitur; quod probatur ex sancto Tho-
ma qui sic disserit: *Intellectus noster respectu
partium contradictionis se habet diversimodè:
quandoque enim non magis inclinatur in
unam quàm in aliam, vel propter defectum
moventium, sicut in problematibus, de quibus
rationes non habemus, vel propter apertam
æqualitatem earum qua movent ad utramque
partem, & ista est dubitantis dispositio.* Ex
quo sequitur, juxta mentem Doctoris Ange-
lici, nos esse in dubio, quoties habemus varias
rationes quæ nos æqualiter movent ad creden-
dum unam opinionem esse veram quantum
contraria; & consequenter dicendum est, opi-
nionem probabilem quæ fundatur super ratio-
nibus probabilibus, fieri dubiosam, dum est in
concurso opinionis contrariæ quæ æquè solidis
rationibus nititur.

Quest. 3. Quid agendum est, dum sumus
suspensi inter duas opiniones contrarias æquè
probabiles?

S. Ant. 1.
part. tit. 20.
de regulis
Juris.

Resp. In hoc casu, aut adest quædam ne-
cessitas operandi, aut non: si nulla sit necessi-
tas, operandum non est; quod probatur ex
sancto Antonino, qui dicit, quod *dubium pro-
babile est, cum scilicet rationes sunt ad utram-
que partem quasi æquales, & peccatum grave
est se exponere tali dubio, ubi est mortale.*
Quod si quis teneatur operari, tunc non debet
amplius probabilitati unius ex his opinionibus

CAP. V. De Consc. probabili. 33

confidere, quia hujusmodi probabilitas evanuit ut supra diximus, sed adhaerere debet opinioni tutiori; quia quoties sumus in dubio, tenemur omnino sequi opinionem magistram, juxta axioma saepius in jure Canonico repetitum: *In dubiis tutior via est eligenda*; quod etiam probat sanctus Antoninus exponens illud Ecclesiastici: *Qui amat periculum peribit in illo*. Hinc est, inquit, quod Beatus Thomas & alii dicunt quod ille qui agit id de quo est dubium utrum sit mortale, vel non, peccat mortaliter, quia periculo se exponit mortalis. Cum ergo in aliqua materia mortali, sunt varia & contraria opiniones ille qui adhaeret opinioni latioris via, videtur se exponere periculo mortalis, quia est in dubio, cum possit illa opinio esse falsa, & contraria vera: sed ad hoc respondetur, quod utique ille qui agit scienter id de quo dubitat esse mortale, permanente dubitatione mortaliter peccat, etiam si illud in se non esset mortale, sumendo proprie & strictè dubitationem, prout rationes sunt aequae ponderantes ad utramque partem, nec magis quis decinat ad unam, quam ad aliam. Unde sequitur, quod, juxta mentem sancti Antonini, ille peccat mortaliter, qui in concursu duarum opinionum contrariarum aequae probabilitum, sequitur latiore. Quia ut decernit Eugenius Papa in Canone, in his quae dubia sunt quod certius existimamus tenere debemus. Ideo Innocentius tertius consultus super quaestione magni momenti, in qua pro affirmativa, ut & pro negativa variae inveniri poterant rationes probabiles, omnibus pensatis: Nos, inquit, in hoc dubitabili casu, quod tutius est sequentes, mandamus, &c. quod idem placet est, ac si dixisset Pontifex, quod in tali casu amplecti omnino

Cap. ad audientiam. De homic. voluntario.

D. Anr. 1. patt. tit. 1. cap. 10. §. 10.

Cap. 7. Veniens. de Sponsalib.

Cap. Veniens. de Presbyt. non baptizato.

34 Tract. I. De Morali in genere:

debemus illam opinionem quæ tutior est.

D.Th. quodl.
8. art. 13.

Nec minus evidens est ex sancto Thoma, quod inter duas opiniones æque probabiles, debemus sequi tutiorem: *Ille*, inquit, *qui in quamdam dubitationem inducitur contraricitate opinionum, si manente dubitatione plures prabendas habet, periculo se committit, & sic procul dubio peccat: utpotè magis amans beneficium temporale, quam propriam salutem.* Quod certè dici potest de his omnibus, qui ex duabus opinionibus æque probabilibus, tutiorem non eligunt; quia hæc cæcitas provenit ex eo quod magis eligunt propriæ cupiditati inservire, quàm salutem in tuto ponere.

B. Ant. 16
part. 1. 9. c.
1. §. 3.

Unde sanctus Antoninus exponens regulam illam Juris, in qua dicitur, quod is qui se exponit periculo peccandi mortaliter, reverà mortaliter peccat: *Exponere*, inquit, *se periculo mortalis peccati, est peccatum mortale: vel sic agere incertum, & dimittere certum quod sit mortale: sed intelligitur dum tale est vehementer & probabiliter incertum, estque sicut oppositum, vel magis; tunc enim illud quod agit, non carebit mortali culpâ, aliter non.*

Epist. 1. Pa-
ris Mutii
Vitelleschi
Romæ 4. Jan.
1617. ad Su-
periores So-
cietatis Jesu.

Possumus adjungere his auctoritatibus illud quod habetur in Epistola R. P. Mutii Vitelleschi Generalis præpositi Soc. Jesu ad Superiores ejusdem Societatis. *Quartò*, inquit, *nonnullorum ex Societate sententia in rebus præsertim ad mores spectantibus plus nimio libera, non modo periculum est ne ipsam evertant, sed ne Ecclesia etiam Dei universa insignia afferant detrimenta. Omni itaque studio perficiant, ut qui docent, scribuntve minime hæc regula & norma in delectu sententiarum utantur: tueri quis potest, probabilis est, autorem non caret: verùm ad eas sententias*

CAP. V. De Consc. probabili. 35

cedant, quæ tutiores, quæ graviorum, maiorisque nominis Doctorum suffragiis sunt frequentata, quæ bonis moribus conducunt magis; quæ denique pietatem alere & prodesse queant, non vastare, non perdere. Vide quæ diximus Tom. 4. tract. 9. de matrim. cap. 10.

1. 27.

Quæst. 4. Nonne accidere potest quod opinio dubiosa in theoria, seu speculative, fiat tamen probabilis in praxi, & ita quod in casu proposito, licet concursus probabilitatum contrariarum, dubias efficiat speculative duas opiniones æquè probabiles, ut probatum est; at tamen in praxi una ex his duabus, aut etiam duæ sint æquè probabiles, ita ut possimus quamlibet earum sequi tuta conscientia?

Resp. Verum quidem est, opinionem speculative dubiam, posse fieri probabilem in praxi, si occurrat aliqua circumstantia, quæ dubitationem amputet, & efficiat quod auxilio alicujus novæ rationis eadem opinio quæ ex probabili facta fuerat dubiosa, fiat ex dubiosa probabilis; sed si nullæ adsunt novæ circumstantiæ, aut rationes quæ dubium tollant, opinio semper remanet dubia, & consequenter tenemur sequi tutiorem, ut supra dictum est. Nam nullo modo dici potest, quod etiam si simus dubii de rectitudine alicujus actus, verbi gratia utrum liceat pingere diebus festis, possumus tamen in praxi id agere de quo speculative dubitavimus, quamvis nulla adsit in praxi circumstantia diversa ab his quas in Theoria perpendimus, quod est manifestè contrarium autoritatibus sancti Thomæ & sancti Antonini modo relatis: dicit enim expressis verbis sanctus Antoninus, quod *cum in aliqua materia morali sunt varia & contraria opiniones, illa qui adhæret opinioni latioris via,*

D. Ant. 1.
par. tit. 3. c.
10. §. 10.

36 Tract. I. De Morali in genere.

videtur se exponere periculo mortalis, quia in dubio. Et ita vult dubium practicum oriri ex dubio speculativo de veritate opinionis; & ita illud quod est dubium in speculatione, esse semper dubium in praxi, nisi occurrat in praxi aliqua circumstantia quæ efficiat, ut nullum sit amplius dubium, etiam speculativum: exempli gratiâ, si velimus supponere dubium esse speculativè loquendo utrum licitum sit pingere diebus festivis, verè dicetur, quod is qui pingit in die festivo, est in dubio, nisi superveniat in praxi aliqua circumstantia, ut necessitas extrema, quæ efficiat ut id quod dubium erat, dubium amplius non sit ratione illius novæ circumstantiæ.

Quæst. 5. Nonne grandis illa turba scriptorum, qui asserunt, nos ex duabus opinionibus probabilibus posse sequi eam quæ magis arripdet, potest esse loco circumstantiæ sufficientis, ad reddendum probabile in praxi illud quod erat dubium speculativè?

Resp. Nequit prorsus ille numerus conscientiam nostram in tuto ponere, dum ex duabus opinionibus probabilibus, sequimur eam quæ minus tuta est; quia, ut jam probavimus, certum est nos tunc esse in dubio, quia habemus æquales rationes pro una opinione, quam pro opposita: & indubitatum est, & definitum in multis Canonibus, & à sanctis Patribus non paucis, nos in dubio sequi debere id quod tutius est: & ita cum ex consensu unanimi omnium etiam probabilitatum, opinio quorundam doctorum, non possit facere opinionem probabilem contra determinationem expressam Ecclesiæ, concludendum est opinionem omnium illorum Doctorum & scriptorum, qui asserunt licere sequi quamlibet ex æquè probabilibus, non posse conscientiam nostram in tuto ponere.

CAP. V. De Consc. probabili. 37

Præterea opinio illorum Doctorum, qui probabilistæ dici possunt, à multis aliis rejicitur & impugnatur, quorum potius pondus & auctoritas considerari debet, quàm numerus. Et cum non possimus dubitare quin probabilistæ in multis opinionibus moralibus erraverint, quæ opiniones à sancta Sede damnatæ sunt, meritò ab illis discedere debemus, & illorum sententiam non sequi in hacce de probabilitate quæstione; quæ certè haberi debet tanquam maximum principium totius doctrinæ moralis, & illud ex quo tales autores falsa & perniciofa admodum consecutaria hauserunt: quod re verà mirum quantum minuit auctoritatem, quam dicti probabilistæ aliundè sibi conciliare possent.

Sed si non solùm ponderentur, verùm etiam numerentur hodie Doctores qui probabilissimum rejiciunt, postquam hæc quæstio fuit maturè discussa, dubitari vix potest quin multùm prævaleant, doctrina & pietate celeberrimus Cardinalis de Aguirre, cujus recens memoria in benedictione est, non in Urbe tantùm, ubi præsertim luxit, sed etiam in toto orbe Christiano: in Synopsi iterùm Romæ excusa, postquam Bellarminum, Palavicinum, Caïetanum, Toletum in prima editione Romana, Paleotum Lauream, & alios Cardinales enumeravit laxæ probabilitatis impugnatores. *Nimirum*, inquit, *hic fuisse* videtur semper spiritus Ecclesiæ, tam in Pontificibus Romanis, Cardinalibus & Episcopis, quotquot Canones Conciliorum ediderunt, quam in iis qui pietatis & doctrinæ laude illos usque modò imitati sunt. Unde ante & post Pontificatum laudati Alexandri VII. mirum est quo zelo, quâ eruditione & constantia, quam plurimi Episcopi præstantissimi nominis, partim vitâ functi, partim superstites, probabilis-

“ Cardinalis
“ Joseph
“ sacens de
“ Aguirre. In:
“ Synopsi Col-
“ lectonis
“ Conciliorum
“ Hispaniæ.
“ Num. 25. &
“ sequ.

38 Tract. I. *De Morali in genere.*

» mum luxuriantem represserint. Quot Conci-
 » lia ab eo tempore in Gallia contra illum usque
 » modo celebrata sunt, unanimi Patrum congre-
 » gatorum suffragio à Merbesio & aliis exscrip-
 » ta : quot conventus Episcoporum, Doctorum
 » clarissimæ Sorbonæ, ac Parochorum Pari-
 » siensium, Rhotomagensium, aliorumque, ad
 » illum exterminandum, & ad proscribendam fa-
 » mosam illam Apologiam Casuistarum, conf-
 » pirarunt.

» Quin & antea, tempore Urbani VIII. qua-
 » tuor Galliarum Archiepiscopi & duodecim
 » Episcopi, die quinta Aprilis anno millesimo,
 » sexcentesimo, quadagesimo-quarto; scrip-
 » sere doctissimam illam Epistolam ad eundem
 » Pontificem quæ omnium ferè manibus teritur :
 » in qua ita lamentantur, laxitatem morum suo
 » tempore grassantem ex licentia opinionum :
 » *Divinorum Sacramentorum usus, qui sacer*
 » *omnino ac salutaris esse debet, in perniciosum*
 » *ac piis omnibus deplorandum abusum sapissime*
 » *convertitur. Depravatis denique ac corruptis*
 » *moribus, blandimenta potius, atque operi-*
 » *menta, quam salubria remedia comparantur :*
 » *Vt ex sententiis ex libris illorum fideliter ex-*
 » *cerptis nemini non apertum atque exploratum*
 » *esse potest. Deinde suum vehemens desiderium*
 » *significant; ad corruptelas morum expurgan-*
 » *das, effranatamque illam quorumlibet flagitio-*
 » *rum, qua nunquam tanta fuit, licentiam,*
 » *augentibus eam in dies novitiis quibusdam*
 » *casuum conscientia Architectis.*

» Similiter Octavius Archiepiscopus Senonen-
 » sis in litteris eodem anno ac die datis ad Emi-
 » nentissimum Cardinalem Franciscum Barberi-
 » num, inquit : *Eò mollietates animorum, ac disci-*
 » *plina elanguescentis dissolutio processit, ut jam*
 » *de vera poenitentia, ac sincero amore Dei loqui,*

CAP. V. De Consc. probabili. 39

venè sit nefas. Hoc videlicet artificium huma-
ni generis hostis excogitavit, quo fatifcentis
religionis degenerem illam laxitatem pro ipsa
religione obtruderet, quasi à diverticulis ad
viam regredi à via aberrare sit. . . . Ita ali-
tur quorumlibet licentia flagitiorum, ita Crux
Christi evacuatur : jam enim crimen ludus
est, & pœnitentia crimini datur. Hæc ille &
plura similia alii Episcopi in Epistola alia ad
Innocent. X. data anno sequenti millesimo sex-
centesimo, quadragesimo quinto, die vigesi-
ma prima Julii adversus prædictam laxitatem.

Quibus verbis zelo & severitate plenis, illam
damnaverint inter plurimos alios præsules,
Eminentissimus Cardinalis de Janson, tunc
Diniensis Episcopus, & illustrissimus Archie-
piscopus Parisiensis de Harlai, tunc Rhotoma-
gensis, satis notum est, & ego possem hoc
loco utriusque verba ac judicia *æquâ modis*
exprimere, si necessum esset. Quot laudes au-
diuntur *Summa illius Moralis*, sex brevibus
tômis comprehensæ, & toties recusæ, hortatu
aut jussu Eminentissim. DD. Cardinalium Gri-
maldi Archiepiscopi Aquensis & de Camus
Episcopi Gratianopolitani, quamvis mihi
hactenus non fuerit otium pervolutandi illam,
sed solum partem libandi. In ea verò passim
ferè ex putis Sacrorum Canonum ac SS. Pa-
trum fontibus theses morum adversus proba-
bilistarum commenta proferuntur : id ipsum
cernere est in *summa Christiana* citati Mer-
besii, duobus magnis voluminibus comprehen-
sâ, & edita sub auspiciis Illustrissimi D. Tellier
Archiepiscopi ac Ducis Rhemensis : quæ (so-
lum obiter à me lecta) videtur catena ferè
continua Moralis Christianæ, ex Canonibus
Conciliorum, & locis sanctorum Patrum con-
texta, adversus laxiores quoslibet. Neminem

40 Tract. I. *De Morali in genere.*

prodo , neminem nomino : generatim loquor
de iis , quicumque demum sint , sive communi
aura fruuntur adhuc , sive jam diem obierint.

Sed & laudandus est maximè inter regula-
res clarissimus Ordo sancti Dominici , qui hor-
tatu laudati Alexandri VII. vexillum extulit
adversus moralem laxam , per doctissimos
alumnos suos , Joannem Martinez de Prado ,
Julium Mercorum , Vincentium Baronium ,
Vincentium Contensonum , Pichinardum , Go-
netum , aliosque similes. Inter quos nuperrimè
Natalis Alexander , idipsum promovit decem
voluminibus editis *Theologia Dogmatica &*
Moralis , præsertim haustæ ex SS. Patribus.
Et meritò quidem ita se gessit prædictus Ordo ;
cùm nihil aliud discere potuerit ab incompara-
bili magistro suo Doctore Angelico , immò &
ab Augustino , ac cæteris SS. Patribus , quorum
germanam mentem circa fidem ac mores , ille
divino ingenio & admiranda claritate expla-
navit , atque in methodum redegit.

Idem ferè dixerim de multis Religionibus ,
præsertim militantibus sub regula ejusdem S.
Augustini , S. Francisci & Carmelitarum , aliis-
que. Multi enim viri doctissimi ex iis intra , &
extra urbem , in lucubrationibus suis , partim
scriptis , partim editis , student , ac studue-
runt probalissimo frænum imponere , abjecta
regula illa lesbia , & male fida , quâ plerique
à fine ferè sæculi præcedentis abducebantur ,
& feruntur adhuc , *Non quòd eundum est , sed*
quòd itur , ut Senecæ verbis utar. Ex solo ordi-
ne sancti Augustini , nunc Romæ habemus Il-
lustrissimos duos Episcopos , Ignatium de la
Zerda Aquilanum , & Lambertum le Drou
Porphyriensem , ac Reverendissimum M. Hen-
ricum de Noris Bibliothecæ Vaticanæ præfec-
tum : ut mittam Magistrum Franciscum Ferra-

CAP. V. *De Consc. probabili.* 41

is, celebrem olim professorem Lovanien-
 sem, & Joannem Schveizerts Doctorem Co-
 nientem: qui verbo ac scriptis refellunt eam-
 n licentiam opinandi. Idipsum accidit ple-
 que Patribus, ne dicam omnibus, Præmon-
 tensibus, & Congregationis Oratorii in Gal-
 ac Belgio, sicut & Patribus Missionis.

Id etiam curarunt hoc tempore nonnulli
 ebres scriptores, aut Doctores Benedictini:
 uti in doctissima & observantissima Con-
 gatione sancti Mauri Galliarum Joannes
 abillon, Tractatu *de Studiis Monasticis*;
 te secunda, cap. 7. Gabriël Gerberon toto
 è libro *De vero Pœnitenti*. In Congrega-
 ne Helvetica Illustriss. D. Cælestinus Sfon-
 tus, abbas sancti Galli, & S. R. I. Prin-
 is, in disputatione Juridica *De lege in pra-*
ceptione fundata, quam edidit Salisburgi
 o 1681. dum esset publicus sacrorum Cano-
 n in ea Benedictina Academia Professor
 iæ plurium Doctorum consensu Probabi-
 um refellit) pariter illum impugnavit pag.
 & seqq. Sunt & alii plures ejusdem senten-
 in diversis Congregationibus Benedictinis
 iæ, Gallia, ac Germaniæ. Quantum verò
 ii collocaverit laudatus Princeps Sfondra-
 , non modo in Theologia, sed in sacris
 onibus, unde doctrina morum solida erui-
 , satis ostendunt celeberrimi ipsius libri qui
 manibus eruditorum omnium summa cum
 le versantur.

erum longe antea in Congregatione Bene-
 na Hispaniæ non defuit qui Doctrinis Ca-
 arum laxis antidotum pararet: ac primus
 lem (quantum capio) Reverendissimus D.
 indus de Torres ejus Generalis, & postea
 iepiscopus Insulæ S. Dominici ac Primas.
 æ Hispaniæ, in sua Philosophia morali

42 Tract. I. De Morali in genere.

„ edita circa annum 1629. atque in alio libro
 „ ms. adversus laxas Recentiorum opiniones,
 „ extante nunc in insigni Bibliotheca Regis ac
 „ celeberrimi Monasterii sancti Facundi, ubi
 „ Abbas fuit. Anno 1653. fuit electus Episcopus
 „ Ecclesiæ Calagurritanæ, eodem tempore quo
 „ præerant Oxmensi D. Joannes de Palafox, &
 „ Placentinæ D. Ludovicus Crespi Tresii præsu-
 „ les doctissimi pariter & vitæ exemplarissimæ,
 „ fama ac scriptis insignes, hortatu Eminentissi-
 „ mi Cardinalis D. Balthasaris de Moscoso &
 „ Sandoval, Archiepiscopi Toletani (cujus me-
 „ moria pariter in benedictione est.) Cæperunt
 „ communi consilio exagitare probabilissimum
 „ tunc longè ac latè grassantem. Hontiveros
 „ speciatim scriptis suis ea de re. titulum dede-
 „ rat: *Lacryma militantis Ecclesiæ*. Verùm an-
 „ no 1662. initio Novembris fractus mortifica-
 „ tionibus, studiis ac laboribus, circumstante, ac
 „ flente toto Clero illius Ecclesiæ, & pauperibus
 „ ejulantibus tam pii Patris obitum, immortalis
 „ fuit opere nondum perfecto, quod proinde in
 „ lucem edi non potuit. Idem ferè acciderat Pa-
 „ lafoxio, qui triennio antè sanctissimè obierat:
 „ id est anno 1669. die tricesima Septembris.
 „ Unde licet tot libris antea editis, sparsim per-
 „ niciosas ac laxas quorundam recentiorum
 „ opiniones impugnasset, non potuit perficere
 „ volumen aliquod ex instituto in eundem sco-
 „ pum. Denique Episcopus Crespius distentus
 „ occupationibus variis, & legatione Majestatis
 „ Catholicæ in Urbem pro causa Conceptionis,
 „ solum potuit edere disputationes Morales sele-
 „ ctas adversus Casuistas & laxos, prurientes
 „ auribus, & nominatim præcipuè adversus D.
 „ Caramuelem. Obiit verò magna sanctitatis opi-
 „ nione relictâ eodem circiter an. 1662.
 „ Unde inferre licet, magnum certè esse nu-

CAP. V. *De Consc. probabili.* 43

erum Authorum maximi ponderis qui pro-
litate explodunt, ut etiam videri potest
p. 6. nu. 8.

Quæst. 6. Nonne potest huic regulæ supra
lata: *In dubiis tutior via est eligenda,*
poni alia regula juris Canonici & civilis, in
ia habetur, quod *in pari delicto vel causa,*
tutior est conditio possidentis. Et ita videtur
od cum homo sit in possessione suæ liberta-
s, potest eligere pro libito unam ex duabus
sionibus; dum non videt majores rationes
o una, quam pro opposita?

Resp. Hæc juris regula locum non habet,
si quando judicandum est ad quem pertine-
debeat aliquis fundus, aut alia res tempora-
s, & possessio æquilibrium in favorem possi-
ntis tollit, dum rationes sunt æqualis pon-
ris pro una parte quam pro alia, sicque du-
um removeret, & inducit ad adjudicandam
am rem litigiosam ei qui possidet; quia ex
oritur justa præsumptio, quod possessor rei,
etiam illius dominus, ex eo quod ut plu-
rum non habetur possessio alicujus rei sine
oprietate, & vix quis proprietati & dominio
ndi renuntiat, quin etiam possessione illius
spoliet. Sed illa regula nullo modo potest
tendi ad alias quæstiones & materias nec eâ
i possumus, dum sumus in dubio utrum talis
tio sit contra legem Dei, aut non; primò
ia falsum est hominem posse esse in posses-
sione suæ libertatis, in præjudicium legis quæ
blicata erat antequam viveret, & ad quam
servandam necessariò omnes homines obli-
untur, eo ipso quod usum rationis attigerunt;
ita hæc species possessionis potius legi quam
bertati faveret. Præterea illa quæ prætendi-
r possessio in favorem libertatis, nullam pro-
cit præsumptionem adversus legem & obli-

“

“

“

De regulis

Juris in 6.

Regula 65i

44 Tract. I. De Morali in genere.

gationem illi obtemperandi, quod aliter se habet in alicujus rei verâ, reali, & corporali possessione, ex qua oritur præsumptio veri domini, quæ justè meliorem possidentis conditionem facit. Concludamus igitur, regulam illam in quæstione supra relatam, non posse locum habere in dubio utrum possimus tutâ conscientia quid facere, an non; cum etiam lex jam diu promulgata in Decretali Clementis Papæ tertii nos obliget, & decernat, quod *in dubiis semitam debemus eligere tutiorem*, & ita sequi opinionem tutiorem, quando duæ æquè probabiles & contrariæ occurrunt; quod eo certius est, quod constat ex Conciliis, sanctis Patribus, & communi sensu Theologorum, non licere id facere de quo dubium est, an sit contra legem; quia ut docet sanctus Thomas, *Qui aliquid committit vel admittit, in quo dubitat esse mortale peccatum, peccat mortaliter discrimini se committens*. Unde præclare Guillelmus Episcopus Parisiensis: *Si dubium est*, inquit, *an liceat, an non; ipsa dubietas certitudo est, & determinatio, quia procul dubio non licet*. Videatur quod dictum est fusiùs, ad varia aliter sentientium subterfugia obtruenda tom. 4. tract. 9. de matrim. cap. 10. q. 27.

S. Th. in 4.
dist. 21. q. 2.
art. 3. ad 3.

Guillelmus
Parisiensis.
lib. contra
plural. bene-
f. c.



CAPUT VI.

Quid agendum, dum ex duabus quæ se offerunt opinionibus, una est probabilior altera.

Quest. I. **Q**UANDO opinio probabilis concurrit cum alia contraria probabiliori, possumus ne sequi minus probabilem?

Resp. Nisi minus probabilis esset tutior, quia magis nos removet à peccato, aut ad maiorem perfectionem ducit, (in quo casu possumus sine dubio eam sequi, licet videatur nos ad id non obligari) debemus necessariò adhærere in praxi opinioni probabiliori. Quæ assertio probatur ex his quæ diximus ad ostendendum, quod in concursu duarum opinionum, quæ videntur æque probabiles, tenemur sequi tutiorem; cum ex eo evidenter sequatur, nos strictiùs etiam obligari ad rejiciendam opinionem minus probabilem, & minus tutam, ut amplectamur illam, quæ & probabilior, & tutior est. Sed præter ea quæ ibi dicta sunt possunt etiam adduci varix auctoritates sanctorum Patrum & Canonum ad illam veritatem magis ac magis confirmandam; licet, cum illa promiscuæ probabilitatis doctrina de nova adinventum sit, & in Ecclesiam introducta, videretur sufficere ad illam evertendam quod reverà non sit fundata in aliqua auctoritate Scripturæ sacræ, aut traditionis, & ita veniat rejicienda; eò magis quod ex illa probabilitatis novitate nobis deberet esse difficillimum invenire sanctos Patres aut Canones qui illam dam-

46 Tract. I. *De Morali in genere.*

nent, cùm sint omnes tali doctrinâ antiquiores.

Attamen probabilitatem, ex speciali quadam Dei providentiâ aliquo modo rejecerunt Patres; & inter alios sanctus Joannes Chrysostomus, qui satis dilucidè ostendit, nos in concursu duarum opinionum, teneri sequi illam quæ eodem tempore & probabilior & securior est, dum sic loquitur: *Si vestimenta empturus gyras unum negotiatorem & alterum, & ubi meliores vestes inveneris, & pretio viliori, ab illo comparas: an non oportet populum circuire omnes doctores, & inquirere ubi sincera veritas Christi venundatur, & ubi corrupta, & veriore eligere plusquam vestimentum?* Et ne posset huic auctoritati responderi, Chrysostomum loqui tantum de consilio, & non de præcepto, superius dixerat, illos qui talem vivendi modum non sequuntur, inexcusabiles esse in eorum erroribus; & ratio est, quia ignorantia non excusat, nisi cùm quis fecit id omne quod potuit, ut inveniret, & amplecteretur veritatem: At non potest dici illum qui sequitur opinionem, quæ illi videtur minus probabilis, conari & omnem industriam adhibere, ut rectè & secundum veritatem operetur, cùm minus probabilis opinio illa sit, quæ veritati minus conformis apparet. Nec etiam huic sancti Chrysostomi auctoritati responderi potest, illum locutum fuisse de his qui in fide errabant; cùm ut in capite secundo diximus, ignorantia non excuset nisi quando invincibilis est, id est cùm quis fecit id omne quod potuit, ut veritatem cognosceret, sive veritas ad mores, sive ad fidem spectet; quod idem planè est in hac parte.

Adde quod Clemens Papa quintus loquens in

D. Chrysost.
Homil. 44.
in Matth.

CAP. VI. De Conse. probabili. 47

una sua Decretali de duabus opinionibus controversis, quia tam ex una quàm ex alia parte multi Doctores stabant: *Opinionem secundam, inquit, tanquam probabiliorẽ & dictis sanctorum, ac Doctorum Theologia magis consonam & concordem, sacro approbante Concilio, duximus eligendam.* Ex quibus verbis possumus concludere quod, cum summus Pontifex dixerit in Concilio generali Viennensi, in concursu duarum opinionum, sequendam esse illam, quæ probabilior est, ille qui non ita se gerit in praxi, salutem suam æternam in grandi periculo ponit.

Clementina
fides. de summa
Trinit. &
fide Catholica.
ca. §. finali.

Quod etiam ex sancto Thoma probatur, qui docet, necessarium esse, ut ille qui aliquam opinionem amplectitur, excusetur à peccato; quod nihil inveniatur, quod possit illum inducere ad credendum, id quod agit, esse præceptis contrarium; sed ille qui sequitur opinionem probabilem in concursu probabilioris, non solum habet aliquid quod illum inducit ad credendum, illud quod agit esse contrarium præceptis, sed etiam habet rationes suadentes id esse prohibitum, quæ fortiores sunt illis, quæ illum movent ad putandum, se non agere contra veritatem præceptorum. Hæc sunt ipsissima sancti Thomæ verba. *Qui non habet conscientiam de contrario, sed certitudinem; sed tamen in quamdam dubitationem inducitur contrarietate opinionum: & sic si manente dubitatione plures præbendas habet, periculo se committit: Et sic procul dubio peccat, utpote magis amans beneficium temporale quàm propriam salutem: Aut ex contrariis opinionibus in nullam dubitationem adducitur; & sic, non committit se discrimini, nec peccat.* Ex quibus verbis sequitur, nos non esse securos in conscientia

D. Th. quod
lib. 3. art. 13.

48 Tract. I. De Morali in genere.

dum sequimur opinionem minus probabilem in concursu probabilioris.

D. Ant. 1.
part. tit. 3.
cap. 10. §. 10.

Hæc eadem veritas ex sancto Antonino probatur, qui ita dilucidè docuit pluribus in locis eam opinionem quam sequimur, ut valdè mirum sit inveniri aliquos hujus sæculi scriptores, qui cum doceant, quemque posse amplecti opinionem minus probabilem relictâ contraria probabiliori, eandem assertionem fulcire ausi sunt autoritate prædicti sancti Doctoris, prætextu quorundam consiliorum quibus scrupulosi succurrere conatur; licet in prima suæ Summæ parte, in qua de præsentī difficultate ex professo tractat, sæpius dicat, quod *Cum bona conscientia potest quis tenere unam partem alicujus opinionis & secundum eam operari excluso saltem scandalo; quæ scilicet pars habeat pro se notabiles Doctores, dummodo talis opinio non sit contra auctoritatem expressam Scripturæ sacre, nec contra determinationem Ecclesiæ Catholicæ, & quod etiam ex contrarietate talium opinionum non inducatur ad dubitandum, sed bonam sibi conscientiam & credulitatem formet de eo quod credit tanquam de probabiliori parte.*

Et cum idem sanctus petiisset paulo superioris, in eodem tamen loco, utrum is qui dubitat ob contrarietatem opinionum, possit unam ex his tutâ conscientia sequi, respondet quod, *Si quis dubitet leviter, & per modum scrupuli, sic agendo contra tale dubium non peccat, dum adhæret opinioni alicujus Doctoris, & habet rationes probabiles pro ipsa, magis quàm pro opposita.* Et ratio est quia ut post sanctum Thomam & sanctum Antoninum diximus; ut opinio sit verè probabilis, necesse est illam habere rationes & fundamenta, quæ nos moraliter convincant eandem opinionem esse

CAP. VI. *De Consc. probabili.* 49

esse magis conformem præcepto, quàm aliam contrariam, & quod omnibus pensatis rationabiliter putemus, rationes, quæ in contrarium adduci possunt esse valde leves, & meritò haberi posse tanquam scrupulos solido fundamento destitutos.

Quæst. 2. Nonne videtur, quod si semper teneamur sequi opinionem probabiliorem, vix possemus esse securi in conscientia, cum semper dubium esse possit, utrum pro viribus conati simus cognoscere, quæ esset opinio magis probabilis. Et ita videtur dicendum, ad vitandos conscientiae terrores, & remorsus, licitum esse, quando concurrunt duæ opiniones contrariae propugnatae à gravibus autoribus, sequi quamlibet ex illis, etiam si minus probabilis appareat?

Resp. Certum est quod tantum abest ut hæc assertio, quod tenemur sequi probabiliorem, fideles in perpetuis scrupulis constituat, quod è contrario hic verus modus est tollendi conscientiae scrupulos; nam, ut ait Clemens Papa quintus, *In his qua salutem anima respiciunt, ad vitandos graves remorsus conscientia, pars securior est tenenda.* Et quantum ad id quod in quæstione habetur, quod scilicet scrupulus oriretur ex dubio utrum quis sufficientem diligentiam adhibuerit ad investigandum quæ esset probabilior opinio; respondeo quod cum nullus dubitet, teneri nos, cum aliqua difficultas ad conscientiam spectans occurrit, eandem diligentiam ponere ad ejus resolutionem habendam, quam poneret homo prudens in negotio quopiam temporali magni momenti: eodem planè modo cum inter duas opiniones probabiles versamur, similem diligentiam adhibere debemus ad cognoscendum quænam pro-

Clem. Exiit
de verb. fig-
nificatione.

babilior sit, quod sufficit pro securitate conscientiae.

Eandem regulam docent omnes Doctores, quando de examinanda conscientia ante Confessionem agitur, cum in hoc concordēs sint, idem tempus & eandem diligentiam apponendam esse ab eo qui confiteri cupit, ad conscientiam examinandam, quæ apponeretur ab homine prudente in magni ponderis negotio: & tamen nemo unquam dixit, illam regulam quæ ab omnibus admittitur, perpetuos scrupulos in animis fidelium parere, quia possunt semper dubitare utrum ante Confessionem sufficienti cum diligentia conscientiam examinaverint. Itaque verum est, illum, qui dubitat quam debeat opinionem eligere in conscientia, teneri eandem adhibere diligentiam ad discernendum quæ sit probabilior, quam homo sensatus in negotio alicujus momenti adhiberet: quo facto securus est in conscientia, dum eam quæ verè probabilior apparet sequitur. Quin etiam dici potest illum non peccaturum, dum agitur tantum de præcepto positivo, etiamsi errans, contra tale præceptum ageret sequendo opinionem quæ sibi probabilior apparuit.

Quæst. 3. Nonne sumus securi in conscientia dum prudenter agimus? Quare igitur non poterimus sequi opinionem probabilem, etiam si concurrat cum alia contraria probabiliori, dum ita sentiunt multi Doctores prudentes?

Resp. Ille qui opinionem probabilem sequitur in concursu probabilioris, non agit prudenter; certum quippe est quod ad prudenter operandum, debemus ad minus habere certitudinem moralem de rectitudine, & bonitate actionis nostræ: at hanc certitudinem ille non potest habere, qui opinionem probabilem se-

CAP. VI. *De Consc. probabili.* 51

quiritur, sciens contrariam esse probabiliorem, ut satis superque probatum est superius. Hinc est quod, dum dicitur, illum prudenter agere qui hominis prudentis consilium sequitur, distinguendum est; nam aut nulla est opinio contraria fundata in rationibus majoris ponderis: & in hoc casu verè prudenter agit cum habeat certitudinem moralem de bonitate suæ actionis: sed è contra si appareant rationes aut auctoritates majoris ponderis, quæ ostendant opinionem contrariam esse probabiliorem; tunc nullo modo prudenter ageret, sequendo minus probabilem, cum non habeat amplius illam certitudinem moralem, sed potius credere debeat, opinionem illam quam veram putaverat, esse potius falsam quam veram.

Sed nihil melius & evidentius ostendit, falsum esse illud principium, quod scilicet prudenter agat ille qui sequitur quamlibet opinionem probabilem, etiam in concursu probabilioris, quam consideratio pessimarum consequentiarum, quæ ex illo solo principio orirentur: Videmus hoc tempore multas opiniones verè ridiculas, & ratione rationabili planè destitutas, visas fuisse probabiles. Scriptorum turbæ, & consequenter his omnibus, qui illos secuti & imitati sunt, putando doctos, pios, & graves esse.

Sancta Sedes plusquam centum ex istis laxis opinionibus damnavit, quarum major pars juri naturali contraria erat; declaratæ sunt ad minimum scandalosæ, & in praxi perniciosæ; attamen si supradictum probabilistarum principium verum esset, necessario concedendum esset, quod illæ opiniones non solum non erant in praxi perniciosæ, sed etiam quod apprimè utiles & securæ erant; quia si ille qui opinionem quæ illi videtur probabilis sequitur, pru-

§2 Tract. I. *De Morali in genere.*

denter agit : Et si qui agit prudenter , securè agit , & ita non peccat juxta principia Probabilistarum , concludendum esset , quod illi qui sequebantur tales opiniones , quas probabiles putabant , utpote quæ fundatæ erant super auctoritate multorum autorum , qui graves passim dicebantur , non peccabant , & ita jus naturale & divinum , quod alios obligat , illos qui tales opiniones illis juribus contrarias amplectebantur , non obligabat : & quod summi Pontifices Alexander VII & Innocentius XI. qui illas opiniones damnarunt , multis hominibus novum imposuerunt onus observandi præcepta , à quibus , medio alicujus opinionis existimatæ probabilis , dispensati & immunes erant ; quod certè absurdum omnino est : nam rebus sic stantibus permisisset probabilissimus violare impurè & sine peccato leges naturales , divinas , & humanas ; usuras & simonias sine ullo scelere exercere , injustitias , perjurias , calumnias , homicidia , furta & alia hujusmodi perpetrare sine ulla conscientiæ labe , quia hæc omnia probabilia credebantur.

Viderat sanctus Augustinus , dum contra Academicos , magnos sui temporis probabilistas , scriberet , ex probabilismo has omnes consequentias non minùs perniciosas quàm absurdas necessariò sequi. Asserebant illi Philosophi , eum qui juxta opinionem , quam probabilem putabat , operabatur , non peccare : idem sentiunt probabilistæ. Sed audiamus

D. Aug. lib.
3. contra Aca-
demicos. cap.
16.

quid de illis sanctus Augustinus dicat. *Cùm agit quisque quod probabile videtur , non peccat nec errat.* Hæc Academicorum propositio erat ; cui sic respondet sanctus Doctor. *Id igitur audiens adolescens insidiabitur pudicitia uxoris alienæ. Quid aliud dicturus es , quam non tibi esse probabile , ut id faciat adolescens ? At illi*

CAP. VI. De Consc. probabili. 53

probabile est. Nam si ex alieno probabili vivimus, nec tu debuisti administrare rempublicam, quia Epicuro visum est non esse faciendum. Adulterabit ergo ille juvenis conjugem alienam. Sed vos me jocari arbitramini: Libet dejerare per omne divinum, nescire me prorsus quomodo ille peccaveris; si quisquis id egerit quod probabile videtur, non peccat. . . . Taceo de homicidiis, parricidiis, sacrilegiis, omnibusque omnino, qua fieri aut cogitari possunt flagitiis aut facinoribus, qua paucis verbis, & quod est gravius apud sapientissimos judices defenduntur: quomodo enim non facerent quod probabile visum est? Qui autem non putant ista probabiliter persuaderi posse, legant orationem Catilina, quâ patria parricidium, quo uno continentur omnia scelera, persuasit. . . . illud est capitale, illud formidolosum, illud optimo cuique metuendum, quod nefas omne, si hac ratio probabilis erit, cum probabile cuicumque visum sit esse faciendum, non solum sine sceleris, sed etiam sine erroris vituperatione committatur.

Hæc sancti Augustini conclusio nimium vera apparuit in stupendis propositionibus, quas varii hujus sæculi Casuistæ probabiles putarunt, & securas in conscientia, sub umbra probabilitatis Doctrinæ, quam eximius ille Doctor damnaverat initio quinti sæculi, & quam tamen multi in hoc sæculo renovare, magno Ecclesiæ scandalo, copati sunt.

Sed salutare remedium huic malo sancta Sedes adhibuit, dum reprobavit principale probabilistarum fundamentum, quod in sequenti propositione continetur.

3. Propositio damnata ab Innocentio XI.

Generatim dum probabilitate sive intrinse-

34 Tract. I. De Morali in genere.

ea siue extrinseca, quantumvis tenui, modò à probabilitatis finibus non exeat, confisi aliquid agimus, semper prudenter agimus.

Non igitur ampliùs dicetur, illum, qui opinionem probabilem sequitur, etiam in concursu probabilioris & tutioris, semper prudenter agere, & consequenter sine peccato: omnes opiniones probabiles esse æque tutas, & quod, modò putemus aliquam opinionem esse verè probabilem, eam sine ullo periculo amplectimur; nam qui non vult penitus oculos claudere, facilè videt summum Pontificem decidisse, dum illam opinionem damnavit, illum non semper prudenter agere, qui opinionem probabilem, quæ probabilitatis fines non egreditur, amplectitur. Et re verà ille valdè imprudens est, qui sequitur opinionem quam putat probabilem & minus tutam, in concursu contrariæ existimatæ æque probabilis, sed magis tutæ: sed multò major & crassior imprudentia reperitur in illo, qui vult sequi opinionem, quam credit mirùs probabilem, & mirùs tutam, in concursu probabilioris & tutioris: & ita possumus sperare nullum propriæ salutis amantem ampliùs voliturum confidere in imaginaria planè certitudine actus, quem probabilistæ vocabant reflexum, cujus auxilio ita discurrebant: Quandocumque quis prudenter agit, habet certitudinem de bonitate suæ actionis: At ille qui operatur juxta opinionem quam probabilem existimat, semper prudenter agit: ergo ille qui sequitur opinionem probabilem operatur cum certitudine de bonitate suæ actionis. Ille etenim actus reflexus nullam potest certitudinem producere, cum sancta Sedes probabilistas docuerit, illum non semper prudenter agere, qui opinionem pro-

CAP. VI. *De Consc. probabili.* 55
babilem sequitur. Vide quæ dixi tom. 4, trac.
9. de Matrimon. cap. 10. q. 27.

Quæst. 4. Agit-ne prudentius & probabilius,
qui numerum authorum, quam qui illorum
merita, doctrinam scilicet & probitatem in
primis ponderat?

Resp. Debemus semper præferre paucos
Doctores magni ponderis & autoritatis, mul-
tis aliis inferioris notæ, præsertim si priores
illi, opiniones quas proferunt confirmant au-
thoritate Patrum aut Conciliorum; quod fa-
cilè probatur ex præfatione Concilii generalis
Constantiensis, in qua Episcopi in Spiritu san-
cto legitimè congregati voluerunt assignare
regulam aliquam generalem, quæ nos do-
cere posset quid agere debemus dum variæ se
offerunt rationes & autoritates, quæ duas con-
trarias opiniones probare videntur. Cum ple-
rumque, aiunt Patres, in rebus dubiis ad
utramque partem rationes plurimæ adducan-
tur: ad tollendas lites & contentiones, oppor-
tuna cernitur velerum autoritas, & quæ ab
antiquo facta legitur sanctorum definitio Pa-
trum: sic enim scriptum est: Interroga gene-
riorem præstam, & diligenter investiga
Patrum memoriam. Job. 3. Et iterum, interro-
ga Patres tuos & annuntiabunt tibi: mayo-
res tuos, & dicent tibi. Deuter. 32.

Præterea ipsa rerum experientia & diversa
plurè variarum personarum existimatio, nos
de hac veritate convincere potest; nullus enim
ignorat, magis credi viro cuiusdam eximio
ingenio prædito, quàm multis aliis communis,
ut ita dicam, farinæ hominibus, maioremque
adhiberi fidem iis quæ à primariæ autoritatis
viro dicuntur, quàm iis quæ in contrarium
afferre possunt alii multi de plebe homines:
sed cò prudentius agunt illi qui numero Auto-

56 *Tract. I. De Morali in genere.*

rum hujus sæculi non multum deferunt, quod ii qui Casuistas recentes aliquoties legerunt, sciunt illos ut plurimum, quæ ab aliis dicta sunt tantum repetere transcribereque, neque multum perpendere utrum aliorum, quas sequi volunt, sententiæ & opiniones fundatæ sint super veris Theologiæ Moralis regulis, scilicet super Scriptura sacra & traditione; sed satis illis esse rationum loco asserere, alium novum Casuistam hanc opinionem probabilem putasse. Et consequenter illorum numerus non multum movere debet illos qui veritatem inquirunt, neque unquam præferri potest, vel unius sancti Patris auctoritati: & re verà videmus, summum Pontificem Innocentium XI. verè optimum, verè maximum, multas opiniones morales damnasæ, licet eas turba novorum Casuistarum teneret, & magnum talium Autorum numerum id solum effecisse, ut sancta Sedes videret necessariò publicè damandas esse opiniones adeo perniciosas, quæ à tam multis scriptoribus magno cum animarum periculo asseriebantur.

Quæst. 5. Si inter duas contrarias opiniones, tenemur sequi probabiliorem, quare non etiam terebimur tutiorem amplecti?

Resp. Ratio cur non teneamur sequi opinionem tutiorem, & cur sufficiat ad rectitudinem actionis nostræ, quod probabiliorem sequamur, ea est; quia ut ex sancto Antonino probavimus, ad non peccandum sufficit ut antequam agamus, habeamus certitudinem moralem de bonitate actionis nostræ, quæ certitudo non requirit cognitionem evidentem, sed tantum cognitionem probabilem, quæ nos ad talem potius opinionem, quam contrariam sequendam inducat: at quando probabiliorem amplectimur, habemus moralem illam cer-

CAP. VI. De Consc. probabili. 57

titudinem, cum opinio probabilis illa sit, quæ majores, & fortiores rationes habet quam opposita. Sumus igitur securi in Conscientia dum probabiliorem sequimur, neque necesse est amplecti tutiorem. Secundò, quia, ut dicitur in supra relato Canone *Non omnis*, & ut docet sanctus Thomas pluribus in locis, ignorantia illum excusat à peccato, qui fecit quod potuit ut veritatem assequeretur; sed certum est, illum qui probabiliorem sequitur, id fecisse quod potuit, ut cognosceret veritatem, & juxta præceptum ageret, cum omnibus prudenter perpensis, id egerit quod probabilius veritati conforme esse putavit: igitur à peccato excusatur sequens probabiliorem, licet non sequatur tutiorem, quæ illi probabilis non videtur.

His etiam rationibus addi potest, id quod à sancto Antonino dicitur, quod dum quis dubitat de veritate præcepti, non peccat, modò habeat validiores rationes quæ illum moveant ad eligendam unam opinionem quæ tunc verè probabilior est, etsi opinio quam sequitur non esset vera: Hæc sunt sancti Doctoris verba.

Sic agendo contra tale dubium, non peccat, dum adharer opinioni alicujus Doctoris, & habet rationes probabiles pro ipsa magis quam pro opposita opinione, etsi ipsa opinio quam tenet non esset vera.

De Anr. 2. p. 1.
tit. 3. cap. 10.
§. 10.

Quod semper intelligi debet, juxta id quod diximus cap. 2. dum agitur de jure positivo: cum actiones quæ per ignorantiam fiunt contra jus naturale, non debeant excusari omninò & in totum; quia hæc ignorantia est aliquo modo voluntaria.

Quæst. 6. Si licitum sit sequi opinionem minus tutam, relicta tutiori, quare non etiam licet sequi minus probabilem, relicta probabiliori?

58 Tract. I. De Morali in genere.

Resp. Ratio disparitatis est, quia mirus tuta, in concursu tutioris, est semper tuta, quia mirus tuta in probabiliiori fundatur; & ita dum illam amplectimur id agimus quod veritati præcepti magis conforme esse putamus, sicque à peccato immunes sumus, etsi erraremus, quia fecimus quod potuimus, ad cognoscendum veritatem, ut probatum fuit in quæstione præcedenti. Sed è contra dum opinio mirus probabilis concurrit cum probabiliiori, non solum non habet illam certitudinem moralem, sed etiam à sua probabilitate decidit, ut probavimus supra; quia cum contraria sit alteri opinioni quæ verior apparet, fit verisimiliter falsa; & ratio est quod cum veritas indivisibilis sit, dum videtur in uno loco, mendacium & falsitas apparet in alio, & illud quod contrarium est opinioni, quæ videtur vera, necessario verisimiliter falsum est. Et consequenter ille qui adhæret opinioni probabili in concursu probabilioris, non est immunis à peccato, cum non fecerit quod potuit ad cognoscendam veritatem præcepti & habendam certitudinem moralem de bonitate & rectitudine suæ actionis. Volens uti medio quem putabat mirus conformem veritati præcepti, sequendo opinionem mirus probabilem, eo tempore quo poterat alium medium adhibere, qui veritati præcepti magis congruus apparebat sequendo probabiliorem.

Quæst. 7. Quænam est differentia inter opinionem probabiliorem, & eam quæ securior est?

Resp. Differunt in hoc solum, quod opinio probabilior ea est quæ nobis videtur magis conformis veritati præcepti, & opinio tutior ea est, quæ magis nos removel à peccato, & ad maiorem perfectionem ducit. Ex quo se-

CAP. VI. De Conf. probabili. 59

quitur, posse in praxi facile contingere, quod opinio probabilior sit minus tuta; quod accidit quoties ea quæ minus probabilis est, ad maiorem perfectionem tendit, & consequenter tutior est. Exempli gratiâ, in omnibus casibus in quibus quæritur utrum quis ad restitutionem teneatur, aut ad dandam eleemosynam, semper tutior est illa opinio quæ restitui debere aut erogandam eleemosynam dicit; quia magis nos remouet à peccato, etsi contraria opinio possit esse, & sit sæpè probabilior, quia adsunt fortiores rationes & autoritates quæ nobis suadent & probant non esse obligationem restituendi, aut dandi eleemosynam in casu proposito.

Quest. 8. Quo modo gerere quis se debet in praxi, dum de eligenda & sequenda una ex duabus contrariis opinionibus agitur?

Resp. Sæpius difficiè cognoscitur & discernitur, quæ ex duabus opinionibus verè sit probabilior & consequenter magis conformis veritati præcepti, multùmque nobis timendum est ne infelix illa in malum propensio, quam à primo parente hausimus, & quam propriis peccatis nimium auximus, rationes opinionis quæ concupiscentiæ magis arridet fortiores & validiores nobis repræsentet quàm reuerà sint, & ne aliqua culpæ nostræ in cæcitatem & peccatum prolabamur. Itaque dum sumus inter duas opiniones contrarias quarum una dicit, talem actionem esse licitam & aliam esse illicitam: in hoc casu, nisi enixius exorato diuino numine ut intellectum nostrum illuminet, & postquam etiam opinionibus & affectibus veteris hominis nos spoliare curauimus, clare videamus per nosmetipsos, aut per directorem aliquem spirituales verè doctum, nunc & omni interesse humano vacuum, opinio-

nem illam quæ actionem licitam esse asserit, esse valdè probabiliorem, debemus omnino amplecti contrariam quæ tutior est, quia nos magis à peccato removeret. Et consequenter si rationes opinionis quæ talem actum licitum esse dicit, non sunt ita potentes ut fundamenta, & rationes opinionis contrariæ destruere valeant, & ita restet justa occasio dubitandi de rectitudine illius actus; cùm de salute æterna agatur, & ex altera parte nosmetipsos facilè adulemur; cùm etiam ipsi animæ Directores faciliùs propensi sint ad iis qui illos consulunt iuxta id quod optant respondendum, quàm ad dicendum ea quæ filiorum spiritualium desiderii contraria sunt: sequi debemus opinionem tutiorem; quod eo verius est quod videmus, illos qui Directores consulunt, eis sæpè sapiùs majori cum claritate, emphasi, & robore eas circumstantias & rationes explicare quæ sibi favere possunt, aut saltem majorem eis attentionem conciliare, quàm iis fundamentis quæ contraria sunt.

Bellarminus
in admoni-
tione ad E-
pisc. Thean.

Videtur præterea doctissimum Cardinalem Bellarminum certò credidisse, debere quemlibet in praxi necessariò ita se gerere, dum ad Episcopum Theanensem nepotem suum scribens, dilucidè damnat doctrinam novorum probabilistarum qui se putant securos esse in conscientia, dummodo opinionem quàmlibet probabilem sequantur etiam in concursu probabilioris: *Si quis*, inquit Bellarminus, *velit in tuto salutem suam collocare, is omnino debet certam veritatem inquirere, & non respicere, quod multi hoc tempore dicant, aut faciant; & si rei certitudo non possit ad li- quidum apparere, debet omnino tutiorem partem sequi, & nulla ratione, nullius imperio, nulla utilitate temporali proposita, ad-*

CAP. VI. De Conſc. probabili. 62

minùs tutam partem declinare. Agitur enim de ſumma rei cùm de ſalute aterna tractatur; & facillimum eſt conſcientiam erroneam exemplo aliorum induere, & eo modo, conſcientiâ non remordente ad eum locum deſcendere, ubi vermis non moritur & ignis non extinguitur.

Idem planè ſentire videtur Cardinalis Paleon- Parte 5. ¶
rus Archiepiſcopus Bononiensis ſancti Caroli
amiſſimus ejuſque imitator fidelis in cura ſua
Paſtorali, in præclaro quem ſcripſit libro de
ſacri Conſiſtorii conſultationibus. Cùm, in-
quit, non de rebus, ſed de hominibus, nimi-
rùm de actionibus, ſive de factis ipſorum ho-
minum agitur: ita in his verſari debemus;
ut ſi re verâ dubitationem habent, & ani-
mus in his dijudicandis in contrarias partes
diſtrahitur, ſemper in tutiorem partem, ſi
ex alterius electione periculum peccati immi-
net, juxta ſanctorum Patrum ſententiam ju-
dicemus. Ibidem. Non loquimur de judicandis
actionibus alienis, ſed de judicio quod quiſ-
que de rebus ſuis facere debet in foro interio-
ri, quas, ubi dubium eſt de peccato, in tu-
torem partem interpretari debemus, ut à
pœna ſpirituâlis periculo longiùs arceamur;
ſapientis enim eſt cum beato Job dicere, Vere-
bar omnia opera mea.

Sancta Sedes nos in hoc prudenti & verè
Chriſtiano agendi modo potenter confirmavit.
dum ſequentes propoſitiones damnavit.

Prima propoſitio condemnata ab Innocen-
tio undecimo in Decreto contra 65. propoſi-
tiones 22. Martii 1679.

Non eſt illicitum in Sacramentis conferen-
dis ſequi opinionem probabilem de valore Sa-
cramenti relicta tutiore, niſi id vetet lex, con-
ventio, aut periculum gravis damni incur-

61 Tract. I. De Morali in genere:

rendi. Hinc sententiâ probabili tantum utendum non est in Collatione Baptismi, Ordinis Sacerdotalis, aut Episcopalis.

Secunda propositio damnata.

Probabiliter existimo, iudicem posse judicare juxta opinionem etiam minus probabilem.

Tertia propositio damnata.

Generatim dum probabilitate, sive intrinsicâ sive extrinsicâ quantumvis tenui, modo à probabilitatis finibus non exeat, confisi, aliquid agimus, semper prudenter agimus.

Quarta propositio damnata.

Ab infidelitate excusabitur infidelis non credens, ductus opinione minus probabili.

Damnatio istarum propositionum à sancta Sede magno Religionis Christianæ bono emanata, varias quorumlibet probabilistarum tenebras dispellere debet, eorum maximè, qui bona fide & sine pertinacia lucem quærunt. Adiunt hujusce rei illustria exempla, ex quibus adjuvante Dei gratiâ, maximi sperantur fructus, ut vera sanctorum Patrum doctrina super principiis moralis Christianæ magis ac magis elucescat.

Thyrus Gonzales, in Fundamento Theologiae moralis, seu Tractatu de recto usu opinionum probabilium. In introductione, num. 351.

Nallus ignorat, Reverendissimum Patrem Thyrum Gonzales Societatis Jesu Præpositum generalem, opinionem probabilistarum generoso animo rejecisse, licet illi antea assuetus esset. Post exactam, inquit, totius controversiæ discussionem, quamvis fuisset contraria sententia principiis assuetus, meo tamen firmiter insedit animo mansitque infixum, nemini licitum esse assumere pro regula secundariâ quam securè in operando signatur, sententiam alienam faventem libertati adversus legem, nisi ex prudenti persuasione, quod illa sit vera & legi aeternae conformis; seu quin

CAP. VI. De Consc. probabili. 63

illi assensum directum praebeat, iudicio absoluto quo sibi applicet legem aeternam, tanquam regulam primariam totius honestatis cui actiones humana conformari debent, ut honeste sint: In hoc Tractatu octavam affert rationem contra laxos probabilistas, quod scilicet:

Ibidem differt. 13. §. 13. in tit.

Pro opposita nullus citatur Cardinalis sanctae Ecclesiae; nostram autem tenuerunt quinque praestantissimi Theologi Cardinales, nimirum Cajetanus, Bellarminus, Palavicinus, Laurea, & Aguirre, eamque quotidie alii Eminentissimi sectantur in sacris Congregationibus.

Subinde refert verba Cardinalis Cajetani & Cardinalis Bellarmini, quae supra numero octavo inserta sunt.

Dissert. 13 §. 11. nu- 74. 76. & 77.

Quod ad Cardinalem Palavicinum attinet; dictus P. Generalis sic loquitur. Cardinalis S. P. Pallavicinus in tomo de actibus humanis disputatione 9. q. 4. art. 14. docuit cum sententia communi inter Doctores huius saeculi, posse hominem in operando sequi sententiam minus tutam, sibi que minus verisimilem, dummodo sciat esse in se absolute probabilem, relictæ tutiore, & sibi verisimiliore. Caterum Eminentissimus ille vir, postea rem melius consideratâ, sententiam mutavit, ut apparet ex variis ejus epistolis. Et omnino statuerat, scriptionem aliquam facere in qua priorem suam sententiam publice retractaret, ut testatus est P. Nicolaus Maria Pallavicinus nostra Societatis, olim in Collegio Romano primarius Theologiae Scholasticae Professor, subinde in eodem Collegio Praefectus generalis studiorum, postea verò ex nominatione Innocentii XI. Theologus penitentiariae; examinatus Episcoporum, sancti

64 Tract. I. De Morali in genere.

Officii qualifcator, Roma totique Italia libris editis notus. Is à me de hoc rogatus, quod sequitur testimonium, manu propriâ scriptum mihi tradidit 29. Martii 1692. Eminentissimus, inquit, Cardinalis Pallavicinus anno ferè ante mortem, dixit mihi, sibi esse fixum relinquere post se scripturam, in qua retractare intendebat ea qua scripserat in libro de actibus humanis, nempe posse quempiam practicè sequi opinionem minùs probabilem, & minùs tutam relictâ probabiliori: imò sibi fixum omnino esse unumquemque teneri sequi sententiam illam, quam putat esse veram, neque posse ullatenùs conformari sententiâ quam putat esse falsam. Hac olim P. Nicolaus Pallavicino affirmabat Cardinalis Sfortia. Hactenus P. Nicolaus Maria Pallavicinus in scripto manu suâ exarato. Obiit autem Cardinalis Pallavicinus die 4. Junii an. 1667. unde illam retractationem fecit Cardinalis ann. 1666. Ipsa P. Nicolaus qui hoc testimonium dedit, piè obiit in Collegio Romano 15. Decembris. anni proximè præteriti 1692. Hinc validum conficitur argumentum pro majori probabilitate & veritate sententiæ moderatæ, quam defendimus. Si enim tantus vir, tam subtili & profundo ingenio præditus, qui doctrinam benignam semper secutus fuerat, & typis vulgaverat, eam deseruit, publicè retractaturus, victus pondere argumentorum, quæ contra illam militant; signum hoc est falsitatis sententiæ benignæ, quam deseruit, & veritatis sententiæ moderatæ.

Ibidem num. 78. 79. 81. & sequentibus. Quod accidit Cardinali Pallavicino & sibi accidisse sæpè mihi testatus est, Cardinalis de Aguirre. Priùs enim per multos annos secutus est sententiam benignam de usu licito

CAP. VI. De Consc. probabili. 69

opinionis minùs probabilis & minùs tuta in occurſu tutoris, & operanti probabilioris, ſeu veriſimilioris, nihil ambigens de ejus veritate. At poſtquam animam applicuit hujus cōtroverſia ſtudio, eam falſam eſſe compevit, & oppoſitam doctrinam; ut ſibi certam amplexus eſt, Tomo 1. Theol. ſancti Anſelmi. Diſp. 2. ſect. 6. Idque ipſum mihi accidit aliſque multis. Quod mihi ſape verbis conſeſtatus eſt Eminentiffimus Cardinalis de Aguirre, id ipſum litteris conſignavit in præfatione ad Tomos Conciliorum Hiſpania. Poſtquam enim longum Catalogum contexuit Auctorum, & Epiſcoporum, qui ſententiam benignam probabilitarum in hoc ſaculo impugnarunt ſubdit p. 6. n. 33. Ab iis præſtantiſſimis Epiſcopis & Scriptoribus variis inſtructus, paucis poſt annis cœpi dubitare de ſecuritate illa, quam nobis plurimi alii pollicebantur in uſu opinionum quarumlibet probabilium. Eo uſque enim communi ferè ſenſu, aut præjudicio abductus in probabilismo, veluti in pu'vino molliter quieſcebam, & plerumque ſtudium meum (ita ingenuè fateor) ſitum erat in examinando potius, an aliquid eſſet probabile, quam in veſtigando, an eſſet verum. Detectâ enim probabilitate, nullatenus dubitabam, me poſſe illud in praxi, ſequi, aut aliis conſulere. . . . Cœpi itaque rem maturiùs examinare ab anno circiter 1671. uſque modo lectis ac relectis, ultra prædictos, plurimis authoribus recentibus, qui hinc & inde cōtroverſiam hanc graviffimam proſtigaverunt ex inſtituto. Deprehendi vero ingens periculum ſalutis in ſectando aut conſulendo aliis probabilismo, ſive uſu cujuſlibet opinionis minùs probabilis, faventis libertati, ita concuſſu alterius probabilioris, adhaerentis

66 *Tract. I. De Morali in genere.*

praecepto. Idem mihi altè insedit, ubi utraque apparet probabilis aequè, aut circiter. Manet enim adhuc res verè dubia & incertum omnino, an actio, vel omisso sit contraria legi aeternae, necne, quidquid plerique recentiorum distinguant, inter dubium speculativum & practicum. Hanc enim distinctionem quoad controversiam praesentem, plurimi alii à triginta circiter annis usque modo doctissime rejecerunt. In dubiis autem & spectantibus ad aeternam salutem, eligendam esse tutiorem partem, jura clamant, & prudentia ac lex charitatis divina de propria & aliorum salute palam dictat.

Certe nemo prudens vitam corporis ita negligit, ut audeat, uti cibo aut pharmaco solum probabiliter sano, quod tamen aequè aut magis probabiliter censeatur noxium, & exitiale futurum. Quare ne exponat se probabili aut probabiliori periculo mortis, eligit aliud certò innoxium, aut salutiferum. Idem ferè accidit circa rem familiarem servandam, & honores assequendos. Cui ergo vita anima & salus aeterna, longe pretiosior, passim exponatur probabili periculo opinione liberiorum? Nec reflexiones aliqua, seu judicia reflexa ad auctoritatem alienam, videntur prodesse aut sufficere, ad formandum judicium moraliter certum, & necessarium de usu licito opinionis benigna, quoad bonam animi, potius quàm corporis aut fortuna, ubi opinio severior aequè aut magis urget. Non enim voluntas habet vim imperandi intellectui, ut judicio reflexo sentiat verum, aut certum moraliter id quod directò judicio aestimat falsum, aut dubium, aut minùs probabile.

Quare reflexiones illae ad summum possunt habere locum, & prodesse, ubi vir doctus, &

CAP. VI. De Consc. probabili. 67

prudens, recta intentione placendi Deo, aut ipsum non offendendi, & nullo prajudicio, passione aut utilitate abductus, diligenter inquirat veritatem pro qualitate materia, debitis circumstantiis, quando occurrunt invicem contraria opiniones inter Scriptores Catholicos, doctos & pios. Si post rem examinatam inveniat sententiam benignam, longè ac palam prevalere opinioni austeriori, tum auctoritate & numero patronorum, tum rationibus, & plenè respondere argumentis contrariis; videtur, posse formare judicium moraliter certum de illius veritate, & licito usu, aut nihil curare rigidiorum aliorum opinionem, vel eam reputare ortam ex inani scrupulo. Dato enim aut permissio, quod sententia illa benignior esset falsa in re, agens excusaretur à peccato, saltem gravi, ob rectam intentionem, bonam fidem, & ignorantiam venialem ex infirmitate humana. Si autem post diligentem inquisitionem inveniat, opinionem austერიore aequale pondus habere, aut etiam majus, ac proinde veritatem rei esse speculative dubiam, non poterit ulla reflexione formare sibi judicium moraliter certum de illius veritate aut usu licito. Quare abstinendum erit ab opinione benigniore, & adhaerendum tutiori sive stanti pro praecepto. Hac videtur fuisse praxis assidua sanctorum Patrum, Pontificum, & Theologorum, doctrina & pietate insignium à tempore nascentis Ecclesiae, usque ad finem saeculi praecedentis, quo coepit reputari securus usus opinionis benigna probabilis in concursu opinionis austerioris aequae probabilis, aut probabilioris, per reflexiones antiquis ignotas; sequebantur enim veteres illi quod intra sinum Ecclesiae Catholicae, post rem maturè examinatam,

oratione, ac studio competenti, videbatur verum, aut moraliter certum. Et licet ipsi sancti Patres aut Doctores celebres aliter atque aliter circa varias quaestiones morum censerent, unusquisque tamen pius, ac prudens id agebat, vel consulabat aliis quod post debitum examen judicabat verum, aut saltem longè conformius Canonibus sacris, rationi & aequitati. Neque enim amplius exigi putabat ab homine mortali, infirmo, & ignorantis obnoxio; alioquin sequebatur tutiorem partem.

Haecenus Eminentissimus Aguirre, nobis exponens motiva quibus inductus est ad retractandam opinionem benignam, quam prius secutus fuerat. Hoc sanè est magnum argumentum veritatis nostra sententia, quod nullus eam deseruit, postquam semel illam amplexus est, & in oppositam abiit. Ex adversa quotidie videmus sententiam benignam deserentes, qui prius eam tenuerant; & nostram amplectentes. Et idcirco, quia post Decreta Alexandri VII. & Innocentii XI. contra opiniones laxas, Theologi profundius hanc controversiam examinarunt, quotidie crescit numerus eorum qui ad usum licitum opinionis minus tuta, requirunt, quod illa sit probabilior, seu verisimilior operanti; & decrescit numerus eorum qui cum Caramuele docent, satis esse, quod opinio favens libertati sit in se probabilis, ut omnes possint illà licite uti, quamvis ipsis appareat minus verisimilis, quàm opposita favens præcepto.

Ibidem, §. 13. num. 100. quid sentiat Eminentissimus Cardinalis de Laurea, Ordinis sancti Francisci, id constabit legenti eruditissimum Tractatum de recto usu opinionum probabilium, quem anno 1668. edidit in lucem. Vbi Tomo 2. in 3. sentent. Disp. XI.

CAP. VI. De Consc. probabili. 69

agens de muneribus prudentia art. 4. controversam hanc copiose & doctissime tractat. Et num. 242. Hanc statuit conclusionem. Quando aliquid agibile non est à lege determinatum, sed est sub opinione, tunc in concursu opinionis probabilis pro una parte, & probabilioris pro alia, prudentia dicitur, solam probabiliorē esse eligendam; nunquam verò minus probabilem. Est Scoti ut supra, & D. Thoma quodlib. 8. art. 13. Colligitur etiam ex D. Bonaventura, & aliis adducendis in probationibus. Hac conclusio probatur plurimis modis, à priori, ab absurdis, ab exemplo, ab auctoritate. Hac ibi. Et statim omnibus his mediis conclusionem probat. Et in 4. probatione sic arguit. Quando opinio est dubia, nempe cum est aequalis ponderis cum alia, prudentia dicitur vel neutram eligendam, vel tutiorem, si oportet operari. Ergo multò minus quando concurrunt probabilis cum probabiliori, poterit eam dicitare, sed debet dicitare probabiliorē, quando est tutior.

Ibidem num. 103. Cardinalis de Aguirre in prologo ad Tomos Conciliorum Hispania, num. 24. subjungit. Verum prolixus essem si omnes Dominos Cardinales probabilissimi illius laxi inimicos, & tutiorum, aut saltem palam probabiliorum sententiarum tenaces tam factis, quam scriptis, jam vitam sanctos nominare vellem. Inter tam multos eorumdem, qui usque modo sanctitate, aut doctrinā insigni floruerunt, vix credo invenietur aliquis qui aliter senserit, aut docuerit. Imò & ex iis qui modo superstites sunt, tam intra, quam extra urbem præstanti pietate, & eruditione conspicuis, ac toti orbi Christiano notis, quorum judicia, ac sententia mihi frequenter colloquio, ac variis congressibus innotescunt, nemo

70 Tract. I. De Morali in genere.

est (quantum capio) qui tam in Theorica, quam in praxi non censeat, sequendam omnino esse sententiam tutiorem, vel saltem longè veriore ac probabiliorē. Atque in sacris hisce Congregationibus quotidie occurrunt innumera causæ quarum decisio ex sacris Conciliorum Canonibus pendet: ubi autem varia autorum occurrunt sententia, illa omnino præfertur qua omnibus hinc inde consideratis, tutior videtur aut juri & æquitati conformior. Nimirum hic fuit semper Spiritus Ecclesiæ, tam in Pontificibus Romanis, Cardinalibus, Episcopis, quotquot Canones Conciliorum ediderunt, quam in iis, qui pietatis & doctrinæ laude illos usque modo imitari sunt. Vnde ab initio ferè Pontificatus laudati Alexandri 7. mirum est quo zelo, quâ eruditione, & constantiâ quam plurimi Episcopi præstantissimi nominis, partim vitâ functi, partim superstitēs, probabilissimum luxuriantem repræferint.

Specimen
Theol. moral. lib. 1. q.
7. nu. 407.
Ibid. q. 8.
nu. 610.

Præposito Generali adstipulatur. R. P. Joannes Franciscus Malatra Societatis Jesu, dum asserit, quod è duabus opinionibus inter se contrariis, licitum non est sequi minùs probabilem minusque tutam, seu, quod eodem redit, non licet sequi opinionem minùs probabilem pro libertate, relicta probabiliore pro lege; ei videlicet, qui agnoscit magis tutam esse magis probabilem. Et paulò inferiùs: E duabus opinionibus contrariis & æque probabilibus, non licet sequi minus tutam; sed est obligatio sequendi tutiorem.

Theol. Dogmatica, & moralis.

R. P. Natalis Alexander Ordinis Præd. probabilitatem promiscuam pleno calamo eruditissimè excludit & evertit. Tom. 7. de peccatis. part. 1. lib. 3. Regula 13. & sequentibus.

CAP. VI. De Consc. probabili. 71

Demum perlegatur Disputatio Theologica, de opinionum delectu in quæstionibus moralibus, autore Antonio Charlas S. Theol. Doctore, Romæ edita an. 1695. in qua celeberrima de probabilitate disceptatio dilucidè explicatur & argumentis tractatur solidis atque ad omnium caput accommodatis.

Quæst. 9. Quid agere debet ille qui, ut ita dicam, inter duo peccata fluctuat, ita ut necesse habeat unum ex duobus perpetrare; quod non potest accidere nisi ex conscientia erronea, quia nunquam absolurè possumus esse in necessitate peccandi. Exempli gratiâ, si quis juraverit se hominem occisurum, & ei deinde conscientia suadeat se perjurii reum fore si non occidat; & ex alia parte homicidii reum, si occidat?

Resp. In his angustiis deberet quis id agere quod habetur in Concilio Toletano relato in Canone: *Duo mala*, inquit Concilium, licet omninò cautissimè sint præcavenda, tamen si periculi necessitas, unum ex his perpetrare compulerit, id debemus resolvere quod minori nexu noscitur obligare. Quod à sancto Gregorio, appositâ similitudine adhibitâ confirmatur, dum sic loquitur. *Si omnino nullus sine peccato evadendi aditus patet, minora semper eligantur: quia & qui murorum undique ambitu ne fugiat clauditur, ibi se in fugam precipitat, ubi brevior murus invenitur.* Videantur quæ diximus supra cap. 4. num. 3. 4.

Can. Duo mala, dist. 13.

D. Greg. res-
latus in Can.
Nervi. dist.
13.



CAPUT VII.

De Conscientia dubia.

Quæst. I. Q UANDONAM dubiosa est Conscientia?

D. Tho. q.
14. de veri-
tate. art. 1.

Resp. Conscientia dubiosa est, juxta doctrinam sancti Thomæ, cum animus inter duas propositiones contrarias constitutus, non magis ad unam quàm ad aliam propendit, & inclinatur; quod provenit ex æqualitate motivorum & rationum quæ pro una aut alia parte militant, quæ non magis ad adhærendum primæ quàm secundæ movent. *Intellectus noster*, inquit, Doctor Angelicus, *respectu partium contradictionis se habet diversimode: quandoque enim non magis inclinatur in unam quàm in aliam, propter apertam æqualitatem eorum quæ movent ad utramque partem: & ista est dubitantis dispositio.*

Quæst. 2. Quid agendum quando conscientia nostra in tali dubio versatur?

Resp. Si, ut superius diximus, sumus liberi ad operandum aut non operandum, debemus ab actione abstinere; quia agendo, periculo peccandi nos committimus: quod si necessarium operandum sit, tenemur amplecti opinionem tutiorem, ut probatum fuit ex regula sæpius in variis canonibus stabilita, quod *in dubiis, tutior via est eligenda.*

Illud etiam expressè docuit sanctus Augustinus contra Donatistas scribens. Supponit sanctus Doctor, aliquem ex his hæreticis de reconciliatione sua cum Ecclesia Catholica cogitare, jamque fateri, posse omnes sine peccato

CAP. VII. *De Conscientia dubia.* 73

eato in eadem Ecclesia Baptismum recipere, & ex alia parte dubitare, utrum liceat Baptismum apud Donatistas recipere: in quo casu asserit sanctus Augustinus quod, *Si dubium haberet non illic* (scilicet apud Donatistas) *rectè accipi, quod in Catholica rectè accipi certum haberet: graviter peccaret in rebus ad salutem pertinentibus, vel eo solo quòd certis incerta praponeret. Accipere itaque, subdit idem sanctus Doctor, in parte Donati, si incertum est esse peccatum, quis dubitet certum esse peccatum, non ibi potius accipere, ubi certum est non esse peccatum?* Videmus igitur sanctum Augustinum hoc in loco eos damnare qui dicunt, illum qui est inter duas opiniones æque probabiles, quarum una asserit talem actionem esse prohibitam, & alia dicit licitam esse, posse sequi in praxi illam ex his duabus opinionibus, quæ minus tuta est; nam in casu supra relato, Donatista erat inter duas opiniones æque probabiles, quarum una Baptismum apud Donatistas recipere licitum esse dicebat, cùm ipsi etiam Catholici faterentur Baptismum ab his hæreticis administratum validum esse; ait enim sanctus Augustinus ibidem cap. 3. *Dicimus esse apud Donatistas Baptismum, non autem illic rectè accipi:* Alia vero opinio asseribat, quod quamvis Baptismus ille esset validus, tamen recipi non poterat sine peccato, quia in hoc quis schismatis Donatistarum particeps fiebat, & ita, juxta probabilistarum sensum & doctrinam, poterat ille homo, auxilio actûs reflexi, ita differere: Ille qui sequitur opinionem, quam probabilem putat, etiam in concursu alterius opinionis æque probabilis & magis tutæ, prudenter & sine peccato operatur; sed ego puto probabiliter licere recipere Baptismum apud

S. Aug. lib.
1. de Baptis-
mo cont. Donat.
cap. 3.
ibid, cap. 53

Donatistas, licet æque probabile sit, id fieri non posse sine peccato : Ergo operabor prudenter, & sine peccato dum recipiam Baptismum apud Donatistas.

Illud argumentum demonstrativum erat, juxta probabilistarum principia ; sed cum illa principia falsa sint, his rejectis & non obstantibus, sanctus Augustinus illum condemnat, qui hoc modo dispositus reciperet Baptismum apud Donatistas, ob eam solam rationem, quod in rebus ad salutem pertinentibus, certis incerta præponeret. Nec ad eludendam illam sancti Doctoris auctoritatem, dici potest, quod in hoc casu de Sacramento agebatur, & quod probabilistæ communiter asserunt, teneri quemlibet in illorum administratione incertis certa præponere, & opinionem tutiorem amplecti in concursu alterius existimatæ probabilis ; nam illa limitatio probabilitatis locum non habet, nisi dum de materia, aut forma Sacramentorum agitur, quia illarum defectus Sacramenta invalida reddit & nulla : Et nunquam dixerunt probabilistæ, nos non posse sequi opinionem probabilem, dum quæritur, utrum liceat, aut non liceat recipere aliquod Sacramentum à ministro, qui absque ullo dubio potest illud validè conferre ; & re verâ si id assererent, nullo modo juxta propria principia ratiocinarentur : nam dum quæritur, utrum liceat, an non, recipere Sacramentum ab aliquo, qui potest illud validè administrare, illa quæstio ad materiam præceptorum, non ad materiam Sacramentorum pertinet : atqui in casu à sancto Augustino proposito non dubitabat Donatista de validitate Baptismi, sive apud Donatistas sive apud Catholicos reciperetur, cum ipsi Catholici dicerent Baptismum Donatarum validum esse, sed apud

CAP. VII. *De Conscientia dubia.* 75

illos non posse recipi sine peccato. Et ita dubitabatur tantum in hoc casu, utrum liceret an non, recipere Baptismum apud Donatistas, id est, utrum adesset aliquod præceptum prohibens recipere Baptismum alibi, quàm in Ecclesia Catholica; & evidens est, tale dubium ad præcepta, non ad Sacramenta pertinere, cum neque de eorum materia, neque de forma, neque de validitate agatur. Igitur dum loquens sanctus Augustinus de illo præcepto recipiendi Sacramenta in Ecclesia Catholica, asserit neminem posse sine peccato certis incerta præponere, ostendit idem planè in materia aliorum præceptorum dicendum esse: quod eò magis constat, quod ratio quæ utitur generaliter, & sine ulla exceptione ad omnia præcepta pertinet, cum dicat quod ille *In rebus ad salutem animæ pertinentibus, graviter peccat, qui certis incerta præponit.* Igitur, juxta doctrinam sancti Augustini, quando sumus inter duas opiniones æque probabiles, tenemur sequi in praxi illam quæ tutior est, id est quæ nos magis à peccato removet.

S. Aug. ibid.
cap. 3.

Potest in hac materia videri quod diximus infra Tomo 4. tract. de Sacramento matrim. cap. 10. nu. 27. Ibi lector invenire poterit argumentum quod demonstrativum videtur contra probabilistas. Conficitur autem ex auctoritate summorum Pontificum Lucii 3. Innocentii 3. & Clementis 3. Et ex doctrina sancti Thomæ & sancti Bonaventuræ in resolutione casus, qui expressus omninò videtur super hac materia. Videatur etiam quod dictum est in materia voti Tom. 6. Tract. 2. cap. 4. nu. 18. ex sancta Thoma, & sancto Antonino.

Quest. 3. Quid agendum esset illi, qui non discerneret, inter duas opiniones dubias, quænam sit tutior?

Resp. In his angustiis, qui verè vult peccatum vitare, nullo modo attendere debet ad quodlibet interesse temporale, aut ad id ad quod voluntas sua propendet & inclinat, sed illud sequendum est, quod regulis constitutis ab Ecclesia aut aliis nostris superioribus magis conforme apparet, & insuper statuere amplecti consilium, quod nobis à Directore spirituali pio, docto, & ab omni humano interesse libero dabitur.

C A P U T VIII.

De Conscientia scrupulosa.

Quaest. 1. **I**N quo consistit conscientiae scrupulus?

Resp. Sanctus Antonianus docet, nihil aliud esse quàm timorem proveniente à levibus & minus solidis conjecturis, qui animum incertum & vacillantem reddit: *Scrupulus*, inquit, *est vacillatio quadam consurgens cum formidine ex aliquibus conjecturis debilibus & incertis*: In quo scrupulus à dubio multum differt; scrupulus namque consistit in metu, qui verum fundamentum, aut bonam rationem non habet, quique non impedit quominus satis supersit luminis ad discernendum & iudicandum, opinionem quæ scrupulo contraria est probabiliorē esse; è contra dubium in iusto & bene fundato timore consistit, qui ita animum & intellectum nostrum dividit & fluctuantem reddit, ut non magis probabilis appareat una opinio, quàm alia contraria, aut saltem adeo levis differentia videatur, ut supersit semper iusta timendi causa.

Quaest. 2. Quid agendum quando occurrunt scrupuli?

D. Ant. 1. p.
tit. 3. cap.
10. §. 9.

CAP. VIII. De Consc. scrupulosa. 77

Resp. Potest quis, spretis omnibus scrupulis, amplecti eam opinionem quæ notabiliter probabilior apparet; quia, ut ait idem sanctus Antoninus, *In humanis agilibus, quæ tantam habent varietatem, teste Aristotele & experientiâ, sufficit talis certitudo, quæ non semper scrupulos omnes abjiciat, sed sufficit ut contemnat, & superet eos.* Et juxta Decretum Innocentii tertii; *Si quis habet conscientiam ex credulitate levi & temerariâ, conscientiam levis, & temeraria credulitatis explosâ; ad sui Pastoris consilium licitè agere potest.* Ex qua tanti Pontificis sententia sequitur, illum qui aliquo scrupulo qui ex levi conjectura oritur, turbatur, debere solummodo illud bono directori aperire, & illius consilium fideliter & humiliter sequi.

D. Ant. 1. p. tit. 3. c. 10. §. 10.

Can. Inquisitioni de sent. excom.

Non ingratam neque inutilem, tum ad instructionem tum ad ædificationem Lectoris, operam me præstiturum credidi, si huic de Probabilitate Tractatui adjicerem, eique insererem mandatum seu edictum solida eruditione plenum contra Caluistarum Apologiam, & probabilitatis errores ab Illustrissimo Gallix Episcopo confectum, multis iisque egregiis libris pietate & doctrina conspicuis totâ Galliâ celebratissimo.

Mandatum Illustrissimi & Reverendissimi Venciensis Episcopi.

Antonius Godeau, Dei & Apostolicæ Sedis gratiâ, Episcopus Venciensis, omnibus Prioribus, Vicariis, Curatis, & Confessariis nostræ Diocesis, salutem & benedictionem in Domino.

Quoniam non sine summo nostro dolore, morum corruptelam inter Christianos ita quotidie crescere videmus, ut non solum peccatores de criminibus vix cogitent in quibus vi-

tam suam continuò transigunt, verùm etiam deplorandâ quadam cæcitate ita perculsi sunt ut eorum deformitatem non agnoscant, ac sæpe se credant innocentes, cùm tamen coram Deo multum sint criminosi. Summa igitur cura & ardenti desiderio huic tanto malo censuimus occurrendum, ut languidis illis Christianis suumque morbum amantibus, quique se credunt sanos, licet ab omni sanitate maximè sint alieni, opem aliquam præstaremus eisque pro posse mederemur.

Hanc autem tantam calamitatem Christianis accidere perspeximus, & hauriti non modo ex prava concupiscentia quam nascendo contrahunt homines, aut opera seductoris hujus sæculi principis cui famulantur opes, voluptates, & honores, ad corrumpendos fideles, eosque à Deo avertendos: verùm etiam hoc malum ab ipsis conscientiarum medicis id est Confessariis proficisci animadvertimus, qui vel sufficienti lumine ad animas regendas præditi non sunt, aut lumen illud suum ex Casuistis modernis potiùs haurire volunt, quàm ex divinis Scripturis, sacris Conciliis, sanctis Patribus & antiquis Ecclesiæ Doctoribus; novi enim illi autores, zelo quodam, qui certè non est secundùm scientiam, volentes facilem exhibere Christianis mandatorum Dei observationem, & expeditam ad cælum viam tradere, ita infirmarunt, & infelici successu Evangelii præcepta corruerunt, sanctamque Ecclesiæ traditionem & praxim, ut vix ulla sit Christianæ moralis pars, in quam bene multas corruptiones non invexerint.

Dubium non est quin Christus Dominus, sicut definiit quæ credenda sunt, ita etiam definierit quæ sunt agenda: ipse vocatur via per quam incedere debemus, quemadmodum vo-

CAP. VIII. *De Conf. scrupulosa.* 79

catur veritas, quam debemus credere; & in Evangelio patet, cum non minorem adhibuisse curam in moribus formandis, quam in fidei doctrina tradenda; nec tantum dixit: *Qui non crediderit condemnabitur*; verum etiam, *si vis ad vitam ingredi, serva mandata*. In iudicio suo declarat præcipuam damnationis Christianorum rationem fore quod misericordiae opera non exercuerint. Denique prius incepit facere, deinde verò docere: Primò autem docuit ut homines pœnitentiam agerent. Gentium Apostolus in Epistolis suis mysteria quidem religionis exposuit, verum non minorem adhibuit curam, ut mores eorum ad quos scribit informaret, ac vivendi rationem traderet, ut actiones fidelium fidei sanctitati responderent, ne nomen Domini ab infidelibus blasphemaretur. Sancti Patres eandem secuti sunt methodum, tamque clarè & apertè de præcipuis verorum Christianorum officiis loquuntur, ut quisquis voluerit eos legere, eorundem sententiam atque doctrinam facilè percipiat: illam autem semper hauserunt ex sacris Scripturis & Ecclesiæ traditione, tanquam ex limpidissimo fonte qui eodem modo ac tenore semper fluit, nec ulli corruptioni est obnoxius; & licèt aliquoties de quibusdam Quaestionibus moralibus dubitaverint (neque enim generaliter loquendo negamus ullas esse opiniones probabiles licèt longè pauciores sint quam credant Casuistæ) in eorum tamen scriptis nullum reperire licet vestigium imaginarii illius dogmatis, quod verum & falsum æquali securitate ad cælum nos ducant.

Quâ tandem igitur ratione novi Casuistæ moralem Christianam Doctrinam, quæ in præceptis suis semper eadem ac semper constans & firma esse debet, in Pyrrhonicam &

80 Tract. I. *De Morali in genere.*

Academicam sectam commutarunt? Ubi non tantum reperitur, & asseritur Est & non est, seu affirmatio & negatio, verum etiam æquæ tutæ sunt: ubi eadem actio modò peccatum est, modò non, ex quo novus quidam Doctor eam licitam esse docuit; ubi tandem humana mens cum veritate infelicitè jocatur in ruinam salutis Animarum, adhibito pernicioso & detestabili probabilitatis dogmate.

Inventum hoc sine dubio à Patre mendaciæ excogitatum fuit, eoque postremis his temporibus graviter abutitur, ut Evangelii placita præceptaque prorsus eludat, & carnalem hominem Christianæ veritatis suæque salutis arbitrum reddat. Cum enim Evangelium asserat: *Veritas liberabit vos*, totamque nostram salutem ab ea pendere: nec judicandos nos secundum verba hominum, verum secundum Verbum Dei: *Sermo*, inquit, *quem locutus sum vobis, ipse vos judicabit in novissimo die*; Et ita qui ducem sequitur cæcum, id est qui sua aut aliena ratione regitur, sine dubio in foveam cadet; cum sanctus Thomas omnesque veri Theologi doceant, legem Dei immutabilem esse actionum nostrarum regulam, omnemque actum ei contrarium, esse necessario malum; cum omnes hi Theologi constanter doceant, conscientiam erroneam, seu eam quæ sequitur opinionem falsam & veritati contrariam, non omnino excusare à peccato in his quæ juris sunt naturalis; *Error enim*, inquit, sanctus Thomas, *quo non creditur esse peccatum mortale, quod est peccatum mortale, conscientiam non excusat à toto, licet fortè à tanto.*

Hi verò novi Doctores regulam planè contrariam stabiliunt, nimirum parvi prorsus interesse quod opiniones re verà veræ sint aut

Joan. 12, v.
81.

Quodlib. 9.
art. 15,

CAP. VIII. De Consc. scrupulosa. 81

falsæ, sed planè sufficere quod sint probabiles: hoc est, ut ipsi suam interpretantur mentem, sufficit quod probabiles videantur iis à quibus asseruntur, aut ut aliqua fulciantur ratione seu alicujus Doctoris autoritate: alterutra enim probabilitas secundum ipsos sufficit, ut videre licet apud Caramuelem. Nonnunquam quidem adjiciunt, necesse esse ut hæ rationes solidæ sint, & ut opinio quæ probabilis censetur, non sit contraria scripturæ nec traditioni; verum laqueos tantum tendunt ignororum hominum simplicitati, ut eos his illusionibus & æquivocationibus decipiant; quoniam per has rationes solidas, non intelligunt rationes re ipsa veras, cum tales reperiri minimè possint ad confirmandas opiniones falsas; quibus certè accenseri debet magna probabilium opinionum pars, quæ cum sibi invicem adversentur, simul veræ esse non possunt. Has ergo illi solidas vocant, quæ solidæ probantibus videntur. Hoc verò omnibus sine exceptione erroribus convenit. Vix enim quisquam ullum tueretur errorem, qui non solidas in judicando rationes sequi sibi persuadeat.

Nec volunt etiam Casuistæ, suas probabilitates re ipsa scripturæ traditionisque principiis non repugnare: sic enim omnes omnino falsas opiniones rejicerent. Quid ergo? id demum; ut qui eas tuentur, scripturæ ac traditioni contrarias esse non existiment. Quid si habeantur contrariæ? nec sic probabilitatem amitterent: sufficit enim quosdam Casuistas aliter judicare; tunc enim ex Vasquesio, Sanchez, Escobario debet quis sibi persuadere, id quod sibi ineluctabile videtur, reverà non esse, & ab alio solutiones quasdam ac responsiones inventum iri. Itaque ex illis Casuistis, ut aliqua opinio plenam habeat in conscientia secu-

Caramuel.
Theol. fundam. p. 152.

Vasquez, in 1. 2. disput. 61. nu. 18.
Thom. Sanchez. lib. 169. Escob. in prolog.

82 Tract. I. *De Morali in genere.*

ritatem, id demum requiritur, ut qui eam suis consentaneam cupiditatibus judicat, vel propter aliquam apparentem rationem, vel etiam contra propriam rationem, propter solam nimirum aliorum auctoritatem, eam esse probabilem nec evidenter falsam sibi in animum inducat.

Sic humana ratio, quamlibet cæca & peccato depravata, certa nostrorum actuum regula constituitur, cui suum judicium Deus ipse accommodare debeat, insontesque pronunciare, quos divina lex damnat & humana probabilitas absolvit. Sic nescio quibus scriptoribus nunquam ab Ecclesia probatis, genus quoddam infallibilitatis tribuitur, ab ea longè diversum quàm in Catholica Ecclesia Catholici omnes agnoscunt; propterea enim falli nos ab Ecclesia non posse confidimus, quia præmissi à Christo Spiritus munita præsidio, nec in fide ipsa, nec in morum regulis falli potest. At illi contrà cum se sæpius errare, nec ullam sibi veritatis in opinionibus probabilibus certam cognitionem adesse fateantur; imò cum alii aliis inter se oppositi sint, adeoque plures errore teneri necesse sit: inauditâ tamen absurditate, incertos se ad veritatis viam duces, certos ad veritatis regnum profitentur; nec minùs tutò animas à se regi contendunt, cum à via deerant, quàm cum rectam insistunt viam; postremò non minùs tutum in ore suo esse mendacium, quàm in ore Christi, Apostolorum, Patrum veritas fuit.

Sed possemus justè ab his Casuistis petere, quis illis talem dederit auctoritatem? & quoddam habeant fundamentum hujus tam extraordinarii privilegii, quod neque summi Pontifices neque Patres unquam sibi attribuerunt? illi inquam quos Ecclesia tantùm tolerat, nul-

latenùs verò probat, & nec tolerat quidem, quoniam non rarò summi Pontifices, Episcopi, & Theologiæ Facultates summo cum rigore nonnullos censuris affecerunt condemnaruntque; quod quidem satis declarat, eorum opiniones non esse doctrinam Christi sponsæ, quæ est sine macula & ruga, tam in morum quàm in fidei doctrina.

Horum autem malorum origo & causa est, quod sibi semel persuaserint principio quodam generali, veritatem esse prorsus inutilem; unde factum est ut nullam diligentiam ad eam investigandam adhibuerint; neglectis prædictis veris fontibus unde solùm potest oriri, scriptura scilicet sacra & Ecclesiæ traditione: neglectis etiam veris modis quibus dicta veritas indagatur, oratione scilicet humilique & accurato antiquitatis studio, *Evannuerunt in cogitationibus suis*, resolutiones suas atque responsa non supra Evangelii stabilierunt Petram, quæ firma prorsus est & inconcussa; sed supra quorundam novorum scriptorum auctoritatem, supra rationes humanas, & supra nimium studium hominum infirmitati obsequendi; unde fit ut laxissimas quasque opiniones amplectantur, & contentur latam ad cælum viam sternere, novo suæ probabilitatis commento; verum tam falsa est eorum Charitas, quam eorum scientia incerta est & obscura.

Licet enim Charitas compassionem doceat, non tamen regulatum morum eversionem doceat: adjuvandi sunt homines ut salutem consequantur, verum non sunt ducendi per viam quæ à salute recedit, etiamsi tali specie aut prætextu vestiatur ut ad illam ducere quodammodò videatur. Hæc via tam antiqua est quam ipsum Evangelium, & quisquis novam reperire velit quæ facilius sit & comoda,

84 Tract. I. De Morali in genere.

seipsum primò decipit, tum fallit eos quorum dux esse desiderat; quia Jesus-Christus ore suo pronunciavit, viam quæ ducit ad vitam, esse angustam, eam verò quæ ducit ad mortem, latam esse: per primam paucos, per secundam multos incedere; unde sanctus Lucas refert

Cap. 9; v. 23.

quod Christus, *Dicebat ad omnes: si quis vult venire post me, abneget semetipsum, & tollat crucem suam quotidie.* Id igitur nobis quoque dicebat Christus, neque minùs nos quàm primos Christianos per viam angustam vult incedere vitamque agere crucifixam, non autem voluptuosam, delicatam & mollem, qualem novi Casuistæ permittunt, enervantes Jejunii obligationem, modumque præscriben-

Escob. Th. mor. tr. 1. ex. 13. c. 3. nu. 32. 40. 45. 46. 67. & alij Casuistæ apud eundem.

Apol. pag. 136.

tes minimè laboriosum minimèque poenitentem, ut Escobarius & alii apud eundem Casuistæ: non prohibentes manducare & bibere propter solam voluptatem gustus, ut Apologista, contra naturam hujus actionis & Apostoli præceptum, qui vult ut fideles sive manducent, sive bibant, sive quidquam aliud agant, omnia faciant in nomine Christi & propter gloriam Dei: relinquentes peccatores in proximis peccandi occasionebus ut Apologista & Baunius: permittentes eos occidere, qui asserunt nos mentiri, aut injuriis nos afficiunt, ut Lessius: aut qui bona nostra rapiunt & fugiunt, modò res sint alicujus momenti seu pretii: aut qui fuste volunt nos excipere, aut alapam impingere, ut Filiutius & alii: aut demùm qui honorem nostrum calumniis laceſcunt: docentes etiam servos furari bona Dominorum donec larga sibi stipendia compleant: usuræ facultatem præbentes, ac simoniam licitam perhibentes ridiculis suis distinctionibus, & imaginariis intentionis directionibus.

Apol. p. 40. Bauny de poenit. 1. p. 4. q. 13.

At quoniam, si hæc decreta dumtaxat tan-

CAP. VIII. De Consc. scrupulosa. 85

quàm probabilia proposuissent, non satis ampla fuisset hominibus eorum sequendorum libertas, si probabiliora tutioraque minùs probabilibus ac minùs tutis præponenda censuissent, cùm ferè laxis illis opinionibus contrariæ tutiores probabilioreſque ſint: etiam hunc humanæ cupiditati oppositum obicem percurrere conari ſunt, contrariò morum principio, quod ab omnibus antiquis Theologis oppugnatum ſatentur, ſtabilito: licere nimirum relicta tutiore ac probabiliore, minùs probabilem, ac minùs tutam amplecti, tenerique Confessarios ex falſa illa regula de pœnitentibus judicare. Poſtremò Confessarios poſſe ex aliorum, quam falſam putent, ſententiã conſilium dare, ſi hoc pœnitentibus exoptatius eſſe ſentiant.

Non hîc agitur, an quis privato iudicio diſſiſus, propriam deponere opinionem non poſſit, alteriusque ſe iudicio ſubjicere, quem ex prudentiæ Chriſtiænæ regula doctiorem ſe & cœleſti lumine uberius illuſtratum ſentit, quod licitum eſſe nemo dubitat, modò quis puram omninò intentionem habeat, unam veritatem inquiret; tunc enim fides illa, ac perſuaſio, quâ quis alium putat ſcientiã veritatis inſtructiorem, hoc ab animo noſtro iudicium elicit, ejus opinionem noſtrâ probabiliorem eſſe. Sed ibi præciſè ſita quæſtio; an qui omnibus tum rationibus, tum authoritatibus inrer ſe libratis, in ea opinione tanquam probabiliore permanet; aliquid divina lege illicitum eſſe, id nihilominus cûtâ conſcientiã facere poſſit, quod aliundè ſuppetant nonnullæ rationes, vel authoritates, quæ licitum id eſſe probare videantur, quamvis illas minoris eſſe ponderis judicet, quàm eas quibus illicitum probatur. Hîc docent illi Caſuiſtæ, etiam

86 Tract. I. *De Morali in genere.*

Sanchez in
sum. lib. 2. c.
93. nu. 14.

Vasquez in 1.
2. disp. 61. n.
14.

Cic. 1. de of-
ficiis.

propriâ opinione tanquam probabiliori reten-
tâ, ut aiunt Sanchez & Vasquez. Hoc verò
conscientiam manifestè violari, vel ipso com-
munis sensus lumine patet. Cum enim animus
noster variis tum rationibus tum authoritati-
bus distrahatur, quibus illæ aliquid legi divi-
næ contrarium esse, illæ non esse persuadent,
dubius ille & anceps maneat necesse est, si eas
æquè probabiles judicet. Quo casu, & ex
Ethnicis, qui vetabant, ut ait Cicero, quid-
quam agere, quod dubites æquum sit an ini-
qum: & ex illa Juris Canonici lege, *In dubiis*
tutior pars eligenda, id de quo dubitamus an
sit licitum, facere non licet: aut si quæ ratio-
nes probant rem esse illicitam, eæ graviore
probabilioresque videntur; fieri non potest
quin illis iudicium nostrum id est conscientia
assentiatur; adeoque si illud ipsum nihilomi-
nus agamus, manifestè conscientiæ nostræ ju-
diciū violamus, quod omnes fatentur vitio-
sum ac pravam, etiam si conscientia nostra
fortè erronea sit.

Quod si quis, ut solent illi Casuistæ, res-
pondeat, eum qui facit quod probabilius pu-
tat esse peccatum, privatam sibi conscientiam
fingere, quâ sic agere sibi licitum putet; idem
est profectò ac si diceretur, propterea ipsum
contra conscientiam non agere, quia sibi lici-
tum putat contra conscientiam agere: aut
eum non agere contra conscientiam suam,
quia conscientiam habet nullam. Enim verò
si quis nullam censeatur habere religionem
quoties plures religiones sequitur, non video
qualem habere conscientiam possit is, qui tot
habet conscientias, ut eas pro nutu & arbitrio
suo commuteret, sine ulla sententiæ mutatione &
sine ullo novo lumine: quique diversas sibi
fingit conscientias secundum varias utilitates &

CAP. VIII. De Conſc. ſcrupuloſa. 87

affectus ſuos, quique in diverſis Caſuiſtarum opinionibus inſtigat quod cupiditati ſuæ favet, & qui lubens ac volens ſe excæcat, ac in praxi ſequitur quod proprio tamen iudicio legi Dei contrarium eſſe credit.

Recedamus, viri fratres, à prodigioſis illis erroribus, legem Dei toto corde quæramus, eam diu noctuque meditemur, nec alibi ſecuritatem eſſe putemus, quàm in accurata ejus obſervatione. Si quod dubium nobis occurrat, conſulamus noſtram conſcientiam, ac caveamus ab eo quod probabiliſſime peccatum eſſe iudicamus. Hoc omnes ſancti ſuo exemplo ſuiſque ſcriptis nos docuere, haſque veritates ſanè capitales nitidè incluſas videre licet apud divum Thomam quodlibeto octavo, ubi quærit an liceat plures habere præbendas, quæ quæſtio tunc inter Doctores agitabatur, non ſine diverſitate opinionum. *Dicendum*, inquit divus Thomas, *quod duobus modis aliquis ad peccatum obligatur: uno modo, faciendo contra legem, ut cum aliquis fornicatur: alio modo, faciendo contra conſcientiam, etiamſi non ſit contra legem; ut ſi conſcientia dicat alicui, quod levare fuſtucam de terra, ſit peccatum mortale. Ex conſcientia autem obligatur aliquis ad peccatum, ſive habeat certam fidem de contrario ejus quod agit, ſive etiam habeat opinionem, cum aliqua dubitatione. Illud autem quod agitur contra legem, ſemper eſt malum, nec excuſatur per hoc quod eſt ſecundum conſcientiam: & ſimiliter, quod eſt contra conſcientiam, eſt malum, quamvis non ſit contra legem: quod autem nec contra conſcientiam, nec contra legem eſt, non poteſt eſſe peccatum. Dicendum eſt ergo, quod quando dua ſunt opiniones contrarie de eodem, oportet eſſe alteram veram, & alteram*

Dr. Th. quodlib.
lib. 8. a. 134

88 Tract. I. De Morali in genere.

falsam. Aut ergo ille qui facit contra opinionem magistrorum, utpotè habendo plures prabendas, facit contra veram opinionem, & sic cum faciat contra legem Dei, non excusatur à peccato, quamvis non faciat contra conscientiam: sic enim contra legem Dei facit. Aut illa opinio non est vera, sed magis contraria; quam iste sequitur, ita quod verè licet habere plures prabendas: & tunc distinguendum est; quia aut talis habet conscientiam de contrario, & sic iterum peccat, contra conscientiam faciens, quamvis non contra legem: aut non habet conscientiam de contrario, sed certitudinem; sed tamen in quadam dubitationem inducitur contrarietate opinionum: & sic, si manente dubitatione plures prabendas habet, periculose committit; & sic, procul dubio peccat, utpote magis amans beneficium temporale, quàm propriam salutem: aut ex contrariis opinionibus in nullam dubitationem adducitur; & sic non committit se discrimini, nec peccat.

Hæc verba ita clara sunt atque perspicua, & ita demonstrant opinionem falsam, licet probabilis judicetur, non excusare à peccato, nec licere facere quod per se licitum est, quando dubitatur an sit licitum; ut facis mirari non possumus cæcitatem eorum, qui hunc locum afferunt ad doctrinam probabilitatis stabilendam:

Alexander de Ales concludit, quod quando quis dubitat utrum simonia sit in aliquo contractu seu concordato quod pro beneficio intendit facere, ita ut quidam Doctores affirmativam teneant partem, alii verò negativam: nunquam tali contractui seu concordato consentire debet, ne se exponat periculo peccati mortalis.

CAP. VIII. *De Consc. scrupulosa.* 89

Adrianus sextus, qui fuit inter primos sui temporis Theologos, quique propter eximiam doctrinam & pietatem, postea ad summum Pontificatum promotus fuit, idem sentit, non licere scilicet sequi opinionem minus tutam relictâ tutiori. Eandem sequitur doctrinam Cardinalis Cajetanus in summa; eumque imitantur melioris notæ Theologi, quorum autoritates hîc afferre tædiosum foret atque superfluum; sufficit cum sancto Augustino asserere: *Nolo plura dicere de re tanta, quia melius eam committo fidelium gemitibus, quam sermonibus meis.* Enimverò humanæ mentis deviatio in hujus ætatis Casuistis, digna potius est lacrymis quam confutatione; satiusque est preces quam disputationes adhibere, ne pereant ipsi, neve alios etiam damnabili sua præsumptione perdant: *Quia, inquit idem Augustinus, cum istis non tam disputationibus quam orationibus est agendum: plus eis sine dubitatione præstamus, si ut corrigantur oremus, ne cum tantis ingeniis vel pereant, vel alios perdant præsumptione damnabili.*

Ut id agatis vos etiam atque etiam hortor, fratres Charissimi, ut vestra Charitas erga ipsos pateat, vosque inducat ad eorum sortem deplorandam, eademque erga nosmetipsos charitas, eosdem vos faciat devitare; atque ut minus in opinionum delectu errētis, hoc semper generale placitum animis vestris impressum habetote, quo majorem partem casuum conscientia qui vobis proponuntur solvetis.

Christianus est homo novus, qui veterem hominem exuit in baptismo: habere debet cogitationes & actiones novi hominis. Ubi agitur actio quædam vobis proponitur, attendite:

90 Tract. I. *De Morali in genere.*

cui conformis ea sit, ad veteris Adami meritum, aut ad novi hominis sententiam. Quæ ad primum pertinent, nihil valent omnino, licet subtilibus regantur distinctionibus & variis intentionis directionibus, quæ nihil aliud sunt quàm excusationes in peccatis. Legite diligenter & humiliter novum Testamentum, in quo Christus Dominus exemplis suis ac verbis, ipsumque secuti Apostoli fideles docent vivendi modum quem sequi debent, clarè, distinctè simplicique planè stylo; sed cælesti prorsus unctione pleno. Huic lectioni, sanctorum Patrum libros jungite qui de moribus agunt, si hujus lectionis capaces sitis: quales sunt eorum Homiliæ atque Epistolæ; sed eas legite cum ea mente quæ discipulos decet, non verò tanquam vani, superbi, & curiosi censores, qui in Patrum scriptis ea investigant quæ præjudicia propria, præconceptasque opiniones confirmare valeant. Ab omni præterea dominandi in humanas mentes libidine immunes estote, atque liberi ab amicitia, gloria, honore, commodis hujus sæculi; & quærite non quæ vestra sunt, sed quæ ad honorem Dei & salutem animarum quæ vobis commissæ sunt pertinent.

Nolite citius quàm par est in resolutionibus vestris ac responsis properare; sed diligenter singula considerate, ad orationem recurrите, & in gravioribus difficultatibus nos cum omni fiducia consulite: Episcopus est suæ Diocesis Casuista veluti natus, quia illius est pastor; ac Dei misericordiâ speramus, ea nos ab ipso recepturos lumina quibus indigebimus, data qualibet occasione, ut vobis respondeamus.

Denique sequimini hanc regulam de qua loquitur sanctus Augustinus, *Quam nobis Deus & Prophetarum presagio, & suscepti hominis*

CAP. VIII. De Consc. scrupulosa. 91

Sacramento, & Apostolorum testimonio, & Martyrum sanguine, & gentium occupatione munivit; Non autem eam viam quam novi tradiderunt Authores falso lumine nitentes quod sunt ipsi decepti, qui non aliâ utuntur auctoritate quàm chimerica sua & erronea imaginatione. Ab his ducibus cavete, qui multos solum amant sectatores, magisque de turba sequaci quàm de bono regimine sunt solliciti: hæc altis mentibus Prophetæ verba semper custodite. *Hac dicit Dominus: state super vias & videte, & interrogate de semitis antiquis, qua sit via bona, & ambulate in ea.* Jerem. cap. 6. v. 16. Non ad novas vias indagandas nos mittit Prophetæ: novitas in negotio fidei semper suspecta est: Vincentius Lirinensis eam tradit tanquam certum minimèque dubium erroris signum: *Annunciare, inquit, aliquid Christianis Catholicis præter id quod acceperunt, nunquàm licuit, nusquàm licet, nunquàm licebit.* Dixerat antea Tertullianus quod *principalitas veritati, novitas mendacitati deputata est.* Hæc autem antiquitatis regula non minùs convenit doctrinæ morum, quàm doctrinæ mysteriorum fidei; ambæ enim idem irrevocabilis auctoritatis habent principium, quod est scriptura sacra, & Ecclesiæ traditio; fidesque veræ est illa, quæ operatur per Charitatem, quæque à charitate formatur.

In ultimo Cleri Gallicani conventu Lutetiæ celebrato anno 1656. Parochi Rotomagensis civitatis, quos illustrissimus eorum Archiepiscopus eadem de causa mandaverat, simul cum Curatis Parisinis, exhibuerunt eidem Clero Catalogum multarum propositionum, quas ex modernis quibusdam Casuistis traxerant, ut à dicto Clero examinarentur: earum lectio horrorem quemdam in animum audientium

impressit, omnesque tunc aures obturare cogitavimus, ut fecere quondam Patres Concilii Nicæni, ne blasphemias in Arrii libro conscriptas audirent: omnes zelo quodam ardebant reprimendæ infidelium istorum scriptorum audaciæ, qui sanctissima quæque Evangelii præcepta tam impudenter corrumpunt, ac doctrinam introducunt moralem, cujus vel honestos puderet paganos, quæque ipsos bene moratos Turcas posset offendere, illisque scandalum exhibere. Verum cum Conventus finis tunc immineret, nec vacaret omnino adscriptos omnes autores legere, ut sententia, cognitâ perspectâque causâ, pronunciaretur, ac sine ullo mentis partiumque præjudicio: censuit Clerus, ex sententia clarissimi viri Abbaris Cyronii, universitatis Tholosanæ Cancellarii, viri æquè docti ac pii, imprimi debere ipsius Cleri impensis instructiones sancti Caroli Borromæi Cardinalis & Archiepiscopi Medionalensis, quas ille Confessariis suæ Diocesis tradidit; creditumque est, dum Prælati tanto malo tamque urgenti juridicis censuris obviare possent, quod hic liber torrentem illum malarum opinionum quæ ruinam Christianæ moralis moliebantur, tanquam quidam obex posset sistere.

Hoc idem opus vobis legendum nunc porrigimus, & hortamur ut illud accuratè percuratis, ac summa cum diligentia & fide servetis. Eas ipsas instructiones statutis-synodalibus nostris inseruimus, saltem quoad maximam partem; verum cum jam autoritate tantorum Episcoporum fulciantur, qui eas publicandas censuerunt: illas denuò vobis tradimus, quasi jam validiores, quàm cum nostra tantum autoritate nitebantur: in his reperietis modum planè sanctum regendi peccatores,

CAP. VIII. *De Consc. scrupulosa.* 93

quo pravis habitibus & consuetudinibus exspoliantur, non verò in his confirmantur: retrahuntur etiam ab occasionibus peccandi proximis in quibus peribant; omnes frivolaë & inanes excusationes ad laxos mores tuendos excinduntur: sincerè prorsus explicant illæ instructiones, quid Deo, quid sibi, & quid proximo debeant homines secundum Evangelii regulas, non autem secundum sua commoda, pravosque propriæ cupiditatis motus & affectus: veram tradunt agendaë pœnitentiæ normam, severitate quadam, sed ea certè prudenti temperatam. Denique vos fideles dispensatores sanguinis Jesu Christi efficiunt, vosque judices pœnitentium vestrorum constituunt, quales vos esse voluit Christus, non autem servos, quales vos vellent esse novi Casuistæ; cogendo vos absolutionem illis impendere, in quibus nulla spes emendationis apparet, eorumque erroneas sequi opiniones contra proprium vestrum judicium ac conscientiam, ut videre est apud Baunium.

Bauni Theol.
moral. p. 1.
tr. 4. q. 22.
nu. 109.

Ad vestras fortasse manus perveniet liber quidam inscriptus: *Apologia Casuistarum contra calumnias Jansenistarum*; cujus occasione vos monere tenemur, quod cùm crederemus instructionum sancti Caroli publicatione torrentem illum pravarum & periculosarum opinionum recentiorum Casuistarum sisti debere: comparuit perniciosum hoc opus ad confirmandos omnes errores in Casuistarum libris sparsos, & ad erigendum veluti de veritate trophæum.

Vix in publicum prodierat, cùm horrorem & indignationem legentium omnium bonorum in se vehementer commovit. Enimverò auctor ejus diligenter congregasse videtur omnes sordes, extravagantes quasque opiniones & ra-

94 Tract. I. De Morali in genere.

tiones, omnes iudicii defectus & omnes corruptelas in recentibus Casuistis passim effusas: tantâque eas audaciâ & impudentiâ tuetur, ut tanta tamque prodigiosa cæcitas gemitus & suspiria excitet piorum hominum: de qua quidem cæcitate dici potest cum Augustino: *Spargens pœnales cecitates super illicitas cupiditates*. Stylus illius libri repens est atque humilis, ratiocinandi modus planè puerilis, argumenta prorsus infirma: Patres quos citat, impudentissimè corrumpit, ejusque conclusiones falsæ sunt & periculosæ; totum opus furorem quemdam veneno infectum spirat contra Christianæ moralis defensores, quos odiosos exososque efficere conatur, hæreticos appellando: Hi verò quos tales exhibere contendit, sunt Parochi Parisienses, Rotomagenses, & maximarum rotius Regni civitatum: illi sunt sanctissimi Episcopi, piissimi Presbyteri, optimi Religiosi, qui palam publicèque damnarunt quinque propositiones à summo Pontifice proscriptas, quique Apostolicæ sedi venerationem omnem exhibent quæ à bonis & obedientibus Catholicis expectari potest.

Illustrissimus Aurelianensis Episcopus contra infelicem hunc librum primus vexillum extulit, eumque censurâ suo zelo digna, & ferventi defendendæ veritatis amore, damnavit, ad vindicandum Ecclesiæ honorem & salutem animarum procurandam. Illum sequuti sunt Illustrissimi Archiepiscopi Senonensis, Rotomagensis, Bituricensis, & Episcopi Bellocensis, Andegavensis, Nivernensis, Electensis, Convenensis, Appamiensis, Vascensis, Conforanensis, Tulensis, Ebroïcensis, Lexoviensis, Catalaunensis, Cadurcensis, ac Vicarii generales Eminentissimi Cardinalis de Rets Archiepiscopi Parisiensis; Facultas quoque

CAP. VIII. *De Consc. scrupulosa.* 95

Theologiæ Parisiensis suis censuris animi sui horrorem ab ejusmodi opinionibus & corruptelis significarunt, quas Apologia tueri conatur.

Licet autem post tantorum hominum judicium, nostrum non magni videatur esse momenti; nihilo tamen minus arbitrati sumus, nos ex officio teneri eorum zelum imitari, ne muti videamur dum lupus circuit ovile ut oves devoret. Cum his igitur, in spiritu Episcopalis unitatis declaramus, postquam diligenter & accuratè examinavimus librum inscriptum, *Apologia Casuistarum, &c.* nos eum comperrisse Evangelii placitis & præceptis contrarium, item exemplis Jesu Christi, doctrinæ Apostolorum, sanctorum Patrum opinionibus, definitionibus Ecclesiæ, securitati & honori Principum eorumque Ministrorum & Magistratum, familiarum tranquillitati, bono societatis Civilis regimini prorsus oppositum, propter innumeras propositiones falsas, temerarias, periculosas, erroneas, & scandalosas, quas tueri conatur hic liber; & tanquam talem damnamus, ac prohibemus ne legatur, retineatur, vendatur, aut distribuatur in nostra Diœcesi Christianis sollicitudini nostræ Pastoralis commissis. Si quis autem Prior, Curatus, Vicarius, aut Presbyter hunc librum jam habeat, ei permittimus ut eum retineat, eâ mente ut videat placita & opiniones quæ detestari debet: prohibendo strictissimè ne illis utantur in conscientiiis dirigendis.

Hoc mandatum & edictum publicatum fuit in Synodo celebrata in civitate Venciensi die sexta Maii anno 1659. & publicis tabulis insertum, ut eò recurrant qui ejus opera indigebunt. Exscriptum ex tabulis publicis spiritalibus Episcopatus Venciensis, die decimâ

C A P U T I X.

De peccato in generali.

Quaest. 1. QUID est peccatum generaliter
sumptum?

Resp. Peccatum potest definiri, quod sit
actus per quod recedimus à regula nostra,
operando contra lumen naturæ, rationis, &
legis æternæ. Hæc definitio sumpta est ex doc-
trina sancti Thomæ, qui sic ait: *Omnis actus*
voluntarius est malus per hoc quod recedit ab
ordine rationis, & legis æternæ. Et quia lex
divina superioribus obediendum præcipit, se-
quitur ex hac definitione, peccare nos dum
contra leges Ecclesiasticas aut politicas ope-
ramur.

D. Thom. 1.
2. q. 11. art.
1, in corp.

Quaest. 2. Quot modis peccari potest?

Can. Sciendū.
de pœnitent.
tiâ, dist. 1.

Resp. Tribus modis, ut dicitur in Canone
admittitur peccatum; nam aut ignorantia,
aut infirmitate, aut studio, id est malitiâ;
perpetratur.

Quaest. 3. Quomodo peccatur ex igno-
rantia?

Resp. Sanctus Thomas dicere videtur, igno-
rantiam esse causam peccati, quoties com-
mittitur, ex eo quod nescit quis illud quod
scire tenebatur, & potuit illud addiscere.
Ignorantia quæ superari non potest, atque ob
id invincibilis dici solet, inquit Scholæ An-
gelus, nullum est peccatum, sed tantummodo
vincibilis, si sit eorum quæ quis scire tenetur.

D. Thom. 1.
2. q. 76. art.
1, in corp.

Quaest. 4. Quo pacto peccatur ex infirmi-
tate?

Resp.

CAP. IX. De Peccato in generali. 97

Resp. Peccata ex infirmitate, proveniunt à nostris animi motibus & passionibus, quæ verè spirituales infirmitates sunt. *Potest autem*, ait sanctus Thomas, *dici infirmitas in anima ad similitudinem infirmitatis corporis: dicitur autem corpus hominis esse infirmum, quando debilitatur, vel impeditur in executione propria operationis, propter aliquam inordinationem partium corporis. Vnde & membrum dicitur esse infirmum, quando non potest perficere operationem membri sani: Sicut oculus, quando non potest clarè videre. Sicut autem partes corporis dicuntur esse inordinata, quando non sequuntur ordinem naturæ, ita & partes animæ dicuntur esse inordinata, quando non subduntur ordini rationis. Sic ergo quando extra ordinem rationis vis concupiscibilis, aut irascibilis, aliquâ passione afficiuntur, & per hoc, impedimentum præstatur debita actioni hominis; dicitur peccatum esse ex infirmitate.*

D. Th. 1. 2.
q. 77. art. 3.
in corp.

Quæst. 5. Quomodo ex malitia peccatur?

Resp. Ex malitia peccare dicitur is qui animo deliberato scelus committit, nec ad illud aut ignorantia aut violenti passione impellitur, ita ut propriè ex sola perversa voluntate hæc legis divinæ violatio proveniat, cum scilicet videt quis peccaminosum esse talem actum, & nihilo tamen minùs vult ita operari, ut suæ perversæ voluntati morem gerat; & dici potest, juxta sancti Thomæ mentem, quod illi ex malitia peccant, qui scienter, deliberato animo, & cum voluntatis plenitudine eligunt peccatum committere. *Dicuntur homines nonnumquam*, ait sanctus Doctor, *ex certa malitia; & industria peccare, quasi scienter malum eligentes.*

D. Th. 1. 2.
q. 78. art. 1.
in corp.

Unde hæc est differentia inter peccata infir-

98 Tract. I. De Morali in genere.

mitatis, & peccata malitiæ, quod licet in peccatis quæ ex infirmitate committi dicuntur, homo sufficientem libertatem habeat, ut fiat reus in tali actu; attamen à passione ita violentè impellitur, ut potius dicatur talis passio actionem producere, quàm ipsa voluntas: è contra accidit in peccatis malitiæ; in quibus licet passio voluntatem aliquo modo moveat, tamen id cum tanta debilitate fit, ut voluntas ipsa sit primaria & principalis causa peccati, non autem hujusmodi passio; & ita homo verè ex propria voluntate & animi propensione operatur, non verò ex repentina passione & violenti animi motu. Possimus exemplum peccati ex malitia provenientis in scriptura reperire in fratricidio à Cain traditoriè, & animo deliberato in persona Abel perpetrato. Videtur etiam ex malitia peccasse Saulem, dum innocuum Davidem interficere totis viribus conabatur, etsi optimè de illo sæpè sæpius meritis fuisset. Postremò perfidia Judæ stupendæ malitiæ scelus involvebat.

Quæst. 6. Peccata quæ ex malitia perpetrantur, sunt-ne illis graviora, quæ ex ignorantia, aut infirmitate committuntur?

Resp. Graviora sunt, ut ait sanctus Gregorius Papa, varios peccatorum gradus docens his verbis: *Gravius infirmitate quàm ignorantia, sed multò gravius studio, id est malitiâ quàm infirmitate, peccatur.* Quam doctrinam sequitur Sanctus Thomas, & ratione confirmat, dum ait: *Peccatum quod est ex certa malitia, est gravius peccato, quod est ex passione.* Primò quia cum peccatum principaliter in voluntate consistat, quantò motus peccati est magis proprius voluntati, tantò peccatum est gravius ceteris paribus. Cum autem ex certa malitia peccatur, motus pec-

Gen. cap. 4.

Reg. lib. 1.
c. 18.

Math. c. 26.
v. 14.

D. Greg. Can.
Sciendum. de
pœnitentia
dist. 2.

D. Th. 1. 2.
q. 78. art. 4.
in corp.

CAP. IX. De Peccato in generali. 99

cati est magis proprius voluntati, quæ ex se ipsa in malum movetur, quàm quando ex passione peccatur, quasi ex quodam extrinseco impulsu ad peccandum. Vnde peccatum ex hoc ipso quod est ex malitia aggravatur, & tantò magis, quantò fuerit vehementior malitia: ex eo verò quòd ex passione, diminuitur tantò magis, quantò passio fuerit magis vehemens.

Quæst. 7. Quo pacto dividuntur peccata?

Resp. Generaliter loquendo, peccata dividuntur primò in venialia, & mortalia.

Quæst. 8. Quid est peccatum mortale?

Resp. Peccatum mortale, ut docet sanctus Thomas, propriè est quod repugnat charitati, per quam anima vivit Deo conjuncta. Et idcirco vocatur mortale, quia animam à Deo, qui vera ejus vita est, separat: cùm enim, ut dicitur in Canone, Deus sit vita anima, anima verò vita corporis: sicut corpus vivere non potest absente anima, ita non nisi Deo presente anima vivere valet.

D. Th. 1. 2.^a
q. 110. art. 4.
in corp.

Can. Resuscitatus. de peccat. dist. 13. d.

Quæst. 9. Quid est peccatum veniale?

Resp. Illud est, quod licet Deo displiceat, non tamen peccatorem à Deo separat; quia non destruit charitatem, cùm non sit propriè contrarium & oppositum amoris Dei & proximi. Quandoque, inquit sanctus Thomas, voluntas peccantis fertur in id, quod in se continet quamdam inordinationem, non tamen contrariatur dilectioni Dei & proximi: & talia sunt peccata venialia.

D. Th. 1. 2.
q. 88. art. 2.
in corp.

Quæst. 10. Unde provenit diversitas, quæ est veniale inter & mortale, & quo pacto potest unum ab aliò secerni?

Resp. Sanctus Augustinus magnum Ecclesiæ lumen, fatetur difficillimum esse expressè videre, & notare quæ sint peccata venialia, &

100 Tract. I. De Morali in genere.

S. Aug. lib.
21. de civit.
Dei. cap. 27.

quæ mortalia. Sed, inquit, quæ sint ipsa peccata, quæ ita impediunt perventionem ad regnum Dei, ut tamen sanctorum amicorum meritis impetrent indulgentiam, difficillimum est invenire, periculosissimum definire. Ego certè usque ad hoc tempus, cum inde satagerem, ad eorum indaginem pervenire non potui: & fortassis propterea latent, ne studium proficiendi ad omnia peccata cavenda pigrescat. Quoniam si scirentur quæ vel qualia sunt delicta, pro quibus etiam permanentibus, nec profectu vita melioris assumptis intercessio sit inquirenda & speranda justorum, eis securæ se obvolveret humana segnities, nec evolvi talibus implicamentis ullius virtutis expeditione curaret. Nunc verò, dum venialis iniquitatis, etiamsi perseveret, ignoratur modus, profectò studium in meliora proficiendi orationi instando, vigilantius adhibetur. Quidquid sit, certum est, ut alibi docet idem

Aug. Enchi-
rid. cap. 78.

sanctus Doctor, quod quæ sint levia & quæ gravia peccata, non humano, sed divino sunt pensanda iudicio. Et ut idem sanctus Doctor relatus in Canone dicit, non debemus secundum arbitrium voluntatis judicare de gravitate peccatorum. Non asseramus, inquit, stateras dolosas, ubi appendamus quod volumus & quomodo volumus, pro arbitrio nostro dicentes: Hoc grave, hoc leve est; sed asseramus divinam stateram de scripturis sanctis tanquam de thesauris Dominicis, & in illa quid sit gravius appendamus, imò non appendamus, sed à Domino appensa recognoscamus.

S. Aug. lib.
2. de Bapt.
refertur in
Can. Non asse-
ramus. 24.
q. 1.

Et certè prima quæ debet assignari regula ad judicandum de mortali aut veniali, ex sacra scriptura sumitur; & inibi dum legimus, aliquod peccatum à regno Dei excludere, ani-

CAP. IX. De Peccato in generali. 101

nam interimere, necem peccatori inferre, & hujusmodi, debemus statim concludere tale peccatum ex suapte natura mortale esse. Habemus præterea traditionem, quam in sacris Canonibus, & sanctorum Patrum operibus inquirere & investigare debemus; dumque invenimus in illis salubribus Doctrinæ Christianæ fontibus, tale peccatum esse veniale vel mortale, idem planè judicium de eo nobis faciendum est.

Attamen notandum est, peccatum mortale ex natura sua, posse fieri veniale, aut propter levitatem matetix, aut propter indeliberationem voluntatis: igitur illud quod ex se peccatum mortale esset, fit veniale, primò ob parvitatem materiæ: exempli gratiâ, furtum rei alienæ, est mortale peccatum ex natura sua; attamen erit tantùm peccatum veniale, si fiat furtum alicujus rei nullius ferè momenti, ut unius assis; quia, ut docet Angelicus Doctor, *Illud quod modicum est ratio apprehendit quasi nihil; & ideo in his quæ minima sunt, homo non reputat sibi nocumentum inferri: & ille qui accipit, potest præsumere hoc non esse contra voluntatem ejus, cujus res est; & pro tanto, si quis furtivè hujusmodi res minimas accipiat, potest excusari à peccato mortali: Si autem habeat animum furandi & inferendi nocumentum proximo, etiam in talibus minimis potest esse peccatum mortale.*

D. Th. 2. 2.
q. 66. art. 6.
ad 1.

Secundò potest transgressio alicujus præcepti, esset tantùm peccatum veniale, propter indeliberationem voluntatis. *Actus mortalis ex genere suo, inquit sanctus Antoninus, ex eo quòd non sit ex consensu libero & perfectò, venialis redditur.*

D. Ant. 1. p.
tit. 9. cap. 1.
§. 3.

Quæst. 11. Illud ne semper efficit levitas

102 Tract. I. *De Morali in genere.*

materiæ, ut peccatum quod ex natura sua mortale esset, semper fiat veniale?

D. Th. 1. 2.
q. 1. art. 3.
in corp.

Resp. Sunt principaliter duæ peccatorum species, in quibus levitas materiæ non reddit veniale, illud quod ex natura sua mortale est. Et primò in materia fidei delictum contra fidem commissum, quantumvis materia levissima sit, est semper peccatum mortale dum adest liber & perfectus consensus; quia, ut docet sanctus Thomas, *Ratio formalis objecti fidei, est veritas prima, unde nihil potest cadere sub fide, nisi in quantum stat sub veritate prima, sub qua nullum falsum stare potest.* Et ita dum non credimus, quidquid à Deo credendum proponitur, concludendum est, nos non credere alias veritates, quia à Deo revelatæ sunt, cum aliquid quod revelatum est à Deo non credamus. Secundò circa

D. Th. 1. 2.
q. 74. art. 8.
in corp.

res venereas, communiter dicitur, delectationem impudicam semper esse peccatum mortale, quantumvis levis sit materia, modò sit cum perfecta deliberatione; rationem assignat sanctus Thomas, dum dicit: *Quod aliquis consentiat in delectationem carnalem hoc nihil aliud est, quàm quod ipse consentiat in hoc, quòd affectus ejus sit inclinatus in fornicationem: nullus enim delectatur, nisi in eo quod est conforme appetitui ejus: quod autem aliquis ex deliberatione eligat, quòd affectus suus conformetur his quæ secundum se sunt peccata mortalia, est peccatum mortale.* Et consequenter levitas materiæ regulariter non excusat à peccato mortali in rebus venereis.

Addi posset, illud peculiare esse in peccatis carnalibus, quod dum quis in his aliquo modo delectatur, licet in materia levi, semper adest periculum veniendi ad consummationem

CAP. IX. De Peccato in generali. 103

actus ; & ideo non mirum est , quod omnis delectatio perfectè deliberata in hac materia, sit semper peccatum mortale.

Quod etiam potest confirmari autoritate summi Pontificis Alexandri septimi in secundo Decreto contra 45. propositiones morales anno 1666. 18. Martii, nam inter alias hæc damnata fuit :

Est probabilis opinio , qua dicit esse tantum veniale osculum habitum ob delectationem carnalem & sensibilem qua ex osculo oritur, secluso periculo consensus ulterioris & pollutionis. Igitur damnavit summus Pontifex illos qui dicerent osculum esse peccatum tantum veniale, dum datur ob delectationem carnalem, licet materia satis videatur levis, & licet illæ omnes adsint circumstantiæ, quæ in hac propositione continentur, scilicet quod nullum sit periculum pollutionis, aut consensus ulterioris; ex quo faciliè colligi potest, quod in rebus veneris, levitas materiæ illud quod ex se mortale est, non reddit veniale. Præterea idem planè communiter dicitur de odio aut contemptu Dei, de perjurio assertorio, magia, simonia, irritatione Sacramentorum, violatione sigilli, & Jejunii naturalis.

Quæst. 12. Potest-ne indeliberatio voluntatis, peccatum ex se mortale, reddere veniale in materia impudiciæ, fidei & similia?

Resp. Cum peccatum ex voluntate tantum proveniat, (*Nam usque adeo, inquit sanctus Augustinus, peccatum voluntarium malum est, ut nullo modo peccatum sit, si non sit voluntarium.*) Certum est, nullum esse peccatum, dum nulla adest voluntas, quod locum etiam habet in rebus sacratioribus in quibus defectus deliberationis peccatum excludit,

S. Aug. Can.
Quod autem.
15. q. 1.

104 Tract. I. *De Morali in genere.*

D. Ant. 1. p.
tit. 9. c. 1.
§. 1.

quod si deliberatio sit imperfecta tantum, peccatum erit tantum veniale : *Ea enim*, inquit sanctus Antoninus, *qua diminuunt liberum motum voluntatis, sicut infirmitas, vel violentia, aut metus, vel aliquid huiusmodi, diminuunt peccatum, & diminuunt voluntarium, in tantum quod si actus sit omnino involuntarius, non habet rationem peccati.* Quod etiam docetur à sancto Thoma his verbis. *Potest id quod est ex genere mortale, esse veniale propter imperfectionem actus, quia non perfecte pertingit ad rationem actus mortalis, cum non sit deliberatus, sed subitus.* Et ita concludendum est, delectationem impudicam & veneream, ut diximus, esse ex se peccatum mortale, quantumvis materia levissima sit : sed si sit absque libertate & deliberatione, nullum tunc adest peccatum ; quod si aliqua insit deliberatio, sed imperfecta, erit peccatum veniale, non mortale.

D. Th. 1. 2.
q. 88. art. 6.
in corp.

C A P U T X.

De differentiis & diversitatibus peccatorum.

Quest. 1. **Q**UO T modis peccari potest ?
Resp. Generaliter loquendo duobus modis peccari potest, aut per actum internum, aut per actum externum.

Quest. 2. Quomodo peccatur per actum internum ?

Resp. Potest quis internè, & cogitatione peccare duobus planè modis : primò quidem si in perversa cogitatione voluntariè, & ob delectationem quæ ex eâ provenit, immore-

CAP. X. De Differentiis peccat. 105

tur, & vocatur morositas, & cogitatio morosa. Secundò modo peccat quis, dum verè desiderat exequi id, quod illi perversa cogitatio suggerit. *Si cui*, inquit sanctus Augustinus, *etiamsi non contingat facultas concumbendi cum conjuge aliena, tamen planum sit eum aliquo modo cupere, & si potestas detur, esse facturum, non minùs reus est, quàm si in ipso facto deprehenderetur.*

Can. *Si cui*
de pœnitentia. dist. 1.

— *Quaest. 3.* Quomodo & quibusnam modis per cogitationem simplicem perversam, & morosam peccatur; id est per quandam complacentiam, quæ habetur in cogitatione aliqujus mali, & negligentiam in illa cogitatione rejicienda, licet ad opus perversum devenire quis nolit?

Resp. S. Thomas huic quaesito his verbis respondet. *Deficit aliquis in directione passionum dupliciter. Vno modo quando homo ex deliberatione provocat sibi motum ira, vel concupiscentia. Alio modo, quando non reprimat illicitum passionis motum, sicut cum aliquis postquam deliberavit, quòd motus passionis insurgens, est inordinatus, nihilominus circa ipsum immoratur, & ipsum non expellit: & secundùm hoc dicitur peccatum morosa delectationis esse in ratione.* De eadem materia fusiùs disseruimus Tom. 6. tract. 8. de septimo Præcepto Decalogi.

D. Th. 1. 2.
q. 74. art. 6.
in corp.

— *Quaest. 4.* Ex quo provenit peccatorum diversitas?

Resp. Peccata inter se diversa duobus modis esse possunt; aut in numero, aut in specie.

— *Quaest. 5.* Quo pacto peccata sunt diversa ratione numeri?

Resp. Docet S. Thomas, numerum peccatorum constitui ex multiplicatione actuum interiorum voluntatis moraliter interruptis,

106 Tract. I. De Morali in genere.

D. Th. lib. 2.
Sentent. dist.
42, q. 1. 2. 1.

Cum quæritur, inquit, utrum voluntas & actus exterior sint diversa peccata: aut intelligitur de voluntate conjuncta actui exteriori, aut de voluntate præcedente: Si de conjuncta, sic oportet quod unum peccatum sit voluntas interior, & actus exterior, quia voluntatis non multiplicatur actus. Si autem de voluntate separata, sic est aliud peccatum, quia actus voluntatis multiplicatur: quando enim actum explet exteriorem, etiam actum voluntatis iterat; & ideo oportet quod sint duo peccata, non propter diversitatem actus interioris & exterioris, sed propter diversitatem duorum actuum interiorum voluntatis.

Quæst. 6. Quonam modo peccata speciem mutant?

D. Th. 1. 2.
q. 72. art. 1.
in corp.

Resp. Peccata propriè sunt diversæ speciei ex eodem Angelico Doctore, cum objectum transgressionis & peccati est alterius speciei: Quia, inquit, peccata propriè distinguuntur specie secundum objecta: Et ita committitur peccatum diversæ speciei, quoties violatur diversæ speciei præceptum; ex quo sequitur omnes circumstantias, quæ ad peccata diversæ speciei spectant, efficere ut peccatum illis conjunctum sit diversæ speciei: exempli gratiâ, si peccatum luxuriæ inter personas liberas perpetraretur, erit simplex fornicatio, si cum maritali committatur, erit adulterium: & si cum consanguinea, erit incestus; nam, juxta S. Thomam, Manifestum est, quod adulterium est determinata species luxuria, utpote specialem deformitatem habens circa actus venereos.

D. Th. 1. 2.
q. 154. a. 8.
in corp.

Quæst. 7. Quot sunt circumstantiæ peccatorum?

Resp. Idem sanctus Doctor docet, quod

CAP. X. De Differentiis peccat. 107

Peccatum natum est aggravari per circumstantias tripliciter : uno quidem modo in quantum circumstantia transfert in aliud genus peccati : Sicut peccatum fornicationis consistit in hoc quòd homo accedat ad non suam. Si autem additur hac circumstantia, ut illa ad quam accedit sit alterius uxor, transfertur in aliud genus peccati, scilicet in adulterium, quod est gravius peccatum quàm fornicatio. Aliquando verò circumstantia non aggravat peccatum, quasi trahens in aliud genus peccati, sed solum quia multiplicat rationem peccati : Sicut si prodigus det quando non debet, & cui non debet, multiplicius peccat eodem genere peccati, quàm si solum det cui non debet, & ex hoc ipso peccatum fit gravius. Tertio modo circumstantia aggravat peccatum, ex eo quòd auget deformitatem proveniente ex alia circumstantia, sicut accipere alienum constituit peccatum furti ; si autem addatur hac circumstantia, ut multum accipiat de alieno, erit peccatum gravius : Non tamen mutabit speciem, aut numerum multiplicabit.

Quest. 8. Quot modis circumstantiæ possunt peccatum aggravare ?

Resp. Possunt circumstantiæ aut leviter, aut notabiliter aggravare peccata : aggravant notabiliter cum, licet directè non mutant peccati speciem, tamen ita malitiam peccati augent, ut crimen quasi specie diversum aliquo modo constituent ; ut apparet in eo qui maximam pecuniæ summam furatur. Circumstantiæ leviter aggravant, dum aliquo modo peccatum majus reddunt, sed non notabiliter, ut accidit in illo, qui hominem sibi vicinum, aut ejusdem civitatis interemit, aut in loco vicino Ecclesiæ, licet non in Ecclesia.

108 Tract. I. De Morali in genere:

Quaest. 9. Quænam circumstantiæ in Confessione Sacramentali necessariò aperiendæ sunt, ut integra sit?

Resp. Ut Confessio integra sit, videtur necessariò dicendas esse non solum circumstantias, quæ speciem peccati mutant, & eas quæ numerum peccatorum augment, sed etiam illas quæ notabiliter aggravant, & peccato malitiam multò majorem, & quasi diversæ speciei tribuunt; quia cum in Confessione adsit tribunal in quo Confessarius divinam justitiam exercet, & in quo personam etiam medici gerit, ut malo peccatoris opportunum remedium adhibeat, necesse est ut illius malitiam agnoscat, & ut ea omnia quæ ad peccatum pertinent, & magni momenti sunt illi aperiantur; quia ut dicitur in Concilio Tridentino, *Quod ignorat*

*Sess. 14^a de
pœnit. cap.
5^a*

Medicina, non curat. Quod si illas multum aggravantes circumstantias nesciret Confessarius, illius judicium esset valdè imperfectum, nec remedia peccato convenientia, & proportionata applicare posset; quia illæ circumstantiæ tanti sunt ponderis, ut sine illis cognitio peccati valdè æquivoca & obscura sit: Ergo necessariò aperiendæ sunt in confessione. Hinc est quod Innocentius III. Livornensi

*Cap. Deus qui
de pœnitentiis
& remissionibus,*

Episcopo scribens, Consideratis, inquit, circumstantiis omnibus, competentem pœnitentiam delinquentibus imponatis, prout salutis eorum videritis expedire. Et in Canone Omnis utriusque sexus, in quo Concilium generale Lateranense ab Innocentio III. congregatum modum administrandi pœnitentiæ Sacramentum Confessariis præscribit, sic habetur:

*Cap. Omnis
utriusque se-
xus. de pœ-
nitentiis &
remissionibus,*

Sacerdos autem sit discretus, & cautus, ut more periti medici super infundat vinum & oleum vulneribus sauciati, diligenter inquirens & peccatoris circumstantias, & pec-

CAP. XI. De Causis quæ à pec. 109

cati : quibus prudenter intelligat quale debeat ei præbere consilium & cujusmodi remedium adhibere , diversis experimentis utendo ad sanandum agrotum.

Tandem sanctus Carolus Borromæus dicit in iis Instructionibus quas in gratiam Confessariorum suæ Diœcesis , imò totius Ecclesiæ , tanta cum maturitate & doctrina composuit , quod Confessarius scire debet quæ sint circumstantiæ quæ speciem peccati mutant , aut multum aggravant , quia , illæ duæ circumstantiarum species necessariò debent in Confessione aperiri. Quantum ad alias circumstantias , quæ non multum aggravant , illas in confessione explicare , consilii est , non præcepti ; quia non ita considerabiles sunt , ut possint impedire rectum iudicium quod Confessarius de pœnitentis conscientia facere debet ; aut efficaciam remediorum , quæ medicus spiritualis adhibere tenetur pervertere. De eadem quæstione tractatum est Tomo 4. Tract. 6. de Pœnit. cap. 6. de Confessione.

S. Carol. A. A.
1. part. 4. de
Instr. Conf.
fess.

C A P U T X I.

De Causis quæ à peccato excusant.

Quest. I. **N** I H I L-ne est quod hominem à peccato possit excusare , ita ut verè semper peccet , quoties præceptum aliquod transgreditur ? Can. Quod autem 1. q. 13

Resp. Tria sunt quæ possunt excusare peccatorem : Primò quidem ignorantia. Secundo timor. Tertiò defectus deliberationis aut libertatis ; quia , ut ait S. Augustinus , *Vsq.ue ad eò peccatum voluntarium malum est , ut nisi sit*

110 Tract. I. De Morali in genere.

voluntarium, nullo modo peccatum sit. Et consequenter illa omnia, quæ liberum voluntatis consensum impediunt, ut ignorantia, timor, & indeliberatio, peccatum excusant.

Quæst. 2. Tres illæ causæ excusant-ne semper omninò à peccato?

D. Th. 1. 2.
9. 77. art. 7.
in corp.

Resp. *Actus aliquis qui de genere suo est malus*, inquit S. Thomas, *totaliter à peccato excusatur, quando totaliter involuntarius redditur; unde si sit talis passio, qua totaliter involuntarium reddat actum sequentem, totaliter à peccato excusat, alioquin non totaliter.*

C A P U T XII.

De Ignorantia.

Quæst. 1. **Q**UANDO nam ignorantia excusat à peccato, aut non excusat?

D. Th. 1. 2.
9. 6. art. 8.
in corp.

Resp. Ignorantia non excusat à peccato quando voluntaria est: ignorantia autem est voluntaria, ut docet S. Thomas, *Primò quia actus voluntatis fertur in ignorantiam, sicut cum aliquis ignorare vult, vel ut excusationem peccati habeat, vel ut non retrahatur à peccando: alio modo dicitur ignorantia voluntaria ejus quod quis potest scire & debet: ignorantia verò non est voluntaria, cum aliquis homo ignorat aliquam circumstantiam actus, quam non tenebatur scire. Videantur quæ satis fusè diximus supra capite 20. & præfertim num. 8. & sequentibus: & cap. 4. per totum.*



CAPUT XIII.

De Timore.

Quaest. I. **T**IMOR potest-ne excusare à peccato?

Resp. Timor peccatum duobus modis excusat : aut quia tollit libertatem , *Si enim* , ut ait S. Antoninus , *timor sit multum vehemens & excessivus , in tantum quod rationem perturbet , tunc talis timor impedit operationem ex parte mentis ;* & ita non patitur hominem liberum esse & liberè decernere quid sibi agendum sit : in quo casu excusat semper à peccato in qualibet materia , quia , ut dicitur in Canone , *Non imputantur ad poenam , quae ex mentis deliberatione non processerunt.* Illud tamen valde rarò accidit in praxi , & illà doctrinà multum abuteretur qui facilè crederet , se aliquid egisse timore praevenum absque ulla deliberatione ; quia saepè potest esse deliberatio sufficiens & perfecta , licèt aliquo modo insensibilis sit.

D. Ant. i. p. tit. 6. cap. 104 §. 31

Can. Illud re- laum. 15. q. 14

Secundò , timor à peccato excusat , cùm ab observatione praecepti dispensat , quod accidit dum quis potest quidem liberè actionem suam considerare , sed tamen poenae & damna quae ei ex observatione alicujus praecepti humani imminet , illum à tali observatione liberant , quia non obligatur ad faciendum opus praescriptum à lege cum tanto incommodo & damno.

Quaest. 2. Quando-nam metus gravis excusat à peccato , licèt non tollat omninò libertatem ?

Resp. Ut huic quaestioni clarè respondeatur,

112 Tract. I. *De Morali in genere.*

supponendum est, duas diversas esse obligationes circa præcepta, quarum prima indispensabilis, alia dispensabilis est: prima obligatio ad præcepta naturalia & divina spectat, & ad ea omnia quæ ex natura sua mala & prohibita sunt, id est quæ non sunt mala quia prohibita, sed sunt prohibita quia mala. Secunda obligatio potest aliquoties dispensationem pati, & spectat ad ea, quæ nullo modo ex naturâ sua mala sunt, sed indifferentia, quæque sunt tantum mala quia prohibita sunt. His positis, Respondeo timorem nunquam ab observatione naturalium & divinorum præceptorum excusare; quia ut docet sanctus Thomas, si

D. Th. 2. 2.
q. 125. art. 3.
in corp.

aliquis propter timorem quo refugit periculum mortis, vel quodcumque aliud temporale malum, sic dispositus est, ut faciat aliquid prohibitum, vel pratermittat aliquid quod est præceptum in lege divinâ, talis timor est peccatum mortale. Diminuitur tamen, ut addit

D. Th. ibid.
art. 4.

idem S. Doctor, secundum aliquid ejus peccatum, quia minus voluntarium est quod ex timore agitur. Sed quantum ad obligationem quæ oritur ex præceptis positivis, quæ spectant ad ea quæ sunt tantum mala quia prohibita, timor ab ea excusare potest, & consequenter à peccato; quia, ut ait idem sanctus

D. Th. 2. 2.
q. 147. a. 2.
ad 1.

Doctor, præcepta positiva, ut sunt Statuta Ecclesia, sunt de his quæ non per se sunt de necessitate salutis, sed solum ex institutione Ecclesia; & idèd possunt esse aliqua impedimenta propter quæ aliqui ad illa observanda non tenentur; quia Ecclesia non intendit obligare cum tanto incommodo. Et ut in Evange-

Marc. cap. 2.

lio dicitur, Non homo propter Sabbatum, sed Sabbatum propter hominem: Et ratio est, quia cum res ex se mala non sit, neque prohibeatur ab aliquo præcepto naturali, lex super ea

CAP. XIV. De Indeliberatione. 113

lata, respicit utilitatem hominis, non ejus damnum & destructionem, & ita non obligatur quis ad eam observandam, cum aliquo damno magni momenti. Hinc est quod multis de causis potest quis excusari ab observatione præcepti de audienda Missa diebus Dominicis, & festivis; quia illud præceptum est tantum positivum humanum: prout fusiùs dictum est Tom. 5. Tract. 3. de 2. Præcepto Decalogi.

C A P U T X I V.

De Indeliberatione.

Quaest. 1. **D**EFFECTUS deliberationis potest-ne excusare peccatum?

Resp. Talis defectus excusat in quacumque materia, ut jam diximus; & ratio est, quia, ut docet S. Thomas, *Omne peccatum dependet ex judicio rationis, quia etiam primus motus sensualitatis non habet quòd sit peccatum, nisi cum judicio rationis reprimi potest, & ideo sublato judicio rationis, tollitur ratio peccati.* Sed eodem tempore fateri necesse est, actiones corporales vix unquam posse excusari totaliter à peccato prætextu defectus deliberationis, nisi ille qui operatur usum rationis tunc temporis non habeat, ob amentiam, phrænesim, ebrietatem, aut somnum.

D. Th. 1. Et
q. 154. art. 5.
in corp.

Quaest. 2. Excusat-ne totaliter à peccato ille defectus deliberationis?

Resp. Si talis defectus totalis sit, omninò & absolutè excusat à peccato, ut supra diximus; si verò supersit quædam levis deliberatio licet imperfecta, eo tamen modo ut potuerit quis talem actum prohibitum non facere: tunc excusat tantum in parte, redditque peccatum

114 Tract. I. De Morali in genere.

D. Th. in
quæst. dispu-
tatis. q. 6 de
malo. art. 6.
ad 8.

minus grave, aut etiam veniale: Primus motus sensualitatis, inquit sanctus Thomas, *Qui est ex dispositione corporali, non est peccatum, & hunc appellant aliqui primum primum. Secundus autem motus qui excitatur ex aliqua apprehensione, est peccatum. Primum enim ratio nullo modo vitare potest. Secundum autem vitare potest.*

Quæst. 3. Ostendat, quælo, in quo casu defectus deliberationis excuset à peccato in materia pravarum cogitationum, & quando nam minuat peccatum, aut veniale reddat?

Can. Sed pen-
sandum. dist.
6.

Resp. Dicitur expressis verbis in Canone, quod cum malignus spiritus peccatum suggerit in mentem, si nulla peccati delectatio sequatur, peccatum omnino perpetratum non est. Cum vero delectari caro coeperit, tunc peccatum incipit nasci. Si autem etiam ad consensum ex deliberatione consentit, tunc peccatum cognoscitur perfici.

C A P U T X V.

De Habitu.

Quæst. 1. Quid est habitus?

Resp. Est quædam propensio & inclinatio contracta ex longa continuatione actuum ejusdem speciei, quæ nos ad idem semper faciendum potenter movet. Unde docet S.

Can. Sicut tri-
bus. de pœ-
nit. dist. 2.

D. Ant. 1. p.
tit. 9. cap. 1.
S. 3.

Augustinus in Canone, quod vi consuetudinis mala tanquam molè terrenâ premitur animus. Et, ut dicit S. Antoninus, Ex perversa assuefactione vitiosus quasi repente precipitatur.

Sanctus Augustinus nobis satis manifestat inconvenientia quæ sequuntur ex habitu perverso in quo ante conversionem detinebatur,

cum dicit : Ego suspirabam ligatus non ferro alieno , sed mea ferrea voluntate. Velle meum tenebat inimicus , & inde mihi catenam fecerat , & constrinxerat me : Quippe ex voluntate perversâ facta est libido : & dum servitur libidini , facta est consuetudo : & dum consuetudini non resistitur , facta est necessitas : quibus quasi annulis sibi inmet innexis (unde catenam appellavi) tenebat me obstrictum dura servitus.

Quæst. 2. Habitus excusat-ne à peccato ?

Resp. Habitus potest contrahi aut per multiplicationem actuum perversorum , aut per actus innocentes & licitos : exempli gratiâ , potest quispiam habitum contraxisse malitiosè operando contra conscientiam , aut contra præceptum naturale ; aut illum contraxisse per actus innocentes & licitos , quia nondum præceptum editum erat. In primo casu , si habitus procedit ex actibus facinorosis , inexcusabilis est , & etiam si tolleretur aliquo modo libertatem deliberandi , attamen quia hæc deliberandi impotentia culpabilis est , & talis necessitas ex libertate antecedenti procedit , id omne quod ex tale habitu fit , culpabile & peccaminosum est in præcedenti libertate , licet actus in se consideratus peccaminosus non sit , cum nullo modo sit voluntarius , ut supponitur. Hæc doctrina sumitur ex S. Thoma , qui loquens de passione animi quæ omnino usum rationis tollit (& ita assimilatur habitui potenti de quo est sermo) dicit , quod *passio quandoque quidem est tanta , quod totaliter aufert usum rationis , & tunc si talis passio à principio fuerit voluntaria , imputatur actus ad peccatum , quia est voluntarius in sua causa ; si vero causa non fuerit voluntaria , sed naturalis , puta cum aliquis ex*

S. Aug. lib.
8. Confessio-
num, cap. 54

D. Th. 1. 2.
q. 77. art. 7.
in corp.

116 Tract. I. De Morali in genere.

agritudine, vel aliqua huiusmodi causa, incidit in talem passionem, qua totaliter aufert usum rationis, actus omnino redditur involuntarius, & per consequens totaliter à peccato excusatur. Ex qua doctrina sequitur, habitum qui provenit ex actibus licitis, & tollit omnino usum rationis & libertatis, non esse culpabilem, & actus ex eo sequentes, non esse peccaminosos, ut patet ex S. Thomæ verbis.

Quæst. 3. Habitus non-ne saltem minuit gravitatem peccati?

Resp. Non solum habitus malitiosus & culpabilis non minuit peccatum, sed etiam auget & aggravat, quia, ut docet S. Gregorius in Canone, *Tantò sunt graviora peccata, quanto diutius animam infelicem detinent alligatam.* Unde sanctus Antoninus loquens de habitu qui nos fortiter ad peccatum impellit: *Nec tamen, inquit, talis consuetudo excusat, vel minuit peccatum, sed potius aggravat.* Et ratio est, quia cum vitiosus habitus sit propensio voluntatis in malum, ille qui ex tali habitu operatur, peccat cum majori voluntatis inclinatione & affectu, quam ille qui simpliciter ex quodam animi motu & passione peccat; unde docet S. Thomas, quod *quandocumque quis utitur habitu vitioso, necesse est quòd ex certa malitia peccet.* Potest etiam dici majoris culpæ reum esse illum, qui committit peccatum, quod producit quamdam speciem impotentiae ad observanda in posterum præcepta, quam illum qui aliud peccatum perpetrat, quod nullam consequentiam malam involvit, & propriam tantum habet malitiam; quia in primo casu non solum adest peccatum, sed etiam affectus & propensio ad illud committendum, & præcepti divini con-

Can. Cum
tanto. de con-
suetud.

D. Ant. 2. p.
tit. 3. c. 3.
§. 151

D. Th. 1. 2.
q. 78. art. 2.
in corp.

temptus, ita ut quodlibet peccatum ex habitu proveniens, ex eo quod relationem habet ad illa quæ præcefferunt, participet de illorum malitia; alia verò peccata quæ ex habitu non fiunt, habent tantum malitiam propriam, quæ etiam transitoria est, & non pertinax & obstinata.

Quod optimè explicat Divus Bernardus, dum loquens de perverso habitu peccatorum sic habet: *Ita nescio quo pravo & mirò modo, ipsa sibi voluntas, peccato quidem in deterrius mutata, necessitatem facit, ut nec necessitas, cum voluntaria sit, excusare valeat voluntatem: nec voluntas cum sit illecta, excludere necessitatem; est enim necessitas hac quodammodo voluntaria, est favorabilis vis quadam, premendo blandiens, & blandiendo premens. Unde sic se rea voluntas, ubi semel peccato consenserit, nec excutere jam per se nec excusare tamen ullatenus de ratione queat. Et hac voluntaria peccandi necessitate plectitur inordinatus animus, eò merito quo volens in eam illabatur, ait S. Augustinus.*

Dicit etiam S. Hieronymus in Canone, quod assidue peccantium non miseretur Deus. Quod exponit Glossa: *Id est iteratò non miseretur de facili; quia ex S. Augustino, Frequenter peccans & lugens, vix veniam meretur.*

Can. Diaconi
sum. dist. 93.
Glossa. ibid.

Can. Inanis.
de pœnit.
dist. 3.

Quæst. 4. Habitus potest-ne ita peccatum aggravare ut illud quod ex sua natura esset tantum veniale, mortale efficiat?

Resp. Antequam huic quæsito respondeatur, supponendum est, juxta Doctrinam S. Thomæ & S. Antonini, peccatum veniale non posse fieri mortale ex eo quod sæpius iteratur, & frequenter committitur, nisi propter aliquod accidens illi superveniens. Veniale, inquit sanctus Antoninus, ex sui diuturnitate, vel

D. Th. 1. 2.
q. 88. art. 5.

D. Ant. 1. p.
tit. 10. cap. 1.
§. 3.

frequentia, vel assiduitate non potest esse mortale, nisi forte per accidens, ex al quo superveniente; cum scilicet in actu multiplicato supervenerit aliquid quod variat speciem, puta contemptus, vel aliud ejusmodi: sic intelligendum est quod dicitur 25. dist. ubi dici videtur quod aliquando venialia in consuetudine ducta efficiuntur mortalia. Et Glossa super hoc Canone exponit, quod assiduitas & contemptus vitandi veniale, fit mortale. Id est assiduitas & frequentia peccati venialis, potest reddere peccatum mortale ob contemptum, qui in ea frequentia facile reperitur: & ita concludi posse videtur, peccatum veniale posse ex assiduitate fieri mortale; quia talis assiduitas potest producere contemptum præcepti. Quod probatur ex doctrina Doctoris Angelici, qui postquam dixit, peccatum veniale posse fieri mortale ob contemptum, docet in responsione ad tertium argumentum, quod frequentia peccati dispositive inducit ad contemptum, secundum illud Proverbiorum 18. Impius cum in profundum venerit peccatorum, contemnit.

Quæst. 5. Verum-ne semper est, peccata ex habitu excusationem non habere?

Resp. Potest considerari peccator duobus modis in habitu hærens. Primò dum de peccatis præteritis verè dolet, & diligentiam exactam adhibet ad præveniendam, & impediendam naturæ suæ perversam inclinationem ob hujusmodi habitum, & severè in se ipso similes culpas ulciscitur. Secundò considerari potest dum nullo modo de præteritis peccatis poenitet, aut certè non sibi sufficienter attendit, ut emendare possit perversi habitus propensionem, & ei fortiter contraire, & ita diligenter non conatur impedire, & excludere

Glossa in
Can. Vnum
orarium, dist.
25.

D. Th. 22. 2.
q. 186. art. 9.
ad 3.

peccata in quæ sui habitus illum sæpè præcipitat.

Si peccator in primo statu sit, potest excusari à peccato, dum habitus ita voluntatem prævenit, ut in transgressione sequenti non concurrât, quod vix unquam in peccatis externis accidere potest, nisi fortè in peccatis linguæ, quia culpabile verbum potest aliquoties incautè, & non cogitando dici ab illo qui tale verbum solitus est proferre, etiamsi tunc verè pœniteat. Sed si peccator, sit in secundo statu, id est permaneat, & perseveret in sua malitia, aut non adhibeat diligentiam necessariam ad superandum perversum habitum: tunc talis peccator semper culpabilis est, dum præcepta ex quocumque habitu transgreditur, etiamsi tales transgressiones in semetipsis consideratæ non essent voluntariæ; quia sunt voluntariæ in causa, id est in perverso habitu, & verè dici potest illum velle in habitu perverso perseverare, qui non vult pro viribus conari talem habitum eradicare. Sed ut clariùs hæc resolutio percipiatur, simulque autoritate S. Thomæ confirmetur, cum illo supponendum est, quod *aliquid potest esse voluntarium, vel secundum se, sicut quando voluntas directe in ipsum fertur, vel secundum suam causam, quando voluntas fertur in causam, & non in effectum, ut patet in eo qui voluntariè inebriatur; ex hoc enim quasi voluntarium ei imputatur, quod per ebrietatem committit, licet in se consideratum voluntarium non sit, quia voluntarium est in causa. Hoc posito facile videtur, illum qui totis viribus conatur aliquem malum habitum à se expellere excusari à peccato, licet aliquando cadat ex tali habitu, modò casus omninò involuntarius sit; quia tunc neque voluntarius est in causa, cum*

D. Th. 1. 2.
q. 77. art. 7.
in corp.

hic homo illam pro viribus destruere nitatur, neque in effectu & actu individuali, cum, ut supponitur, talis casus sit penitus involuntarius; sed ut cum sancto Thoma diximus in responsione ad secundam quaestionem de habitu, quodcumque actus vitiosus & malus, involuntarius est tam in causa quam in effectu, excusatur à peccato. E contrario verò certum pariter est, omnia peccata imputari illi, qui non conatur pro viribus malo habitui resistere, ne ex illius impulsu cadat; quia licet tunc tales transgressiones possint esse in semetipsis involuntariae, attamen semper sunt voluntariae in causa. Quapropter S. Augustinus ait, quod

S. Aug. Confess. lib. 8, cap. 5.

Lex peccati est, violentia consuetudinis, quā trahitur & tenetur etiam in vitis animus, eo meritò, quò in eam volens illabitur.

C A P U T X V I.

De Intentione.

Quaest. 1. QUID est intentio in moralibus?

S. Th. 1. 2. Resp. Est voluntatis nostrae actus, quo aliquem suae operationis finem sibi proponit. q. 12. art. 1. in corp. — Haec definitio ex S. Thoma desumpta est.

Quaest. 2. Quot sunt intentionis species?

Resp. Intentio generaliter loquendo in bonam & malam dividi potest.

Quaest. 3. Quae est intentio bona?

D. Aug. lib. 16. de civit. cap. 25. Resp. Est voluntatis actus, quo decernimus aliquid agere propter bonum finem, qui non potest esse nisi Deus, aut implicite, aut explicitè; quia, ut docet S. Augustinus, Virtutes ad quodlibet adipiscendum vel tenendum, nisi

CAP. XVI. De Intentione. 121

nisi ad Deum referantur, etiam ipsa vitia potius sunt quam virtutes.

Quaest. 4. Quandoquidam mala est aliqua intentio?

Resp. Dum voluntas aliquid operari decernit propter finem, qui non refertur ad Deum; unde docet S. Thomas, quod *actus à ratione deliberativa procedens, si non sit ad debitum finem ordinatus, ex hoc ipso repugnat rationi, & habet rationem mali: Si verò ordinetur ad debitum finem, convenit cum ordine rationis; unde habet rationem boni. Necesse est autem quòd vel ordinetur, vel non ordinetur ad debitum finem. Vnde necesse est omnem actum hominis deliberativà ratione procedentem in individuo consideratum bonum esse vel malum.* Idem habet D. Thomas in commentario in primum librum sentent. dist. prima. quaest. 3.

D. Th. 1. 2.
q. 18. art. 9.
in corp.

Quaest. 5. Potest-ne aliquis actus ex se bonus, fieri malus ratione intentionis?

Resp. Potest certè, quia ut dicit S. Augustinus, *Cum aliquid facit homo ubi peccare non videtur; si non propter hoc facit, propter quod facere debet, peccare convincitur.*

D. Aug. lib.
3. in Julia-
num. cap. 4.

Quaest. 6. Actus malus, potest-ne per aliquam intentionis directionem fieri bonus?

Resp. Certum primò est, illud quod ex natura sua malum est, nunquam posse fieri bonum per quamvis intentionis rectitudinem; quia ut docet S. Thomas, *Bonum causatur ex integra causa, malum autem ex singularibus defectibus; & ideo ad hoc quòd dicatur malum id in quod fertur voluntas, sufficit, sive quòd secundum suam naturam sit malum, sive quod apprehendatur ut malum: Sed ad hoc quod sit bonum, requiritur quod utroque modo sit bonum. Et rationem alibi assignat*

D. Th. 1. 2.
q. 19. art. 6.
ad 1.

D. Th. lib. 1.
sent. dist. 40.
q. 1. art. 2.
in corp.

idem S. Doctor, dum dicit, quod malitia voluntatis sufficit ad hoc quod actus malus esse dicatur, quia quod malo sine agitur malum est: non autem bonitas voluntatis intendens sufficit ad bonitatem actus; quia actus potest esse de se malus, qui nullo modo bene fieri potest. Sed illi actus qui ita mali sunt ut tamen in aliquibus circumstantiis possint esse liciti, fiunt boni dum adsunt illæ circumstantiæ quæ pravitatem talium actuum tollant, modò cum recta intentione fiant: exempli gratiâ, pluralitas beneficiorum ex se mala est, attamen potest fieri bona dum est cum illis circumstantiis quæ illius pravitatem auferunt, & adest recta intentio; & ita si quodlibet ex duobus beneficiis non potest subministrare illud omne quod sustentationi beneficiarii necessarium est, aut si sacerdotum penuria, aut paupertas Parochiarum tanta sit, ut Episcopo necesse sit duas unico sacerdoti committere; tunc ille qui duo beneficia in talibus circumstantiis, cum bona intentione possidet, non

D. Th. quod.
lib. 9. art. 15.
q. 7.

peccat: *Istis conditionibus supervenientibus*, ait S. Thomas, cum recta intentione, non erit peccatum. Quod fusiùs exponit sanctus Augu-

D. Aug. lib.
contra men-
daciū, c. 7.

stinus dicens, quod Interest plurimū quidem, quā causā, quo fine, quā intentione quid fiat. Sed ea quæ constat esse peccata, nullo bona causa obtentu, nullo quasi bono fine, nullā velut bonā intentione facienda sunt. Ea quippe opera hominum sicut causas habuerint bonas, seu malas, nunc sunt bona, nunc mala, quæ non sunt per se ipsa peccata: sicut vitum prabere pauperibus bonum opus est, si fit causā misericordiā cum recta fide. Hac atque huiusmodi secundū suas causas opera sunt bona vel mala, quia eadem ipsa si habeant malas causas, in peccata vertuntur;

CAP. XVI. De Intentione. 123

velut si jactantia causâ pauper pascitur. Cum verò jam opera ipsa peccata sunt, sicut furta, stupra vel cætera talia, quis est qui dicat causis bonis esse facienda, ut vel peccata non sint, vel quod est absurdum, justa peccata sint.

Quæst. 7. Licet-ne alicui mulieri sumptuosis, & magnificis vestibus indui, dum solum intendit videri pulchra & bene compta & ornata, sine ulla alia mala intentione?

Resp. Principia illa quæ supra stabilita sunt, cum autoritate S. Augustini & S. Thomæ satis ostendunt id non licere. Primò quia dum intendit tantum hominibus placere, finis illius actus bonus non est, quia ad Deum non refertur. Secundò quia hic actus est ex se malus, dum non adsunt illæ circumstantiæ, quæ possent illum cohonestare, cum, ut docet sanctus

Augustinus, *Verus ornatus maximè Christianorum, & Christianarum, non tantum non est ullus fucus mendax, verum nec auri quidem vestisque pompa; sed mores boni sunt.*

D. Aug. in
Can. Fucare.
de consecrat.
dist. 5.

Id tamen posset esse licitum, si fieret ad obediendum jubenti marito, & hæc circumstantia malitiam talis actus tolleret; quia præceptum quod obligat mulieres ad obediendum marito, arctiori vinculo ligat, quam illud quod prohibet vestibus pomposis uti. Et ita S. Augustinus Ecditiæ scribens, quæ ægrè admodum talibus vestibus induebatur: *Si aliqua, inquit, durâ conditione cogereis, posses habere in superbo cultu cor humile.* Quod tamen intelligendum est, modò ex illis vestibus proximo aliquod scandalum non oriatur; nam tunc licitæ non essent, cum scandalum sit contra legem Dei, quod tamen sæpius accidit; unde sic loquitur S. Antoninus: *Ornatus mulierum tam vanus quid est nisi magnum scan-*

D. Ant. 2. p.
tit. 73. c. 4.
S. 4.

124 Tract. I. De Morali in genere.

datum. & laqueus animarum ? Ecce mulier, inquit Salomon, Proverbiorum 7. *in habitu ornata meretricio ad capiendas animas ; quasi diceret , ad hoc operatur ille ornatus ad scandalisandum & capiendum animas peccato luxuria.* De hac materia fusiùs differuimus Tom. 5. Tract. 5. de 4. Decalogi Præcept. cap. 2. nu. 8. 9.

Quæst. 8. Licet-ne famulo in negotiis amatoriis Domino inservire , dum intendit tantum lucrari ea quæ sibi sunt ad victum necessaria ?

Resp. Cum hæc actio ita illicita sit , ut in nulla circumstantia fieri licita possit , nulla intentio illam excusare valet , ut patet ex doctrina S. Augustini & S. Thomæ superiùs relata. Unde sancta Sedes sequentem propositionem damnavit. 51. Propositio damnata.

Decretum
Innoc. XI.
contra 65.
proposit. an.
no 1679.

Famulus qui submissis humeris scienter adjuvat herum suum ascendere per fenestras ad stuprandam virginem , & multoties eidem subservit deferendo scalam , aperiendo januam , aut quid simile cooperando , non peccat mortaliter , si id faciat metu notabilis detrimenti , puta ne à Domino malè tractetur , ne torvis oculis aspiciatur , ne domo expellatur.

Quæst. 9. Quales condiciones requiruntur ut intentio ita recta sit , ut actus nostri vitam æternam mereantur ?

D. Ant. p. 1.
tit. 4. cap. 6.
§. 1.

Resp. Quatuor condiciones enumerat sanctus Antoninus his verbis. *Primò ergo debet intentio , ad hoc ut sit recta , esse separata ab arrogantia. Debet ergo quilibet intendere & credere , quod principaliter Deus ex sua largitate dabit sibi gloriam beneficienti : juxta illud ad Romanos 6. Gratia Dei vita æterna , scilicet habetur ; gratia autem gratis datur : Hoc autem notat Psalmista , cum ait , Inclina-*

navi cor meum, id est humiliavi, expectans retributionem à Domino, non ex operibus iustitia per me factis, sed secundum suam misericordiam. Debet secundò intentio esse sequestrata à deceptione: ut videlicet non faciat ea quæ de se sunt mala, propter aliquem finem apparenter bonum: hoc enim esset decipere se ipsum. Nam ut ait Apostolus ad Romanos 3. Non sunt facienda mala, ut eveniant bona: Hinc & Greg. qui hac intentione malè accipit, ut bene dispenset, gravatur potius quàm juvetur. 1. q. 1. Non est putandum. Quod si quis fœnus exerceret, ut hospitalia & Ecclesias consecraret: vel etiam aliena raperet, ut pauperibus subveniret, se ipsum deciperet cum nihil mereretur: sed peccatum incurreret. Quod ergo dicitur, quod, quidquid agant homines, intentio judicat omnes; intelligendum est hoc, non de his quæ mala sunt secundum se, sed de bonis seu indifferentibus. Vnde Psalmista ad hoc significandum, Inclinaui cor meum ad faciendas justificationes tuas: non mala opera, sed justificationes tuas, id est mandata tua: quæ servata faciunt hominem justum. Tertio intentio debet esse immaculata: Id est quod ille qui facit aliquod bonum & propter Deum, non habeat in se maculam peccati mortalis. Qui ergo est in aliquo peccato mortali, ut odio, luxuria, invidia, & huiusmodi, quantacumque supplicia sustineat piâ intentione, scilicet propter Deum: non tamen inde recipit retributionem gloria, sed aliqua alia bona, ut prosperitatem, liberationem à multis periculis, dispositionem, seu mollificationem cordis ad poenitentiam; & sic non remanet illud bonum irremuneratum. Quarto intentio ad hoc ut sit recta, oportet quod respiciat tanquam

126 Tract. I. De Morali in genere.

ad ultimum finem, ad retributionem Dei. Qui ergo servat mandata hac intentione principaliter propter retributionem, pœna infernalis scilicet evitandam, non habet intentionem debitam nec meritoriè operatur; quia regula juris dicit, Qui ex timore facit præceptum, etsi bonum est quod facit, non tamen benè facit. Sic etiam qui cavent se à peccatis, vel bona aliqua faciunt, ut non flagellentur à Deo; & non alia intentione principaliter, parùm vel nihil grati sunt Deo. Sed recta intentio est serviendo principaliter Deo, bona faciendo propter ipsum consequendum, in quo & ex quo sunt omnia bona, quoniam retribuens est Dominus, ut dicitur Eccles. 35.

Quæst. 10. Si bona conscientia sit absque operibus bonis, est-ne meritoria?

Resp. Non sufficit bona intentio aliquod opus meritorium faciendi, si dum fieri opportunè potest, non fit; quia, ut docet sanctus Thomas; Non est perfectà voluntas, nisi sit talis quæ opportunitate data operetur. Si verò possibilitas desit, voluntate existente perfectà, ut operaretur si posset, defectus perfectionis quæ est ex actu exteriori, est simpliciter involuntarius. Involuntarium autem sicut non meretur pœnam vel premium, in operando bonum vel malum; ita non tollit aliquid de premio, vel de pœna, si homo involuntariè simpliciter deficiat ad faciendum malum. Et ita juxta Doctoris Angelici doctrinam, bona intentio ad meritum sola sufficit, dum deest modus opus implendi; ita ut qui intenderet & verè cuperet aliquod opus bonum exercere cum voluntate æquè perfectà ac alijs quispam, qui illud idem opus realiter impleret, æqualiter placè mereretur.

D. Th. i. 17.
q. 10. art. 4.
in corp.

CAPUT XVII.

*De Causis & rationibus quæ passim
asseruntur ad excusandas transgres-
siones sacrorum Canonum & statuto-
rum Ecclesiæ, ob consuetudinem ali-
quam contrariam, aut dispensatio-
nem.*

Quæst. 1. Quid est Consuetudo?

Resp. **Q** Dicitur in jure Canonico quod
Consuetudo est jus quoddam moribus institu- Can. Consue-
tum, quod pro lege suscipitur, cum deficit lex; tudo. dist. 10.
quia ut ait Glossa: Nunquam secundum con- Glossa ibid,
suetudinem est iudicandum, si jus contra-
rium præcipiat. Quod etiam ex multis juris
Canonici & civilis locis probari potest; dicitur enim in Canone, quod Consuetudinis usus- Can. Consue-
que longavi non vilis autoritas est: Verum tudo. dist.
non usque adeo sui valitura momento, ut aut 11.
rationem vincat aut legem. Quod habetur
etiam in titulo Codicis: Quæ sit longa consue-
tudo. lib. 8.

Quæst. 2. Quid est Jus Canonicum?

Resp. Illud Lancelotus definit Jus quod ci- In Instituti-
vium (id est Christianorum) actiones ad Pontificiis
finem æterna beatitudinis dirigit. tit. 1. S. 1. Eff

*Quæst. 3. Ex quibus rebus constat Jus Ca-
nonicum, quid-ve in illo continetur?*

Resp. Jus Canonicum constat ex sententiis
sanctorum Patrum & ex summorum Pontifi-
cum & Conciliorum Decretis & Canonibus,
quos Canones ut ait S. Isidorus, non ex ele- Can. Hoc ip-
ctione proprii arbitrii sancti Patres, sed potius sum. 33. q. 2.
ex sententia divini iudicii sanxerunt. Uade

128 Tract. I. De Morali in genere.

Can. Violato-
res, 15. q. 1.

Damasus Papa ad Episcopos scribens , qui Canones observare & ab aliis observari non multum curabant , *Violatores* , inquit , *Canonum voluntarii graviter à sanctis Patribus judicantur* , & à sancto Spiritu , instinctu cujus ac dono dictati sunt damnantur , quoniam blasphemare Spiritum-sanctum non incongruè videntur , qui contra eosdem sacros Canones , non necessitate compulsi , sed libenter , ut præmissum est , aliquid aut protervè agunt , aut loqui præsumunt , aut facere volentibus spontè consentiunt. Talis enim præsumptio manifestè unum genus est blasphemantium Spiritum-sanctum : quia , ut jam prælibatum est , contra eum agit , cujus nutu & gratiâ Canones editi sunt.

Quæst. 4. Non-ne consuetudo usu introducta , Canones tollit , & ab eorum obligatione nos liberat ?

Can. Nolite.
dist. 11.

Resp. Antequam huic quæstioni respondeatur , notandum est Christianos malè moratos , semper prætextu consuetudinis , ab obligatione communi observandi leges Dei & Ecclesiæ voluisse esse immunes ; & ideo summi Pontifices & sancti Patres in Conciliis congregari attentam vigilantiam adhibuerunt , ne tam pernicio-
sa doctrina à veris fidelibus admitteretur , putarentque Canones consuetudine contrariâ passim abrogari : *Nolite errare , fratres mei carissimi* , inquit sanctus Julius Papa ad orientales Episcopos scribens , qui prætextu consuetudinis Canones observare non curabant , *Doctrinis variis & extraneis nolite abduci. En instituta Apostolorum , & Apostolicorum virorum , Canonesque habetis : His fruimini , his circumdamini , his delectamini ; ut his freti , circumdati , delectati , armati , contra cuncta inimicorum jacula persistere valeatis.*

Et sanctus Gregorius Papa septimus his verbis Episcopo scribit. Si consuetudinem fortassis opponas, advertendum est, quod Dominus dixit, Ego sum veritas & vita: non dixit, ego sum consuetudo, sed veritas. Et certè (ut beati Cypriani utamur sententia,) qualibet consuetudo, quantumvis vetusta, quantumvis vulgata, veritati omninò est postponenda, & usus qui veritati est contrarius, abolendus est.

Can. Si contra consuetudinem, dist. 8.

Frustra, inquit sanctus Augustinus, in Canone relatus, quidam, qui ratione vincuntur, consuetudinem nobis objiciunt, quasi consuetudo major sit veritate, aut non id sit in spiritualibus sequendum, quod in melius fuerit à Spiritu sancto revelatum.

Can. Frustra, dist. 8.

Et ut ait sanctus Cyprianus, Consuetudo qua apud quosdam obrepserat impedire non debet quominus veritas praevalere, & vincat. Nam consuetudo sine veritate vetustas erroris est; propter quod relicto errore, sequamur veritatem, scientes, quia & apud Esdram veritas vicit, sicut scriptum est: Veritas manet & invalescit in aeternum, & obtinet in secula seculorum.

Can. Consuetudo, dist. 8.

Denique sanctus Carolus (quem magnum & fidelem Concilii Tridentini interpretem possumus appellare, quique multum pro illius conclusionem sub autoritate avunculi Pii Papæ 4. laboravit) totis viribus iis obstitit, qui ratione alicujus contrariæ consuetudinis, ab observatione Canonum liberos se esse dictitabant: unde in Concilio Mediolanensi secundo: Nec verò est, inquit, cur à muneris nostri ratione deterreamur, vel quia his pastoralibus nostris studiis actionibusque animos eorum exulcerari videamus, qui filii sunt perditionis; vel quia populares illi, quibus quasi ficus foliis defor-

S. Carol. in orat. habita in Concil. Med. 1.

130 Tract. I. De Morali in genere.

ms, praviq̃ue mores contegi solent, voces audiantur. Non ferunt hac tempora veterum Canonum severitatem; sic jam diu viximus, sic vixerunt, ita egerunt qui atate nos antecesserunt, vita institutum nihil est quod mutemus. At nos hac atq̃ue alia hujusmodi contemnamus.

D. Carol. in
orar. habita
in Concil.
Med. 6.

Et in alio Concilio. *An* verò fortasse à curatione nostra deterremur, inquit, quia hoc nostro frequenti provincia sananda studio exulcerantur animi quorundam passim dictitantium: Non ferunt hac tempora veterum Canonum & antiqua Ecclesia medicamenta? Imò ardentius progrediamur, quoniam hac una medicina præstantissima est, maximèq̃ue opportunum id remedium, ut quibus olim rationibus disciplina Christiana lata & propagata fuit, iisdem ipsis & instauretur, & conservetur.

Demùm, juxta sancti Augustini expositionem, Christus in passione sua, quæ in Psalmo 21. describitur, ut veritatem contra consuetudinem defenderet, multa passus est; illa enim verba: *Quoniam circumdederunt me Canes multi*, sic exponit, id est, pro consuetudine, non pro veritate latrantes multi.

Secundò notandum est, duas esse Canonum species; alii enim ad ordinandam exteriorem Ecclesiæ disciplinam constituti sunt: alii verò ad fidem aut mores Christianorum spectant. Præterea alii jus positivum, & novam obligationem, quam antea non habebamus constituunt; alii ad jus naturale pertinent, & determinant tantum ac manifestant, id quod à jure naturali aut divino præcipitur, aut prohibetur. His positis, certum primò est illos Canones qui id quod à jure naturali aut divino prohibetur declarant, nunquam consuetudine

contrariâ abrogari posse ; *Sciendum est*, inquit S. Antoninus , *quodd nulla consuetudo quantumque generalis & antiquata , potest præjudicare , seu tollere id quod est de lege naturali , seu etiam divinâ quorâ moralia præcepta , ut dist. 8. dicitur : Quia semper viget ea ratio quæ Ecclesiam ad tales instituerdos Canones impulit , cùm fundata sit in jure naturali & divino , quod immutabile est , nullaque consuetudine tolli potest. Exempli gratiâ jure naturali prohibitum est juxta sancti Thomæ doctrinam , aliud in beneficiis & ministeriis Ecclesiasticis quærere , quàm Dei gloriam & utilitatem Ecclesiæ ; Vnde si aliquis , inquit , hac intentione plura beneficia habeat , ut sit ditior , ut lautius vivat , & ut facilius ad Episcopatum perveniat ; non tolluntur prædictæ deformitates , sed augentur : quia cum tali intentione , & unum beneficium habere (quod nullam inordinationem importat) esset illicitum : & sic quidem esset dicendum secundum jus naturale , etiam nullo jure positivo superveniente. Dicendum est igitur , illos Canones qui in hac materiâ conditi sunt , ad jus naturale & divinum spectare , & ita nullâ consuetudine abrogari posse.*

Ut plurimum Canones quos sancta Dei Ecclesia in materia morum constituit , nullam novam obligationem imponunt , sed solummodò declarant & dilucidè aperiunt id quod in jure divino continetur , & vivendi modum qui in Evangelio præscribitur exponunt , dum ad casus particulares descendunt ; & ita vix aliquis Canon potest inveniri in quo aliquid juris divini non sit. Exempli gratiâ , licet pœnæ canonicæ quæ pro variis criminibus infligebantur , ab Ecclesia constitutæ sint , attamen à jure divino aliquatenus originè sumunt ;

D. Ant. 1. p.
tit. 16. §. 6.D. Th. quod.
lib. 2. a. 15.

132 Tra&t. I. De Morali in genere.

quia voluit Deus, peccata in Sacramento pœnitentiæ sine pœna non remitti, & magnis laboribus pœnitentiæque convenienti expiari. Unde quamvis mutari possit Ecclesiæ disciplina, & majores in aliquo sæculo quàm in alio pœnitentias imponere possit; attamen fieri non potest quod Sacramentum Pœnitentiæ Baptismus laboriosus non sit, ut sancti Patres docent, & quod Confessarii non obligentur ad pœnitentias gravitati, & numero peccatorum convenientes pœnitentibus imponendas; quodque pœnitentes ipsi, defectum Confessariorum supplere non debeant, dum clarè vident pœnas sibi impositas nullo modo convenientes esse: nulla igitur contraria consuetudo, illud quod in Concilio Tridentino legitur abrogare poterit. *Debent ergo sacerdotes Domini, quantum Spiritus & prudentia suggererit, pro qualitate criminum, & pœnitentium facultate, salutare & convenientes satisfactiones injungere.*

Conc. Trid.
sess. 14. c. 8.

Attamen videmus sæpius contrariam aliquam consuetudinem adduci contra illos Canones qui mores fidelium dirigunt, quique in lege Dei in sacra Scriptura contenta, fundati sunt; illum abusum, qui jam in novo sæculo vigeat, disertis verbis damnat Concilium Parisiense, dum ait: *Quorundam perversissima consuetudines propriaque voluntates multimoda adinventionem contumaciter, quod valde periculosum est, efficiunt, ut opera fidei magna ex parte negligantur: qui dum legis divina transgressores existunt, easdem consuetudines, sibi legem faciunt, & secundum eas se vivere absque sui discrimine & posse & debere contendunt, sua querentes, non qua Jesu-Christi. Quod quantum auctoritati divina contrarium sit, aut non advertunt, aut*

Conc. Paris.
anno 829.
cap. 1.

certè animadvertere detrectant : quantum etiam ob hoc religio Christiana in eis periclitetur , facile qui sapit advertit. Quapropter unusquisque fidelis , si salvus esse vult , oportet ut remotis perversis consuetudinibus quæ periculum animarum generant , fidem Christi quam percepit , bonis operibus exornare non negligat.

Sed certum etiam est , illos Canones , qui solam Ecclesiæ exteriorē disciplinam dirigunt , posse aliqua legitima contraria consuetudine abrogari. Canones quoque qui ad jus positivum solummodò spectant , quique novam obligationem , quæ prius non erat imponent , possunt contrariā consuetudine tolli , modò clausulam quæ consuetudini posteriori derogat , non contineant , & talis consuetudo legitima , & rectæ rationi consentanea sit ; nam ut docet sanctus Antoninus , *Si lex non habet clausulam derogativam consuetudinis* , tunc aut est rationabilis , aut irrationabilis : si irrationabilis , non tollit legem , ut quia est contra jus per quod leditur ordo judiciarius , vel per quod disrumpitur Ecclesiastica disciplina , vel quod est onerosa Ecclesiis , vel quia est contra publicam utilitatem communem ; Et talis consuetudo non derogat Canoni vel legi , ut 8. dist. Can. Mala.

D. Ant. tit. 16. §. 6.

Quæst. 5. Potest-ne aliqua consuetudo contraria id operari , ut Decretales summorum Pontificum & Conciliorum generalium Canones qui ad dirigendos fidelium mores statuti sunt , ampliùs non obligent ?

Resp. Respondet sanctus Antoninus , quod sufficit scientia Principis ad hoc quod consuetudo tollat legem : sed in Papa certum est quod requiritur ejus assensus expressus. Et est necessarius , cum non ex translatione populi , sed

D. Ant. 1. p. tit. 16. §. 2.

134 Tract. I. De Morali in genere.

dominica jussione & Conciliorum auctoritate suam habeat jurisdictionem.

Can. Consequens. dist. 11.

Anno 846.
cap. 25.

Quod idem Sanctus confirmat auctoritate Nicolai Papæ primi, qui sic loquitur in Canone : *Consequens est, ut quod ab hujus sedis rectoribus plena auctoritate sancitur, nullius consuetudinis prapediante occasione, proprias tantum sequendo voluntates, removeatur : sed firmiter atque inconcussè teneatur.* Quod tamen potissimum intelligendum videtur de iis constitutionibus quæ fidem aut mores respiciunt ; & quantum ad alias Constitutiones & Canones, qui novam aliquam exteriorem obligationem imponunt, seriò notandum est, illos constitutos esse inspirante Spiritu sancto ; nam, ut dicitur in Concilio Aquisgranensi, *Sacri Canones toto orbe venerandi, & sancto Spiritu inspirante digesti, imò calamum sanctorum Patrum qui eos de ordine & statu sanctæ Dei Ecclesiæ conscripserunt regente.* Et ideo non perindè habendi & æstimandi sunt, ac leges humanæ alicujus Principis, quæ quandoque minùs ratione, quàm genio dominantis, aut ob aliquod interesse proprium, constitui possunt, vel vèrè quia putantur utiles reipublicæ, licèt re verà tales non sint. Nihil simile in legibus, quarum Spiritus sanctus autor est, accidere potest. Adde quod nimium austeræ & severæ esse non possunt, aut legis divinæ observationi vel salutis fidelium inutiles. Et ita licèt stricta Canonum obligatio cessare, & tolli publica & patenti Ecclesiæ tolerantia possit ; attamen si ad amissum, & ad litteram non observentur, illorum spiritum observare maximè convenit. Etsi, exempli gratiâ, hoc tempore septennis pœnitentia pro unico mortali delicto non imponitur : non ideo peccatores minùs obligantur ad satisfaciendum divinæ justitiæ.

modo convenienti, & peccatis proportionato; cumque non sint minus gravia hoc tempore delicta, quàm olim erant, supplere debent veri pœnitentes, id quod pœnitentiæ sibi à Confessario impositæ deest, bonis operibus inhærendo, tolerandoque patienter varias, quæ satis frequenter sese offerunt calamitates, & dolendi occasiones.

Cæterum generaliter valdè suspectæ æstimandæ sunt omnes consuetudines, quæ Canonibus adversantur, iisque non faciliè fidendum, sed potiùs sacrorum Canonum leges observare satagendo, orandum est, ut Deus illuminet multorum cæcitatem, qui mediis ad salutem adeo utilibus, quæque ab amantissima matre Ecclesia à Spiritu sancto edocta salubriter offeruntur, uti negligunt.

Quæst. 6. Possunt-ne Ecclesiastici ab obligatione observandi Canones, qui de eorum vita & moribus conditi sunt, se eximere, sub prætextu alicujus desuetudinis?

Resp. Certum est id ab illis fieri non posse, cum præter alias rationes, quæ superiùs indicatæ sunt, tales Canones ab Ecclesia in Concilio Tridentino innovati sint. *Statuit namque sancta synodus ut quæ aliàs à summis Pontificibus & à sacris Conciliis, de Clericorum vita, honestate, cultu, doctrinaque retinenda, ac simul de luxu, comestationibus, choreis, aleis, lusiis ac quibuscumque criminibus, nec non secularibus negotiis fugiendis copiosè, ac salubriter sancita fuerunt, eadem imposterum iisdem pœnis, vel majoribus, arbitrio ordinarii imponendis, observentur: nec appellatio executionem hanc quæ ad morum correptionem pertinet, suspendat. Si qua verd ex his in desuetudinem abiisse compererint, eam quàm primum in usum revocari, & ab omni-*

Conc. Trid.
sess. 22. de re-
for. cap. 1.

136 Tract. I. De Morali in genere.

bus accuratè custodiri, studeant; non obstantibus consuetudinibus quibuscumque, ne subditorum neglecta emendationis ipsi condignas, Deo vindice, pœnas persolvant.

Quæst. 7. Consuetudo alicubi introducta, quod mulieres pectore discooperto publicè incedant, illas-ne à peccato excusare potest?

D. Ant. 2. p.
tir. 4. cap. 5.
§. 3.

Resp. Negativè respondet sanctus Antoninus, dum ait, quod *Si de usu patria est ut mulieres deferant vestes versus collum scissas & aper-
tas usque ad ostensionem pectoris & mamilla-
rum, valde turpis & impudicus est talis usus,
& ideo non servandus. Si de usu communi
patria est deferre mulieres vestes caudatas pul-
verem excitantes & viam mundantes, hoc
turpe est & detestandum, non illis conforman-
dum: non sequaris turbam in malum, ait Do-
minus in veteri lege.*

Hanc doctrinam magno fidelium applausu egregiè confirmavit Innocentius Papa XI. dum corruptelis tollendis, ut bonum summumque Pastorem decet, invigilans, salutari Decreto per Eminentissimum Cardinalem Carpegna Vicarium generalem sancivit, 30. Novembris 1683. ut mulieres omnes ad collum usque & manum, denso ad minùs velo coopertæ in publico essent, sub excommunicationis reservatæ pœnâ ipso facto incurrendâ, Confessarii que qui tales personas absolvere præsumerent eadem excommunicatione ligantur. Quod Decretum Romæ exactè ab omnibus observari summo cum gaudio vidimus, & illius etiam occasione nuditates quasdam in Templâ Dei à pictoribus furtivè, suadente diabolo, introductas, salubriter expungi, & multùm haud dubiè profuturo exemplo emendari & cooperiri. Eodem modo damnat idem sanctus Antoninus caudatarum vestium usum, licet non ita cul-

CAP. XVII. De Causis, &c. 137

pabilis videatur, ac alius supradictus. De hac materia fusiùs differuimus Tom. 5. Tract. 5. de 4. Decalogi Præcepto. cap. 2. num. 8. 9.

Quæst. 8. Ex summi Pontificis dispensatione, oritur-ne semper justa excusatio quæ omnem Canonum obligationem tollat, saltem dum nihil ei falsum narratum fuit?

Resp. Certum primò est, ut ait S. Thomas, quod *Dispensatio humana non aufert ligamen- D. Th. quod-
juris naturalis, sed solum juris positivi, quod lib. 9. art. 15:
per hominem statuitur, & per hominem dis-
pensari potest.*

Sed non minùs indubitatum est, dispensationes excusare ab obligatione observandi Canones qui jus positivum continent, dum illæ adsunt conditiones quas Concilium Tridentinum ad earum in foro conscientie validitatem exigit: Sicuti, inquit Concilium, *publicè expedit legis Conc. Trid:
vinculum quandoque relaxare, ut plenius eve- sess. 25. de
nientibus casibus, & necessitatibus, pro com- refor. capi
muni utilitate satisfiat; sic frequentius legem 18,
solvere, exemploque potius quàm certo perso-
narum, rerumque delectu petentibus indulgere, nihil aliud est, quàm unicuique ad legis transgrediendas aditum aperire. Quapropter sciant universi, sacratissimos Canones exactè ab omnibus, & quoad ejus fieri poterit, indistinctè observandos. Quod si urgens, justaque ratio & major quandoque utilitas postulaverit, cum aliquibus dispensandum esse; id causâ cognitâ, ac summâ maturitate, atque gratis, à quibuscumque, ad quos dispensatio pertinebit, erit præstandum, aliterque facta dispensatio surreptitia censeatur: id est nulla. Vbi necessitas urget, ait S. Bernardus ad Eugenium Papam scribens, Excusabilis dispensa- D. Bern. lib;
tio, ubi utilitas provocat, dispensatio lauda- 3. de confid,
bilis; & utilitas dico communis, non propria; cap. 4.*

138 Tract. I. *De Morali in genere.*

nam cum nihil horum est, non planè fidelis dispensatio, sed crudelis dissipatio est. Et quod majus est tales dispensationes absque legitima ratione concessæ, iis qui eas obtinuerunt inutilis sunt: Nunquid enim, inquit alibi idem sanctus, ideo aut malum esse desit, aut vel minoratum est, quia Papa concessit.


D. Bern. Ep.
7. ad Adam.
monachum.

S. Bern. trac-
tatu de præ-
cepto & dis-
pens. cap. 2.

Sed dum de eadem materia ex professo fu-
sius tractat sanctus Abbas dilucidè hanc quæ-
tionem resolvit his verbis: *Stabile dicitur quod ita est necessarium quod non cuilibet ho-
minum illud mutare fas sit, nisi solis dispen-
satoribus mysteriorum Dei, id est præpositis, ut v. g. regula sanctorum Basilii, Augustini, Benedicti, nec non autentici Canones, & si qua sunt alia Ecclesiastica instituta digna au-
toritatis; qua quoniam à sanctis tradita sunt, sancita stabiliter perseverant, nec omnino cui-
vis subjectorum ea aliquo modo variare vel mutare conceditur. Quia tamen ab homini-
bus, etiam per homines loco & officio illis Ca-
nonica electione succedentes, licitè interdum innoxieque pro causis, personis, locis & tem-
poribus dispensantur: ubi sanè qui hac legit attendat, me cautè non dicere ea posse vel ab istis leviter pro voluntate mutari, sed ex ra-
tione fideliter dispensari. Quandiu ergo Cha-
ritati militans, immobiliter fixa sunt, muta-
rique omnino ne ab ipsis quidem præpositis sine offensa possunt: at si è contrariò contraria fortè aliquando charitati visa fuerint, his dumtaxat quibus hoc posse videre datum est, & providere creditum est; nonne justissimum esse liquet, ut qua pro charitate inventa fue-
runt, pro charitate quoque, ubi expedire vi-
detur, vel omittantur, vel intermittantur, vel in aliud fortè commodius demutentur? Sicut è regione iniquum procul dubio foret, si*

CAP. XVII. De Causis, &c. 139

statuta, pro sola charitate, contra charitatem tenerentur. Tenent ergo fixam firmamque immobilitatem, etiam apud Prælatos, quæ ex stabili necessario sunt; sed quatenus charitati deserviunt. Nunquid autem hoc ego; vel solus sentio, vel primus dico? An non hoc ipsum & Papa Gelasius sensit? Ait si quidem, Vbi necessitas non est, inconvertibilia manent sanctorum Patrum Decreta. Leo quoque Papa, Vbi, inquit, necessitas non est, nullo modo sanctorum Patrum instituta violentur. Et infert: Vbi ergo necessitas fuerit ad utilitatem Ecclesiæ, qui potestatem habet ea dispenset: ex necessitate enim fit mutatio legis. De eadem materia pleno calamo disserui, Tom. 4. Tract. 9. de Sacr. Matrimon. cap. 7. per tot.



TRACTATUS SECUNDUS.

DE

CONTRACTIBUS

IN GENERALI.

CAPUT PRIMUM.

*De definitione & divisione
Contractuum.*

Quæst. I. QUID est Contractus?
Resp. Contractus duplici modo sumi potest: Primò in stricta significatione, & in hoc sensu definiri potest, juxta legem *Labeo.*

140 Tract. II. De Contr. in generali.

ff. de verborum significatione. Conventio inter duas aut plures personas, quæ vicissim ad id quod conventum est exequendum obligat; & talis Contractus vocatur ultro citroque obligatorius; in quo genere sunt emptio & venditio, locatio & conductio, & similia.

Secundò Contractus potest latiori modo sumi, & includere conventionem in qua unus tantum obligatur, sicut evenit in donatione, promissione, & similibus: Hæc duo contractuum & conventionum genera expressè notat Glossa Canonica, dum ait, *Contractus quidam sunt ultro citroque obligatorii, ut emptio & venditio: Quidam ex una parte, ut est donatio.*

Quest. 2. Quo modo dividuntur Contractus?

Resp. Possunt dividi in gratuitos, & onerosos: gratuiti sunt in quibus ille in cujus favorem facti sunt ad nihil omnino præstandum obligatur, ut videre est in Contractibus depositi, precarii, mandati, & similibus: Contractus onerosi dicuntur in quibus partes contrahentes vicissim obligantur ad faciendum, dandum, aut reddendum aliquid; tales sunt Contractus emptionis, & venditionis, locationis & conductionis, permutationis, constitutionis dotis, & generaliter omnes alii in quibus ille in cujus favorem contractus celebratur, dat pretium aut mercedem quamcumque loco illius rei, quam ab alio contrahente accipit. Dividi etiam possunt, & considerari tribus modis; in quibusdam enim dominium & proprietatem rei simul cum illius usu transfertur: ut in contractibus mutui, emptionis, permutationis, & donationis. In aliis usus solummodò, non verò proprietatem & dominium alicujus rei transfertur, ut in contractibus commodati, locatio-

Glossa, in cap.
Provide. in ex-
travag. de
sententia
excom. ver-
bo. Contra-
ctus.

nis, & precarii. Et demùm in aliquibus contractibus neque dominium, neque usus rei transfertur, ut in deposito, & pignore.

Plures aliæ à Jurisconsultis assignantur divisiones, quæ ad tribunal, & forum externum tantum modò pertinere videntur. Ideo hic eas breviter indicare sufficiet.

Primò dividuntur in Contractus nominatos (id est qui nomen peculiare & actionem directam à Jure habent, ut venditio, mutuum, & similia:) & in innominatos, ut sunt Contractus *Do ut des, do ut facias, facio ut facias, facio ut des.* De quibus idem dicendum est quod de illis Contractibus nominatis, quibus unusquisque ex his innominatis assimilatur, ut dicitur in lege *Naturalis. ff. De Præscriptis verbis, §. satisfactio.*

Secundò dividuntur in contractus bonæ fidei, & contractus stricti juris; contractus bonæ fidei sunt in quibus non solum id de quo expressè inter partes conventum est observari debet, sed etiam id quod est æquitati conforme, licèt expressè in conventionem deductum non sit; ut in contractibus emptionis & venditionis, licèt venditor non promiserit evictionem rei venditæ, tamen de evictione tenetur, quoties emptor turbatur & non sinitur pacificè possidere rem sibi venditam; quia evictio & assecuratio ex parte venditoris per se copulatur cum contractu venditionis: Similiter etiam emptor debet interesse summæ conventæ post elapsum terminum illius solutioni præfixum, licèt id in contractu appositum nullo modo esset; quia ex æquitate requiritur ut venditor interesse pecuniæ sibi non numeratæ accipiat, ut hoc modo fiat compensatio fructuum quos ex re vendita percipere potuisset.

Contractus stricti juris sunt in quibus illud

tantum servandum est de quo inter partes convenit; ut sunt contractus mutui, stipulationis, & similes: & ideo in illis contractibus interesse ob solutionis moram non debentur, nisi de hoc expresse inter partes convenerit, licet debeantur in contractibus bonæ fidei, ut ait Glossa his verbis: *In contractibus stricti juris non veniunt usura ex mora, nisi specialiter sint promissa; in contractibus bonæ fidei veniunt usura ex mora; Quia* in contractibus stricti juris lex non præsumit unum ex contrahentibus aliquod damnum, ob solutionis moram, passum fuisse, & ideo non obligat alium ad solutionem interesse, ob rationem damni ex mora provenientis. Contractus bonæ fidei sunt emptio & venditio, locatio & conductio, mandatum, depositum, commodatum, pignus, permutatio, promissio quæ verbo aut in scriptis fit. Alii autem contractus sunt stricti & rigorosi juris.

Demum dividuntur à Jure-consultis contractus in illos qui re perficiuntur, ut mutuum, commodatum, precarium, depositum, pignus, permutatio: in illos qui solo consensu fiunt, ut emptio & venditio, locatio, societas, & mandatum: in illos qui verbis perficiuntur ut stipulationes: & in illos qui scripturam requirunt, aut ex conventionem partium aut ex dispositione juris, ut contractus Emphiteuseos, & census.

In cap. Tum
venerabilis, de
exceptioni-
bus, verbo
bonæ fidei,



CAPUT II.

*Utrum Contractus per errorem factus,
validus sit.*

Quaest. 1. **Q**UID est error in contractu?
Resp. Est existimatio aut stipulatio
alicujus rei, pro alia, & ut dicitur in Canone,
Errare est aliud pro alio putare.

Can. In quib;

Quaest. 2. Quot errorum species possunt in
contractibus reperiri? *22. q. 2.*

Resp. Potest esse error in contractu. Primò
quantum ad substantiam, quod accidit dum
contrahentes putantes super aliqua re contra-
here, super alia diversa contrahunt: Ut si Pe-
trus credens, & volens annulum aureum eme-
re, deceptus alium æreum emit. Secundò er-
ror potest esse circa qualitates, & alios acci-
dentes, dum, exempli gratiâ, quis contrahit
super aliqua re, quam putat habere talem de-
terminatam qualitatem, quam reverà non ha-
bet: ut si Petrus matrimonium contrahat cum
Catharina, quam valdè opulentam putat, licèt
reipsa pauper sit, ut post factum cognos-
citur.

Quaest. 3. Possunt-ne reperiri in Contracti-
bus aliæ errorum species?

Resp. Errores tam in substantia quàm in qua-
litate, subdividi possunt in errores concomi-
tantes, & errores efficientes: error concomi-
tans, contractum sequitur, & ita comitatur,
ut tamen illius causa non sit, quia ille qui con-
trahit ita animatus & dispositus est, ut etiamsi
non erraret, & rem ut est in se cognosceret
contraheret tamen; ut si Petrus matrimonium
cum Joanna contrahat, putans esse Cathari-

144 Tract. II. De Contr. in generali.

nam, quam Pater promiserat: ita nihilominus dispositus, ut etiam si cognosceret esse Joannam, cum illa tamen contraheret.

Error efficiens ille est, qui ita fuit causa contractus, ut si partes non errassent, nullo modo contraxissent: ut si Petrus domum vendidit, quia illam falsò putavit minari ruinam, quam, si non ita errasset, nullatenus vendisset.

Quaest. 4. Contractus in quo est aliquis circa substantiam error, est-ne validus?

Resp. Validus non est, quia error circa substantiam consensum qui de contractûs substantia est, tollit; quia ut ait Gratianus in Cano-

Can. *Quod autem* ne *Quod autem*: Consensus est duorum vel plurium sensus in idem: qui autem errat non sentit; non ergo consentit, id est simul cum aliis non sentit.

Quaest. 5. Si error consensum tollit, quo modo in Scriptura sacra Lia, uxor Jacob cap. 29. Genes. appellatur, cum Jacob non putasset matrimonium cum Lia, sed cum Rachele contrahere?

Resp. Respondetur in eodem Canone supra citato, quod *Jacob & Liam non fecit conjuges precedens consensus: sed subsequens: nec tamen ex primo concubitu fornicarii judicantur, cum ille maritali affectu eam cognoverit & illa uxorio affectu sibi debitum persolverit, putans lege primogenitarum, & paternis imperiis se sibi jure copulatam.*

Quaest. 6. Validi-ne sunt illi contractus in quibus intervenit aliquis error circa qualitates & alia accidentalialia?

Resp. Certum est, tales contractus, non obstante errore, esse validos; quia ut dicitur ibi-

Can. *Quod autem* dem, *Error qualitatis non excludit similiter* rem. 22. q. 1. *consensum; utpotè, si quis emerit agrum, vel vineam*

vineam quam putabat esse uberrimam, quamvis iste erraret in qualitate rerum, rem minùs fertilem emendo, non potest tamen venditionem rescindere. Similiter qui ducit in uxorem meretricem vel corruptam, quam putat esse castam, vel virginem, non potest eam dimittere & aliam ducere. Attamen ille qui aliquid ex tali errore lucratus est, potest aliquoties ad restitutionem obligari, ut in sequenti cap. videbimus.

Quest. 7. Contractus in quo fuit aliquis error concomitans, validus-ne est?

Resp. Si talis error respicit contractus substantiam, illum invalidum reddit; quia tunc consensum tollit, qui, ut supra diximus, est de essentia contractus; quod ex sancto Thoma probatur, qui docet, quod Ignorantia concomitans est de eo quod agitur; tamen etiamsi sciretur, nihilominus ageretur. Tunc enim ignorantia non inducit ad volendum ut hoc fiat; sed accidit simul esse aliquid factum & ignoratum: sicut cum aliquis vellet quidem occidere hostem, sed ignorans occidit eum putans occidere servum, & talis ignorantia non facit involuntarium, quia non causat aliquid quod sit repugnans voluntati; sed facit non voluntarium, quia non potest esse volitum, quod ignoratum est. Sed quando actus non est voluntarius, nullus adest consensus; quia consensus est actus liber quo cum alio de aliqua re convenimus. Et consequenter error concomitans reddit contractum invalidum cum consensum, qui de essentia contractus est, tollat.

S. Th. 1. 2.
q. 6. art. 2.
in corp.



CAPUT III.

Utrum Contractus in quo aliqua intervenit fraus, sit validus.

Quaest. 1. **Q**UID est dolus, aut fraus?
Resp. Dicitur in lege civili quod *Dolus malus est omnis calliditas, fallacia, machinatio ad circumveniendum, fallendum, decipiendum adhibita.* Sed hæc descriptio expositione indiget; & ideo primò dicitur *Calliditas*, ut dum quis sciens rem illam quam vendit ad alium pertinere, aut esse pignori traditam, aut specialiter hypothecatam, illud emptori non dicit. Secundò est *fallacia*, ut dum mendacium dicitur, ut res plus justo vendatur. Tertiò est *machinatio*, ut cum per subdola verba rei venalis defectus subtiliter absconditur.

Quaest. 2. Quot modis fraus & dolus potest in aliquo contractu intervenire?

Resp. Duobus planè modis id potest accidere: Primò cum dolus dedit causam contractui, ita ut partes contrahere nolissent si talem dolum agnovissent. Ut cum aliquis alium ad rem quampiam sibi vendendam per dolum impellit, quam si dolum cognovisset nullo modo vendidisset. Secundò cum fraus non fuit causa contractus, quia ad substantiam rei non pertinet, sed tantum ad qualitates & alia accidentalialia, ita ut etiam si partes talem fraudem cognovissent, contraxissent tamen; ut dum aliquis volens quidpiam vendere, ad vendendum minori pretio per dolum impulsus est.

Dolus tam quoad substantiam quam quoad

L. Hoc edict.
 ff. de dolo
 malo, §. dolum
 malum.

CAP. III. *Utrum Contrac. &c.* 147

accidentia, potest in contractibus intervenire culpâ aut contrahentium, aut alicujus tertii mediatoris talis contractûs, quod etiam potest accidere aut sine consensu alicujus ex partibus, aut cum unius partis consensu. Videndum igitur quæ obligatio restituendi ex his variis casibus possit oriri.

Quaest. 3. Contractus in quo prima doli species intervenit, quæ scilicet dedit causam contractui, est-ne validus?

Resp. Contractus tali dolo infectus, nullus est, ex Glossa quæ sic loquitur; *Cum dolo dat causam contractui; puta, dolo induxi te ad vendendam rem, aliâs non venditurum, non tenet contractus.* Quod etiam probatur ex Canone in quo habetur, *Quod si calliditate usus fuerit & à colono vel à Clerico emerit princeps agrum, irrita sit venditio.* Quia talis calliditas tollit liberum consensum qui est de essentia contractûs, dum impedit ne partes rectè illud quod agunt cognoscant.

Glossa in cap. *Cum dilecti* de empt. & vendit. verbo. *Deceptione.*

Can. *Quisquis Episcopus*, 12, q. 2.

Quaest. 4. Contractus in quo secunda doli species intervenit, quæ scilicet non fuit talis contractûs causa, est-ne validus?

Resp. Validus procul dubio est, quod probatur ex Glossa in qua dicitur, quod *Si dolo incidit in contractum, quia venditurus eram, sed per dolum tuum minus vendidi, vel per dolum meum plus emisti; tenet quidem contractus, sed agitur ad supplementum residui.* Quia talis dolo non tollit liberum consensum, & eodem modo, ut habetur in lege: *Si venditor dolo fecerit, ut rem pluris venderet, tenetur prestare emptori, illud quod minus dedisset, si dolum cognovisset.*

Glossa in cap. *Cum dilecti* de empt. & vendit. verbo: *Deceptione.*

L. *Fulianus.* ff. de actionibus empti & venditi. §. *Si venditor.*

Quaest. 5. Si dolo non fuit contractûs causa, & à nullo ex contrahentibus cognitus sit, sed potius illorum ignorantia acciderit: exem-

148 Tract. II. De Contr. in generali.

pli gratiâ, si quis adamantem centum aureorum, quinquaginta aureis, illius pretium ignorans, vendat alicui, qui in eadem ignorantia versatur, tunc ille qui ex tali mutua ignorantia lucratus est, tenetur-ne aliquid parti læsæ restituere?

Resp. Ex doctrina in lege contenta deducitur, fieri debere talem restitutionem; cum lex dicat quod *Qui per dolum obligatus est, competit ei exceptio, etsi nullus dolus intercesserit stipulantis, sed ipsa res in se dolum habet.* Et sic, exempli gratiâ, dum architectus promisit tale ædificium construere, pretio quingentorum aureorum, quia scilicet ignorabat talis fabricæ valorem qui ad centum aureos ascendebat: in hoc casu tenetur Dominus Architectori solvere justum talis fabricæ pretium: quod patet ex doctrina sancti Thomæ

L. Si quis cum aluer. ff. de verborum obligationibus.

D. Th. 2. 2. q. 77. art. 2. in corp.

qui sic loquitur. *Si verò eo ignorante aliquis prædictorum defectuum, in re vendita, fuerit: venditor quidem non peccat, quia facit injustum materialiter, nec ejus operatio est injusta; tenetur tamen, cum ad ejus notitiam pervenerit, damnum recompensare emptori. Et quod dictum est de venditore, etiam intelligendum est ex parte emptoris.* Notandum tamen est illum qui rem aliquam, illius ignorans pretium nimis infimo & injusto pretio emit, non teneri restituere, nisi illud in quo factus est ditior, quemadmodum bonæ fidei possessor: & ita si nullo modo utiliter consumpsit tale lucrum, nec de eo factus est ditior, non obligatur omninò ad restituendum; nam juxta sancti Thomæ doctrinam, *Non tenetur restituere fructus consumptos quia bona fide possedit.*

D. Th. 2. 2. q. 100. a. 6. ad 3.

Quæst. 6. Est-ne validus Contractus, cum à tertia persona provenit dolus?

CAP. III. *Utrum Contrac. &c.* 149

Resp. Certum est in tali casu, validum esse contractum, etiam si talis dolus dedisset causam contractui, quia adest verus consensus inter partes contrahentes; sed ille qui læsus fuit, potest agere contra talem tertium qui fuit contractus mediator, quique illum suo dolo causavit; dicitur enim in Glossa quod *In contractibus bona fidei si dolus dat causam contractui non per contrahentes, sed per intermediam personam, tenet contractus, sed datur actio de dolo contra mediatorem.* Quod etiam confirmatur ex lege *Et eleganter, ff. de dolo malo.* Et in hoc casu mediator in foro conscientiae tenetur damnum cui causam dedit resarcire, dum ille qui lucrum sensit, & factus est ex eo ditior non vult restituere, licet ad id teneatur; quia ut ait sanctus Thomas, *Dare alicui occasionem periculi vel damni, semper est illicitum.* Quod si talis mediator dolo usus esset, cum consensu unius ex contrahentibus, tunc idem dicendum esset, ac si dolus reverà adhibitus fuisset ab uno ex contrahentibus; quia dum quis concordat cum alio, ut aliquid mali faciat, eadem obligatione tenetur, ac si damnum ipsemet fecisset.

Glossa in cap. Cum electi. de empt. & vendit. verbo: Deceptione.

D. Th. 2. 2. q. 77. art. 3. in corp.

C A P U T I V.

Utrum Contractus per metum factus validus sit.

Quaest. 1. QUID est metus?

Resp. Definitor in lege, *Instantis vel futuri periculi causâ mentis trepidatio.*

L. Ait praetor. ff. de eo quod metus causa.

Quaest. 2. Quomodo dividitur metus?

Resp. Dividitur primò in metum levem, & metum gravem: metus levis est cum parvum

150, Tract. II. De Contr. in generali.

L. Metum, ff.
de eo quod
metus causa.

malum timetur, aut malum grave cum levi
admodum fundamento, ita ut homo cordatus
tali metu non turbaretur, & ita lex, *Metum
accipiendum dicit, non quemlibet timorem,
sed majoris mali.*

D.Th. in sup-
pl q. 47. a.
2. in corp.

Gravis metus ille est qui cadit in constantem
virum, qui metus accidit quoties ex fuga mi-
noris mali, magnum aliud malum consequens
probabiliter timetur, ut mors, gravia tor-
menta, carcer, infamatio, servitus; quod de-
sumptum est ex sacro Thoma qui dicit,
*Quod constans ad minus malum sustinendum
cogitur, metu majoris mali.* Et paulo infra:
*Majora mala sunt, inquit, mors, verbera,
item carcer, debonestatio per stuprum, &
servitus; & ideo ex istis constans cogitur ad
alia damna corporalia sustinenda: & hac
continentur hoc versu; Stupri, sive status,
verberis atque necis.* Quod, juxta eundem,
intelligitur sive aliquis similia mala sibi timeat,
sive filiis, uxori, aut Patri: sed ut ea mala
gravem metum constituent, necesse ut difficil-
limum sit ea vitare; nam si facile evadi pos-
sent, ut per recursum ad superiores, aut alio
quovis modo, tunc timor non esset justus, &
gravis, ut dicitur in cap. *De his quibus.* De
Electione. De metu multa dixi Tom. 4. tract.
8. de Sacr. Matrimon. cap. 5.

Glossa in
Can. Quod
viro. 15. c. 6.

Metus potest etiam dividi, in justum, & in-
justum: Metus justus est qui à causa justa pre-
ducitur, ut cum iudex reum semiconvictum,
metu tormentorum ad scelus confitendum adi-
git; *A iudice enim, ut ait Glossa, licitè ex-
torquetur confessio tormentis & questionibus;
scilicet cum reus est suspectus, & non potest
aliàs res probari.*

Metus injustus à causa injusta provenit, ut
latro scelopo mortem minatur mercatori, ut

illum ad dandum aut promittendum centum aureos adigat.

Quaest. 3. Metus gravis tollit-ne libertatem & liberum consensum?

Resp. Talis certè metus libertatem aufert, dum ita fortiter hominem pulsatur, ut tempus actum suum considerandi non relinquatur, & talem vim animo facit ut illum ad agendum subito impellat, non permittens ut videre possit malum in quod labitur: quod potest accidere & intelligi eodem planè modo quo passiones & animi violenti motus, hominem ad agendum impellunt in motibus qui primò primi vocantur, in quibus ob deliberationis defectum homo liber non est, & ita à peccato excusatur. Sed è contra si gravis metus voluntatem non praevenit, & illi tempus aliquod actum suum considerandi & reflectendi concedat, tunc non destruit libertatem; quia adest indifferentia quæ libertatem hominis in hac vita constituit; ea enim est differentia inter homines & bruta, quod bruta necessitatè agunt cum omnia ad agendum requisita adsunt: homines autem etiam si ad aliquid faciendum ob gravem metum, fortiter impellantur, possunt nihilominus à tali actu abstinere, id est ei non consentire; quia cum consensus sit actus voluntatis internus, nullo modo potest violentiæ alicujus causæ externæ subiacere; *Corpori namque vis infertur, non animo*, ut habetur in Canone.

Can. *Quod autem.* 32. q. 1.

Quaest. 4. Metus gravis excusat-ne à peccato?

Resp. Duobus modis excusare potest, aut quia tollit libertatem, aut quia ab obligatione præcepti liberat. Metus tollit libertatem, cum ita violenter hominem turbat, & commoveret ut ei tempus actum suum considerandi, non relinquatur, ut dictum est supra. Metus dispen-

152 Tract. II. De Contr. in generali.

fat à præcepto, cum sufficientem libertatem homini concedit & tempus confidendi id, quod ei agendum proponitur: sed tamen obligatio observandi tale præceptum cessat, ob gravitatem malorum ex tali observatione imminuentium: quia homo non tenetur cum tanto damno & incommodo simile præceptum implere.

Quest. 5. Metus gravis dispensat-ne semper ab observatione præcepti?

Resp. Duo sunt præceptorum genera; alia enim sunt Juris naturalis & divini, alia verò Juris positivi & humani. Timor gravis quantumlibet violentissimus nunquam ab observatione præceptorum divinatorum & naturalium dispensare potest, dummodo libertatem non tollat, aut agere compellat ex motu vocato primo primo; quia talia præcepta ordinis superioris sunt, & *Debemus potius qualibet mala tolerare quam malo consentire*, ut habetur in Canone; unde, ut docet S. Thomas: *Si aliquis propter timorem quo refugit periculum mortis, vel quodcumque aliud temporale malum, sic dispositus est, ut faciat aliquid prohibitum vel prætermittat aliquid quod est præceptum in lege divina, talis timor, est peccatum mortale.*

Hujusce doctrinæ rationem palpabilem ex sancto Hieronymo relato in Canone sumere possumus; quia scilicet si metus in his casibus à peccato excusaret, ferè nunquam posset dici aliquis, peccati reatum incurrisse; vellent etenim omnes peccatores, quod illud quod agunt, peccaminosum non esset, nullusque propter ipsummet peccatum peccat, sed propter lucrum aut commodum, quod ex peccato sperat, aut etiam ad vitandum cum tali peccato damnum imminens, quæ causæ sæpius, ob ardens desi-

Can. Iane.

32. q. 5.

D. Th. 2. 2.

q. 115. art. 3.

in corp.

CAP. IV. *Utrum Contrac. &c.* 153

derium passionem aliquam in animo dominantem explendi, timorem non minùs gravem efficiunt, quam si mors, aut facultatum amissio immineret; cum sæpiùs videamus homines vitam, honorem, & bona temporalia periculo evidenti exponere, ut alicui violentæ passioni satisfaciant. *Nam si diligenter inspiciatur,* Can. Merito,
inquit S. Hieronymus, *fortè ipsum peccare* 15. q. 1.
nemo velit, sed propter aliud quod vult peccat: omnes quippe homines qui scienter faciunt quod non licet, vellent licere facere; usque adeo ipsum peccare nemo appetit propter illud quod ex eo consequitur.

Si verò de præceptis secundi ordinis agatur, quæ ex solo jure positivo humano descendunt, cum ejusdem roboris & momenti non sint, quia ex sola institutione hominum sunt; non obligant cum tanto rigore, neque peccaret homo qui præceptum hujusmodi non observaret, ob metum alicujus gravis mali imminantis; modò illius præcepti violatio non exigatur in contemptum & odium fidei: quia in hoc casu timor gravis non excusaret; & idcirco Eleazar nequidem simulare voluit se carnes immundas manducare, & multi Christiani eas carnes quæ idolis oblatae fuerant, cum imminenti mortis periculo, manducare recusabant. Itaque ut hæc doctrina aliquibus propositis exemplis clarior fiat, non potest quis Deum abnegare, ob quamcumque violentiam; quia ex Jure naturali & divino tenemur Deo adhærere, ut habetur in Can. Merito. Sed possumus sacrificio Missæ die Dominica non interesse, si aliquod grave malum immineat: neque etiam ad jejunii observationem quis obligatur; dum ex ea grave sanitatis damnum pateretur; quia ut docet S. Thomas, *Statuta Ecclesiæ sunt de his quæ non per se sunt de necessitate*

Can. Merito,
15. q. 1.

Lib. 2. Ma-
chab. cap. 6.

D. Th. 2. 2.
q. 147. a. 4.
ad 1.

154. Tract. II. De Contr. in generali.

salutis, sed solum ex institutione Ecclesia, & ideo possunt esse aliqua impedimenta propter qua aliqui ad observanda jejunia hujusmodi non tenentur.

Quaest. 6. Tenemur-ne implere illud quod ob timorem incussum promissum est?

I. Si mulier.
ff. de eo quod
metus causâ.

Resp. Possumus aliquid ob timorem promittere duplici modo; aut enim timor est justus, aut injustus: si justus est timor, obligat promissio; unde dicitur in lege, quod Si mulier contra patronum suum ingrata facta, sciens ingratam, cum de suo statu periclitabatur, aliquid Patrono dederit, vel promiserit ne in servitutem redigatur, cesset edictum, scilicet, quod possit repetere quod solvit. Ex ita constat quod promissa ex metu justo impleri debent, modò, ut jam dictum est, promissio facta non fuerit ex motu primò primo; & ratio est quia dum causa timoris justa est, aut debuit fieri talis promissio, & ita non mirum est si obliget: aut certè non tenebatur quis ad promittendum, & tunc ex fidelitate obligatur ad standum promissis; quia poterat non promittere, cum ad id non impelleretur nisi cum motivis justis & rationabilibus; adde quod destrueretur planè bona fides in humana Societate, si non observarentur promissa in talibus casibus. Quod si metus injustè incutitur, ut cum quis centum aureos latroni, metu mortis adactus, pollicetur, aut usuras dare usurario, ne recuset illam summam mutuo dare quâ indiget: in his casibus non tenemur implere promissa; quia ut docet S. Thomas, Ille qui vim intulit, hoc meretur, ut ei promissum non servetur. Unde dicit Glossa, quod debitorum ad solvendas usuras in quibus se obligaverunt, cogi non debent. Quia cum talis promissio sit injusta, nulla adest obligatio illam servandi in jure Civili aut Canonico.

D. Th. 2. 2.
q. 89. a. 7.
ad 3.

Cap. Debu-
res. de jure-
jurando.

CAP. IV. Utrum Contrac. &c. 155

Quaest. 7. Tenemur-ne adimplere quod ob timorem injustum promissum est, cum juramento promissionem firmavimus?

Resp. Patet ex Decretali *Verum*, nos in hoc casu teneri, modò illud quod promissum est salutis æternæ contrarium non sit. Propositum namque fuerat summo Pontifici, utrum hi qui metu mortis & amissionis bonorum ad jurandum coacti fuerant, necesse haberent à tali juramento absolvi, & affirmativè respondit his verbis: *Verum in ea questione qua quinto loco ponitur, an à Sacramenti vinculo absolvantur qui istud inviti pro vita & rebus servandis fecerunt, nihil aliud arbitramur, quàm quod antecessores nostri Romani Pontifices arbitrati fuisse noscuntur, qui tales à juramenti nexibus solverunt.* Cap. Verum de jurejurando.

Ex quo sequitur, ut ait Glossa ibidem, *Quòd juramentum metu extortum est obligatorium, ex quo aliqui à tali absolvuntur.* Glossa. ibidem.

Quod etiam ex alio Canone probatur, in quo Alexander III. consultus, utrum ille qui metu gravi ad renunciandum beneficio compulsus fuerat, & cum juramento promiserat se illud non repetiturum, posset, non obstante juramento, illud repetere, respondet quod *Non est tutum quemlibet, contra suum juramentum venire, nisi tale sit, quod servatum vergat in interitum salutis æternæ.* Can. Si verò de jurejurando. Quia ut docet S.

Thomas, *In juramento quod quis coactus facit, est obligatio quâ quis Deo obligatur, ut impleat quod per nomen ejus promisit, & talis obligatio non tollitur in foro conscientia, quia magis debet damnum temporale sustinere, quàm juramentum violare.* D. Th. 2. 2. q. 89. art. 7. ad 3.

Quaest. 8. Quid agere debet is, qui metu gravi compulsus, se aliquid latroni daturum cum juramento promisit?

156 Tract. II. De Contr. in generali.

Resp. Juxta cap. Verum modo relatum, dispensationem à juramento petere, aut repetere in judicio, illud quod latroni dedit; dicit enim

D. Th. 1. 1. expresse S. Thomas, quod *Potest repetere in*
q. 89. 2. 7. *judicio quod solvit. Romani autem Pontifices*
ad 31 *ab hujusmodi juramenti homines absolue-*
runt, non quasi decernentes hujusmodi jura-
menta non esse obligatoria, sed quasi hujus-
modi juramenta ex justa causa relaxantes.
Idem habetur in Can. *Debitorum*. Et in Can. *Non est tutum*. De juramento.

Quaest. 9. Licet-ne jurare, cum intentione petendi dispensationem à juramento?

Resp. Possunt esse duo genera juramentorum. Primò cum aliquid juramento adhibito promittitur, quod licitum est dare in hoc casu & accipere, vel potius cum juramentum fit sine culpa illius qui jurat, & illius cui juratur; & tunc perjurium committeret, qui cum intentione obtinendæ dispensationis juraret; quia ut ait sanctus Antoninus, *Quando juramentum omni ex parte est licitum, tam ex parte jurantis, quam ex parte recipientis, tunc absolutio non est impendenda, sed compellendus est jurans ad ejus observationem: quin imò nullâ causâ apparente intrinsecâ, etiam Papa à tali juramento absolvere non potest*, quia ut docet S. Thomas, *Si juramentum adhibeatur, propter reverentiam divini testimonii quod invocatur, obligatur homo, ut faciat esse verum id quod juravit secundum suam possibilitatem, nisi in deteriore exitum vergat.*

Quod si è contrario juramentum non est licitum ex parte illius cui aliquid cum juramento promissum est, quia, verbi gratiâ, id factum est ob metum gravem mortis quæ intentabatur; in hoc casu licet jurare cum intentione petendi dispensationem à juramento, quod

D. Ant. 2. p.
tit. 10, c. 6.
2. 1.

D. Th. 1. 1.
q. 89. art. 7.
ad 1.

CAP. IV. *Utrum Contrac. &c.* 157

in hoc non violatur : & ratio est quia ut ob-
servetur juramentum , sufficit ut quis velit fa-
cere illud omne ad quod ex juramento obliga-
tur ; at ceterum est , ex his quæ numero præ-
cedenti dicta sunt , juramentum in hoc casu
non obligare post obtentam dispensationem ;
ergo licet jurare cum intentione talem dispen-
sationem perendi , etiam si quis jurasset dispen-
sationem non petere , quia tale juramentum
justitiæ publicæ contrarium esset , & sic obser-
vandum non esset. *In juramento* , inquit S. D. Th. 2. 2.
Thomas , *quod quis coactus facit , potest quis* q. 89. art. 7.
repetere in judicio quod solvit , vel pralato ad 3.
denuntiare , non obstante quod contrarium
juravit ; quia tale juramentum vergeret in
deteriorem exitum : esset enim contra justi-
tiam publicam.

Rationem affert Innocentius Papa IV. cur
non teneatur quis illud juramentum servare
quo promissit se non delaturum apud superio-
rem , illum qui jurare coëgit : quia scilicet
illud contrarium esset Evangelio correctionem
fraternam præcipienti : *Potest* , inquit , *ille qui* Innoc. 4. in
juravit solvere usuras , denuntiare creditorem cap. Ad au-
ad poenitentiam ; & si jurasset non denuntia- res. De his
re , non debet servare , quia est contra regu- quæ vi me-
lam Evangelii , Si peccaverit , &c. Et eadem tuse co-
ratio affertur à Glossa in Canone *authoritatem.*
15. q. 6. Ubi dicitur illum qui juravit se non
accusaturum in judicio alium , qui coëgit eum
ad danda bona propria adhibito juramento ,
non debere talem promissionem servare : *Si*
autem , inquit Glossa , *juravit quod non de-*
nunciet , illud juramentum non est servan-
dum , quia ex precepto ad hoc tenetur 2. q. 1.
Si peccaverit.

Quæst. 10. Qui matrimonium contraxit ,
aut aliquod votum fecit , ex metu gravi ca-

158 Tract. II. De Contr. in generali.

denti in constantem virum, obligatur-ne ad implendum tale votum, aut ad vivendum in matrimonio?

Resp. Duobus modis id potest accidere. Fieri namque potest ut talis contrahens matrimonium, aut vovens fictè se gesserit, & nullum consensum internum dederit: & in hoc casu, absque dubio matrimonium invalidum esset, nec ulla adesset obligatio servandi votum hoc modo factum; quia consensus internus, qui plarè necessarius est in matrimonio & in voto, ut suprà probavimus, non adest in hac specie, sed potiùs adest verus dissensus, cum apparenti tantùm & ficto falsoque, consensu externo. Secundò, potest quis in simili casu bonâ fide & sine fictione interè consentire, ut si puella metu gravi compulsa ad contrahendum matrimonium, consideratis talibus circumstantiis, elegit tale matrimonio consentire ad vitanda gravia mala quæ imminet; in hoc casu difficilis est quæstio, utrum tale matrimonium validum sit nec-ne? Quia adfuit verus consensus: & respondere videtur Glossa, quod licet videatur tale matrimonium, ex jure naturali, debere dici validum, quia verus fuit consensus, attamen invalidum & nullum est ex jure positivo, quod exigit liberum omninò consensum & nullatenus coactum; *Coacta voluntas*, inquit Glossa, *voluntas est: secus est in matrimoniis ubi exigitur voluntas directâ vel spontanea.* Extra. De sponsalibus. cap. Cùm lotum. Et quod de matrimonio dicitur debet etiam intelligi de voto, ut habetur in Can. *Perlatum*; nam, ut in Decretali dicitur, *libera debent esse matrimonia, cùm coactiones difficiles soleant exitus frequenter habere.*

Quæst. II. Si quis matrimonio consentiret, ob solam reverentiam Patris, & ne illius in-

Glossa. in
Can. Notifi-
casti. 33. q. 5.
verbo. *Licen-
tiam.*

Can. *Requisi-
vit. de Spon-
salib.*

CAP. IV. Utrum Contrac. &c. 159

dignationem experiatur, aliter non facturus, esset-ne validum tale matrimonium?

Resp. Validum esset; quia, ut habetur in lege, *Si Patre cogente ducat uxorem, quam non duceret si sui arbitrii esset: contraxit ta-* L. Si Patre cogente. ff. de ritu nuptiarum,

men matrimonium quod inter invitos non contrahitur, maluisse enim hoc videtur. Et hic timor reverentialis non reddit matrimonium invalidum; quod tamen intelligi debet, modò Pater post preces & exhortationes paternas ad graves minas non devenerit; nam tum matrimonium esset planè nullum, ut infertur ex cap. *ex litteris. De Sponsatione impuberum.* Ubi summus Pontifex consultus, utrum verum & validum esset matrimonium puellæ quæ ad id minis parentum compulsæ fuerat, declarat esse nullum, permittens puellæ ut alteri nubat. De hac materia fusiùs disseruimus Tom. 4. Tract. 8. de Sacr. Matrim. cap. 5.

Quæst. 12. Si quis ob metum gravem, Ordinationi suæ consensisset, esset-ne validè Ordinatus?

Resp. Valida esset talis ordinatio; quia metus gravis non potest impedire validitatem Sacramentorum, quæ characterem imprimunt, ut videtur in baptismo, & infertur ex Canone, in quo habetur, quod *Is qui terroribus atque suppliciis violenter attrahitur, & ne detrimentum incurrat baptismi suscipit Sacramen-* Cap. Majora de baptismo 5. Item qua-
tum, talis characterem suscipit Christianita- ritur.
tis impressum. Et ut ait Glossa, *Coactio con-* Glossa ibida
ditionalis non impedit Sacramentum baptis- verbo Condi-
mi, ut hic patet, sicut non impedit Sacra- tionaliter.
mentum ordinis.



CAPUT V.

*De iis qui possunt, aut non possunt
contrahere.*

Quæst. 1. **Q**UI sunt illi qui possunt contrahere?

Resp. Omnes illi qui habent usum rationis; quia eo ipso possunt consentire, & de bonis disponere; modò id eis à jure positivo non prohibeatur.

Quæst. 2. Qui sunt illi qui contrahere non possunt?

Resp. Illi omnes qui liberum usum rationis non habent, quique idcirco verum consensum, qui, ut supra dictum est, essentiam contractus constituit, præstare nequeunt; ut sunt amentes, & stulti, aut furiosi, qui, ut habetur in lege, *Nullum negotium contrahere possunt*, quia quid faciant nesciunt.

*l. In negotiis.
ff. de reg.
juris,*

Cùm infantes, qui scilicet septennium non attigerunt, non multum differant ab amentibus, & sufficientem rerum cognitionem non habeant, validè contrahere non possunt; attamen ut utilitati eorum qui non multum ab infantia distant, id est qui à parvo tempore septennium transgressi sunt consulatur, licet tales non rectè & perfectè intelligant id quod agunt, possunt tamen licetè contrahere super his rebus, quæ parvi momenti sunt, quæ magnam & difficile cognitionem non exigunt, modò in illorum utilitatem contractus fiat, ita ut ex benigna juris interpretatione, eadem facultate, quâ illi qui sunt puberbari proximi gaudeant; dicitur enim in Justiniani Institutionibus, quod

l. 3. Inst. tit.

Infans & qui infantia proximus est non mul-

CAP. V. De iis qui possunt, &c. 161

tum à furioso distant, quia huiusmodi ætatis 10: §. Sed
pupilli nullum habent intellectum. Sed in pro- quod diximus
ximis infantia propter utilitatem eorum beni-
gnior juris interpretatio facta est, ut idem ju-
ris habeant, quod pubertati proximi.

Quæst. 3. Qui sunt illi qui dicuntur puber-
tati proximi?

Resp. Dicitur, ut ait Glossa, proximus pu-
bertati, cum à stat à pubertate per sex men-
ses, vel minùs. Et ita, juxta legem; Prope
pubertatem est, si tantummodo semestre reli-
quum fuerit. Pubertas autem, ut dicitur in
Institutionibus, lib. 1. tit. 22. Est in masculis
post decimum-quartum annum completum, in
fœminis post duodecim annos completos.

Glossa in cap.
Continebatur.
de disposi-
tione impu-
berum V.
proxima.

L. Non tan-
tum. ff. de Ex-
cusatione tuto-
rum.

Quæst. 4. Possunt-ne filii familias ante æta-
tem pubertatis contrahere?

Resp. Antequam huic quæstioni respondeatur,
supponendum est, filios familias posse bona
quatuor modis acquirere. Primò militando, &
vocatur *Castrense peculium*, quicquid hoc
modo acquisitum fuit, ut habetur in lege *Cast-
rense* ff. de *Castrensi peculio*. Secundò possunt
acquirere medio alicujus muneris, officii, aut
dignitatis forensis, aut patrocinando, vel pro-
fitendo juris prudentiam, aut medicinam, aut
aliud officium publicum exercendo; & sic
acquisita bona *Quasi Castrensia* vocantur,
eorumque proprietatem & usum fructum ha-
bent filii familias sicut & Castrensum. Tertiò
possunt aliqua bona habere ex latere paterno,
aut quia ea Pater dedit, aut quia ab aliis con-
sanguineis paternis, aut intuitu Patris habue-
runt; quæ bona vocantur *Profectitia*, quia à
Patre veniunt, & ad eundem redeunt. Quartò
& ultimò possunt filii familias aliunde quàm à
Patre, & intuitu Patris acquirere, ut à matre
aut cognatis maternis; Hæ duæ ultimæ bono-

rum species non omninò in filiorum familias dominium transeunt; quia bona intuitu Patris, acquisita, ad Patrem tam quoad usumfructum quàm quoad proprietatem pertinent. Bonorum autem aliunde acquirentium usumfructum filii familias non habent, sed Pater.

His positis, certum primò est, filios familias non posse contrahere de bonis in quibus nec usum nec proprietatem habent, neque pariter de his quorum habent tantum usum; quia non sunt veri Domini. Igitur in hoc solummodo posita est difficultas, utrum filii familias qui ætatem pubertatis non attigerunt, neque illi proximi sunt, possint validè contrahere etiam cum Patris consensu, de illis bonis quorum usum & proprietatem habent? Et cum Justiniano Imperatore dicendum est, filios familias qui pubertatem non attigerunt, non posse validè contrahere etiam cum consensu Patris, licet pupilli validè contrahere possint cum auctoritate tutoris: *Pupillus*, inquit Imperator, *omne negotium rectè gerit, ita tamen ut ubi tutoris auctoritas necessaria est, adhibeatur tutor; sed qui in potestate parentis est impubes, ne autore quidem Patre obligatur.* Ratio diversitatis est, quia pupillus potest contra tutorem agere si malè bona sua administraverit, quod filio adversus Patrem non conceditur.

Quæst. 5. Pupillus qui, sine consensu tutoris, pecuniam mutuò accepit, tenetur-ne in conscientia ad solutionem talis pecuniæ sibi mutuata?

Resp. In hoc casu distinguendum est; aut enim mutuò accepit ut sibi in aliqua necessitate subveniret, ita ut talem pecuniam mutuata in rebus utilibus consumpserit, & ita ex ea aliquo modo factus sit ditior, quia ex ea ali-

Lib. 3. Inst.
tit. 10. §. 5.
& 10.

quem fructum & proventum accepit, & illi
 necesse fuisset eam aliunde requirere, ut sibi
 consulere, si hæc defuisset. Aut certè talis
 pupillus mutuò pecuniam accepit ut eam in re-
 bus nullius utilitatis consumeret: & in hoc ul-
 timo casu nullo modo obligatur ad solvendam
 talem pecuniam mutuam, cum nulla adsit
 obligatio civilis aut naturalis, & ratio legis
 locum in eo casu habeat, ne scilicet bona pu-
 pillorum in rebus inutilibus consumantur. Sed
 in primo casu pupillus tenetur in foro cor-
 scientiæ reddere pecuniam mutuam, quia
 contraxit obligationem naturalem, ob utilita-
 tem quam ex tali pecunia consecutus est, &
 lex naturalis docet justum esse reddere quod,
 ut nostris necessitatibus provideretur, mutuò
 datum fuit: Legesque civiles eas formalita-
 tes solummodò requirunt, ut vitetur prodiga
 & superflua consumptio bonorum pupillarium,
 quæ in hoc casu locum non habet ex supposi-
 tione. Et hæc resolutio conformis est legi in
 qua dicitur, quod *Naturaliter obligatur pupil-
 lus, in quantum locupletior factus est. Nam,*
ut ait Glossa, Ex quo constat quod pupillus ex
mea pecunia fuit factus locupletior, esset con-
tra naturam, quòd ipse locupletaretur cum
damno meo.

L. Pupillus,
 ff. de auctori-
 tate & con-
 sensu tuto-
 rum.
 Glossa in re-
 gula. Locuple-
 tari 48. de re-
 gulis juris
 in 6.

CAPUT VI.

*De Contractibus in quibus omnes solem-
 nitates à jure requisitæ, observatæ
 non sunt.*

Quæst. I. **C**ONTRACTUS in quibus non
 observatæ sunt omnes solem-
 nitates à jure requisitæ, sunt-ne validi in foro

164 Traët. II. *De Contr. in generali.*

conscientiæ ? Et tenemur-ne implere quod in h's promissum est ?

Resp. Non ligant in conscientia hujusmodi contractus, quia invalidi & nulli sunt, etiam in foro conscientiæ, quando solemnitates necessario requisitæ à Jure, non fuerunt observatæ : & ratio est, quia certum est, leges justastam Civiles quàm Canonicas obligare in foro conscientiæ, posseque translationem Domini bonorum nostrorum impedire, etiam nobis invitis ; definitur enim Dominium à Jure consultis : libera facultas disponendi de re sua prout libet, nisi vi aut jure prohibeatur. Et ita videmus, Ecclesiam matrimonia absque præsentia Parochi & testium contracta invalidasse, ob defectum dictæ solemnitatis à Jure positivo introductæ ; quia utilitati publicæ multum congruebat, ut consensus nullus esset dum tales solemnitates non observarentur, & nullam penitus obligationem induceret etiam in conscientia : de quo post Concilium Tridentinum inter omnes Theologos convenit. Sed certum pariter est, leges civiles invalidare & annullare contractus in quibus non observatæ fuerunt omnes solemnitates, ut videtur in lege in qua dicitur, quod *Vbi testamentum non fuerit subscriptum, pro infecto haberi convenit.* Igitur concludendum videtur, non obligari nos in conscientia ad observandum, quod promissum fuit in contractu invalido & nullo secundum legum Decreta.

Quæst. 2. Leges civiles obligant-ne in conscientia ?

Resp. Justæ leges vim obligandi in conscientia procul dubio habent, dicente Apostolo : *Omnis anima potestatibus sublimioribus subdita sit, non solum propter iram, sed etiam propter conscientiam.* Igitur conscientia ad

I. *Hac consultissima.* Cod. de Testamen-
tis.

Rom. 13,

hanc subjectionem & observationem obligat. Hujusce obligationis rationem affert S. Thomas his verbis ; *Cum unus homo sit pars multitudinis, quilibet homo hoc ipsum quod est, & quod habet est multitudinis : sicut & quilibet pars id quod est, est totius : Vnde & natura aliquod detrimentum infert parti, ut salvet totum, & secundum hoc leges hujusmodi onera proportionabiliter inferentes justae sunt, & obligant in foro conscientiae.*

D. Th. 1: 2;
q. 69. art. 4.
in corp.

Quaest. 3. Haeres qui in Testamento aliquo legato oneratus esset, teneretur-ne ad illud solvendum, si testator solemnitates à Jure ad legati validitatem requisitas non servasset ?

Resp. Tenetur ad legati solutionem haeres in hoc casu secundum leges civiles ; *Quod si,* inquit Justinianus Imperator, *is à quo relictum dicitur, confiteatur quidem aliquid à se relictum esse, sed ad legis subtilitatem recurrat, omnino solvere cogendus est. Quod evidentius patet ex lege in qua dicitur, quod Cum res per testium solemnitatem ostenditur, tunc & numerus testium, & nimia subtilitas requirenda est. Lex etenim ne quid falsitatis incurrat, per duos forte testes compositum testamentum, majorem numerum testium exposulat, ut per ampliores homines perfectissima veritas reveletur : cum autem is qui aliquid ex voluntate defuncti lucratur, & maxime ipse haeres, cui summa auctoritas totius causa commissa est, dicere compellitur veritatem per Sacramenti religionem, qualis locus testibus relinquatur, vel quemadmodum ad extraneam fidem decurratur, propria & indubitata fide relicta ; cum & in leges respeximus ; quae justis dispositionibus testatorum omnimodo haeredes obedire compellunt, & sic strictius causam exigunt, ut etiam amittere lucrum hare-*

Lib. 12 Inst.
tit. 23. §. ultimo.

L. Quaestio-
nem Cod. de
fideicom.

166 Tract. II. De Contr. in generali.
*ditatis faciant eos qui testatoribus minimè
paruerunt.*

Ex quo evidenter sequitur, leges decernere, ut dum hæres de voluntate testatoris securus est, scitque se fuisse oneratum aliquo legato, obligetur omninò ad illud præstandum, licet omnes solemnitates à Jure ad legati validitatem requisitæ, observatæ non fuerint. Et id dicendum est juxta leges civiles Romanas, quæ amplam & liberam hominibus de bonis suis post mortem disponendi facultatem concedebant.

Sed cùm in variis mundi regionibus, illæ leges non observentur, & aliæ fortassis vigeant, quæ in hac materia alio modo loquuntur: Hæc sola generalis regula in hac quæstione potest assignari, ut scilicet procul dubio observetur in conscientia, illud quod decerneret justus judex, qui rei veritatem rectè cognosceret; ita ut in regionibus in quibus hæres, qui fateretur oneratum se fuisse à testatore aliquo legato, non tamen in foro externo obligaretur ad illud solvendum, si solemnitates à Jure requisitæ non fuissent observatæ, pariter non obligetur in conscientia; & ratio est, quia certum est justam sententiam à Judice prolatam in conscientia obligare, cùm super aliqua falsa præsumptione non fundatur.





TRACTATUS TERTIUS
DE
CONTRACTIBUS
IN PARTICULARI,
ET PRIMO DE EMPTIONE,
ET VENDITIONE.

CAPUT PRIMUM.

De Emptionis definitione:

Quaest. 1. QUID est Emptio?

Resp. Est Contractus quo dominium alicujus rei pro certo pretio acquiritur; hæc definitio ex lege civili desumpta est, & explicari potest hoc modo, quod scilicet emptio sit *Contractus*, quia est conventio à Jure approbata, ex qua oritur actio adversus venditorem: *quo dominium alicujus rei acquiritur*, quia dominium rei venditæ à venditore in emptorem transfertur; & in hoc emptio à locatione differt, in qua dominium rei nullo modo transfertur, sed tantummodò illius usus: *Pro certo pretio*; quia de essentia emptionis est, ut pretium rei venditæ, sit determinatum; alioqui contractus emptionis non potest subsistere: *Pretium autem*, inquit Imperator Justinianus, *L. 3. Inst. constitui oportet: nam nulla emptio sine pretio esse potest. Sed & certum esse pretium debet.*

L. Orig. ff. de contrahenda emptione,

L. 3. Inst. tit. 24.

Item pretium in numerata pecunia consistere debet : Quia si in aliqua alia re consisteret, potius permutatio, quàm emptio esset, ut ibidem dicitur.

Quaest. 2. Quando-nam censetur perfectus contractus emptionis & venditionis, & ita translatum dicitur dominium rei venditæ in emptorem?

Resp. In jure habetur, quod statim conventionē facta, perfecta est emptio & translatum dominium, sic enim loquitur Imperator: Cū autem emptio & venditio contracta sit, quod effici diximus simul atque de pretio convenerint, cū sine scriptura res agitur, periculum rei venditæ statim ad emptorem pertinet, tametsi adhuc ea res emptori tradita non sit: itaque si fundus vi fluminis totus, vel aliqua ex parte ablatu sit, sive etiam inundatione aqua, aut arboribus turbine dejectis, longè minor, aut deterior esse cæperit, emptoris damnum est, cui necesse est, licet rem non fuerit nactus, pretium solvere; quidquid enim sine dolo & culpa venditoris accidit, in eo venditor securus est: sed etsi post emptionem fundo aliquid per alluvionem accesserit, ad emptoris commodum pertinet; nam & commodum ejus debet esse cujus periculum est.

Attamen hîc notandum est, quod licet solus consensus sit de essentia contractus emptionis & venditionis, & ideo contractus perfectus & consummatus regulariter censeatur, ex quo partes concordarunt de pretio, quamvis neque res vendita, neque illius pretium tradita sint, neque datus sit aliquis arrhabo, qui non est de essentia contractus, sed solummodò aliquod indicium & asscuratio consensus quod inter partes intervenit; nihilominus, in variis regionibus & civitatibus in quibus adsunt statuta & leges

Lib. 3. Inst.
tit. 24. de
Empt. & ven-
dit.

CAP. II. De Pretio quo, &c. 169

leges municipales, quæ etiam in foro conscientiæ debent observari, constitutum est & decretum, ut contractus emptionis & venditionis non censetur perfectus quando aut res vendita aut certè arrhabo, qui vulgo denarium Dei vocatur, traditus non est.

C A P U T I I.

De pretio quo fieri debet emptio & venditio.

Quaest. 1. **L** I C E T - ne rem emere infra justum illius pretium, aut vendere ultra idem pretium justum?

Resp. Certum est, id fieri non posse, & emendam esse & vendendum justo pretio; quia, ut ait S. Thomas, *Emptio & venditio videtur esse introducta pro communi utilitate utriusque: quod autem pro communi utilitate inductum est, non debet esse magis in gravamen unius, quam alterius; & ideo debet secundum aequalitatem rei inter eos contractus institui: & ideo si vel pretium excedat quantitatem valoris rei, vel è converso res excedat pretium, tolletur justitia aequalitas; & ideo carius vendere vel vilius emere rem quam valeat, est secundum se injustum & illicitum.*

D. Th. 2. 2.
q. 77. art. 1.
in corp.

Quaest. 2. In quo consistit justum cujuscunque rei pretium?

Resp. Duo sunt pretii species; nam aliud est pretium legitimum, quod scilicet stabilitum & determinatum est à lege, aut à Principe, aut alio quocumque superiori legitimo: ut apparet in omnibus rebus taxatis à Magistratibus politicis & praefectis annonæ; & illud pretium augeri aut minui non potest, ita ut injustitiæ

evidentis, & manifestæ reus sit ille, qui rem quampiam ultra pretium à Principe, aut aliis Magistratibus taxatum & determinatum vendit, quive minori pretio emit. Aliud pretium vocatur naturale & commune, quo scilicet res venalis communiter æstimatur, & appretiatur; ut enim dicitur in lege: *Pretia rerum non ex affectu, nec utilitate singulorum, sed communiter funguntur*: id est res quælibet illud habent pretium, quod illis communiter, ab hominibus qui earum qualitatem, & valorem agnoscunt, quique sine fraude aut præventionem judicant, assignatur. Illud pretium non consistit in indivisibili, sed in quadam mensura & mediocritate morali, quæ tres gradus continet, secundum Aristotelis doctrinam: summum scilicet, medium aut moderatum, & infimum: ita ut res non possit præcisè & absolute æstimari, exempli gratiâ, centum aureis, secluso quolibet minori, aut majori pretio. Sed quando pretio medio & moderato, valet centum aureos, potest etiam summo pretio æstimari centum quinque aureis, & circiter nonaginta quinque, si minimo pretio æstimetur.

His positis dicendum est, illum qui vendit nunquam posse excedere summum pretium, illumque qui emit non posse infra pretium infimum emere; quia ut docet S. Thomas, *Pretium rerum, non est punctualiter determinatum, sed magis in quadam estimatione consistit*; ita modica additio vel minutio non videtur tollere aequalitatem justitiæ; & ex sancto Antonino: *Potest distingui triplex limitationis gradus etiam justus. Primus potest nominari pius, secundus discretus, tertius vero rigidus. Primus est pretii minoris. Secundus est mediocris, tertius est majoris.*

L. Pretia rerum ff. ad legem falcidianam.

D. Th. 2. 2. q. 77. art. 2. ad 1.

D. Ant. 2. p. tit. 1. cap. 8. §. 1.

CAP. II. De Pretio quo, &c. 171

Quaest. 3. Potest-ne quis licite emere infra pretii infimi limites, aut ultra summum pretium vendere?

Resp. Illud fieri nequaquam potest, ut supra insinuatum est; & generaliter loquendo iusto pretio res quaelibet vendi debet: attamen reperiuntur aliqui casus in quibus id licere videtur.

Quaest. 4. In quibus casibus licet emere infra pretii infimi limites, aut emere ultra summum pretium?

Resp. Varii sunt huiusmodi casus: primus fuscè explicatur à S. Antonino his verbis: *Notandum quod cum quis vendit merces certo pretio majori quàm sit illud quod tunc valent cum vendantur, ex eo quod non intendebat eas vendere, sed servare usque ad tempus quo probabiliter existimatur tantum tunc valituras, vel plus, quantum nunc vendit, sed ad instantiam alterius vendit: istud est etiam pretium iustificatum & licitum, ut expresse dicitur in cap. in civitate, De Usuris. Secus autem si non intendebat ea servare, sed tunc vendere, vel etiam si non est probabile seu verisimile quod eo tempore quo volebat in futurum vendere, tantum debeant valere quantum nunc vendit, quia tunc non haberetur respectus ad indemnitatem suam. Idem dicendum de tempore; scilicet quod si emptor dat pretium mercium antequam recipiat merces; & minùs dat quàm tunc valent cum emit, ex eo quod eo tempore quo recepturus est merces, verisimiliter existimatur, quod minùs debeant valere, quàm tunc cum emit. Observandum tamen est, ad plenam illius primi casus elucidationem, quod ille qui majori pretio vendit, eo quod poterat rem servare usque ad tempus in quo probabiliter plus valitura erat,*

D. Ant. 2. p. 1.
tit. 1. cap. 8.
§. 1.

debere aliquid minuire de tali pretio quod habitura probabiliter esset hæc res, ob incertitudinem eventus & alia incommoda & dispendia quæ in illa servanda toleranda essent.

Secundus casus in quo licet rem pluris quam valeat vendere, accidit, dum quis emere vult bona alicujus quæ illi valde necessaria & utilia sunt, ita ut venditor damnum pariatur ex rei quam possidebat privatione: in tali casu licet sine dubio venditori rem suam ultra justum pretium vendere, ut damnum quod patitur resarciat; quia ut optimè docet S. Thomas,

D. Th. 2. 2.
q. 77. art. 1.
in corp.

Cum aliquis multum indiget habere rem aliquam & alius leditur, si eam careat: in tali casu justum pretium erit, ut non solum respiciatur ad rem que venditur, sed ad damnum quod venditor ex venditione incurrit; & sic licet poterit aliquid vendi plusquam valeat secundum se, quamvis non vendatur plusquam valeat habenti. Quod tamen intelligendum est fieri posse, dum venditor ad instantiam preceſſusque emptoris, & ut illi morem gerat, vendit; nam si venderet necessitate compulsus aut alio modo quam ad instantiam venditoris per se vel per alium, tunc non posset vendere ultra justum pretium; quia ut ait idem S. Doctor,
Qui emit rem aliquam, tantum pro ea justè dat quantum valet, non autem quantum ille qui vendit, ex ejus carentia damnificatur.

D. Th. q. de
malo, q. 14.
art. 4.

Dum etenim quis emptoris precibus motus, rem suam vendit, potest illum ad damnum, quod ex illius privatione sentit resarciendum obligare, quia tunc emptor est prima talis damni causa; sed è contrario dum necessitate compulsus, aut generaliter ut sibi consulat vendit, non potest illud damnum quod patitur in emptorem rejicere, cum illius causa non sit, sed potius provepiat ex necessitate vendito-

CAP. II. De Pretio quo, &c. 173

ris, quæ illum ad vendendum impulit.

Quaest. 5. Nullus-ne alius potest assignari casus in quo liceat res infra justum pretium emere?

Resp. Potest quodammodo dici, licere res infra justum pretium emere, quoties emptorum penuria venditorem ad rem suam offerendam compellit, ut qui eam emere velit inveniri possit; quia licet tunc rem minori pretio emat, quàm re verà in se considerata valeat, eam tamen justo pretio emit ob tales circumstantias, cum certum sit minui aliquid de pretio mercium, dum rariores sunt emptores, & pretium augeri dum emptorum est concursus frequentior. Et ita experientià constat, quod dum Rex ad aliquam urbem accedit, pretium mercium multum augetur ob majorem ementium numerum, & è contrario Rege recedente, tale pretium minuitur. Unde illi qui minori, & viliori pretio emunt in aliqua platea, aut sub hastatione publica aut etiam sub finem nundinarum, nullam injustitiam in hoc committunt, dummodo nulla fraus interveniat; quia licet merces minori pretio quàm in se valent emant, tamen justo emunt pretio, ob tales circumstantias; certum enim est, quod secundum communem æstimationem, quæ tanquam pretiorum regula considerari debet, ut dicitur in lege superius citata, rerum pretium augetur ut plurimum, aut minuitur, juxta majorem aut minorem emptorum concursum, & numerum.

Quaest. 6. Potest-ne emi census aut pensio constituta minori pretio, quàm sit capitale, propter quod talis census constitutus est?

Resp. In hoc casu cum aliqua distinctione respondendum est; aut enim capitale talis census datum est eo modo, ut pensio aut Canon,

& census non posset esse major, cum scilicet dantur in statu Ecclesiastico septem quolibet anno pro uno quoque centenariorum, ut decernitur in Bulla 6. Clementis Papæ VIII. aut sex vel etiam quinque, juxta regionum varios usus; & in hoc casu videtur, nullo modo licere capitale alicujus census hoc modo rigoroso constituti, emere minori pretio & summa, quam sit ipsummet capitale; quia sine dubio, juxta constitutionem B. Pii Papæ V. ille injustitiam, atque adeo usuram committit, qui, exempli gratia, pro centum aureis constituit censum annum octo aureorum; & evidenter constat, quod is qui minori pretio emit capitale alicujus census, qui septem pro quolibet centenariorum annuatim reddit, minuendo illud capitale, & percipiendo totum censum, percipit aliquid ex sua pecunia ultra pretium taxatum à Superiori in censibus, quod tanquam usurarium in dicta Bulla Pii V. damnatur, & ita census annuus septem aureorum constitutus pro capitali centum aureorum, non potest emi, exempli gratia, octuaginta aureis; quia in hoc reperitur injustitia aliqua usuræ labe infecta, ex eo quod ille qui octuaginta tantum dedit, septem annuatim contra constitutionem prædictam percipit.

Quod si è contrario ob capitale datum, census minus rigorosus constitutus sit, ut, verbi gratia, pro quolibet centenariorum, quatuor aut quinque annuatim solvantur: in hoc casu licet emere talem censum minori pretio, quam illud pro quo constitutus est; quia potest quilibet pecuniâ suâ censum usque ad limites rigorosi pretii constitutare. Et ita in illis regionibus in quibus septem pro quolibet centenariorum annuatim in censibus solvi & recipi possunt, potest quilibet pretio sexaginta aureorum

emere censum quatuor aureorum, constitutum pro capitali centum aureorum.

Attamen in tali casu duo observanda sunt. Primò, ut interesse quod percipitur non excedat taxam à Principe in censibus constitutam. Secundò, ut si ille qui primus vendidit censum & super ejus bonis constitutus est, velit se redimere à tali censu solvendo & reddendo illius capitale; tunc hic qui illud à tertio emerat, tenetur venditori reddere illud omne quod accepit ultra summam quam pro emptione talis census dederat, eo quod non possit plus recipere quàm dedit, cum à B. Pio V. ubi supra, decretum sit quod debitor census possit se redimere solvendo eandem summam quam accepit; unde usuram committeret qui censum quinque aureorum pro centum aureis constitueret, hoc pacto ut debitor non posset se redimere nisi solvendo centum & decem aureos, & ita videtur quod similiter ille qui capitale quinquaginta aureorum pro quadraginta aureis emit, non potest sine usura exigere, & recipere aliquid ultra dictam summam quadraginta aureorum. Concludendum igitur videtur, quod si Petrus emit octuaginta aureis à Joanne capitale centum aureorum cum suo annuo censu quatuor aureorum quod illi debebatur à Paulo; in hoc casu si Paulus velit se redimere à tali censu, Petrus tenetur reddere Joanni viginti aureos; quia justum non est ut plus accipiat quàm dedit.

Quaest. 7. Nonne dici posset quod is qui ut supra capitale centum aureorum, pretio octuaginta aureorum emit, potest tamen totam illam centum aureorum summam in casu solutionis & extinctionis census retinere, propter periculum quod subit perdendi summam sic traditam?

176 Tract. III. De Contr. in part.

Resp. Illud certè dici non potest, sicut non licet ei qui censum emit exigere in casu extinctionis p'usquam dedit, ob periculum in quo fuit data pecunia. Attamen si census esset litigiosus, & necessarium esset expensas facere ad illius asssecurationem; in hoc casu tales expensæ necessariae possint capitale datum augere, & ita posset quis licitè percipere non solum illam summam quam venditori dedit, sed etiam omnes expensas necessarias quas fecit, & etiam justum salarium recipere ob tempus quod in tali lite sustinenda insumpsit.

Quaest. 8. Quo pacto intelligi debent legis verba, quod scilicet: *Res tantum valet, quantum vendi potest*; ex quibus inferri posse videtur, licere rem quamlibet vendere majori pretio quo vendi de facto potest, cum liceat vendere quantum valet; & ut ait S. Thomas, *res tantum valet quantum sine fraude vendi potest*?

Resp. Hæc legis & Doctoris Angelici verba intelligenda sunt: Primò quod res valet quantum vendi potest, modò non vendatur ultra limites majoris & summi pretii, aut infra pretium infimum; quod probatur ex lege in qua habetur, quod *Pretia rerum non ex affectu, nec utilitate singulorum, sed communiter funguntur.*

Secundò hæc verba intelligi debent secundum illud quod à Canonistis & à Jure-consultis dicitur, quod scilicet dum venditor ultra dimidiam justii pretii læsus fuit, author læsionis tenetur rem emptam restituere, aut illud quod justo pretio deest supplere, ut habetur in lege & in una Decretali, in qua sic loquitur summus Pontifex. *Cum constitisset nobis monasterium in venditione ultra dimidiam justii pretii fuisse deceptum, sententiando decrevi-*

I. Pretia rerum, ff. ad legem falci- diam,

I eg. Rem majoris. Cod. de rescindenda venditione.

CAP. II. De Pretio quo, &c. 177

mus, ut praefati cives aut recepto pretio possessiones restituerent memoratas, aut supplerent quantum constaret, legitima venditionis tempore, pretio defuisse. Ex quo evidenter sequitur, justum rerum pretium non esse illud quo vendi quoquo modo possunt, cum jure civili & Canonico obligetur ille qui emit rem infra dimidiam justii pretii, ad duplicandum pretium quod dederat, ut ad justum pretium deveniantur; & ita facile cognoscitur quod secundum jura justum rerum pretium non est illud quo vendi possunt, sed illud quo communiter aestimantur. Unde S. Thomas asserit, quod *Secundum divinam legem illicitum reputatur, si in emptione & venditione non sit aequalitas justitiae observata.* Et tenetur ille qui plus habet, recompensare ei, qui damnificatus est, si sit notabile damnum, quod ideo dico, quia justum pretium rerum, non est punctualiter determinatum, sed magis in quadam aestimatione consistit: ita quod modica additio vel minutio non videtur tollere aequalitatem justitiae. Ceterum sanctus Antoninus verba legis supra in quaestione relata sic explicat: *Cum dicitur quod res tantum valet quantum vendi potest, fateor si pro tanto vendi permittitur quantum valet:*

Cap. Cum car. sa. De Emptione & venditione,

D. Th. 2. 2. q. 77. art. 1. ad 2.

D. Ant. 2. p. tit. 1. cap. 2. §.

CAPUT III.

Utrum liceat minori pretio & infra infimum rem emere, quando tale pretium anticipatè solvitur.

Quaest. 1. **L**icet ne mercatori emere, exempli gratia, lanam minori pretio quam reverà valeat, dum pecuniam per anticipationem solvit?

H. v.

178 Tract. III. De Contr. in part.

Alexander
III. in cap. In
civitate. De u-
suris.

Resp. Illud omnino non licere constat ex
Decretali, in qua Alexander Papa III. sic lo-
quitur: *Qui merces comparant, qua tunc ul-
tra quinque libras non valent & promittunt
se illis à quibus illas merces accipiunt, sex
libras statuto termino soluturos, venditores
peccatum incurrunt, nisi dubium sit merces
illas plus solutionis tempore valituras; Et ita
cum eadem sit ratio emptoris & venditoris si
non licet carius vendere, ob dilationem solu-
tionis, neque pariter licet vilius emere, & infra
justum pretium, ob solutionis anticipationem;
nisi pariter constet, rem minus valituram eo
tempore quo tradi debet; quia, ut docet S.*

D Th. 1. 2.
q. 78. art. 1.
ad 7.

Thomas, *Cum aliquis carius velit vendere
res suas, quam sit justum pretium, ut de pe-
cunia solvenda emptorem expectet, manifestè
usura committitur, quia hujusmodi expecta-
tio pretii solvendi habet rationem mutui, quod
pertinet ad rationem usura: similiter etiam si
quis emptor velit rem emere vilius, quam sit
justum pretium, eo quod pecuniam ante solvit
quam possit ei res tradi, est peccatum usura,
quia etiam ista anticipatio solutionis pecunia,
habet mutui rationem, cujus quoddam pre-
tium est, quod diminuitur de justo pretio rei
emptæ.*

Conc. Medio-
lanense. 1.

Illud etiam expressè prohibetur in Concilio
Mediolanensi his verbis, *Ne ob anticipatam
solutionem, res minoris emantur justo pretio,
vel solvatur minus quam debeatur.*

Quest. 2. Nonne potest esse aliquis casus,
in quo liceat minori pretio emere ob antici-
patam solutionem?

Resp. Posset reperiri aliquis hujusce generis
casus, ut si adesset verum lucrum cessans aut
damnum emergens, modo adsint omnes cir-
cumstantiæ necessariæ, ut lucrum cessans aut

CAP. III. *Utrum liceat, &c.* 179

damnum emergens excusent in conscientia illum qui aliquod interesse ex mutuata pecunia recipit, de quibus circumstantiis loquemur, Deo dante, in tractatu de Usura. Et ita si, verbi gratia, mercator necesse haberet pecuniam accipere cum onere solvendi interesse, & illud fieret in gratiam ejus cujus lanam emit; in hoc casu mercator posset compensare & computare damnum quod re verà sentit ex tali interesse quod patitur ut possit solvere per anticipationem pretium lanæ venditæ.

Quæst. 3. Nonne, præter rationem lucri cessantis, vel anticipatam solutionem, est alius casus in quo liceat viliori pretio emere?

Resp. Sanctus Antoninus asserit, quod Si emptor dat pretium mercium antequam recipiat merces, & minus dat quàm tunc valent cum emit, ex eo quòd eo tempore, quo recepturus est merces, verisimiliter aestimatur quòd minus debeant valere quàm tunc cum emit, vel saltem dubium est utrum plus vel minus sunt valitura, quàm sit pretium datum; pretium est justificatum & licitum: secus si ratione anticipationis solutionis pretii ante receptionem mercium, diminueret pretium tunc currens, vel verisimiliter aestimaret minori pretio non posse valere merces illas emptas, quàm sit illud quod dat, sed bene multò pro majori pretio, quia tunc esset usura, juxta Can. In civitate. De Usuris.

Quæst. 4. Nonne dici posset, mercatoribus licere viliori pretio emere dum anticipatò solvunt, quia periculo perdendæ pecuniæ se exponunt, aut etiam quia aliquoties illi à quibus, exempli gratià, lanam emunt, eos fallunt eam aquà aspergendo, aut in loco humido conservando, ut illius pondus augeatur?

Resp. Mercatores nullo modo possunt viliorè

180. Tract. III. De Contr. in part.

pretio emere, ob periculum pecuniæ quod subeunt, quia tale periculum non potest illos excusare qui aliquod interesse recipiunt, nisi dum pecuniam periculo alicujus commercii exponunt in contractu Societatis, non verò in contractu mutui, quod implicite fit dum quis emit viliori pretio ob anticipatam solutionem, ut expositum fuit supra ex doctrina sancti

D. Th. opusc. 73. cap. 9. Thomæ; quia, *Ratio periculi etiam circa sortem non excusat usuram in mutuo, ut probatur in cap. Naviganti.* Illud etiam expressè assertitur à sancto Antonino his verbis: *Ratione dubii in mutuo quod est ibi implicitum, non licet sperare lucrum.*

Quantum ad fraudem quam adhibent lætæ venditores, non potest justam subministrare rationem ad emendum infra justum pretium. Primò quia multos norunt modos mercatores tales fraudes vitandi. Secundò quia non omnes venditores tali fraude utuntur, & tamen iis qui fideliter vendunt non suppletur de pretio quod diminutum fuerat ob solutionis anticipationem, quod injustitiam manifestam involvit, justus enim pœnam fraudulenti portare non debet.

Quæst. 5. Nonne dici posset in gratiam mercatorum qui viliori pretio emunt ob anticipatam solutionem, illud eis licere quia mercium minuitur pretium, quoties ob emptorum penuriam venditor ad offerendas merces cogitur?

Resp. Licet verum sit, ut capite præcedenti dictum fuit, mercium pretium minui dum, ob emptorum penuriam, illas venditor ultro offert non requisitus, quia ob talem penuriam, minùs communiter æstimantur; attamen in casu proposito hæc ratio non sufficit, ut mercatores licite viliori possint pretio emere. Pri-

CAP. III: *Utrum liceat, &c.* 181

mò quia solummodò locum habet, dum qui ad alterius requisitionem emit mercem oblatam, non plus valere aestimat, quàm pecuniam quam loco pretii dat; si enim hoc modo tantùm emeret, ut lucrum extraordinarium consequeretur, non verò ut necessitati proximi tali emptione succurreret prout sæpissimè à mercatoribus fit, usuram committeret, & obligationem restituendi contraheret: Quod probatur autoritate Urbani Papæ III. qui de iis loquens, qui carius vendunt ob solutionis dilationem, quorum eadem est ratio ac eorum qui vilius ob anticipatam solutionem emunt, ut ait S. Th. 2. 2. q. 78. art. 2. ad 7: cùm ab eodem Pontifice quæsitum fuisset, utrum ille usuram committeret, qui merces carius ob dilationem solutionis vendit, quàm si statim illarum pretium traderetur: ita differit; *Utrum* Cap. Confu-
ventu criminis involvatur qui merces majori lun. de Usa-
pretio distrahit, si ad solutionem faciendam tis.
prolixioris temporis dilatio prorogetur, quàm
si ei incontinenti pretium persolvatur, hujus-
modi homines pro intentione lucri quam ha-
bent, judicandi sunt malè agere, & ad ea
qua taliter sunt accepta restituenda, in ani-
marum judicio efficaciter inducendi. Et ita
 juxta illius Pontificis Decretum, verum est; quod dam mercatores viliori pretio, ob solutionis anticipationem emunt, si ita agant, cum intentione majus lucrum consequendi, usuram committunt. Secundò quia certum est, multos reperiri mercatores qui cum solutionis anticipationem emunt, ex quo patet, quod non vilius emunt, ob penuriam emptorum, & quia illis offeruntur merces, sed solummodò quia anticipatò solvunt: quod usuram manifestam involvit.

Quest. 6. Quidnam de his dici potest qui

182 Tract. III. De Contr. in part.

in quibusdam regionibus viliori pretio oleum emunt ob anticipatam solutionem : Exempli gratiâ , ante olivarum collectam , mensuram olei decem aureis emunt , dum probabiliter quatuordecim , aut quindecim aureos valituram tempore collectæ putant : & consequenter venditor se ad dandas tres olei mensuras obligat , asserens se illas ab emptore accepisse , licet non oleum , sed pecuniam acceperit ?

Resp. Constat ex autoritatibus supra relatis eap. In civitate & cap. consuluit. De Usuris ; & ex doctrina S. Th. & S. Antonini , talem contractum usurarium esse ; quia certum est ob solam solutionis anticipationem vilius emi : sed ultra peccatum usuræ , in hoc contractu reperitur etiam perjurium , cum iuramentum omnibus contractibus apponatur , & ita juret quis se tres olei mensuras dedisse , licet pecuniam solummodò dederit.

Quest. 7. Illa quæ jam olim introducta est consuetudo , emendi vilius , cum anticipatione solutionis pretii , ut & venditores possint sibi consulere , & variis necessitatibus subvenire ; & emptores possint compensare & resarcire expensas quas ad habendam anticipatam pecuniam facere convenit , potest-ne verè mercatores in tali casu à peccato excusare ?

Resp. Dicendum cum sancto Antonino , quod si talis consuetudo de dilatione solutionis introducta sit pro communi bono , & non in fraudem usurarum , sed pro expeditione mercantarum : tunc distinguendum est , secundum Thomam ; quia aut mercator merces suas vendit ad terminum ultra quantitatem justî pretii , aut non. Si primo modo , non est dubium quod contractus usurarius est cum in eo expectatio temporis sub pretio injusto cadit , contra cap. Consuluit. Extra de Usuris. Si autem

D. Anr. 2. p.
tit. 1. cap. 8.
S. 3.

CAP. IV. De illis qui res, &c. 183.

secundo modo, quia secundum quantitatem justii pretii vendit, licet terminum tradat, & pro termino pretio majori vendere videatur: non tamen est ibi usura.

Quaest. 8. Debet-ne tanquam usurarius considerari mercator qui regulariter carius ob dilatam solutionem vendit, quam dum statim pretium solvitur, quique potius eligit minori pretio in pecunia numerata vendere, quam majori dum solutio expectanda est?

Resp. Non ideo talis mercator statim condemnari debet; quia in hoc casu non expectat pretii solutionem dum vendit, ut majus lucrum faciat; Summus autem Pontifex in dicto cap. *Consuluit*, eos tantum damnat, qui ideo cum dilatione solutionis carius vendunt, ut possint majus lucrum percipere; ac constat quod in casu proposito mercator carius solummodo vendit, ut possit compensare damnum, quod ob dilationem solutionis sentit.

C A P U T IV.

De illis qui res furto surreptas aut aliis modis injustis acquisitas, emunt.

Quaest. 1. **T**ENETUR-ne ad restitutionem qui rem aliquam furto surreptam emit?

Resp. Huic quaestioni appositè respondit sanctus Raymundus his verbis: *Circa illos qui emerunt de rapina, distingue: Quod aut sciebant rapinam esse, aut probabiliter crede-*
bant; aut credebant de justo esse, vel de hoc nihil cogitabant, scilicet utrum esset rapina, vel non, utrum de justo, vel non. In primis duobus casibus subdistingue, quia aut emit

D. Raym. lib. 2. tit. de raptoribus. 32. 22.

quis mala fide, id est, cupiditate acquirendi sibi, aut bonâ fide, id est voluntate restituendi, quasi gerens utiliter negotium illius cui fuerat ablata res quam videbat perire, vel in tale casum devenire, quod non posset postea recuperari, vel si posset, non sine magna difficultate. In primo casu, scilicet quando mala fide emit, tenetur indistinctè ad restitutionem, nec liberatur vendendo, vel aliàs alienando rem alteri, vel etiam si res pereat morte, vel alio casu, vel si sibi violenter auferatur, vel furtivè subtrahatur, vel alio simili modo; & hac est ratio quia furtum commisit contrectando rem alienam invito Domino. ff. de furtis. leg. 1. Et fur semper est in mora restituendi; unde nec pretium quod dedit poterit repetere ab illo cuius res est, nec expensas quas ibi fecit, & omnem utilitatem quam ex illa re habuit tenetur restituere. D. Raymundus. Ibid. Si verò emit aliquis bonâ fide à raptore vel ab alio rem de rapina, vel furto, bonâ scilicet intentione, non ut sibi lucraretur, sed ut spoliato restitueret; potest à spo iusto repetere illud quod dedit pro ipsa re bonâ fide & etiam quidquid expendit postea ad conservationem illius rei; nisi fortè cum re ipsâ lucratus aliqua undè posset facere dictas expensas, & breviter quidquid sibi adest ex illa re restituere tenetur, quidquid sibi abest potest repetere: ratio autem quare iste potest repetere, est, quia gessit utiliter negotium absentis spoliati.

Quaest. 2. Qui bonâ fide emit, non putans rem fuisse furto surreptam, tenetur-ne rem restituere? Et potest-ne illius verum Dominum adstringere ad reddendum pretium furi bona fide solutum?

Resp. Idem sanctus Raymundus similem

CAP. IV. De illis qui res, &c. 189

questionem proponit & solvit his verbis: Si aliquis emit rem furtivam ignoranter, & bonâ fide, & in foro publico, & publicè, nunquid potest saltem pretium quod numeravit petere à Domino, cum deprehendit rem esse furtivam; vel nunquid poterit retinere rem donec pretium fuerit solutum? Respondeo quod non. Et hæc decisio expressè habetur in lege his verbis: Incivilem (id est ut ait Glossa, contra jus) rem desideratis, ut agnitas res furtivas non prius reddatis quàm pretium fuerit solutum à Dominis; Quia ille qui à latrone emit, nullum jus in re emptâ habet, cum illius dominium nulliter in eum fuerit translatum à non domino qui idcirco nullum jus super ea re conferre poterat; quia, ut dicitur in regula juris Canonici, Nemo potest plus juris transferre in alium quàm sibi competere dignoscatur. Attamen qui bonâ fide emit, potest expensas ad conservandam aut augendam rem factas retinere: & ob eandem rationem non tenetur ad restitutionem fructuum quos, pendente bonâ fide, percepit, ut inferri potest ex cap. Requisivit. De in integrum restitutione. Nisi ex his factus fuerit ditor, juxta legem in qua dicitur, quod Fructus bonæ fidei possessores reddere cogendi non sunt, nisi ex his locupletiores extiterint. Locupletior autem quis factus est, quando utiliter rem expendit, ita ut si tales fructus non habuisset, ex propriis bonis talem expensam prudenter fecisset.

Quæst. 3. Qui rem furto surreptam ignorans & bonâ fide emit, tenetur-ne ad restitutionem si furtivam esse nesciens, illam vendidit, aut alio modo alienavit, aut etiam si casu aliquo fortuito periiit?

Resp. Docet sanctus Raymundus, quod Bonæ fidei emptor si durante bonâ fide ipsius

D. Ray. hb. 2. tit. de furtis, §. 7.

L. Incivilem. Cod. de furtis.

Regula. 692. de regulis juris in 6.

L. 1. Cod. de petitione hæreditatis.

D. Raym. lib.

2. tit. de fur-
tis. §. 7. *perit res, non tenetur; idem credo si aliena-*

vit durante similiter bonâ fide. Primò quia

1. *Qui vas.*
ff. de furtis. *redactus est ex pretio rei furtiva, non est fur-*

5. *Cum fur.*
tivus. Secundò quia, ut habetur in lege, Pos-

1. *Vtrum au-*
tam. ff. de pe-
sit. hæred. *sesor bona fidei restituere tenetur, si factus*

sit locupletior. At ille factus non est locuple-

tior ut supponitur, ex tali emptione & vendi-

tione; ergo nihil restituere tenetur, & eadem

videtur esse doctrina sancti Thomæ, dum di-

D. Th. 2. 2.
q. 109. art.
6. ad 3.

cit quod possessor bonæ fidei Non tenetur resti-

tuere fructus consumptos, quia bonâ fide pos-

sedit.

Quæst. 4. Si ille qui rem furtivam, bona

fide nesciens emit; tractu temporis cognoscit

esse furtivam, tenetur-ne ad restitutionem, si

sciens non esse suam, illam aliquo modo alie-

navit, aut casu fortuito perdidit?

Resp. Ad restitutionem procul dubio tenetur;

quia ut dicitur in Canone: Tamdiu quisque

bona fidei possessor rectissimè dicitur, quamdiu

se possidere ignorat alienum; cum verò scierit,

nec ab aliena possessione recesserit, tunc mala

fidei possessor perhibetur: tunc justè injustas

possessor vocabitur: At constat ex supra dictis,

possessionem malæ fidei semper ad restitutio-

nem teneri, sive res suâ culpâ perierit aut non;

unde evidenter concluditur, quod ille qui in

casu proposito sciens rem esse alienam, eam

vero domino non restituit, ad restitutionem

teneri, si dum est in tali mora, res casu for-

tuito perierit, quia factus est malæ fidei pos-

sesor.

Quæst. 5. Licet-ne panni lascinias à sartori-

bus emere?

Resp. Illud generaliter non licet, juxta ea

quæ ex sancto Raymundo relata sunt; illi

Can. Si virgo.
34. q. 1.

CAP. V. De illis qui merces, &c. 187

enim qui talia frustra emunt, habent justum & sufficiens fundamentum dubitandi, ne sartores ea furati sint; attamen si constaret non esse furto surrepta, licet absque dubio emi possent.

Et illud quod de eumentibus à sartoribus dicitur, ad alios generaliter debet extendi, qui aliqua à personis suspectis comparant. Ut sciticum ab iis qui illud pro aliis variis modis præparant, & expoliunt, & sic de cæteris, dum adest fundamentum sufficiens dubitandi quod res ad venditorem non pertineat.

CAPUT V.

De illis qui merces summo pretio vendunt, & easdem mox infimo pretio emunt.

Quæst. 1. **L**ICET-ne mercatori vendere, exempli gratia, aliquam mercem centum nummis post annum solvendis, sciens eandem sibi mox ab eodem, pretio nonaginta nummorum præsentium dandam esse?

Resp. Id licet fieri non potest, quia in hac emptione adest mutuum implicitum cum usuræ labe. Nam idem est ac si mercator nonaginta nummos mutuo daret, cum pacto quod centum ei post annum solverentur. Nam, ut ait sanctus Antoninus, *Patens est quod ideo secundus revendit primo vendenti pro pretio satis minori: quia sub quadam mutui ratione, potius quam sub reali veritate solutionis, tradidit ille sibi nonaginta, vel octoginta, ab eo debens rehabere centum; quia ipsi primò vendenti non solvit tunc: propterea talis con-*

D. Ant. 1. p.
tit. 1. cap. 2.
§. 1.

188 Tract. III. De Contr. in part.

tractus usurarius est, & omni malignitate ac duplicitate plenus.

Illud etiam expressè damnatum & prohibitum fuit à sancto Carolo in Concilio Mediolanensi primo, his verbis: *Ne cui presentem pecuniam quarenti quidquam carius vendatur, ut statim à venditore per se, vel per interpositam personam, vilius ematur.*

Demùm summus Pontifex Innocentius undecimus sequentem propositionem damnavit. 40. Propos. damnata. *Contractus Mohatra licitus est etiam respectu ejusdem persone, & cum contractu retrovenditionis praviè inito cum intentione lucri.*

40. Propos.
damnata ab
Inoc. XI. an.
1679.

Quaest. 2. Licet-ne fundum cum hac conditione vendere, ut si venditor pretium intra certum tempus restituat, emptor fundum pariter restituere teneatur, fructibus perceptis non computatis?

D. Raym. lib.
2. tit. de usu.
ris. §. 6.

Resp. Sanctus Raymundus talem contractum licitum esse docet, his verbis: Si vendidit tali conditione ut quandocumque solvatur pretium, re habeat pradium: non est mutuum, & emptor facit fructus suos sine periculo usura, licet venditor juxta venditionis formam postea recuperet pradium: & hoc intelligas nisi in fraudem usurarum sit facta talis venditio; quod praesumitur ex his conjecturis, scilicet ex eo quod modicum est pretium respectu valoris rei: idem ex eo quod aliquid persolvitur ultra summam receptam. Unde Innocentius tertius loquens in una sua Decretali de simili contractu dicit, quod Ex duobus quae in pacto fuerunt expressa, videlicet quod fructus percepti deberent in solvenda pecunia numerari, & quod ultra summam receptam, sexaginta solidi deberent persolvi, contra ipsum emptorem praesumitur vehementer, praesertim cum.

Cap. Illos vos.
de pignorib.

CAP. V. De illis qui merces, &c. 189

usuras consueverit exercere. Ex quo concludi posse videtur, non posse vendi fundum cum pacto redemptionis, ea conditione ut venditor redimens teneatur dare aliquid ultra pretium tempore venditionis solutum.

Regulam assignat sanctus Antoninus ad cognoscendum utrum hujuscemodi contractus in praxi sit usurarius, an non; dum ait, *Si emptor intendit realiter emere, & justo pretio, tamen dat illi venditori potestatem reemendi, potius tamen vellet quod sibi remaneret prædium, non est usura.*

D. Ant. 2. p.
tit. 1. cap. 8,
§. 3.

Quæst. 3. Aurifices possunt-ne vasa aurea aut argentea, non computato artificio, emere, dum illa facile ita resarcire possunt, ut vasa nova appareant & ut talia vendantur, ita ut sæpius pretium quod dederant duplicetur?

Resp. Id eis licet; quia ut superius cap. 2. dictum fuit, justum venalis rei pretium illud est quo communiter æstimaretur ab homine qui ejus valorem cognosceret, quique de ea sine fraude aut præventionem judicaret; & hæc ipsa est legis dispositio in qua dicitur, quod *Pretia rerum non ex affectu nec utilitate singulorum, sed communiter funguntur.* Sed certum est, vasa aurea aut argentea, dum venalia proponuntur, æstimari solum communiter ab his qui illorum valorem agnoscunt, secundum eorum pondus, nullâ facta consideratione artificii & laboris: Aurifices igitur possunt ea emere juxta pondus, nec aliquid tenetur solvere pro labore aut artificio. Quod tamen intelligendum solummodo est de vasibus quæ ordinario & communi artificio sunt elaborata; fieri enim posset ut vasa aurea & argentea venalia proponantur quorum figura & labor pluris quam ipsamet materia æstimeretur, quæque ob hanc rationem multò magis communiter æsti-

L. Pretia rerum ff. ad L. falcidiam.

mentur quàm vasa ordinaria ejuldem materiæ & ponderis.

Quæst. 4. Licet-ne frumentum messis aut vinum vindemiæ tempore modico pretio emere, cum intentione revendendi eo solùm tempore quo majus erit illorum pretium?

Resp. Cum aliqua distinctione in hoc casu respondendum est; si enim talia emens ut deinde vendat, intendit illa cariora efficere propter raritatem, & si illas tempore alicujus sterilitatis accumulet, sciens populum grave incommodum ex tali frumenti aut vini cumulo subiturum: cum his circumstantiis hujusmodi commercium illicitum est: & hoc modo intelligi debet id quod à Papa Julio primo, in Canone illi adscripto, dicitur, quod scilicet

Can. *Quicumque*
14. q. 4.

Quicumque tempore messis, vel vindemia, non necessitate, sed propter cupiditatem comparat annonam, vel vinum: verbi gratiâ, de duobus nummis comparat modium unum, & servat usque dum vendatur nummis quatuor, aut amplius: Hoc turpe lucrum dicimus.

D. Ant. 2. p.
tit. 1. c. 23.
§. 16.

Quod à sancto Antonino dilucidè explicatur his verbis: *Qui tempore messis emunt blada, & tempore vindemiarum vinum, ut postea vendant carius in futurum, licitè possunt pro opera sua recipere lucrum, ut sustententur, dummodo non intendant caristiam inducere. Si autem hoc faciant ex avaritia, ita quòd unus tantum emit de hujusmodi & congregat quòd postea compelluntur homines emere ab eo ad placitum suum: & ideo vendit carè ut vult, & isti enormiter peccant contra proximum, & communitatem; & tales qui victualia, vel alias res aut etiam monetas emunt, ut caristiam inducant, vocat Raymundus nefandas belluas, & mortale est.*

Ex quibus concludi posse videtur, tale

CAP. V. De illis qui merces, &c. 191

commercium licitum esse, dum fit sine intentione penuriae inducendae, & eo tempore quo messis adeo modica non fuit, ut tales res ad victum necessariae ob id deficere possint aut aliquo extraordinario pretio vendi, modò etiam tale commercium ad aliquem bonum finem dirigatur, veluti ad faciendum honestum lucrum ex quo quis sibi & familiae necessaria habere possit. Imò illud commercium bono publico utilissimum est, ut rustici ex fructibus collectis pecuniam congregare possint variis usibus necessariam. Et auctoritati Canonis, qui prima fronte contrarius videtur, responderi potest, quod eos tantum damnat qui vinum aut frumentum emunt *Propter cupiditatem*, non autem illos qui, ut suis necessitatibus subveniant, id agunt; quia, ut ait sanctus Thomas, *Negotiatio qua fit non propter res necessarias vita, sed propter lucrum querendum, secundum se considerata quamdam turpitudinem habet: sed licita reddetur, sicut cum aliquis lucrum moderatum, quod negotiando querit, ordinat ad domus suae sustentationem, vel etiam ad subveniendum indigentibus, vel etiam cum aliquis negotiationi intendit propter publicam utilitatem, ne scilicet res necessaria patria ad vitam desint.*

D. Th. 2^a 2^a
q. 77. art. 4^a
in corp. ¶

CAPUT VI.

De Emptione fructuum & proventuum.

Quaest. I. **L**ICET-ne emere proventum certum, exempli gratia, quatuor annos alicujus proventus & pensionis an-

nuæ centum aureorum , pro præfenti pecuniâ trecentorum aureorum ?

Resp. S. Antoninus similem quæstionem sibi
 D. Ant. 2. p. proponit , huicque respondet his verbis : Si
 cit. 1. cap. 8. aliquis emit jura contractus contra debitorem
 S. 11. qui debebat recipere ab aliquo centum , in cer-
 to termino , pro pretio nonaginta , quia nunc
 solvit , numquid emptor committit usuram ?
 Respondeo , si ille emit tantum minus , quan-
 tum nunc est interesse suum , aut quantum
 verè æstimandum , si ve timendum ne ille debi-
 tor solvat , aut quantus est futurus labor re-
 habendi , non est usura. Si verò aliquis vult
 diminuere pretium , solum propter hoc , quod
 nunc solvit , sed in futuro rehaebit plus , est
 manifestè usura. Ex qua doctrina concludi po-
 test , ferè semper in praxi usuram committi
 in casu proposito ; quia illi qui tales emptio-
 nes faciunt , non solum volunt refarcire dam-
 num quod ex anticipatione pecuniæ patiuntur ,
 sed etiam principaliter lucrari intendunt , in
 quo adest usura manifesta juxta sancti Anto-
 nini mentem. Quæ doctrina confirmari potest
 decisione doctrinali in lucem edita à multis
 sacre Facultatis Theologiæ Parisiensis Docto-
 ribus 27. Augusti 1673. his verbis : Nos infra
 scripti sacra Theologiæ Facultatis Parisiensis
 Doctores , & alii Socii Sorbonici , re maturè
 dicussa , censuimus prædictum contractum qui
 supra expositus est , quo nempe census tempo-
 ralis pro quatuor annis solvendus minori pre-
 tio emitur , putà census annuus centum flore-
 norum per spatium quatuor annorum perci-
 piendus , trecentis tantum florenis die con-
 tractus solutis emitur , aliumque similem quo-
 cumque nomine appelletur planè injustum esse ,
 nec omninò ab usura vitio liberum esse , at-
 que ideo eos qui hujusmodi nundinationibus
 quasum

CAP. VI. De Emptione, &c. 193

quastum faciunt, ad restitutionem teneri.

Quaest. 2. Si Creditor à debitore petat, ut sibi per anticipationem centum aureos qui post annum solvendi erant, statim solvat, ob idque quinque aureos remittat; potest-ne acquiescere debitor, & hoc modo à centum aureis intra annum solvendis se redimere, octuaginta aureos statim solvendo?

Resp. Id fieri licitè non potest juxta sanctum Thomam; Nam ille, inquit Angelicus Doctor, qui ad certum terminum debet, si ante terminum solvat, ut ei de debito aliquid dimittatur, usuram committere videtur, quia manifestè tempus solutionis vendit; unde ad restitutionem tenetur, nec excusatur per hoc quod solvendo ante terminum gravatur, vel quòd ad hoc ab alio inducitur: quia eadem ratione possent usurarii excusari omnes. Quod tamen à sancto Antonino clariùs explicatur his verbis: Aut debitor ex tali anticipatione solutionis damnum non incurrit, sed solum quia praevenit tempus, vult sibi illa quinque remitti, tunc est usura: & ratio est, quia vendit tempus, & mutuum est, ibi implicitum cum lucro intento: & in hoc casu loquitur beatus Thomas: quod si illa quinque sibi retinet debitor, quia tantumdem est damnum quod ipse inde recipit ex anticipatione solutionis: tunc non est usura, quia nullum ex hoc lucrum consequitur, sed solum conservat se indemnum.

D. Th. opusculo. 67.

D. Ant. 21 p. cit. 1. cap. 84 §. 13.

Quaest. 3. Licet-ne alicui communitati debita minori pretio emere, ob expensas quæ ad procurandam solutionem faciendæ sunt?

Resp. Ex supra relatis sancti Thomæ, & sancti Antonini autoritatibus, evidenter constat illud licere, dummodò lucrum quod fit non excedat expensas & operas quæ necessariò

intumi debent ad procurandam talium debitorum solutionem, & illud quod ex illorum iusto valore minuitur, non sit majus damno quod probabiliter in hoc negotio sentire quis potest. Sed è contra si hæc communitati debita, omnibus pensatis, minori pretio cum intentione lucrandi emanant, committitur manifesta injustitia; quia, ut ait sanctus Thomas, *Vilius emere rem quàm valeat, est secundum se injustum & illicitum*. Et ita cum pecunia pretium determinatum habeat, non possunt illa debita minori pretio quàm valeant emi, deductis expensis & laboribus ad eorum solutionem communiter necessariis; nam aliàs illud quod ultra exigeretur, ob solam anticipationem solutionis exigeretur, quod usuram manifestam involvit, ut fusiùs in tractatu de usura inferiùs probabitur.

Id tamen sæpè accidit in praxi, ut facilè cognoscitur ex eo quod ii qui hujuscemodi emunt debita, plerumque illorum exactiorem aliis committunt longè minori pretio quàm sit illud quod ex tali commercio lucrantur, non sine alicujus injustitiæ periculo.

C A P U T VII.

De illis qui cum pecunia, & nomine alterius emunt.

Quæst. I. **Q**UI ex pecunia alterius & ejus nomine rem aliquam emit, potest-ne aliquid pro suo labore retinere?

Resp. Si talis emptor jam industriæ & laboris sui mercedem aliunde accepit, aut si est famulus salariatus, aut demùm si promisit, se gratuito, & absque ulla spe mercedis emptu-

D. Th. 2. 2.
q. 77. art. 1.
in corp.

rum : in talibus casibus certum est , non posse aliquid ab eo retineri , sine iniustitia manifesta , & consequenter ad restitutionem teneri si quid retinuerit ; damnum enim iniustum infert ei cujus nomine emit , qui ei tale mandatum idcirco committit , quia fidelem & gratuitum fore emptorem putat : & si sciret aliquid fuisse retentum , graviter admodum ferret se delusum fraudatumque sub fictæ amicitiae , & gratuiti laboris specie. Et ea de causa lex etiam civilis voluit mandatum sine spe salarii impleri : & ita *Mandatum , nisi gratuitum , nullum est ; nam originem ex officio atque amicitia trahit : contrarium porro est officio merces ;* constat igitur , illum qui sub specie amicitiae , & sine ulla mentione salarii & mercedis , rem aliquam se pro alio empturum promissit , eo ipso se tacite obligasse ad id agendum gratuito , & ita non posse sine iniustitia aliquid ex tali emptione palam aut clanculum retinere.

*L. Obligatio:
ff. mandati*

Quaest. 2. Ille qui mandatum accepit aliquid emendi , potest-ne lucrum aliquod ex tali emptione adipisci ratione amicitiae venditorum , aut autoritatis cujusdam ex emptiorum frequentia provenientis ; sartor , exempli gratiâ , qui à mercatore qui ei ob quamdam consuetudinem & amicitiam , aut certè quia frequenter emit , minori pretio vendit , potest-ne in conscientia ab illo pro quo emit , aliquid exigere ultra pretium ab eo venditori traditum , modò non excedat limites pretii quo solet talem mercem vendere mercator , quoque illam re verâ vendidisset ei pro qua vendita est , si ipsemet , non adhibito sartore emisset ?

Resp. Videtur primâ fronte , quod casus iste in se consideratus , iniustitiam nullam involvit ; quia emptor nullo modo fidem aut amicitiam violat ; cum , ut supponitur , gratis om-

nem suam industriam ponat, & mercem amico suo tradit eo pretio quo omnis emptor communiter eam emisset: quod si aliquid lucri ex tali emptione percipit, id accidit ratione circumstantiarum de quibus supra in quaestione facta est mentio, quæque ad eum solummodò spectant. Attamen in praxi difficillimum est talem agendi modum excusare.

Primò quia illi quibus talia mandata dantur semetipsos adulantur, putantque se minori pretio ob tales circumstantias emisse, quod aliquoties non est verum; mercatores enim illis sæpe imponunt protestando se viliori pretio vendere, licet id verum non sit, sed tantum fictio quædam & adulatio ut ad sæpius emendum inducantur. Secundò, quia etiam si verè & realiter merces minori pretio illis ob prædictas circumstantias traderentur, cum talia mandata eis eo solummodò intuitu committantur, quia creduntur minori pretio empturi, eos qui mandant miserè fallunt, dum talem modicitatem pretii in sua lucra convertunt, sibi que iis inconsultis applicant. Tertiò, quia cum illa diminutio pretii oriatur ex magno numero emptiorum quæ illis committuntur, qui certè numerus talium emptorum personis non adhæret, sed ex committentium confidentia provenit, æquum esse videtur, ut fructus si qui sunt ad eosdem committentes pertineant, & tales pretii diminutiones mandantibus non mandatariis profint. His rationibus motus videtur Cicero,

Cicero in E.
pist. pro Sex-
to Roscio.

dum tale lucrum damnat his verbis: *In privatis rebus si quis rem mandatam non modo malitiosius gessisset, seu quaestus aut commodi causâ, verum etiam negligentius, eum majores summum admisisset dedecus existimabant. Itaque mandati constitutum est iudicium non minus turpe quàm furti. Quid recipis man-*

datum, si aut neglecturus, aut ad tuum commodum conversurus es? cur mihi te offers, & meis commodis officio simulato officis & ob-
stas? ergo idcirco turpis hæc culpa est, quod
duas res sanctissimas violat, amicitiam & fi-
dem; nam neque mandat quisquam ferè nisi
amico, neque credit, nisi ei quem fidelem pu-
tat. Perditissimi est igitur hominis simul &
amicitiam dissolvere & fallere eum, qui laesus
non esset nisi credidisset.

Quæst. 3 Nonne dici posset, sartores, dum
alicujus vestis affinia & accessoria emunt, posse
aliquid super pretio lucrari & retinere, ut dam-
num, quod ex insumptione temporis ob ta-
lem emptionem sentiunt, aliquo modo relar-
ciant?

Resp. Sartoribus non licet aliquid ex pretio
talium rerum sibi retinere, sub prætextu dam-
ni, quod ob insumptionem temporis sentiunt.
Primo quia tale damnum non est notabile. Se-
cundo quia hæc consumptio temporis censetur
compensata in pretio, quod pro factura ves-
tium datur; certum quippe est, illum qui in
tali emptione sartoris operâ utitur, nunquam
intendere solvere pro ea aliquid distinctum à
salario, quod pro factura datur: neque etiam
vellet sartor scire illum, se aliquid pro tali
opera in emptione exhibita retinere. Adde
quod faciliè fieri potest, ut ille idem ex tali
sartoris retentione damnum patiatur; si enim
cognovisset sartorem velle aliquid lucrari su-
per tali emptione, alterius fortassè opera usus
esset, qui nullam omnino mercedem expect-
tasset.

Quæst. 4. Dum sartor ab aliquo adhibetur
in emptione alicujus panni, peccat-ne & obli-
gatur-ne ad restitutionem, si ob reverentiam
mercatoris, sciens permittit ut merces tali per-

198 Tract. III. De Contr. in part.

sonæ ultra debitum vendantur, aut malæ pro bonis, aut unius qualitatis pro alia?

Resp. In talibus casibus sartor sine dubio peccat, & obligatur ad restitutionem in solidum, sicut & mercator, totius lucri injusti, quod mercator fecit, & sartor permisit; quia,

D. Th. 2. : juxta doctrinam sancti Thomæ: *Dare alicui occasionem, periculi vel damni, semper est illicitum*: Sed evidens est in casu proposito, sartorem dare occasionem imò causam damni ei qui pannum ultra justum pretium emit ob confidentiam quam in illius industria & fidelitate ponit: & ita concludi potest, sartorem esse loco medii, quo utitur mercator ad vendendas merces ultra justum pretium, aut pluris quàm sine illo vendidisset, aut ad vendendas merces non bonas, pro bonis: quod peccatum mortale involvit juxta mentem Angelici Doctoris & inducit obligationem restituendi, & reparandi

D. Th. 2. : 2. q. 77. art. 1. in corp. *quod aliquid plus justo pretio vendatur, omnino peccatum est, in quantum aliquis decipit proximum in damnum ipsius; & consequens est quod restituere id, quod injustè ablatum est alicui, sit de necessitate salutis.*

2. 2. q. 62. art. 2. in corp.

C A P U T VIII.

De Definitione venditionis; & de rebus vendibilibus.

Quæst. I. Q U I D est Venditio?

Resp. **Q**Uæst. I. Est alienatio per quam transfertur rei dominium, & possessio, pro certo pretio. Hæc definitio satis superque explicata est in principio tractatus, dum de definitione emptionis agebatur.

CAP. VIII. De Definitione, &c. 199

Quaest. 2. Quæ sunt res vendibiles ?

Resp. Res omnes quæ aliqua pecunia appreciari & æstimari possunt, vendibiles sunt, modo talis venditio non prohibeatur legibus civilibus, aut Canonicis.

Quaest. 3. Quæ res vendi non possunt ?

Resp. Primò res quæ in usus tantum malos inservire possunt, & hæc est doctrina sancti Thomæ, dum dicit, quod *Si qua ars est ad faciendum opera quibus homines uti non possunt absque peccato, per consequens artifices talia faciendo peccarent, utpotè prabentes directè aliis occasionem peccandi.* Et ita non licet vendere malos libros qui igne purgari debent; quod probatur ex autoritate Adriani Papæ,

D. Th. 1. 2. q. 169. 2. 2. ad 4.

qui de libris famosis loquens ait : *Si quis famosum libellum sive domi, sive in quocumque loco ignarus repererit, aut corrumpat priusquam alter inveniat aut nulli confiteatur inventum.* Si verò non statim easdem chartulas vel corruerit vel igne combusserit, sciat se quasi authorem huiusmodi delicti capitali sententia subjugandum. Videtur etiam non licere fucum muliebrem vendere, quia illius usus sine peccato esse non potest, juxta sanctum Thomam qui sic loquitur : *De fucato autem*

Cap. Si quis. 5. q. 2.

ornatu semper est peccatum; mulieribus enim non permittitur ornari nisi propter viros, & viri nolunt decipi ut fucata eis appareant.

Illud etiam prius docuerat sanctus Augustinus relatus in Canone his verbis : *Fucare pigmentis, quò vel rubicundior vel candidior appareat, adulterina fallacia est; quia non dubito etiam ipsos maritos se nolle decipi; quibus solis permittenda sunt scæmina ornari, secundum veniam, non secundum imperium: nam verus ornatus; maxime Christianorum & Christianarum, non tantum non est ullus*

ornatu semper est peccatum; mulieribus enim non permittitur ornari nisi propter viros, & viri nolunt decipi ut fucata eis appareant.

D. Th. sect. 2. cap. 1. prima ad Timoth.

Illud etiam prius docuerat sanctus Augustinus relatus in Canone his verbis : Fucare pigmentis, quò vel rubicundior vel candidior appareat, adulterina fallacia est; quia non dubito etiam ipsos maritos se nolle decipi; quibus solis permittenda sunt scæmina ornari, secundum veniam, non secundum imperium: nam verus ornatus; maxime Christianorum & Christianarum, non tantum non est ullus

ornatu semper est peccatum; mulieribus enim non permittitur ornari nisi propter viros, & viri nolunt decipi ut fucata eis appareant.

Illud etiam prius docuerat sanctus Augustinus relatus in Canone his verbis : Fucare pigmentis, quò vel rubicundior vel candidior appareat, adulterina fallacia est; quia non dubito etiam ipsos maritos se nolle decipi; quibus solis permittenda sunt scæmina ornari, secundum veniam, non secundum imperium: nam verus ornatus; maxime Christianorum & Christianarum, non tantum non est ullus

ornatu semper est peccatum; mulieribus enim non permittitur ornari nisi propter viros, & viri nolunt decipi ut fucata eis appareant.

Illud etiam prius docuerat sanctus Augustinus relatus in Canone his verbis : Fucare pigmentis, quò vel rubicundior vel candidior appareat, adulterina fallacia est; quia non dubito etiam ipsos maritos se nolle decipi; quibus solis permittenda sunt scæmina ornari, secundum veniam, non secundum imperium: nam verus ornatus; maxime Christianorum & Christianarum, non tantum non est ullus

ornatu semper est peccatum; mulieribus enim non permittitur ornari nisi propter viros, & viri nolunt decipi ut fucata eis appareant.

Illud etiam prius docuerat sanctus Augustinus relatus in Canone his verbis : Fucare pigmentis, quò vel rubicundior vel candidior appareat, adulterina fallacia est; quia non dubito etiam ipsos maritos se nolle decipi; quibus solis permittenda sunt scæmina ornari, secundum veniam, non secundum imperium: nam verus ornatus; maxime Christianorum & Christianarum, non tantum non est ullus

Can. Fucare de consecr. dist. 3.

ornatu semper est peccatum; mulieribus enim non permittitur ornari nisi propter viros, & viri nolunt decipi ut fucata eis appareant.

Illud etiam prius docuerat sanctus Augustinus relatus in Canone his verbis : Fucare pigmentis, quò vel rubicundior vel candidior appareat, adulterina fallacia est; quia non dubito etiam ipsos maritos se nolle decipi; quibus solis permittenda sunt scæmina ornari, secundum veniam, non secundum imperium: nam verus ornatus; maxime Christianorum & Christianarum, non tantum non est ullus

ornatu semper est peccatum; mulieribus enim non permittitur ornari nisi propter viros, & viri nolunt decipi ut fucata eis appareant.

fucus mendax, verum nec auri quidem, vestisque pompa, sed mores boni sunt. De hac materia fufius locutus sum in Tractatu 5, de 4. Decalogi Præcepto. cap. 2. Tom. 5.

Quæst. 4. Licet-ne facere aut vendere tabellas depictas, quæ vulgo Cartæ dicuntur, aut taxillos?

Resp. Huic quæstioni sanctus Antoninus respondet his verbis: *Videtur dicendum de factibus, vel venditoribus alearum, taxillorum, cartarum: quod quia in pluribus homines utuntur his ad peccatum mortale propter avaritiam, ideo non videntur tales posse excusari à mortali: unde nec absolvendi, nisi talia dimittant.* De Pœnitentia dist. 5. Can. FALSAS, & Canone FRATRES & Can. NEGOTIUM, Can. EPISCOPUS, dist. 5. Præterea expresse prohibentur in Can. Episcopus, renovato in Concilio Tridentino. cap. primo. Sess. 22. tam Laïcis quàm Clericis, Ludi qui ex fortuna pendent: Episcopus & Presbyter aut Diaconus alea deserviens, aut desinat, aut certè condemnentur. Subdiaconus autem, aut Lector, aut cantor similia faciens aut desinat, aut Communionem privetur: Similiter & Laïcus.

D. Raymundus, lib. 2. de negotiis secularib. 5. 11. Ex hoc Can. concludit S. Raymundus, *Quod peccatum eorum qui alea deserviunt sit mortale & grave, cum tales pœna, non sint imponenda pro levi crimine.* Et in eodem loco novem rationibus probat, magnum illos peccatum committere, qui aleam ludunt, etiam Laïcos. Dicit etiam S. Thomas, quod *Ipsum lucrum aleatorum est lege prohibitum; & sanctus Bonaventura quod Talis ludus est turpis & reprobatus & contra Deum, & contra omnia jura.*

D. Th. in 4. sent. dist. 15. q. 2. ad 4.

D. Bonav. in 4. sent. dist. 15. n. 67.

Demum sanctus Franciscus Salesius, cui

nullus unquam nimiam severitatem objecit, *In Philotea*
 asserit ludos taxillorum, cartarum, & simili- *cap. 32. p. 34*
 les, qui à fortuna principaliter pendent, esse
 recreationes simpliciter, & naturaliter malas
 & vituperabiles, & ideo à legibus civilibus &
 Canonicis esse prohibitas.

Quæst. 5. Possunt-ne justè condemnari om-
 nes illi qui cartas aut taxillos vendunt?

Resp. Absolutè loquendo videtur condem-
 nandos non esse, sed incitandos ad eligendum
 aliud opus ut suæ sustentationi laudabilius pro-
 videant: & ratio est quia multi sunt ludi qui à
 fortuna totaliter non pendent, licet cum car-
 tis aut taxillis fiant, ut ludus vulgò dictus
 Trictrac, aut Tocaïllo, & Piquetum in qui-
 bus consequenter licet aliquam honestam re-
 creationem cum debitis circumstantiis quære-
 re. Secundò, quia non omnes absolutè condem-
 nandi sunt qui in ludis qui à fortuna pendent
 se exercent, cum tales ludi possint aliquando
 exerceri, saltem à Laïcis, modò in iis non
 exponant res tanti momenti, ut earum amif-
 sio ludentibus notabile incommodum afferre
 possit, illosque ad iracundiam aut impatien-
 tiam provocare: aut earum lucrum cum ni-
 mio ardore allicere valeat, ut dicitur in lege
 civili. Neque illud contrarium est autoritati-
 bus supra relatis, quia tales aleatorios ludos
 in iis tantum damnare videntur, qui ex avari-
 tia & nimia aviditate ludunt, juxta S. Anto-
 ninum, aut qui frequentius ludunt, & aleæ
 deserviunt ut dicitur in supra citato Canone
Episcopus, in quo verbum *deserviens* eos signi-
 ficat, qui in hujuscemodi ludis principaliter
 occupantur: præterea S. Thomas tales ludos
 in iis solummodo reprobatur, qui cum nimia
 cupiditate lucri ludunt. Idcirco concludendum
 videtur, eos tantum esse condemnandos, qui

202 Tract. III. De Contr. in part.

domos ad hoc paratas habent, ut alii accedant ad ludendum taxillis aut cartis, illisque absolutio in Sacramento pœnitentiæ deneganda est, si in tali usu perseveraturi putentur, ut decernit S. Carolus his verbis : *Nec eos absolvant qui cum peccatis mortalibus, simul etiam occasiones vitare planè non proponunt, ut sunt qui domum tenent in hunc finem aliis paratam ut tabellis cartaceis vel aleis ludant.* De ludo fusiùs disseruimus infra Tract. 6. cap. 3.

Quæst. 6. Tabernarii & macellarii possunt-ne tutâ conscientiâ dare aut vendere carnes in quadragesima, aut aliis diebus, quibus illarum comestio prohibita est?

Resp. Id fieri non potest, nisi adsit justum fundamentum credendi, illos quibus datur aut venditur, legitimam excusationem habere; quia aliter, tales aliorum peccatis cooperarentur occasionem peccandi dando; nam *Dicendum est, ex S. Thoma, quod si qua ars est ad faciendum opera quibus homines uti non possunt absque peccato, per consequens artifices talia faciendo peccarent, ut potè præbentes directè aliis occasionem peccandi.*

Quæst. 7. Possunt-ne Tabernarii, tutâ conscientia, parare aut ministrare cœnam illis quos à jejunio excusari non putant, dum timent cum aliquo fundamento, ne si parare cœnam nolint, eorum tabernæ non frequententur, & ita lucrum ex quo sustentantur pereat?

Resp. Certum est, peccare tabernarios dum cœnam illis præparant quos ad jejunium observandum obligatos esse sciunt; quia ut ait S. Raymundus, *Ille peccat quando ex qualitate persona vel temporis cognoscit, vel probabiliter dictat sibi conscientia, quod ille non querit rem nisi ad malum perpetrandum; tunc*

S. Carol. Inf.
tr. Confess.
cap. 11

D. Th. 2. 2.
q. 169. art. 2.
ad 4.

D. Raym. lib.
2. de nego-
tiis sæcul. 5.
6.

enim non deberet illi vendere contra talem conscientiam. Et ut dicitur in Canone, qui occasionem damni dat, damnum dedisse videtur. Et ita peccat ille, qui alii occasionem peccandi sciens præbet.

Can. Si culpa.
de pœnit.

Quæst. 8. Tenetur-ne Tabernarius inquirere utrum illi, quibus in tempore quadragesimali cœnam præparat, à jejunio excusentur? & peccat-ne si nihil tale inquirens, cœnam parat?

Resp. Ut plurimum non peccant Tabernarii, dum cœnam in diebus jejunii præparant; quia varias ob causas, possunt hospites sine peccato his diebus cœnare, de quibus causis curiosius inquirere Tabernarius non tenetur, & sibi persuadere debet, eos qui cœnare volunt, cœnare licitè posse. Attamen Tabernarii, qui hospites itinerantes ordinariè non recipiunt, sæpissimè peccant dum cœnam incolis præparant & eorum peccatis occasionem præbent, scientes, tales sanos esse, proindeque à jejunio nullo modo excusari; quod evidens est ex auctoritate sancti Raymundi supra relata.

Quæst. 9. Quale peccatum committunt, illi qui res vendunt, quibus ementes ad peccandum utuntur, dum vendentes habent fundamentum sufficiens judicandi, ementes in usus malos talibus rebus uti velle?

Resp. Illorum peccatum ejusdem naturæ est, cujus est peccatum eorum qui emunt; & ideo in Canone dicitur, *Faciensem & consentientem* par pœna constringit.

Can. Nægma.
2. q. 1.



CAPUT IX.

De Fraudibus quæ à mercatoribus in venditionibus committuntur, quæque illos ad restitutionem obligant.

Quæst. 1. **Q**UÆ est prima fraus quæ à mercatoribus vendentibus adhibetur, quæque ad restitutionem adstringit?

D. Th. 2. 2.
q. 77. art. 2.
in corp.

*Resp. Primus defectus est, ut ait S. Thomas, secundum speciem rei; & hunc quidem defectum si venditor cognoscat in re quam vendit, fraudem committit in venditione; unde venditio illicita redditur, & hoc est quod dicitur contra quosdam Isaia cap. 1. Argentum tuum versum est in scoriam, vinum tuum mixtum est aqua. Et in tali casu non solum aliquis peccat injustam venditionem faciendo, sed etiam ad restitutionem tenetur. Si verò eo ignorante aliquis prædictorum defectuum in re vendita fuerit, venditor quidem non peccat, quia facit injustum materialiter, nec ejus operatio est injusta: tenetur tamen cum ad ejus notitiam pervenerit, damnum recom-
pensare emptori. Attamen notandum est cum*

D. Anr. 2. p.
tit. 1. c. 17:
§. 4s

S. Antonino, quod Cum aliqui sophisticant ea quæ vendunt, ut se servant indemnes, & cum aliquo lucro congruo: quia si venderent puras res, emptores non vellent dare justum pretium: quia alii vendunt talia sic sophisticata, & mixta, minori pretio: videntur posse excusari, dummodo non fiant tales mixtura quæ noceant humanis corporibus, quod accidere potest in his quæ venduntur in cibum & potum hominum & præcipuè in medicinalibus. Fatendum nihilominus est, tales mixtiones

CAP. IX. De Fraudibus, &c. 205

valdè periculosas in praxi videri, & videndum summa cum attentione, ne quis in his conscientiam offendat, ob varias circumstantias, quæ reperiri possunt, ne se ipsum adulando animæ suæ noceat.

Quest. 2. Qualis est secunda fraus, quæ à mercatoribus in vendendo aliquando committitur?

Resp. Dum fallunt in pondere, mensura aut quantitate; in his namque casibus peccant & ad restitutionem obligantur: *Et ideo*, inquit S. Thomas, *si quis scienter utatur deficienti mensura in vendendo, fraudem committit, & est illicita venditio; unde dicitur Deuteron. 2.* Non habebis in sacculo diversa pondera, majus & minus, nec erit in domo tuâ modius major & minor: *Et postea subditur:* Abominatur enim Dominus eum qui facit hæc, & ad-versatur omnem injustitiam.

D. Th. 2. 21
q. 77. art. 2.
in corp.

Ob eandem rationem, ut docet S. Antoninus, *Lanifices qui faciunt trahere pannos ad tractorium ultra debitum arti, unde postea madefactus & tonsus ut moris est, retrahitur ad longè minorem mensuram, quam debet, fraudem faciunt.* Aut etiam qui pannum mensurando, nimis trahunt, ita ut deinde justa mensura deficiat; quive lanam aut sericum vendunt, postquam tales merces in locis humidis ut cresceret pondus, tenuerunt. Omnes hujusmodi fraudes injustè proximo nocent, & ita ad restitutionem obligant.

D. Ant. 2. p.
tit. 1. c. 17.
§. 1.

Quest. 3. Quæ est tertia mercatorum vendentium fraus?

Resp. Fraudant mercatores dum mercem diversæ qualitatis pro alia vendunt, & in hoc ad restitutionem totius damni dati obligantur, juxta S. Thomam, qui sic loquitur: *Tertius defectus in venditione, est ex parte qualitatis;*

D. Th. 2. 21
q. 77. art. 2.
in corp.

puta si aliquod animal infirmum vendat quasi sanum; & in omnibus talibus, non solum aliquis peccat, injustam venditionem faciendo, sed etiam ad restitutionem tenetur. Hujusmodi fraudum varia exempla proponit S. Antoninus his verbis: In qualitate facit fraudem, cum scilicet venduntur carnes infecta pro sanis, aromata antiquata & sic virtute debilitata, pro recentibus: liber corruptus & falsus, pro fideli, & corium fragile, pro durabili: vinum corruptum pro sano: domus ruitura, pro stabili, & firma: animal infirmum pro sano: pannus defectuosus pro indefectuosus, & hujusmodi.

D. Ant. 1. p.
tit. 1. c. 17.
§. 6.

Hæ fraudes & plures aliæ similes, quæ nimium communes & usitatæ reperiuntur inter Mercatores, sanctum Leonem Pontificem ita commoverunt, ut dixerit omnibus pensatis, Quod difficile est inter vendentis & ementis commercium non intervenire peccatum. Id perpendere magnoperè debent fideles commercio & negociationi vacantes, & multum sibi cavere, ne occultam ut plurimum cupiditatem sequentes, ea dicant aut faciant quæ animæ multum nocent; sæpius animo revolvant hæc Domini verba: Quid enim prodest homini, si mundum universum lucretur, anima verò sua detrimentum patiat?

S. Leo. Epist.
91. cap. 9.

Matth. c. 16.

C A P U T X.

De Venditione rerum quæ aliquo vitio aut defectu laborant.

Quæst. 1. **R** E D D I T O R-ne injusta venditio, ob defectum qui reperitur in re vendita:

CAP. X. De Venditione, &c. 207

Resp. Respondet S. Thomas, Dicendum, D. Th. 1. 22
q. 72. art. 1o
in corp. quod circa rem venalem, triplex defectus considerari potest, scilicet secundum speciem, quantitatem, & qualitatem: ut si vendatur aurichalcum pro auro, vel utatur quis deficienti pondere vel mensura, vel si animal infirmum vendatur quasi sanum. In his igitur tribus casibus, si venditor scienter offendit, peccat, & restituere tenetur. Si vero ignoranter, non peccat quidem, tenetur tamen cum ad ejus notitiam pervenerit, damnum recompensare emptori. Id est reddere illud omne quod accepit ultra justum pretium rei habentis talem defectum.

Quest. 2. Tenetur-ne venditor rei venalis vitium emptori manifestare?

Resp. Duas defectuum species distinguere necesse est, juxta doctrinam S. Thomæ, ut huic quæstioni dilucidè respondeatur. Alii enim defectus minuunt quidem pretium rei venditæ, sed nullum aliud damnum emptori afferunt: ut cum quis vendit pannum ad faciendas vestes, qui ob aliquem defectum secretum, minus in sua pulchritudine durabit. Alii verò defectus dant etiam emptori occasionem damni & periculi aut in propria persona, aut in bonis, quia ob tales defectus, res vendita nociva emptori redditur: ut cum venduntur carnes, aut aliæ res comestibiles corruptæ, aut etiam remedia diversa ab his, quæ à medico ordinata sunt, aut quæ non habent amplius qualitates necessarias ad procurandam sanitatem, aut tigna, & alia ligna, aut lapides ad construendum aliquod ædificium, quæ cum non sint qualitatis convenientis, ruinam talis ædificii causant. Et sic de cæteris. In primo casu, cum scilicet defectus minuit tantummodò pretium, sed nullum aliud damnum emptori igno-

208 Tract. III. De Contr. in part.

ranti affert, venditor non tenetur illum manifestare, sive occultus, sive manifestus sit, modò pretium minuat, juxta qualitatē defectus; quia hoc modo justa ex omni parte est venditio, & emptor non gravatur à venditore;

D. Th. quod.
lib. 2, a. 10.

nam, ut ait S. Thomas, *Si vitium rei vendita faciat rem minùs valere, quàm pretium impositum à venditore, injusta erit venditio; unde peccat occultans vitium: Si autem non faciat rem minùs valere, quàm pretium impositum, quia fortè venditor minùs pretium imponit propter vitium; tunc non peccat taceus vitium, quia venditio non est injusta, & fortè esset sibi damnosum si vitium diceret; quia emptor, vellet habere rem etiam minori pretio quàm valeret.* In secundo verò casu, cum scilicet vitium & defectus rei venalis dat occasionem damni, subdistinguendum videtur: aut enim defectus notorius est, ut si equus claudus sit, & tunc videtur dici posse, venditorem non teneri illum manifestare emptori, qui cognoscit aut facillimè cognoscere potest talem defectum, & ita vitare damnum ex eo imminens. Sed si defectus occultus sit, ita ut difficilè ad ejus cognitionem devenire possit emptor, tenetur venditor illum manifestare, neque sufficit minuire aliquid de pretio, superest enim occasio injusta periculi & damni, quæ ab eo venditori ignorantī datur. *Dare alicui occasionem periculi vel damni semper est illicitum*, inquit S. Thomas: *Venditor autem qui rem vendendam proponit, ex hoc ipso dat emptori damni vel periculi occasionem, quod rem vitiosam ei offert, si ex ejus vitio damnum vel periculum incurrere possit.*

D. Th. 2. 2.
q 77. art. 3.
in corp.

Quæst. 3. Ad quid tenetur ille qui rem quampiam habentem vitium & defectum occultum sciens vendidit ignorantī emptori?

CAP. X. De Venditione, &c. 209

Resp. Si talis venditor minuit pretium juxta proportionem defectus, qui ceterum nullam occasionem damni emptori dedit, ad nihil tenetur; quia cum his circumstantiis venditio injusta non est, & emptor huic debuisset consentire, etiam si talem defectum cognovisset; cum res omnibus pensatis, ei vendatur justo pretio. Quod si venditor pretium ob defectum non minuit, venditio valida est, sed tenetur restituere excessum pretii, juxta mensuram defectus; nam ut diximus supra in Tract. 2. de Contractibus in generali cap. 3. nu. 4. habetur expressè in lege: *Si venditor dolo fecerit ut rem pluris venderet, tenetur prestare emptori, illud quod minus dedisset, si dolum cognovisset.*

L. Julianus: ff. de actionibus empti & venditi. §. Si venditor.

Quaest. 4. Ad quid tenetur venditor, dum defectus occultus rei venditæ, emptori causam damni dedit, illius usum periculosum & nocivum reddendo?

Resp. Tenetur primò venditor in hoc casu omnia damna quæ passus est emptor, occasione usus rei venditæ quam vitiosam esse ignorabat, resarcire; quia juxta Canonem; *Qui occasionem damni dat, damnum dedisse videtur.* Secundò tenetur recipere rem venditam, & illius pretium reddere, casu quo emptori ita placeat; quia contractus emptionis nullus & planè invalidus fuit ob defectum legitimi consensus; non enim huic emptor ullo modo consensisset, si cognovisset, rem venalem vitio laborare quod illius usum periculosum & nocivum redderet: Et cum dolo, inquit Glossa, dat causam contractui, puta dolo induxi te ad vendendam rem alias non venditurum, non tenet contractus. Adde quod, ut alibi dicitur, *vendens animal non patefaciens vitium latens, tenetur redhibito*

Can. Sicut patet de pœnis.

Glossa in cap. Cum dilecti. de emptione & venditione. verbo Deceptione. Glossa in

cap. Injustum. *viâ. Lege REDHIBET. ff. de adilitio Edicto.* Id est tenetur denuò recipere rem hoc modo venditam & illius pretium restituere, si ita velit emptor.

Quaest. 5. Quando venditor emptori protestatus est, quod in casu cujuscunque defectus occulti ad nihil teneri vult, & ita monuit ut antequam consentiat, rem attentè consideret: tenetur-ne aliquid præstare, si deinde talem rem vitio occulto laborare comperiatur ab emptore?

Resp. Aut talis defectus venditori cognitus aut incognitus erat tempore venditionis: Si cognitus, aut rem ultra justum valorem & pretium, omnibus pensatis vendidit, & in hoc casu tenetur illud omne quod accepit ultra justum pretium restituere; quia, ut docet S.

D. Th. 2. 1. Thomas, *Cariùs vendere rem quàm valeat, q. 77. art. 1. est secundum se injustum, & illicitum.* Aut in corp. rem justo pretio vendidit, & illud juxta qualitatem defectus minuit, & in hoc casu tenetur semper rescire & reparare damnum omne quod emptori dedit, injustè occultando talem defectum periculosum; quia, ut docet

D. Th. 2. 2. S. Thomas, *Si vitia rei qua vendenda proponitur sint occulta; nisi per venditorem manifestentur, non sufficienter committitur emptori judicium.* Aut venditor ignorabat defectum rei venalis, & cum supra dictis protestationibus eam vendidit; & tunc etiam distinguendum est; si enim vendidit non habita ratione periculi quod in emptorem rejiciebatur, tenetur restituere juxta illud quod tale periculum à viro prudenti aestimari posset, nam rem vendidit ultra justum pretium; sed si aliquid minuit propter tale periculum, ad nihil omnino tenetur, quia rem justo planè pretio omnibus pensatis vendidit.

CAPUT XI.

*De Mercatorum monopoliiis.**Quaest. 1.* QUID est monopolium?*Resp.* Est conventio quædam inter duas aut plures personas inita ad augendum alicujus rei pretium, ratione necessitatis quæ, cum damno reipublicæ imponitur emendi ab aliquo ex Sociis.

Ad hujusce definitionis intelligentiam, supponendum, vocabulum illud *Monopolium* originem sumere à voce Græca *μῆνος*, id est solus, *πωλείν*, id est vendere; quia in monopoliiis id quæritur ut nullus vendat talem mercem, aut faciat tale opus præter socios monopolii, ad hoc ut majori pretio merx vendi possit aut opus fieri. Potest etiam quandoque unus homo sine sociis monopolium facere, emendo omnes aut ferè omnes fructus aut merces venales in aliquo oppidulo, ut hiemis tempore necessario à se emant rustici quocumque pretio.

Quaest. 2. Quot sunt monopoliorum species?

Resp. Potest primò monopolium dividi in illud quod autoritate publica constituitur, ut quando Rex, Respublica, aut communitas privilegium concedit alicui mercatori, ut solus tales merces possit vendere, exempli gratiâ, panem, nivem &c. Et illud quod à privatis fit, ut cum duo aut plures mercatores simul conjurant, ut alicujus mercis pretium augeant.

Quaest. 3. Monopolium quod autoritate publica fit, est-ne prohibitum?

Resp. Illud non prohibetur ; quia sine dubio licet Principibus , & Magistratibus publicis, alicui privato facultatem dare , ut solus quandam mercem vendere possit , dum bono publico id utile , & expediens est ; in quo casu debet illius mercis pretium taxari , ne illius prohibito augere pretium venditor possit.

Quaest. 4. Est-ne grave delictum in monopolio quod autoritate privatâ fit ?

Resp. Magnum procul dubio peccatum est, & obligat ad restitutionem damnorum omnium , quæ ex tali monopolio quocumque modo passus est proximus , ob augmentum pretii mercium quarumcumque. Et S. Raymundus de autoribus monopolii loquens, *illos credo, inquit, tanquam nefandas belluas detestandos, qui ea intentione emunt aureos, vel alias monetas, vel res venales, & præcipuè victualia, ut de talibus carissimam inducant.* In illos etiam dici potest quod habetur in Canone. *Si illi qui nulla ex rebus suis pauperibus distribuunt, aeterni iudicii voce condemnabuntur in futuro, quanto magis ii, qui auferunt pauperibus, quod non dederunt.* Quia certum est, facientes monopolium, ut alicujus rei, præsertim ad sustentationem necessariae, pretium augeant, auferre pauperibus quod non dederunt, dum illos adstringunt ad emendas tales res majori pretio, ratione monopolii iniquè contracti. Et illud crimen ita odiosum, & grave est, ut lex civilis expressè decernat, quod *Si quis monopolium ausus fuerit exercere, bonis propriis spoliatus, perpetuitate damnetur exilii.*

Quaest. 5. Quot modis fieri potest monopolium autoritate privata ?

Resp. Variis modis committi potest. Primò dum conveniunt inter se mercatores, ut mer-

D. Raym. lib.
2. tit. de usu-
ris & pigno-
rib. §. 9.

Can. Et si illi.
12. q. 2.

L. Vubemus.
Cod. de mo-
nopolyis,

CAP. XI. De Mercatorum, &c. 213

cem quampiam solummodò tali determinato pretio vendant, quod his verbis prohibetur in lege: *Iubemus, ne quis illicitis habitis conventionibus conjuret, aut paciscatur, ut species diversorum corporum negotiationis, non minoris quàm inter se statuerint, venundentur.* Vel etiam dum concordant tali solummodò pretio emere; & in utroque casu mortaliter peccant, & tenentur restituere id omne quod ultra justum summum pretium vendiderunt aut infra infimum emerunt.

L. Iubemus
Cod. de monopolis.

Secundò fit monopolium cum duo aut plures mercatores conveniunt ad emendas omnes alicujus oppidi merces, ut illas majori pretio vendant ob necessitatem impositam emendi ab eis: in quo casu mercatores contra justitiam peccant, tenenturque restituere damna omnia quæ ob tale monopolium alii passi sunt, etiam si tales merces ultra summum pretium non vendidissent; & ratio est, juxta S. Thomam, quia *Dare alicui occasionem periculi vel damni, semper est illicitum & tenetur venditor ad damni recompensationem.* Certum autem est, mercatores qui ita conveniunt ut omnes alicujus civitatis merces emant, ut deinde, illas majori pretio vendant, dare occasionem damni ementibus, cum in causa sint ut carius emant.

D. Th. 2: 2:
q. 77. art. 3,
in corp.

Tertiò fit monopolium dum artifices & operarii conveniunt inter se, ut nullus opus ab alio inceptum perficiat, dum à primo artifice imperfectum relinquitur, aut dum, relicto primo, novam Dominus instituere vult conventionem cum alio. Et hoc expressè prohibetur in lege his verbis: *Ædificiorum quoque artifices aliorumque diversorum operum professores penitus arceantur pacta inter se componere, ut ne quis quod alteri commissum est*


L. Iubemus
Cod. de Monopolis,

opus impleat, aut injunctam alteri sollicitudinem alter intercipiat; datâ licentiâ unicuique ab altero inchoatum, & derelictum opus per alterum sine aliquo timore dispendii implere. Si quis autem monopolium ausus fuerit exercere, bonis propriis spoliatus, perpetuitate damnetur exilii.

Quartò & ultimò à mercatoribus fit monopolium, dum fraude aut mendacio impedire procurant, ne merces aut fructus aliunde veniant, ut carius quod habent in præjudicium & damnum reipublicæ vendant. Illudque monopolium in lege condemnatur: *Ne quis navem, nautamque retineat; aut dolo malo faciat quo quis detineatur, & pœna viginti aureorum statuitur.*

*L. Julia. ff. ad
legem Juliam
de annonâ.*





TRACTATUS QUARTUS.

DE MUTUO

ET USURA.

CAPUT PRIMUM.

De Definitione & natura Mutui.

Quaest. 1. QUID intelligitur per vocabulum Mutui?

Resp. Mutuum ideo dicitur secundum iureconsultos, quod ex mutuum fiat; nam in eo id agitur ut rei alicujus transferatur dominium à mutuante in mutuatarium, ut videbitur inferius.

Quaest. 2. Quo pacto definitur mutuum?

Resp. Mutuum definitur contractus, quo traditur res quæ uſu consumitur, quæque pondere, numero & mensura constat, eâ lege ut in accipientis dominium tranſeat, & eadem res reddatur in genere, non in specie. Hæc definitio ſumitur ex ipſiſmet Imperatoris Juſtiniani verbis, juxta quem; *Mutui datio in iis rebus conſiſtit, quæ pondere, numero, menſura conſtant, veluti vino, oleo, frumento, pecuniâ numeratâ, ære, argento, auro; quas res in hoc damus ut accipientium ſiant; & quoniam nobis non eadem res, ſed alia ejusdem naturæ & qualitatis reddantur.* Juſt. lib. 3.
Inſt. tit. 15.

Sed hæc definitio aliqua explicatione indi-

get. Primò igitur mutuum fit alicujus rei quæ usu consumitur, ut olei, frumenti, vini, & similia, quibus uti non possumus quin consumantur; in quo mutuum à commodato differt: nam in commodato traditur res quæ non consumitur usu qui à proprietate distinctus omnino est, ut dum commodatur domus, equus, & similia. E contrario quando mutuo dantur frumentum, vinum, oleum, & similia, illorum usus ordinarius à consumptione non dividitur, & sine ea non procedit. Et cum S. Tho-

D. Th. 2. 2.
q. 78. art. 1.
in corp.

ma notandum est, quod *Pecunia principaliter est inventa ad commutationes faciendas; & ita proprius & principalis pecunia usus est ipsius consumptio, sive distractio secundum quod in commutationes expenditur. Et propter hoc secundum se est illicitum pro usu pecunie mutuata, accipere pretium quod dicitur usura.*

Secundò tales res mutuo dantur ea lege & intentione ut in accipientis dominium transeant, & idcirco *Mutuum appellatum est*, inquit Justinianus, *quia ita à me tibi datur, ut ex meo tuum fiat.*

Tertiò mutuum datur ita ut non obligetur accipiens ad easdem res in individuo (ut aïunt Philosophi, quod idem est ac in specie, juxta Jure-Consultos) reddendas, sed tantammodò alias similes & ejusdem naturæ; quod exprimitur per hæc verba, ut eadem res reddatur in genere non in specie; quia in Jure genus idem sonat quod species in Philosophia, & species idem sonat, quod individuum; & ita qui frumentum mutuò accepit, non tenetur idem planè numero frumentum reddere, sed aliud simile, quod idem est de pecunia & aliis. In quo etiam mutuum à Commodato differt;

in

CAP. II. *De Definitione usura.* 217

in quo tenetur commodatarius eandem numero rem restituere, nec ei sufficeret aliam similem & ejusdem naturæ dare.

C A P U T II.

De Definitione & divisione usura.

Quæst. I. Q U I D est Usura?

Resp. **Q** Definitur à S. Antonino, *Lucrum ex mutuo principaliter intentum*: est *lucrum* quod in aliqua re temporali appetitabile consistit, ut in pecunia, frumento, vino, & aliis fructibus aut mercibus; aut etiam in aliquo servitio & obligatione quacunque pecunia æstimabili; & ita juxta Canonem ex sancto Augustino desumptum, *Si fœneraveris homini, id est si mutuo dederis pecuniam tuam à quo plusquam dedisti expectes, non pecuniam solam sed aliquid plusquam dedisti, sive illud triticum sit, sive vinum, sive oleum, sive quodlibet aliud, si plusquam dedisti expectes accipere, fœnerator es.*

D. Ant. 1. p. tit. 1. cap. 7. §. 16

Can. Si fœneraveris, 14. q. 3.

Secundo dicitur *Lucrum ex mutuo intentum*; quia propriè usura in mutuo tantum committitur: nam etiam si adsit aliquoties usura in contractibus emptionis & venditionis, pignoris & similibus; illud accidit, quia tunc in his contractibus reperitur mutuum implicitum. Etenim dum, exempli gratiâ, vendo tibi mensuram frumenti pretio unius aurei, simulque à te exigo ultra talem summam, quinque asses; quia, te requirente expecto usque ad anni finem talis pretii solutionem: idem planè est ac si vendito frumento pretio unius aurei statim soluti, mutuo deinde darem illum aureum cum hac conditione ut intra annum quinque asses mihi ultra aureum solverentur.

Tertiò dicitur *lucrum Intentum*, ut ostendatur, usuram perinde ac simoniam sola intentione, etiam absque ullo pacto committi. Igitur qui mutuo dat cum intentione recipiendi aliquid ultra sortem, committit usuram, etiam si nullum fecerit pactum cum eo cui mutuo dedit: quod dilucidè probatur ex Decretali Urbani Papæ terti, in qua sic loquitur:

Urbanus III.
Cap. Consultis.
de usuris,

Qui non aliàs mutuo traditurus eo proposito mutuum pecuniam credit, ut licet omni conventionione cessante, plus tamen sorte recipiat, pro huiusmodi lucri intentione quam habet, judicandus est malè agere, & ad ea quæ taliter sunt accepta restituenda, in animarum iudicio efficaciter inducendus.

Quartò, & ultimò est *lucrum Principaliter intentum*; ad significandum, intentionem minis principalem non reddere mutuantem, id est illum qui mutuo dat, usurarium. Et ita si quis mutuo dederit cum intentione primaria & principali, amico gratificandi, aut proximo subveniendi, non committit usuram mentalem, etiam si habeat in tali mutuo intentionem minis principalem aliquid lucrandi; nam ut ait Glossa, *Peccant sperantes causâ mutui in spe lucri principaliter posita; secundariò tamen aliquid sperare non puto malum.*

Glossa in
cap. Consultis.
de usuris,
verbo, *Sperantes.*

Modum autem cognoscendi utrum ille qui aliquid ultra sortem mutuam sperat, id principaliter aut minis principaliter intendat, assignat S. Antoninus his verbis: *Intentio secundaria dicitur cum etsi sperat aliquid sibi dari ab eo cui mutuavit ex sua liberalitate, tamen non illud cum movet, sed magis benevolentia, ita quod etiamsi non crederet sibi aliquid dari ultra sortem, adhuc tamen mutuares.*

D. Ant. 2. p.
tit. 1. cap. 7.
§. 1.

Quæst. 2. Quid ex hac mutui definitione inferendum est?

CAP. II. De Definitione usura. 219

Resp. Concludi debet & cum S. Antonino notari, quod Si quis mutuatur alteri eâ intentione vel pacto, ut vadat ad molendinum suum, vel furnum, vel ad apothecam suam ad emendum; alias non mutuaturus, usuram committit, etiam si non majori pretio sive vendit propter hoc, seu plus ab eo quàm ab aliis petit; ratio est, quia commoditatem sive utilitatem inde recipit qua pretio aestimari potest.

D. Ant. 2. p.
tit. 1. cap. 7.
S. 8.

Quaest. 3. Quonam modo dividitur usura?

Resp. Dividitur generaliter loquendo in realem & mentalem: realis usura committitur cum intervenit aliquod pactum explicitum aut implicitum, id est expressum, aut tacitum, dandi & recipiendi aliquid ultra sortem principalem. Usura autem mentalis fit dum mutuo datur cum intentione principali lucrandi absque ullo pacto.

C A P U T I I I.

De Peccati usura gravitate.

Quaest. 1. PECCATUM usurae est-ne valdè grave?

Resp. Est certè, quia Jus naturale, divinum, & ecclesiasticum violat.

Quaest. 2. Ostende, quaeso, quo pacto usura contraria sit juri naturali?

Resp. Juxta doctrinam sancti Thomae, Accipere usuram pro pecunia mutuata est secundum se injustum: quia venditur id quod non est. Ad cujus evidentiam sciendum est, quod quaedam res sunt, quarum usus est ipsarum rerum consumptio, sicut vinum consumimus eo utendo ad potum. Vnde in talibus non de-

D. Th. 2. 2.
q. 78. art. 1.
in corp.

220 Tract. IV. De Mutuo & usura.

bet seorsum computari usus rei à re ipsa, sed cuicumque conceditur usus, ex hoc ipso conceditur res. Et propter hoc, in talibus, per mutuum transfertur dominium. Si quis ergo seorsum vellet vendere vinum, & vellet seorsum vendere usum vini, venderet eandem rem bis, vel venderet id quod non est: unde manifestè per injustitiam peccaret. Et simili ratione injustitiam committit, qui mutuatur vinum, aut triticum, petens sibi duas recompensationes; unam quidem, restitutionem aequalis rei, aliam verò pretium usus, quod usura dicitur. Pecunia autem principaliter est inventa ad commutationes faciendas, & ita proprius & principalis pecunia usus, est ipsius consumptio seu distractio, secundum quod in commutationes expenditur. Et propter hoc secundum se est illicitum pro usu pecunia mutuata accipere pretium, quod dicitur usura.

Quest. 3. Quonam modo usura est contra jus divinum?

Resp. Hæc contrarietas apparet primò in veteri Testamento. In Psalmis etenim vocatur justus *Qui pecuniam suam non dedit ad usuram.* Apud Ezechielem quoque justus is dicitur, *Qui ad usuram non commodaverit, & amplius non acceperit.* Ad usuram dans & amplius accipiens, nunquid vivet? Non vivet, cum universa hac detestanda fecerit, morte morietur. Et idem Propheta narrans crimina propter quæ Deus iratus erat contra Israëlitas: *Vsuram*, inquit, & *superabundantiam accepisti.*

Idem ex novo Testamento probatur, in quo expressè habetur, *Mutuum date, nihil inde sperantes.* Unde in Concilio Burdigalensi dicitur, quod *Mutuum ex præcepto divino debet esse gratuitum.* Et in comitiis generalibus Cleri

Psal. 14.

Ezechiel. cap. 18.

Cap. 22.

Luc. cap. 6.

Concil. Burd. 1583. cap. 19.

CAP. III. De usura gravitate. 221

Gallicani anno 1579. quod Omnes audire tenentur illud Christi: Mutuum date, nihil inde sperantes.

Quaest. 4. In verbis supra relatis, quæ in Evangelio secundum Lucam reperiuntur, continetur-ne præceptum, aut solummodo consilium?

Resp. Dare mutuum, inquit sanctus Thomas, non semper tenetur homo, & ideo quantum ad hoc, ponitur inter consilia: Sed quod lucrum de Mutuo non quarat, hoc cadit sub ratione præcepti. Concilium Lateranense sub Leone X. sic loquitur, Dominus noster, Lucas Evangelista attestante, aperto nos præcepto obstrinxit, ne ex dato mutuo quidquam ultra sortem sperare debeamus. In alio Concilio Lateranensi sub Alexandro tertio dicitur uno verbo, quod usuras Viriusque Testamenti pagina detestatur.

D. Th. 2, 2^a
q. 78. art. 1^o
ad 4.

Conc. Lateranense. sess. 10.

Can. Quia in omnib. de usuris.

Igitur duo Concilia generalia, & duo summi Pontifices declararunt, hæc verba Christi, Mutuum date nihil inde sperantes, continere non solum salutare consilium, sed etiam præceptum.

Quaest. 5. In quo casu tenemur, sub pœna peccati, mutuum dare?

Resp. In iisdem prædictis casibus in quibus tenemur eleemosynam dare, quod fusiùs explicabimus Tom 5. Tract. 2. cap. 3. q. 15. ubi de eleemosyna disseritur.

Quaest. 6. Quo modo usura jure Ecclesiastico & Canonico prohibetur?

Resp. Ut cætera taceam, hæc prohibitio satis apparet in una Decretali S. Leonis Papæ, qui ad Episcopos Campaniæ scribens, sic loquitur: Nec hoc quoque prætereundum esse duximus, quosdam lucri turpis cupiditate captos, usurariam exercere pecuniam, & scœnore velle

Can. Nec hoc. 14 q. 4.

222 Tract. IV. De Mutuo & usura.
 atescere, quod nos, non dicam in eos qui sunt
 in Clericali ordine constituti, sed etiam in
 Laicos cadere, qui Christianos se dici cu-
 piunt, condolemus: quod vindicari acrius in
 eos qui fuerint confutati decernimus, ut omnis
 peccandi opportunitas adimatur.

Quaest. 7. Si usura jure divino prohibita est,
 quo pacto intelligenda sunt hæc Deuteronomii
 verba cap. 23. Non fœneraberis fratri tuo, sed
 alieno?

D. Ant. 2. p. Resp. S. Antoninus respondet, Si per alie-
 tit. 1. cap. 7. num intelligitur quilibet, qui non erat de
 S. 2. genere Judæorum, & tunc dicitur, quod illa
 fuit comparativa permissio, quâ permittitur
 minus malum, ne majus malum fiat: sicut
 etiam permissum fuit eis dare libellum repu-
 dii & repudiare uxorem, ad impediendum
 uxoricidium. Sic & usura fuit permessa eis
 erga alienigenas, ne simpliciter prohibita,
 majori crudelitate grassarentur in suos, ut sua
 cupiditati satisfacerent. Excusabantur ergo à
 pœnâ temporali legis, sed non à pœna gehen-
 nali: sicut nec à culpa mortali.

Quaest. 8. Cùm non solum prohiberetur
 Judæis dare mutuo cum usura, sed etiam id eis
 tanquam præmium promitteretur, juxta verba
 Deuteronomii cap. 28. Fœneraberis gentibus
 multis, & ipse à nullo fœnus accipies: vide-
 tur verum non esse, quod illud toleratum so-
 lummodò fuerit, ob duritiam cordis.

D. Th. 1. 2. Respondet S. Thomas: Quod cùm in præmium
 q. 78. art. 1. promittitur, fœneraberis gentibus multis, fœ-
 ad 1. nus ibi largè accipitur pro mutuo, sicut Eccle-
 siastici 29. dicitur: Multi causa nequitia non
 fœnerati sunt, id est non mutuaverunt. Pro-
 mittitur ergo in præmium Judæis abundantia
 divitiarum, ex qua contingit quod aliis mu-
 tuare possint. Posset etiam responderi cum

sancto Ambrosio relato in Canone his verbis:

Quis erat tunc alienigena nisi Amalec, nisi Amorreus, nisi hostis? ab illo usuram exige cui merito nocere desideras; cui jure inferantur arma, huic legitimè indicantur usura; ab hoc usuram exige quem non sit crimen occidere: ergo ubi jus belli, ibi etiam jus usurae. Et ita eodem planè jure quo Hebræis licuit auferre Ægyptiis illud omne quod eis fuerat commodatum, quia scilicet Deus in eos earum rerum dominium transtulerat, licuit etiam usuras à Cananeis accipere; non enim minùs præcepto divino prohibetur ne commodata ferventur, quàm ne usuræ exigantur.

Ambrosius.
lib. De Tobia
cap. 1.

C A P U T I V.

*De **Rationibus** & titulis propter quos potest aliquid, ultra sortem principalem mutuo datam accipi.*

Quæst. 1. **Q**UOT sunt tituli qui jus tribuunt accipiendi aliquid ultra sortem?

Resp. Duo præcipui sunt, scilicet lucrum cessans & damnum emergens.

Quæst. 2. Quid intelligitur per lucrum cessans?

Resp. Adest lucrum cessans dum qui pecuniam mutuo dat, non lucratur id quod si mutuo non dedisset lucratus fuisset. Ut si Petrus intendens locos montium, aut fundum emere, aut etiam commercio alicui attendere non petuit, eò quod pecuniam his usibus destinatam mutuo dedit.

Quæst. 3. Quale est damnum emergens?

Resp. Quando ob mutui dationem, tolerat

quis aliquod damnum in suis bonis, verbi gratiâ, dum Petrus quia pecuniam mutuo dedit, non potest domum suam refarcire, quæ idcirco corrui, aut saltem locari non potest; ut etiam dum idem Petrus pecuniam mutuo ab alio accipere cogitur, cum conditione interesse solvendi, eò quod alteri ipsemet mutuo dedit.

Quæst. 4. Quæ conditiones requiruntur ut excusatio lucri cessantis valida & iusta sit?

Resp. Tres planè conditiones requiruntur. Primò, ut pecunia quæ mutuo datur sit exposita in negotiatione & commercio aut alio quovis iusto usu in quo licitè lucrum fieri possit; cum enim quis ex sua pecunia nullum simile commercium facit, dici non potest, quod lucratus non est, quia eandem pecuniam mutuo dedit.

Secundò, requiritur ut qui mutuo dat nullam aliam pecuniam possit mutuo dare, quàm illam quæ ei in aliquo commercio aut alio usu lucrativo inservit; dum enim mutuans potest aliam pecuniam mutuo dare, quàm non utitur in aliqua negotiatione licita, verè dici non potest, mutuum in causa esse cur ille non lucretur; cum adhuc dato mutuo habeat sufficientem pecuniam ad faciendum illud omne commercium quod potest aut vult facere.

Tertiò, requiritur ut non modò lucrum sit possibile, sed etiam probabile; non enim sufficit dicere; poteram cum mea pecunia lucrari si negotiationi exposita remansisset; sed ultra necesse est ut adsint rationes & verisimilitudines valdè probabiles lucri faciendi, & ut occasio lucrandi sit moraliter præsens. Unde etiam in vera Theologia morali, nullum datur lucrum cessans sine damno probabili; nam etsi non adsit semper damnum quod actualiter ex

CAP. IV. *De Rationibus, &c.* 225

mutuo proveniat : attamen necesse est ut valde probabile sit damnum adfuturum. Ut si mercator illam pecuniam mutuo det, quam negociationi exponere solebat, in quâ ut plurimum septem aut octo pro quolibet centenaro lucrabatur : dici tunc potest mercatorem illam esse in casu lucri cessantis, quia privatur ob mutuum lucro quod probabiliter fecisset.

Quaest. 5. Quales condiciones requiruntur in damno emergenti ?

Resp. Concordant Theologi tres requiri condiciones in damno emergenti.

Primò, ut damnum sit verum & reale, causatum à mutuo, non verò ab aliis circumstantiis quæ ad pecuniam mutuo datam non pertinent, nec ad eam referuntur ; ita ut facta conventionè cum debitore de summa quæ debet dari ad resarciendum damnum quod probabiliter eventurum putatur, si deinde tale damnum non accadat, nihil possit accipere creditor qui mutuo dedit, à debitore qui mutuo accepit, propter illud damnum quod timebatur quidem, sed re verà non evenit.

Secundò, ut damnum sit æquale & proportionatum summæ quæ illius causa à debitore exigitur.

Tertiò, ut creditor debitorem moneat dum illi pecuniam mutuo dat, de damno quod sibi eveniet ob tale mutuum ; nam si id non fieret, gravaretur fortassis debitor, si enim admonitus fuisset de quantitate damni resarciendi, forsitan noluisse cum illa conditione mutuo accipere, aut se obligare ad tale dispendium tollerandum.

Quaest. 6. Qui mutuo dedit pecuniam, quæ reverà in aliquo negotio lucrativo uti decreverat, sed tamen aliam quoque tunc habebat pecuniam : erat-ne in casu lucri cessantis, &

226 *Tract. IV. De Mutuo & usura.*

poterat-ne illud à debitore exigere?

Resp. Si ille mutuo dans habebat aliam pecuniam quâ non utebatur, quamque nulli usui destinaverat; non erat in casu lucri cessantis, cum facile posset substituere talem summam quâ non utebatur, alteri quam mutuo dabat, & ita lucrari ex ea eodem modo ac si aliam mutuo non dedisset. Attamen si illam pecuniam servabat ad matrimonio collocandas filias, ut sibi consuleret in casu morbi supervenientis aut aliorum eventuum fortuitarum: erat reverà in casu lucri cessantis; quia verè ob pecuniam mutuo datam, lucrum perdebat, habebat enim rationem legitimam non utendi reliqua pecunia quam consultò servabat.

Quest. 7. Ostendat quandonam verum est lucrum cessans aut damnum emergens in praxi, & quandonam utrumque est tantum palliatum & fictitium?

Resp. Ut lucrum cessans aut damnum emergens non sit palliatum, necesse est ut creditor mutuo non det ex motivo avaritiæ, & ut magis aut commodius lucrari possit; sed potius id faciat ex motivo charitatis & benevolentiae, ut gratificetur illi qui mutuo sibi dari petit; ita ut mutuo dans vellet potius uti sua pecunia in aliquo commercio aut negotio licito, quàm illam mutuo dare cum interesse; quod si è contra principaliter mutuo dat quia putat se eodem modo posse amplius aut commodius lucrari, tunc lucrum cessans verum non est, sed potius palliatum.

Primò; quia, ut ait S. Thomas, *Tollitur injustitia usura quando non spe lucri accipitur, sed pro recompensatione damni.* At ille qui non dat mutuo ex motivo charitatis & beneficentiæ, non habet puram & sinceram

D. Th. opuscul. 73. de usuris, c. 7.

CAP. IV. De Rationibus, &c. 227

intentionem vitandi damnum, sed habet potius intentionem lucrandi; ergo ex doctrina sancti Thomæ sequitur, illum usuram committere dum aliquid extra sortem exigit sub talis damni prætextu.

Secundò, quia ille qui mutuo dat duobus variis motivis id facere potest: aut enim mutuo dat ex motivo caritatis & beneficentiæ: aut ex motivo lucrandi; at motivum lucri prohibitum est in mutuo, dicente sancto Thomæ, quod *In mutuis vitium usura annexum est, ex eo quod fiant spe lucri, quod est contra naturam mutui, non excusatur nisi tollatur spes lucri.* Dicendum igitur est, quod ad hoc ut quis licitè possit aliquid interesse exigere ob rationem lucri cessantis aut damni emergentis, necesse est quod elegerit mutuo dare potius quàm alicui commercio licito attendere ex motivo charitatis & benevolentiae ut serviret amico; non verò ex motivo avaritiæ & lucri: & tunc licitum est & justum ut aliquid recipiat ultra sortem principalem, non tanquam interesse proveniens ex pecunia, sed solummodò ut resarciat & compenset damnum, quod ob mutuum datum, re verà patitur: & ita videtur quod ferè omnes qui mutuo dant cum interesse sub prætextu lucri cessantis aut damni emergentis, sæpiùs usuram committunt; quia non id faciunt principaliter & primariò ex motivo charitatis & beneficentiæ, sed potius ut sibi meliùs consulant, & magis aut commodiùs lucrentur, quod usuram manifestam, ex doctrinâ sancti Thomæ supra relatâ, involvit.

D.Th. opuscul.
73. de usuris.
cap. 6.



CAPUT V.

De quibusdam aliis rationibus que afferuntur, ut possit aliquid in mutuo exigi ultra sortem principalem.

Quaest. 1. **N**ON-ne justus habetur titulus, aliquid ultra sortem principalem exigendi, ex eo quod quis ad certum tempus pecuniâ suâ privetur, seque obliget ad non repetendum durante illo termino?

Resp. Certum est, illum titulum planè nullum esse; & quia varii hujusce sæculi Doctores, aliter temerè putaverant, Summus Pontifex Alexander septimus sequentem propositionem damnavit decimo Martii 1666. 42. Propositionio damnata.

Licitum est mutuanti, aliquid ultra sortem exigere si se obliget, ad non repetendam sortem usque ad certum tempus. Et ratio est, quia ut docet S. Thomas, *Quidquid causâ temporis accidit in contractibus, sicut in mutuis, sorti accidit sine justo titulo; quia ipse facit suum per fraudem, scilicet vendendo tempus quod Dei est, & datum communiter omnibus: & hinc est quod omnis contractus in quo aliquid plus accipitur, quàm datur, sive in spe, sive in re, & hoc tantum propter causam temporis, vocatur contractus usurarius.* Idem habetur in cap. *Consuluit*, & cap. *In civitate* de usuris.

Quaest. 2. Nonne ille, cui beneficium mutui datione præstatur, obligatur vicissim ad beneficium referendum? quod cum ita sit cur non poterit cum eo fieri conventio, ut gratum se exhibeat dando talem summam ultra sortem principalem?

D.Th. opusc.
73. cap. 8.

CAP. V. De quibusdam, &c. 229.

Resp. Licet is cui mutuum datur, teneatur ad reciprocum titulo gratitudinis: attamen non potest cum eo fieri pactum & conventio, ut obligetur ad solvendum aliquid ultra sortem principalem; quia gratitudo & remuneratio necessariò debet esse libera, & voluntaria, tam circa qualitatem, quàm circa quantitatem rerum cum quibus datur gratitudinis testimonium; liberum enim est ei, qui beneficium accepit, quovis modo sibi benè viso, vicem rependere, aut cum muneribus, aut cum obsequiis, aut cum simplici sensu & memoria beneficii, quibus vult circumstantiis & temporibus. Et ita dum se obligat ad dandam quamlibet rem, quocumque tandem modo id fiat; negotii natura planè mutatur, nec amplius potest dici gratitudo, sed solutio, quandoquidem post tale pactum & conventionem, non solum obligatur quis, ex simplici gratitudine, sed etiam ex lege strictæ & rigorosæ justitiæ, secundum quam tenetur id implere quod promissit. Rationem autem affert sanctus Raymundus, cur is qui mutuum dat, non possit convenire cum debitore de aliqua re sibi præstanda, neque etiam sperare principaliter talem, gratum se exhibiturum: his verbis. *Ideo hanc naturalem obligationem non potest creditor deducere in pactum expressum, vel saltem sperare effectum ipsius obligationis naturalis, quia creditor nullo modo debet pactum apponere, nec principaliter spem vel intentionem in tali retributione habere, sed propter Deum; & ex charitate principaliter debet mutuare proximo indigenti; & tunc fortè si secundariò speret, quòd ille debitor sibi remutuet, vel aliquid simile, si opus fuerit, fortè non est reprobandum.* Sed summus Pontifex talem quæstionem omninò resolvit, & trices à nescio,

D. Raym. in
Summa lib
1. C. de usua-
ris. §. 4.

230 Tract. IV. De Mutuo & usura.

quibus Casuistis modernis usuræ palliandæ causâ adinventis finem imposuit, dum sequentem propositionem damnavit.

42. Propositio damnata.

Decretum In-
noc. XI. die
2. Martii
1. 79.

Usura non est dum ultra sortem aliquid exigitur tanquam ex benevolentia, & gratitudine debitum, sed solum si exigatur tanquam ex justitia debitum.

Quæst. 3. Si ille qui mutuo accipit, motu proprio aliquid creditori offert, potest-ne accipere sine usura?

Resp. Potest, dummodò sit verum donum, cum his duabus conditionibus: ut scilicet sit omninò gratuitum; Secundò ut creditor non intendat principaliter obligare eum cui mutuo dat ad aliquid præstandum: in hoc casu talis donatio est legitimus titulus accipiendi aliquid ultra sortem principalem, & ibi nulla est usura: sed si ille qui mutuo dat, habet intentionem principalem, aliquid quoquo modo ultra mutuum accipiendi, certum est id non velle titulo gratitudinis, cum tunc necessariò intendat obligare eum, cui mutuum dat, ad sibi aliquid dandum; & in hoc casu tale donum non producit legitimum titulum, cum sit contrarium gratitudini & beneficentiæ, quæ essentialiter libera & voluntaria est. Notandum autem est supradictas conditiones rarò reperiri in praxi.



CAPUT VI.

De Casibus, in quibus plus quam datum est, potest sine usura recipi.

Quaest. I. PRIMUS casus est dum Dominus & Toparcha à proprio emphyteota cui pecuniam mutuo dat, accipit proprium feudum in pignus; tunc enim potest fructibus gaudere, nec ad illos super summa principali imputandos obligatur: prout obligantur omnes illi qui pignoris loco, fundum aut aliam rem frugiferam possident. Quod ita ab Alexandro Papa tertio decisum fuit. Nam in ea Decretali ubi decernit, Monachos, qui fundum Clerici cujuscumque in pignus acceperant, debere illius fructus in sortem principalem imputare: *Nisi, inquit, terra ipsa sit de feudo monasterii vestri.* Et ratio propter quam Dominus directus potest fructus percipere sine obligatione imputandi super sorte principali, est quia fructus terræ in emphyteusim datæ majori pretio non æstimantur, quam servitium quod vassallus Domino suo debet, quod præstare non tenetur eo tempore quo Dominus terram pignoris loco possidet. Et ita intelligi debet hæc Decretalis, juxta Innocentii Papæ quarti mentem, qui asserit quod *Rustici qui tenent aliquas possessiones, quarum ratione debent aliqua servitia exhibere, & non excedunt multum fructus valorem servitii, quando dant terras in causa pignoris Domino, non computantur fructus in sortem, alioquin esset contra mandatum Dei.*

Can. Conquestus. de usuris.

Innoc. IV. in cap. Insinuacione. de feudis.

Secundus casus est dum socer dotem filiae promissam genero non tradit; tunc enim po-

232 Tract. IV. De Mutuo & usura.

Mutuum da-
t. cap. Salu-
b. nex. de usu-
ris.

test gener fundos pignoris loco accipere, nec illorum fructus super uxoris dote tenetur imputare, ut dicitur ab Innocentio III. his verbis: *Sanè generum ad fructus possessionum, qua sibi à socero sunt pro numerata dote pignori obligata computandos in sortem, non credimus compellendum, cum frequenter dotis fructus non sufficiant ad onera matrimonii supportanda.* Ex quo inferri potest, quod sicut genero licet fructus non imputandos percipere, potest etiam interesse ex dote uxoris percipere, dum socer, aut alius qui dotem constituit, eam non solvit: & ratio est quia præsumitur magnum ex tali retentione damnum pati generum, tam ratione lucri cessantis quam damni emergentis: & ut loquitur Innocentius IV. in hoc cap. *Recipit fructus pro interesse, & non pro usura*, id est ut damnum vitet, non verò ut lucretur. Nam etiam si hæc ratio communis videatur his omnibus qui mutuo dant, id tamen speciale est in dote, quod generi quibus dati fuerant fundi loco pignoris, possunt eorum fructus, ultra sortem principalem percipere; quia sæpius redditus dotales ad sustinenda onera matrimonii non sufficiunt; & ita semper præsumitur, quod ratione talium onerum, generi pecunias dotales in fundis frugiferis collocassent. Et idcirco idem Innocentius IV. docet, quod dum matris non tenetur amplius uxorem alere, non debet tales fructus recipere: *Postquam non debet eam alere, non debet fructus accipere.* Et ratio est quia præsumptio, quod gener pecuniam suam in fundis frugiferis collocasset, non subsistit amplius post mortem uxoris: & ideo etiam, ut docet idem Pontifex, *Si mulier habet pignora dotis sue post mortem mariti, debet fructus illos in sortem computare.*

Innoc. IV.
lòco citato.

Tertius casus est cum imposita est de consensu partium, aliqua poena debitori, si pecuniam statuto tempore non restituerit: tunc enim exigitur ab eo talis poena conventionalis. Attamen notandum est, quod ad hoc ut justè possit exigi poena in aliquo contractu apposita ob solutionis moram, necesse est primò quod talis poena cum recta intentione statuta fuerit, ut securiùs & velociùs recuperandi sortem principalem, non autem aliquod lucrum faciendi; nam, ut dicitur à Glossa & ab Innocentio Papa IV. *Notandum poenam impositam ex conventionione partium licere exigere, dummodo intentio sit recta, scilicet ut pareatur placitis, & non ad usuras vel lucrum: sed secus esset, si poena esset apposita in fraudem usurarum.* Secundò licet poena de duorum contrahentium consensu apposita fuerit, non tamen illam potest creditor exigere, si debitoris mora culpabilis non sit, & solutio non aliquà sua culpa dilata sit, sed casu quodam fortuito qui impediri non poterat, aut impossibilitate invenienti præsentem pecuniam & similibus; quia cum poena necessariam relationem habeat ad culpam, injustum est illi poenam imponere qui non deliquit, juxta doctrinam sancti Antonini: *Requiritur, inquit, quòd debitor non sit in im-*

Innoc. IV. in
cap. Suam. de
pena.

potentia solvendi termino statuto; si enim sine culpa suæ factus est impotens ad solvendum, non est licitum aliquid ab illo exigere.

D. Ant. 2. p.
tit. 1. cap. 7.
§. 21.

Nihilominus si creditor ex tali mora non culpabili damnum pateretur, posset illius æstimationem à debitore qui illius author est exigere.



CAPUT VII.

De Periculo fortis.

Quaest. 1. Q U O T sunt periculi species ?

Resp. Duo plane in hac materia periculi species distingui debent ; aliud enim est periculum facti , aliud juris. In periculo facti continentur omnes casus , qui damnum fortis principalis involvere possunt , faciendo ut debitor non sit solvendo : talia pericula , pericula facti dicuntur , quia quocumque modo res se habeat , debitor remanet semper obligatus ad solvendum , & nihil solutionem realem impedit nisi impotentia debitoris , aut illius perversa voluntas , dum scilicet solvere non vult , licet possit. Periculum juris consistit in obligatione patiendi & sustineadi alicujus rei damnum , si talis res pereat : & ita qui centum aureos mutuo dat alicui mercatori , qui ut commercio attendat , in orientales plagas tendit , cum expresso pacto , quod si navis naufragetur , creditor centum aureos repetere non poterit à debitore , sed illius summae solus damnum integrum sustinebit : tunc talis creditor mutuo dans , est in vero periculo juris ; quia etiam si mercator sit solvendo , non tamen ab illo potest repetere centum aureos mutuo datos , ex eo quod ad illud damnum sustinendum in hoc casu se obligaverit.

Quaest. 2. Licet-ne aliquod interesse percipere propter pericula facti , quibus pecunia mutuo data exponitur ?

Resp. Cum talia pericula non minus cum mutuo conjuncta , & annexa sint , quam carentia pecuniae ad certum tempus , inde est

CAP. VII. *De Periculo sortis.* 235

quod licet in se considerata & separata à mutuo, possint pretio æstimari; nihilominus dum cum mutuo conjunguntur, quod illorum sola causa necessaria est, non possunt pretio æstimari, & illorum prætextu, non potest quæri, aut accipi lucrum, ex pecunia mutuo data cum periculo solutionis. Et ita quantumcumque pauper sit debitor; & licet maxima sint alia pericula perdendi sortem principalem, quibus supponitur creditor in mutuo; attamen nunquam, talium facti periculorum occasione, aliquid ultra sortem principalem exigi potest: sicut etiam, nullum interesse sperari potest, quantumcumque differatur pecuniæ mutuo datæ solutio, prout ab Alexandro VII. decisum fuit, dum sequentem propositionem damnavit.

42. *Propositio damnata.*

Licitum est mutuanti aliquid extra sortem exigere, si se obliget, ad non repetendam sortem usque ad certum tempus.

Decretum.
Alex. VII 18.
Martii 1666.

Sed injustitia lucri & interesse, propter pericula facti, quæ in mutuo occurrunt, eò evidentior est, quod si liceret aliquid, ratione talium periculorum exigere, posset ferè semper aliquid in mutuo à pauperibus ultra sortem principalem exigere, quia pecunia in illorum manibus valdè ut plurimum periclitatur: quod tamen voluntati divinæ adversatur; sæpius enim in Scripturis, usura erga pauperes fieri prohibetur: *Si pecuniam mutuam dederis populo meo pauperi, qui habitat tecum, non urgebis eum quasi exactor, nec usuris opprimes.* Sed quia posset quispiam in his verbis cavillari, & dicere, Deum non prohibere ne exigatur quodlibet interesse à pauperibus, sed tantum ne usuris opprimantur: illud præceptum clariùs expressum habetur in Levitico in quo sic loquitur Moyses ex Dei præscripto:

Exod. c. 22.
v. 25.

Leviti. c. 25. Si attenuatus fuerit frater tuus, & infirmus manu, ne accipias usuras ab eo, non amplius quam dedisti. Pecuniam tuam non dabis ei ad usuram, & frugum superabundantiam non

Deut. cap. 23. exiges. Et in Deuteronomio legitur, Fratri tuo absque usura id quod indiget commodabis. v. 20.

Et ita dici non potest, periculum, ne solutio aut non fiat aut cum difficultate & fastidio, posse subministrare titulum legitimum sperandi aliquod interesse in mutuo dato pauperi; cum his periculis facti non obstantibus, jussit Deus, ut pauperi mutuum gratis detur: & consequenter concludendum est, nihil posse exigi in mutuo, ratione quorumcumque periculorum facti.

Quaest. 3. Licet-ne aliquod interesse & lucrum exigere, aut sperare, ratione periculi juris?

Resp. Quamvis absolutè loquendo possit licitè sperari, & etiam fieri pactum de aliquo interesse certo, ratione periculi, quod sine ullâ præviâ obligatione subimus; attamen dici potest, ferè nunquam in praxi tale interesse posse esse licitum in mutuo, id est, dum is qui mutuum accipit, quoddam lucrum mutuum danti promissit ob periculum quod in se recipit, dum se obligat in favorem debitoris ad non petendam sortem principalem, si casu aliquo fortuito perierit. Et ratio est, quia in hoc casu ille qui mutuum dat, communiter & ut plurimum intendit aliquid lucrari ratione periculi, quod in se recipiet, ita ut si nullum hoc modo expectaret lucrum, mutuum non daret: & consequenter peccat contra Evangelicum præceptum in quo dicitur, *Mutuum date, nihil inde sperantes*: Quia primum & principale motivum, quod talem ad mutuo dandum inducit, est certitudo quod debitor

CAP. VII. De Periculo sortis. 237

periculum in mutuo dantem rejiciens, aliquod
lucrum, ratione talis periculi promittat : Igi-
tur in hoc perinde usurarius est, ac ille qui
mutuo dat cum intentione principali, quod
debitor molendino suo utatur; de quo sic dis-
ferit sanctus Antoninus : *Si quis mutuat alteri*
eâ intentione vel pacto, ut vadat ad molen-
dinum suum, vel furnum, vel ad apothecam
suam ad emendum; & hujusmodi, alias non
mutuaturus, usuram committit, etiam si non
majori pretio sibi vendit propter hoc, seu plus
ab eo quàm ab aliis petit : ratio est quia com-
moditatem seu utilitatem inde recipit qua pre-
tio æstimari potest : argumento Canonis Si
FOENERAVERIS. 14. q. 3. & cap. CONSULUIT.
De usuris, & tenetur restituere : Quia nun-
quam licet illum cui mutuum datur, aliqua
novâ obligatione, occasione mutui onerare,
quod tamen in his duobus casibus accidit; quia
in casu periculi de quo nunc loquimur, ille qui
mutuum dat vult obligare occasione mutui
debitorem suum, ad promittendum ei aliquod
lucrum, rejiciendo in illum sortis principalis
periculum : & in altero casu vult etiam occa-
sione mutui debitorem ad suas merces emendas
obligare; utraque autem obligatio est pretio
æstimabilis, nec minùs onerosa est debitori,
quàm utilis creditori; cùm debitori tollat ple-
nam libertatem quam habebat, periculum pec-
uniæ mutuo datæ in neminem, aut in alium
quàm in creditorem rejiciendi : vel emendi in
qualibet apotheca, aut utendi quolibet mo-
lendino : & ex alia parte creditori similes obli-
gationes fructuosæ sunt, quia illi utile est,
multum vendere, aut lucrari ratione alicujus
periculi, quod in se recipit. Quod autem dicit
S. Antoninus, quod in talibus adest obligatio
restituendi, ita intelligendum est, ut teneatur

D Ant. 2. p.
tit. 1. cap. 7.
§. 8.

quis restituere justam æstimationem utilitatis, quam occasione mutui habuit, sicut & damni quod ratione talis conventionis passus est debitor; licet non obligetur ad restituendum pretium rerum justè venditarum, sed tantum lucrum, quod habuit ex multiplicatione emptorum; aut in nostro casu, illud quod consecutus est ultra id quod, ratione periculi in se suscepti, datum fuisset alteri, qui mutuo non dedisset, & præterea æstimationem obligationis impositæ creditori. Ut v. g. Mevius mutuo dedit 100. Titio, cum hac conditione tacitâ aut expressâ, ut in Mevium rejecto periculo sortis principalis in aliqua negotiatione expositæ, ei darentur decem à Titio ultra dictam sortem, licet si Pomponius qui mutuo non dedit tale periculum in se recepisset, habuisset tantum octo. Hoc posito, primò Mevius tenetur restituere duo, ex decem quæ accepit, & deinde æstimationem obligationis impositæ Titio arbitrio boni viri.

Quest. 4. Ratio periculi tribuit-ne justum titulum, recipiendi aliquid ultra sortem principalem? Et contrahit ne licitè, qui, exempli gratiâ, quingentos aureos alicui maritimo negotiatori tradit cum hac conditione ut si navis naufragium faciat, ipsemet tradens illos amittat; si verò ad portum feliciter perveniat, teneatur negotiator quingentos aureos restituere, & ultra solvere pro interesse decem aut quindecim pro quolibet centenario, sive lucretur, sive perdat negotiator?

Resp. Hæc quæstio expressè decisa remanet in celebri capite *Naviganti*, in quo habetur, quod *naviganti vel eunti ad nundinas, certam mutuans pecunia quantitatem, pro eo quod suscipit in se periculum recepturus aliquid ultra sortem, usurarius est censendus.*

Quia legitimè præsumitur, talem mutuo dedisse cum intentione lucrandi, & voluisse creditorem obligare ad consentiendum, quod idem creditor in se recipiendo periculum navigationis, aliquod lucrum ex sua pecunia perciperet, ut re verà illud ferè semper in praxi accidit; cum videamus quod illi qui in hoc casu mutuum dant, non darent, si putarent debitorem nolle in illos periculum pecuniæ mutuatae rejicere; & ita nullum eos posse lucrum ob mutuum sperare: At illa intentio continet usuram mentalem si nullum adsit pactum expressum inter mutuatarium & mutuantem; si verò adest pactum, in hoc casu usura realis est. *Si quis*, inquit S. Thomas, *pecuniam alicui naviganti commiserit mutuo propter spem aliqujus lucri, licet periculum etiam sortis super se receperit, nihilominus judicatur usurarius, etiamsi totum amiserit*: Quia, ut jam diximus, tale mutuum fit cum intentione principali lucrandi, & obligandi debitorem ad dandum aliquod interesse creditori, in se recepturo periculum pecuniæ.

D. Th. opuscul. 73. c. 6.

Attamen rectè dici potest, quod si ille, qui mutuo dat pecuniam suam mercatori, qui alicui commercio maritimo, aut terrestri attendit, ita dispositus & animatus est, ut illi tale mutuum daret, etiam si non speraret se aliquid lucraturum ex mutuo, propter periculum sortis principalis quod in se recipiet: & deinde nolente mercatore totius navigationis periculum subire, & omnia sua unius diei fortunæ exponere, & proponente, quod suo creditori dabit aliquod interesse pecuniæ mutuatae, si velit periculum suæ sortis principalis in se recipere, & solus illius jacturam pati & sustinere, si navis naufragio pereat: tunc si creditor tale periculum in se velit recipere,

240 Tract. IV. De Mutuo & usura.

cum pacto quod sibi dabitur aliquod interesse certum juxta communem æstimationem talis periculi : nulla reperitur usura in hac conventionem secundum sanctum Antoninum his ver-

De Ant. 2. p. bis : *Aut illud ultra sortem recipit ratione tit. 1. cap. 7. mutui tantum, & sic est usura, non obstante §. 22.*

quod periculum ipse suscipiat : & iste est casus etiam capitis NAVIGANT1. Aut recipit illud ultra sortem præcisè ratione periculi, ut pretium periculi : & sic non est usura, sed licitum ; nam etiam si non mutuaret, & periculum navigantis in se vellet recipere, licite posset recipere pretium periculi : nec propter hoc quod ei servitium faciat in mutuando, efficitur deterioris conditionis. Aut aliquid ultra sortem recipit talis mutuans, partim ratione periculi, & partim ratione mutui, & tunc usura est quantum ad id quod plus percipit respectu mutui ; & illud tale tenetur restituere. Ita Joann. Neapolitanus, & Joann. Caldeyrinus. Et ita quasi semper accidit in praxi, quod illi qui contrahunt modo relato in questione, usuram faciunt. Primò quia dum pecuniam mutuo dant, pacto expresso conveniunt, quod periculum in se recipient, & hoc modo recipient interesse certum, quod usurarium est. Secundò, quia accipiunt majus interesse, propter periculum quod sustinent, quàm si mutuo non dedissent, & idem periculum subirent, in quo usura manifesta est.

Quæst. 5. Nonne dici posset, quod ille qui pecuniam suam hoc modo mercatori tradit, contrahit Societatem licitam, non autem mutuum ; cum sortem principalem exponat periculo negotiationis ; & ita, quod potest accipere aliquid ultra sortem principalem, quia sine dubio licitum est aliquid per societatem lucrari ?

Resp.

CAP. VII. De Periculo sortis. 241

Resp. Nullo modo dici potest, quod hoc modo contrahatur vera societas. Primò quia videtur in Decretali Gregorii noni quæ incipit *Naviganti*, & in illius expositione facta tam à Canonistis quàm à Theologis, quod periculum sortis principalis non potest efficere ut contractus mutui in contractum societatis mutetur; in hoc enim concordant, quod scilicet ille qui pecuniam mutuo dat cum intentione lucrandi recipiendo in se sortis principalis periculum, usuram committit: rationem assignat S. Raymundus, *Quia tales*, inquit, *semper faciunt tale mutuum, propter spem lucri pecuniarii quod non licet*: Præterea evidenter constat, quod si ad constituendum verum societatis contractum, sufficeret quod qui tradit pecuniam, illam eodem tempore periculo negotiationis exponeret, ille qui mutuum dando in se pecuniæ periculum reciperet, veram societatem contraheret, & ita posset aliquid ultra sortem accipere, cum in societate lucrari liceat. Cum igitur summi Pontifices, & post eos Canonistæ & Theologi usurarium dicant illum qui mutuo dat cum intentione lucrandi in se recipiendo sortis principalis periculum, eodem tempore satis declarant, solum periculum sortis principalis ad veram societatem constituendam non sufficere, & ut ait S. Thomas, *Ratio periculi etiam circa sortem, non tollit rationem usura in mutuo, ut probatur in cap.*

D. Raym. in
summa lib. 2.
C. de usu-
ris & pigno-
rib. §. 7.

D. Th. opuse.
73. de usuris
cap. 6.

NAVIGANTI.

Secundò quia, ut dicitur inferiùs cap. 12. de Societate, ad hoc ut societas vera & licita sit, necesse est ut socii participant tam in sorte principali quàm in interesse; ita ut illi qui pecuniam in Societate posuit, non promittatur quod illi dabitur certa & determinata summa ab omni periculo immunis, loco interesse &

242 Tract. IV. De Mutuo & usura.

lucri: nec etiam quod illius capitale erit sal-
vum & à socio solvetur etiam si casu fortuito
perierit. Et illud à Sixto V. determinatum fuit
his verbis: *Sed potius cuncti noverint, socie-
tates ita ineundas seu contrahendas esse, ut
non ad certam summam aut quantitatem ab
omni periculo & damno, ut praefertur, immu-
nem lucri nomine persolvendam, neque ad ca-
pitale, si casu fortuito perierit, restituendum
socius accipiens teneatur.*

Sixtus V. in
Bull. 44. quæ
incipit, De-
restabilis,

Concil. Me-
diolani. C. de
usuris.

Idem definitum fuit in Concilio Mediola-
nensi, cui sanctus Carolus praesidebat, & cau-
tum Ne in societate in qua alter pecuniam
confert, alter operas, lucri distributio consti-
tuatur, nisi per quotas partes, nec ultra eos
certa pecuniarum summa vel quid aliud con-
ferenti pecuniam persolvatur, neque fiat pac-
tio ut sors salva sit, fructus verò communiter
dividantur.

D. Bonavent.
tom. 2. opus-
cul. cap. 2.
in Opusculo.
quod inscri-
bitur, Opuscu-
lum anime.

Et juxta doctrinam S. Bonaventuræ, Est
usura tacita, cum quis aliquid commune ha-
bet cum aliquo, quidquid sit illud, & peri-
culum & damnum non est commune. Ex qui-
bus sequitur, quod ad veram societatem re-
quiritur ut omnes socii participent tam in in-
teresse & lucro quàm in sorte principali & ca-
pitale; & ut periculum & damnum communia
sint.

His addi potest quod habetur in Glossa in
qua, post explicationem textus legis quæ con-
cedit, ut possit dari pecunia mereatori mari-
timo, cum hac conditione, ut si navis ad por-
tum feliciter pervenerit, reddatur capitale cum
interesse & lucro centesimo, id est ejusdem
quantitatis ac ipsummet capitale; si verò navis
pereat, nihil omnino reddatur: sic habetur,

Glossa in
tit. 33. lib. 4.

Advertas quod etiam iste modus fœnerandi,
licet creditor suscipiat in se periculum pecu-

CAP. VII. De Periculo fortis. 243

nia, est de jure Canonico prohibitus, ut in Cod. De nau-
capite NAVIGANTI. tico sanore.

Quaest. 6. Est-ne licitum commercium ma-
ritimum quod communiter in emporiis insti-
tuitur, ita ut juxta varietatem periculi quod
imminet navibus, minori aut majori pretio
emantur pecuniae aut merces illis negotiatio-
nis causâ expositae?

Resp. Talis negotiatio haud dubiè licita est;
quia in his casibus emuntur capitalia juxta
justum illorum valorem, & prout communi-
ter aestimantur juxta varia pericula quibus ex-
positi sunt. Et id conforme est legi, Pretia
rerum, juxta quam rerum justum pretium
est, illud quo communiter ab iis qui earum
qualitates & valorem cognoscerent, quique
absque fraude aut praeventionem judicarent, aesti-
marentur. Et eodem planè modo potest asse-
curari minus lucrum certum pro majori lucro
incerto.

Illud autem exemplo adhibito dilucidè ex-
ponit sanctus Antoninus his verbis: Petrus ha-
bet mille florenorum valorem in mercimoniis
in navi de Flandria in Hispania deferendis:
dubitatur vel timetur de submersione navis, vel
captura à piratis: dat vel offert Martino 5.
vel 10. pro centenario, plus vel minus secon-
dum quod plus vel minus timeatur de periculo,
pro securitate super his facienda: cui assentit
sumens in se periculum ratione dicti lucri.
Ille igitur Martinus, acceptis illis quinque vel
10. pro centenario, si merces salva conser-
vetur: sibi remanet illud lucrum ratione dicta
securitatis. Sed si navis periret vel caperetur
ab hostibus, Martinus tenetur Petro mille
Florenos pro securitate facta: licitum reputa-
tur tale lucrum ratione periculi quod subiit.
Nec enim potest dici ibi esse mutuum, cum nihil

D. Ant. 3. p.
tit. 8. cap. 11
§. 2.

mutuetur, nec est prohibitum ob cap. NAVIGANTI. De usuris; quia illud habet locum cum scilicet suscipiens in se periculum mercium, sibi aliquid percipit de mercibus, dicitur usura, quando videlicet illud petit non ratione periculi, sed ratione mutui facti ei cujus sunt merces. Quod facile cognoscitur ex eo quod mercator tam grande lucrum non promitteret alteri, qui mutuo non dedisset, & idem periculum in se recepisset; unde in hoc casu evidens est quod ille qui mutuum dedit, percipit aliquod lucrum non solum propter periculum quod sustinet, sed etiam propter mutuum, in quo usura manifesta apparet.

Quaest. 7. Nonne responderi posset auctoritati quæ habetur in cap. Naviganti, quod supplenda est negatio, ita ut legatur usurarius non est censendus?

Resp. Hæc quaestio ridicula videri posset, & reponione indigna; si quidam Scriptores, nescio quo Spiritu ducti, non insinuassent quod in illa Decretali deerat negativa particula, quæ debebat suppleri ad illius difficultates benignè amputandas. Ut igitur tali opinioni obviam eatur, dicendum est, quod hæc additio ratione vacua, &, ne quid pejus dicam, valdè temeraria est. Quid enim in sacro-sanctis Conciliis, quid in sacris Canonibus & summorum Pontificum Decretis firmum & stabile esse posset, si privatis liceret tam sanctis Decretis negationem inferere, sub alienius futilis rationis prætextu, contra omnium textuum tam impressorum quàm manuscriptorum fidem, & contra Glossatorum, & antiquorum omnium Commentatorum lecturam. Antonius Augustinus Archiepiscopus Tarraconensis tres antiquas Decretalium collectiones in lucem edidit, in quibus nulla hujusmodi negatio habetur.

CAP. VIII. *De Mutuo & usuris.* 243

Sacrtus Raymundus earumdem Decretalium, jussu Gregorii noni, compilator, hanc Decretalem sæpius in sua summa sine tali negatione refert. Innocentius Papa IV. Cardinalis Turcremata, demùm ad unum omnes ejusdem & sequentis sæculi Decretalium interpretes, legunt *usurarius est censendus*. Et ita novis illius negationis adinventoribus, qui, ob ardens nimium desiderium viam salutis inconsulto Evangelio dilatandi, talia somniarunt, gratias est agendum, simulque ab eis enixè petendum, ut summorum Pontificum Constitutiones, venerari & observare, non verò emendare curent.

C A P U T V I I I.

Virum Principis Constitutiones possint tribuere justum Titulum accipiendi aliquid in Mutuo ultra sortem principalem & de montibus pietatis.

Quæst. I. **L**ICET-LE exigere interesse ex pecunia mutuo data, posito quod adsit aliqua Principis supremi constitutio, quæ illud interesse assignet?

Resp. Cùm in hac exactione adsit usura, quæ jure divino prohibetur, certum est, nullum posse exigere interesse ex pecunia mutuo datâ quando nulla adest alia ratio, quàm ea quæ oritur ex hujusmodi constitutione humana. Leges siquidem humanæ licitum non faciunt quod aliunde lege divina prohibetur.

Quæst. 2. Constitutio in qua habetur quod judices obligent debitores ad solvendum interesse in mutuo quando sunt in mora, nonne justa est, & ita nonne justum titulum dat creditori?

Resp. Talis constitutio novum titulum non dat nisi in foro externo, quia fundatur in præsumptione, quod adest ex parte creditoris lucrum cessans, aut damnum emergens, quod apparet ex eo quod non permittit tale interesse in mutuo, nisi quando debitor est in mora solvendi, termino elapso, & post petitionem solutionis factam juridicè à creditore. Nam etiamsi Petrus centum aureos à decem annis Paulo deberet, & Paulus solutionem tantum à mense juridicè petisset, in hoc casu Judex condemnaret Petrum ad solvendum interesse, non decem annis, sed mense solummodo correspondens. Ratio autem cur obligentur debitorum ad solutionem interesse in mutuo, à die moræ & juridicæ petitionis, ea est; quia adest justa præsumptio, quod creditores petentes solutionem pecuniæ mutuo datæ, eam indigent, quodque ex illius privatione damnum patiuntur, aut saltem perdunt lucrum aliquod, quod eadem pecunia mediante aliunde facerent. Ex quibus sequitur quod si in aliquo hujusmodi casu, nullum adest damnum creditoris, ratione moræ debitoris in solvendo: tunc creditor nullum interesse in foro conscientiae exigere potest, etiamsi Judex ob damni falsam præsumptionem, tale interesse concedat.

Quæst. 3. Si usura, ut sæpè dictum fuit, lege divina, & humana prohibetur, quo pacto licitè in Montibus pietatis accipitur aliquid in mutuo ultra sortem principalem?

Resp. Verum quidem est, quod in variis summorum Pontificum, & præsertim Leonis decimi constitutionibus, permittitur aliquid recipere in montibus pietatis, qui erecti in variis civitatibus approbati confirmatique sunt à sancta Sede Apostolica, & ita nullam speciem mali præferre possunt. Sed evidens est, ut ex

illisdem constitutionibus & Bullis apparet, quod interesse in illis montibus exigitur solummodò propter expensas necessarias, & ita nullo modo usuram continere potest, cum propriè non sit interesse ex pecunia mutuo datâ, sed potius compensatio damni, quod sequitur ex expensis, quas in ipsa datione mutui facere necesse est: quod expressè videtur in Bulla Leonis X. in qua sic habetur. *Definimus montes pietatis, in quibus pro eorum expensis, & indemnitate aliquid moderatum, ad solas ministrantium impensas, & aliarum rerum ad illorum conservationem pertinentium, pro eorum indemnitate dumtaxat; ultra sortem, abque lucro eorumdem Montium, recipitur, neque speciem mali præferre, nec peccandi incentivum præstare, nec ullo pacto improbari.* Constitutio 11, Leonis X.

Quæst. 4. Quid agendum, cum in fine anni post compensationem omnium expensarum, quæ in monte pietatis factæ sunt, superest aliqua summa ex interesse quod exactum fuit?

Resp. Talis summa inservire non debet ad augendum montem pietatis; quia si id fieret, totum interesse, quod sumptum est ultra sortem principalem non exactum fuisset ad solam compensationem expensarum, quæ mutuum dando fiunt, sed tanquam lucrum aliquod ex mutuo proveniens, quod legi divinæ contrarium est & constitutionibus summorum Pontificum, qui tale interesse permiserunt solummodò ratione & intuitu expensarum necessariarum, prohibentes ne montes pietatis augerentur ex tali interesse, ut videtur ex ipsis Bullæ supra relatæ verbis. Igitur in casu proposito, quod post expensas compensatas superest, restituendum est illis à quibus acceptum est, si commodè inveniri possint: aut minuendum est interesse alterius anni, ita ut uno verbo, mons

248 Tract. IV. De Mutuo & usura.
pie atis nullum lucrum ex hujusmodi interesse
sentiat.

Quaest. 5. Usuram committit-ne, qui mu-
tuum gratuito dat, sed tamen cum intentione
quam primùm juridicè petendi sortem princi-
palem à debitore suo, ut hoc modo possit de-
inde exigere interesse à die petitionis & moræ?

Regula. Cer-
tum est. 88. de
Reg. juris in
6.

Resp. Certum est in hoc casu usuram com-
mitti. Primò quia, ut superius dictum fuit,
Decretum Principis non tribuit justum titulum
exigendi hujusmodi interesse cùm nullem adest
verum damnum. Secundò quia, ut habetur in
regula juris Canonici, *Certum est, quod is
committit in legem qui legis verba complectens,
contra legis nititur voluntatem.* At lex impe-
dire vult, ne exigatur interesse ex mutuo, &
ille, qui in hoc casu mutuum dat, intendit è
contrario, interesse exigere, etiam si nullum
substineat damnum; & ita veram usuram com-
mittit.

C A P U T IX.

*Utrum Tutores, pupilli, nobiles, &
hujusmodi, possint exigere interesse
juxta Decretum Principis.*

Quaest. 1. **P**OSSUNT-ne Tutores exigere
aliquod interesse ex pecunia pu-
pillis debita?

Resp. Id eis penitus non licet, nisi adsit ve-
rus & legitimus Titulus, ut damni emergentis,
aut lucri cessantis, aut etiam alicujus Socie-
tatis; id enim expressis verbis damnatum fuit
in variis Conciliis, quæ quantum Ecclesia usu-
ræ crimen abhorreat, melius significare non
poterant, quàm condemnando exactionem in-

CAP. IX. De Mutuo & usuris. 249
teresse in casibus adeo favorabilibus.

Primo igitur in Concilio Mediolanensi dicitur, quod Ex mutuo vel depositis etiam apud *Concil. Mediol. 1. C. De* Judaeum factis, nihil prater sortem à quovis *usuris.* homine percipi ex convento, vel principaliter sperari possit, tametsi pecunia ipsa sint pupillorum aut viduarum, aut locorum piorum, vel etiam dotales, nisi quatenus jure nominatim permittatur.

Et in Concilio Mechliniensi sic habetur; Quoniam usura jure divino & Canonico omnibus Christianis sub poena peccati mortalis *Concil. Mechliniense.* interdicitur, neque facienda sunt mala ut *Titulo de usuris.* eveniant bona: Synodus statuit & ordinat, ne quis Tutor aut Curator sub pretextu augendi patrimonii pupillorum, aut sub eorum Curatela existentium, pecunias illorum sub certo lucro singulis annis ultra sortem recipiendo mutuo det retenta facultate repetenda sortis, declarando hujusmodi omnes contractus usurarios, & contra, ut praemittitur mutuantibus tanquam usurarios ad poenam juris procedendum.

Quaest. 2. Quid agendum Tutoribus qui semper à Judice condemnantur cum pupillorum pecunias sine fructu esse passi sunt, si eis non licet interesse ex illis exigere?

Resp. Verum quidem est, quod Judex obligat Tutores ad solvendum interesse pecuniae pupillaris; & ratio est, quia tenentur Tutores illam uti ad emendum fundum frugiferum, aut ad contrahendam cum mercatore societatem, & hujusmodi. Et ita possunt Tutores vitare damnum talis condemnationis; nam aut talis pecunia est in manibus debitorum dum administrationem tutelae recipiunt, aut non. Si est, debent Tutores habere veram intentionem illam utendi pecunia ad emendum fundum profi-

cum, aut ad contrahendam lucrativam cum Mercatore societatem; & hujusmodi: & talem intentionem implere & exequi casu quo debitores solvant, ad quam solutionem obligari à tutoribus debent; quod si non solvant, tunc aderit lucrum cessans & proinde justus titulus accipiendi interesse à debitoribus. Quod si pecunia non est in manibus debitorum, sed tutoris: tunc debent ex ea emere utilem fundum, aut societatem contrahere & hujusmodi. Et hoc modo damnum proprium vitabunt, utiliter & justè gerendo res pupillares.

Quæst. 3. Tales modi utendi pecuniis pupillaribus variis periculis expositi sunt: primò quia si ex eis emuntur fundi sæpius modicos fructus reddunt, qui etiam non sufficient ad pupillorum congruam sustentationem; & ita pupilli possunt de tutoribus conqueri ob talem usum minùs proficuum. Secundò, si ex talibus pecuniis emuntur loci montium quos vocant, aut pensiones & census perpetui vel etiam vitalitii. Id ægrè ferre possunt pupilli; eò quod eis ampliùs non licebit sortem principalem repetere. Tandem si contrahitur cum aliquo Mercatore lucrativa societas, potest facillè evenire quod talis mercator aut sit, aut fiat insolvabilis, & ita Tutor ad solvendum pro illo obligetur?

Resp. Ut his omnibus objectionibus & difficultatibus, respondeatur sufficit dicere, quod Tutores, ut se in talibus casibus indemnes præstent, & securi sint in tribunali externo, supplicem libellum judici porrigere debent, ut eo anthorante & confirmante contrahatur societas, aut emptio fundi & hujusmodi ex pecuniis pupillaribus: & si Judex non putet tale negotium, quod ei à ratore proponitur, esse pupillis utile, decernat easdem pecunias alio

CAP. IX. De Mutuo & usuris. 291

modo collocari debere, quod Decretum Judiciale fideliter exequentes Tutores, omnibus futuris molestiis & litibus se liberant, usuræque crimine conscientiam non onerant. Adde quod etiam si nullus indemnitatis modus in favorem tutorum reperiri posset, damnum potius subire deberent quam usuræ crimine se involvere; quia debemus potius quælibet mala tolerare quam consentire peccato.

Quest. 4. Nonne dici posset, licere Tutoribus exigere aliquod interesse ex pecuniis pupillaribus, ratione damni emergentis: quandoquidem semper obligantur Tutores ad solvendum ære proprio illud interesse in favorem pupillorum, & ita verum damnum ratione mutui sustinent?

Resp. Hæc excusatio non sufficit ut interesse exigere possint Tutores, nisi adesset eodem tempore quo mutuum datur, aliqua occasio præfens lucrandi ex hujusmodi pecuniis modo aliquo licito, ut supra & fusiùs cap. 4. explicatum est; quia ad hoc ut damnum illud emergens producat justum titulum, necesse est ut causetur à mutuo & non aliunde proveniat, ut à tutelâ, quæ in hoc casu est vera causa damni quod patitur Tutor, non autem mutuum; quia etiam si tutor pecunias pupillares mutuo non daret, sustineret nihilominus idem damnum.

Quest. 5. Possunt-ne viduæ ex pecuniis dotalibus interesse exigere?

Resp. Illud quod supra num. 1. ex Concilio Mediolanensi relatum est scilicet non licere mutuo dare cum aliquo interesse pecunias orphanorum aut viduarum, aperte ostendit, quod iisdem viduis non licet tale interesse exigere; unde, ut ait Innocentius IV. *Si mulier habet pigiora dotis sua post mortem mariti, debet*

Innoc. IV. in
c. Salubriter.
de usuris,

252 Tract. IV. *De Mutuo & usura.*
fructus illos in sortem computare. Ex quo sequitur, non posse viduam pecunias dotales mutuo dare cum interesse; quandoquidem non potest tale interesse exigere ab his qui dotem detinent.

Quaest. 6. Possunt-ne nobiles & hujusmodi quibus commercio attendere non conceditur, exigere interesse ex mutuo?

Resp. Id nullo modo potest fieri, ut superius probatum est; nam cum usura Jure divino & humano prohibita sit tanquam intrinsecè mala; nulli homini in quocumque casu potest esse licita, nisi adsint circumstantiæ de quibus supra, quæ usuræ deformitatem & malitiam tollunt, quæque efficiunt ut usura in licitum interesse transeat quod neque divino neque humano jure prohibetur; nam, ut ait S. Thomas, *Regula generalis apud omnes Doctores & firma esse debet quòd nulla conditio sive circumstantia potest excusare aliquem actum vitiosum, sive habitum, nisi secundum quod potest tollere rationem vitiositatis ab eo: & quia in mutuis vitium usura annexum est, ex eo quòd fiant spe lucri quod est contra naturam mutui non excusatur nisi tollatur spes lucri.*

D Th. opusc.
73. cap. 6.

C A P U T X.

*Quo pacto responderi possit rationibus
quæ in favorem usuræ & interesse
afferuntur?*

Quaest. 1. **Q**UALES proponuntur rationes ab his qui pro usuris & interesse pugnant?

Resp. Tribus potissimum rationibus nituntur.

CAP. X. *Rationes in fav. usura.* 253

Dicunt enim primò, multos nobiles, viduas, & hujusmodi qui nolunt aut non possunt alio modo lucrum ex propriis pecuniis consequi, quàm per viam mutui, non habituros unde vivant, si illis talis lucrandi modus auferatur; si enim pecunias in arca otiosas habentes, ex eis in dies quod ad sustentationem necesse est auferant, brevi ad summam egestatem, consumptis paulatim pecuniis, devenient.

Quaest. 2. Quo modo huic objectioni responderi potest?

Resp. Eodem planè modo quo sanctus Augustinus respondet fusè his verbis: *Noli fœnere: tu accusas scripturam dicentem; Qui pecuniam non dedit ad usuram. Non ego illud scripsi, non de ore meo primum exiit, Deum audi. Audent etiam fœneratores dicere: Non habeo aliud unde vivam. Hoc mihi & latro diceret, deprehensus in fauce: hoc & effractor diceret deprehensus circa parietem alienum: hoc mihi & leno diceret, emens puellas ad prostitutionem; hoc & maleficus incantans mala & vendens malitiam suam. Quidquid tale prohibere conaremur, responderent omnes; quia non haberent unde viverent, quia inde se pascere; quasi non hoc ipsum in illis maxime puniendum est quia artem nequitia delegerunt unde vitam transigant, & inde se volunt pascere unde offendant eum à quo omnes pascuntur.*

Potest etiam dici, quod cum ex se & intrinsecè malum sit exigere aliquid in mutuo ultra sortem principalem, nunquam licita potest esse talis exactio etiam ad vitæ sustentationem; nam, ut docet S. Thomas, *Usura non excu-*

*D. August. in
Psalm. 128.*

*D. Th. opusc.
73. cap. 8.*

satur etiam quantumcumque ordinetur ad vitæ necessitatem. cap. SUPER EO. de usuris. Addi potest, alios inveniri posse modos licitos ex

254 Tract. IV. De Mutuo & usura.

pecunia lucrandi, ut vitetur extrema illa inopia quam timent qui interesse volunt exigere hoc prætextu.

Quaest. 3. Quales sunt hi modi liciti?

Resp. Tres assignari possunt: Primò namque potest emi aliquis fundus frugifer. Secundò potest ex pecunia comparari annuus census vitalitius aut perpetuus, seu locus montium. Tertiò dari potest pecunia in societatem alicui fideli mercatori aut negotiatori.

Quaest. 4. Hi census perpetui, seu loci montium, videntur esse eodem modo usurarii ac interesse ex mutuo, cum in utrisque habeatur idem lucrum annuum juxta Principis taxam?

Resp. Certum & constans est, quod contractus census non est usurarius, ut probatur ex Bullis Martini V. & Calixti III. qui respondentes quæstioni à populis Poloniae & Germaniae propositæ, sic pronuntiant, & primò Martinus V. Nos igitur ex relatione Guillelmi

Martinus V.
lib. 3. Extravag.
comm. n. um : De
Emptione, &
venditione,
cap. Regimini.
Calixtus III.
in Extravag.
comm. cap.
Regimini.

Presbyteri Cardinalis, cui negotium hujusmodi cum peritorum consilio commissimus examinandum, comperimus contractus hujusmodi juridicos & juxta determinationem Doctorum licitos fore. Quod confirmatum authenticè fuit à Calixto III. his verbis. Nos facta ex commissione felicitis recordationis Martini Papa V. prædecessoris desuper examinatione, & ejusdem prædecessoris nostri declarationem attentius perpendentes suisque vestigiis inhaerentes, ad omnem super his ambiguitatis tollendum dubium, præfatos contractus licitos juriq; conformes auctoritate Apostolicâ declaramus. Secundò quia in contractu census non invenitur natura contractus mutui, in quo solo usura committitur, quia in mutuo repeti potest fors principalis, quod secus est in contractu census, qui per veram emptionem & venditionem

constituitur, & in quo fit alienatio pecuniæ in perpetuum sine facultate illam repetendi.

Quæst. 5. Quales condiciones requiruntur, ut contractus census nullâ usuræ suspitione laborent?

Resp. Variæ sunt hujusmodi condiciones, quæ in Bullis modò relatis continentur: quarum prima est, ut debitor possit censum extinguere, solvendo summam sibi à creditore traditam, ad quam tamen extinctionem non possit à creditore obligari. Secunda conditio est, ut constituatur census justo pretio, quod in terris conditionis Pontificiæ potest ascendere ex Constitutione 6. Clementis VIII. usque ad septem pro quolibet centenariio. Alibi verò servari debet taxa à Principe facta: adsunt in iisdem Bullis aliæ variæ condiciones, quæ cum essentielles non videantur, & variis in regionibus non observentur, illas hic recensere necessarium non puto.

Quæst. 6. Quam secundò loco rationem assignant, usuræ, sub interesse nomine, fautores?

Resp. Dicunt, se charitatis actus exercere dum fratribus in Christo illorum ope indigentibus subveniunt, & modum tribuunt res proprias rectè ordinandi, mutuum aliquoties illis dando, quorum bona mobilia & immobilia vili pretio, instantibus creditoribus distraherentur, summo totius rei familiaris damno; quandoque mutuam tradendo pecuniam quæ subito emptioni alicujus fundi aut officii frugiferi inservit: & consequenter justum esse, se in hujusmodi casibus accipere aliquod interesse conveniens juxta modum & quantitatem fructuum quos percipit debitor ratione mutui, quousque summa tradita restituatur.

Quæst. 7. Quid tandem hujusmodi rationibus responderi potest?

256 Tract. IV. De Mutuo & usura.

Resp. Illud primò dici potest, quod à S. Hieronymo assertur in expositione illorum verborum, *Ad usuram non commodaveris*; ubi sanctus Doctor usurarios etiam loquentes repræsentat his verbis: *Solent in agris frumenti, milii, vini, & olei, cæterarumque specierum usura exigi: sive ut appellat sermo divinus, abundantia. v. g. ut hiemis tempore decimus decem modios & in mæsse recipiamus quindecim, hoc est amplius partem mediam; qui iustissimum se putaverit, quartam plus accipiet portionem: & solent argumentari ac dicere: Dedi unum modium, qui satius fecit decem modios; nonne iustum est ut medium modium de meo plus accipiam, cum ille meâ liberalitate novem & semis de meo habeat: nolite errare (inquit, Apostolus) Deus non irridetur. Respondeat enim nobis breviter fœnerator misericors, utrum habenti dederit an non habenti? Si habenti, utique dare non debuerat, sed dedit quasi non habenti; ergo quare plus exigit quasi ab habente?*

Rationem autem assignat S. Thomas; quia *Si aliquis multum juvetur ex re alterius quam accipit, ille verò qui vendit non damnificatur carendo re illâ, non debet eam super-vendere; quia utilitas qua alteri accrescit, non est ex venditione, sed ex conditione ementis: nullus autem debet vendere alteri quod non est suum, licet possit ei vendere damnum quod patitur. Et consequenter, cum utilitas quam percipit debitor ex pecunia mutuata, proveniat aut ex rerum suarum statu, aut ex usu in quo talem pecuniam insumit, id locum dare non potest creditori, & iustam causam exigendi aliquid ex huiusmodi utilitate, quæ illum nullatenus respicit.*

Secundò quia evidenter constat, quod si uti-

D. Hier. in
cap. 18. Eze-
chielis.

D. Th. 2. 2.
q. 77. art. 1.
in corp.

litas quæ ex mutuo provenit iis qui illud recipiunt, daret titulum sufficientem mutuum dantibus ad exigendum licitè aliquid ex mutuo, sequeretur, regulariter posse exigi ex mutuo, cum ut plurimum qui mutuum petunt, aliqua utilitate propria ad id moveantur, & ita vix ulla esset usura prohibita: quod tamen contrarium est sacræ Scripturæ, Constitutionum Canoniarum, & sanctorum Patrum expressis verbis, quæ mutuum in quo aliquid ultra sortem exigitur perpetuò reprobant, etiam dum de pecuniis pupillorum & viduarum agitur, licet tale mutuum detur Judæis qui illud cum intentione magis in commercio lucrandi accipiunt, ut supra dictum est cap. 9. & etiam si de redemptione captivorum agatur, ut videre est in Concilio Lateranensi ab Alexandro III.

congregati, in quo sic habetur: *Cum usurarum crimen utriusque Testamenti pagina detestetur, super hoc dispensationem aliquam posse fieri non videmus; quia cum Scriptura sacra prohibeat pro alterius vita mentiri, multo magis prohibendus est quis, ne etiam pro redimenda vita captivi usurarum crimine involvatur: Potest etiam dici, quod pecunia, quæ mutuo datur mercatori, aut alteri qui ex ei officium aut prædium utile emit, pluris non valet quam ea quæ mutuo datur pauperi aut alteri qui ludo aut alio modo res suas dilapidat. Quod lucrum mercatori adveniens, eodem tempore quo alii cum simili pecunia perdunt potius quam lucrentur, ejusdem mercatoris labori aut industriæ debet tribui: illud etiam quod officialis quispiam, ex officio mediante pecuniâ mutuata comparatæ, recipit, ad eum solum meritò & justè pertinet, quandoquidem illi soli periret tale officium si supprimeretur aut etiam ad alium transferretur: quod*

Can. *Super eo de usuris.*

258 Tract. IV. De Mutuo & usura.

Reg. 55. De *Qui sentit onus, sentire debet commodum, & Regulis Juris, è contra.* Justum est quod ea res quæ unius damno perit, uni fructificet, quod unus quisque è re propriâ fructum capiat, quodque nullus è re alienâ, invito Domino, aut contra leges, utilitatem consequatur. At certum est pecuniam mutuo datam, ad eum qui accepit, non verò ad eum qui dedit pertinere, & ita concludendum est, omnem illius fructum soli mutuatario concedi debere.

Præterea rationabile non est, creditorem in hujusmodi supra relatis casibus, melioris esse conditionis, quoad rei fructus, quàm alios; quandoquidem emptionem fundi aut officii & similium ex pecunia à se mutuo data fieri solummodò procuravit ut hypothecam specialem generali jungeret, & ut securior exinde esset.

Quæst. 8. Qualis est tertia ratio quæ à multis, tanquam lucro ex mutuo favens, proponitur?

Resp. Añunt, usum moderatum mutui, in commercio quod inter personas non indigentes exercetur, varias utilitates proximo afferre, & ita nullo modo charitatem offendere, imò bono publico valdè expedire, ut mutuum cum aliquo lucro detur; quia sine tali mutuo commercium fieri & durare vix posset.

Quæst. 9. Quid huic rationi responderi potest?

Resp. Respondendum est primò sufficere ut Christiano ostendatur, Deum lucrum in quocumque mutuo prohibere, ad hoc ut debeat omni utilitati, quæ ex mutuo negotiationis causa facto sperari probabiliter potest, renuntiare; nam, ut ait Tertullianus, *Ad exhibitionem obsequii, prior est majestas divina po-*

CAP. X. *Rationes in fav. usura.* 159
testatis, prior authoritas imperantis, quàm
utilitas servientis.

Secundò nihil commercio & negotiationi est
magis damnosum quàm illud mutuum cum
intentione & spe lucri factum, quòd. faciliè
perspicitur & probatur ex ipsis terrenorum
Principum legibus, ad quos præcipuè pertinet
de hujusmodi commercii utilitatibus vel dam-
nis cognoscere & judicare. Cùm igitur omnes
tale lucrum ex mutuo etiam tanquam com-
mercio & negotiationi nocivum prohibuerint,
concludendum est errare eos qui illud tanquam
valdè utile prædicant. S. Ludovicus Galliarum
hujus nominis Rex IX. in Decreto an. 1254.
promulgato, *Prohibemus*, inquit, *districte quod*
nullas usuras haberi faciant Barones Senes-
challi nostri, vel alia quacumque persona;
Philippus IV. loquitur anno 1311. *Pro refor-*
matione publica regni nostri, usuras à Deo
prohibitæ, & à sanctis Patribus, necnon
progenitoribus nostris damnatas, prohibemus
omnibus & singulis tam regnicolis nostris
quàm aliis in regno nostro quomodolibet con-
trahere genus vel speciem quamlibet usura-
rum. Demùm Ludovicus XII. an. 1510. Ca-
rolus IX. an. 1567. & Henricus III. an. 1576.
usuras damnant & lucrum ex mutuo tanquam
commercio damnosum severè prohibent.

Philippus
IV, an. 1311



CAPUT XI.

Quo pacto gerere se debeat Confessarius cum his qui ex pecuniâ mutuo collocatâ lucrum percipiunt, aut perceperunt;

Quaest. 1. **Q**UID agat Confessarius, dum ad eum in tribunali sedentem venerint qui ex pecuniâ mutuo data, lucrum quolibet anno vel mense percipiunt, aut perceperunt?

Resp. Necessè est, ut illorum conscientiarum remedium efficax omnino apponat, quod tale sit ut præteritis & futuris erroribus medeatur.

Quaest. 2. Quo pacto poterit Confessarius præteritis culpis mederi?

Resp. Adstringendo eos qui ex pecuniâ mutuo data lucrum acceperunt, aut eorum consanguineos & hæredes, ad restituendum, nisi constet quod talia bonâ fide fecerint & inde locupletiores facti non sint; illud autem cognosci potest, si pecuniam in legitimo commercio non collocarint, aut fundum vel officium ex quo idem lucrum percepissent, non emerint; eo quod putaverint talem contractum mutui lucrativi esse licitum; nisi etiam illi à quibus tale lucrum ex mutuo acceperunt, illud verè & cum plena libertate condonare & remittere velint, cum omnibus circumstantiis ad remissionis huiusmodi validitatem requisitis.

Quaest. 3. Quales requiruntur circumstantiæ ut censeatur fuisse justa & valida talis donatio & remissio?

CAP. XI. *Confessarii munus, &c.* 261

Resp. Necessè est primò ut creditor verè voluerit & paratus fuerit restituere omne lucrum ex pecunia mutuata perceptum, casu quo debitor illius remissionem libenter facere nollit. Secundò necesse est ex parte debitoris, ut cognoverit creditoris voluntatem & dispositionem ad restituendum, ita ut crediderit ex se pendere, & in suo arbitrio esse, dare aut non dare huiusmodi lucrum: quodque illud non solverit ob timorem, ne creditor vellet exigere totum debitum, sed solummodò ex mera gratitudine ob beneficium acceptum. Ex quibus inferri potest, quod si is qui pecuniam mutuo dedit aliquid dixit, ut debitorem induceret ad sibi dandum tale lucrum, aliquo modo insinuans quod si lucrum non detur, fors principalis ab eo repetetur, ita ut verba creditoris debitorem impulerint ad solvendum lucrum. In talibus debet Confessarius creditorem ad restitutionem adstringere, quia, ut ait Urbanus Papa III. *Huiusmodi homines pro intentione lucri quam habent, judicandi sunt malè agere, & ad ea qua taliter sunt accepta restituenda. in animarum iudicio efficaciter inducendi.*

Cap. Confess.
lvi. Extra. de
usuris.

Quaest. 4. Sufficit-ne ad absolvendum usurarium publicum, ut obligetur ad secretò restituendum?

Resp. Respondendum est cum S. Thoma, quod *Vsurario notorio non tantum est perfectionis, sed etiam necessitatis, saltem publicè & in manu Ecclesiae restitutiones faciendas promittere & firmare; quia alias privaretur de jure Sacramento salutis & Christianâ sepulturâ & propter hoc dicit Apostolus 1. ad Timoth. 5. PECCANTEM CORAM OMNIBUS ARGUE.* Quod intelligi debet de publicis criminibus; quia semper consuevit Ecclesia poeniten-

D. Th. opusc.
73. cap. 18.

262 Tract. IV. De Mutuo & usura.
tias publicas pro publicis criminibus impo-
nere.

Conc. Trid.
sess. 14. de
reformat.
cap. 8.

Hæc Apostoli verba in hoc planè sensu exponuntur in Concilio Tridentino his verbis: *Apostolus monet publicè peccantes palam esse corripiendos. Quando igitur ab aliquo publicè, & in multorum conspectu crimen commissum fuerit, unde alios scandalo offensos, commotosque fuisse non sit dubitandum; huic condignam pro modo culpa pœnitentiam, publicè injungi oportet; ut quos exemplo suo ad malos mores provocavit, sua emendationis testimonio ad rectam revocet viam.*

Conc. Me-
diol. 1. tit.
quæ perti-
ad Sacramen-
pœnit. ad-
ministr.

S. Carolus fidelis Decretorum Concilii Tridentini executor, dum in Concilio Mediolanensi de iis quæ ad rectam Sacramenti Pœnitentiæ administrationem necessaria sunt loquitur, Confessarios monet, *Vt quemadmodum à sancta Tridentina synodo jussum est, publicè peccantibus publicam pœnitentiam imponant; neque illud publicè pœnitentiæ genus, nisi datâ ab Episcopo facultate, secretâ aliâ pœnâ commutare audeant.* Sed de Pœnitentiæ publicæ necessitate fusiùs disserui Tom. 4. Tract. 6. de Sacr. Pœnit. cap. 7. nu. 16. & seqq.

Quæst. 5. Requiritur-ne necessario, ut antequam Confessarius usurarium absolvat, contractus usurarios resciderit, & restituerit malè parta si possit?

Resp. Sanctus Carolus, in suis ad Confessarios admonitionibus, asserit absolvendos non esse usurarios, nisi primò resciderint illicitos contractus & restituerint, si possint; quod & perpetuæ Ecclesiæ traditioni & rectæ rationi & quotidianæ experientiæ consentaneum est: vix enim fit restitutio ab eo qui ante eam à Confessario imprudenti absolutus est.

Quæst. 6. Quo pacto Confessarius in futurum providere poterit?

CAP. XI. *Confessarii munus, &c.* 263

Resp. Primò obligando pœnitentem ad promittendum, se non amplius mutuum cum aliqua lucri intentione daturum; secundò necessitatem imponendo exigendi quanto citiùs pecuniam quam cum tali lucro mutuam dedit, & nihil ex ea interim percipiendi, nisi in casibus lucri cessantis vel damni emergentis, quando ad-sunt conditiones necessariae de quibus supra cap. 4. Rationem assignat S. Thomas his verbis: *In foro pœnitentia, ubi de correptione peccati agitur, maximè in quantum est contra legem Dei, sic compellendi sunt usurarii ad restitutionem, ut beneficium absolutionis eis denegetur, nisi restitutionem faciant plenam, quantum potuerint, aut dilationem petierint ab his quibus tenentur restituere, aut si pauperes & impotentes sunt ad restitutionem faciendam, promittant Deo & Confessori suo quod si aliquando ad frugem prosperitatis venirent, se restitutos pro sua facultate; aut cerè remissionem postulabunt ab his quibus restituere tenentur; aliàs non debent absolvi in foro pœnitentia & hac omnia probantur beati Augustini autoritate, qua dicitur quod non remittitur peccatum nisi restituatur ablatum. Sicut ergo Confessor ostendit absolutum à Deo: quem absolvit verbo; ita non debet absolvere nisi cum videt signa restitutionis, fienda in consistente, qua signa determinata sunt in his quæ prædiximus secundum diversos status restituentis.* Ex quibus S. Thomæ verbis sequitur, non absolvendum esse cum qui rem alienam possidet, nisi prius restituerit, si possit.

Dicit enim S. Augustinus relatus in Canone, quod Si res aliena propter quam peccatum est cum reddi possit non redditur, non agitur pœnitentia sed fingitur. Refertur in Can. Si res aliena 15. q. 1. Et hæc doctrina firmari

D. Th. opusc.
de usuris.
cap. 21.

potest valida ratione. Cum enim juxta Theologorum consensum non debeat dari absolutio ei qui in proxima peccandi occasione voluntariè versatur, nisi illam deferat: satis videtur teste experientiâ, ex possessione pecuniæ vel rei alienæ, nasci occasionem proximam & periculosissimam peccandi, cum ut plurimum illius in praxi restitutio debita non fiat, aut sine justa causa differatur, præsertim post obtentam absolutionem, ex quo sequitur, Confessarium verè prudentem & pium non debere beneficium absolutionis impertiri iis qui restitutioni obnoxii sunt, priusquam verè restituerint si possint, cum adest aliquod fundamentum suspicandi quod si prius detur absolutio, restitutio vix fiet, ut ferè accidit.

Quæst. 7. Quid agere debet Confessarius cum usurario morti proximo qui restituendi tempus non habet?

Resp. Videtur quod tunc regulariter non sufficit restitutionem filiis aut hæredibus committere, cum frequens nimium experientia nos doceat, illam sæpè aut penitus non fieri, aut injustè minui. Et ita potest Confessarius alios securiores restituendi modos prudenter suggerere, ut v. g. se pœnitens & bona sua scribente notario coram testibus obliget, pro summa restituenda; aut ut legetur talis summa ei cui restitutio debet fieri, vel personæ probatissimæ fidei qui eam nomine Testatoris faciat. Et sic de cæteris pro diversitate regionum, & circumstantiarum, ita ut, quantum fieri potest restitutionis faciendæ major securitas habeatur.



CAPUT XII.

*De Definitione, divisione, & conditionibus Societatis.**Quest. 1.* QUID est Societas?

Resp. Est duorum aut plurium circa res licitas & honestas conventio, in qua pecunia aut industria, aut aliæ res pretio æstimabiles, in commune ponuntur, majoris lucri faciendi gratiâ. Dicitur primò conventio duorum aut plurium, quia contra naturam Societatis est quod à solo fiat. Secundò dicitur conventio circa res licitas & honestas; quia societas in rebus malis & illicitis non subsistit: & ita si duo de dividendo inter se æquis partibus latrocinio convenerint, hæc non est vera Societas sed conspiratio, ex qua nulla actio aut jus oritur. Dicitur tertio, in qua pecunia, aut industria &c. in commune ponuntur; quia res Societatis communes debent esse, ita ut unusquisque ex Sociis damno & lucro participet. Demùm dicitur in definitione, majoris lucri faciendi gratiâ; quia hic est proprius Societatis finis.

Quest. 2. Quot sunt Societatis species?

Resp. Duo præcipuè vulgò assignantur, quarum prima circa animalia fit: In altera datur alicui mercatori pecunia negotiationis causâ.

Quest. 3. Quales condiciones in Societate requiruntur ad hoc ut sit justa & licita in conscientia?

Resp. Requiruntur tres condiciones. Primò ut illi qui pecuniam vel animalia aliis in Societatem tradunt, nullo modo sint securi de sorte principali, aut de aliquo interesse & lucro

266 Tract. IV. De Mutuo & usura.

certo & determinato ; quia ea omnia expressè prohibita reperiuntur à Sixto V. in Bulla quæ incipit *Detestabilis*, in qua damnat summus Pontifex, & reprobatur omnes & quoscunque contractus & conventiones & pactiones, quibus cavebitur, ut quidquid accidat & in quovis eventu, capitale, seu fors principalis salva sit ei qui eam in commercio contulit, utque detur eidem certa quantitas vel summa in singulos annos vel menses loco lucri futuri, decernitque tales contractus censendos esse usurarios & prohibitos. Videns autem quod multi cupiditate impellente varios modos hujusce salubris Decreti eludendi reperire satagerent, ut usuram sub Societatis umbrâ exercere impune possent : Societatis legitimæ leges præscripsit declarans omnes Societates in quibus non observarentur censendas fore illicitas & usurarias.

Sixtus V. in
Bulla 45. an.
1586.

Illas autem Societatis legitimæ conditiones his verbis declarat : *Cuncti noverint Societatem hujusmodi cum impostero unus pecuniam, animalia, aut alias res & bona, alter vero operam vel industriam confert, purè, sincère & bonâ fide sicut decet, justis & aquis conditionibus & pactis, secundum juris dispositionem, ac sine ulla prorsus fraude, palliatione, aut usuraria pravitate labe aut suspicionem incundas seu contrahendas esse : ita ut non ad certam summam aut quantitatem ab omni periculo & damno ut præfertur immunem, lucri nomine, persolvendam, neque ad capitale, si casu fortuito perit, restituendum, socius accipiens teneatur.*

Idem planè determinatum vidimus in Concilio Mediolanensi primo à sancto Carolo congregato, & à sancto Bonaventura ut supra cap. 3. nu. 5.

CAP. XII. *De Contractu Soc.* 267

Potest etiam probari, necesse esse ut res in Societatem collatæ communes sint, ita ut earum periculum ad omnes socios pertineat, tam quoad capitale, quàm quoad illius fructus, ex eo quod habetur in Glossa, quæ exponens hæc legis verba: *Cum certa quantitate* Glossa in l. *te*; *Item ex facto*, inquit, *quotitate scilicet* Si frater ff. *tertiâ lucri vel quartâ*, *alioquin non societas*, pro socio. *sed fœnus contractum videtur.* §. 2.

Secunda conditio ad Societatem requisita, est ut omnes socii aliquid in Societatem conferant, sive pecuniam, sive industriam, sive laborem aut aliud pretio æstimabile.

Tertia ut servetur æqualitas, ita ut unus non magis graveetur quàm alter, & lucrum, expensæ, damna, & jacturæ, sint communia; majusque aut minus lucrum quis recipiat juxta pretium & æstimationem eorum quæ in Societatem contulit, cum, ut ait Justinianus Imperator, justum sit illum qui majora confert seu in pecunia seu in industria & similibus, melioribus conditionibus ad illam admittatur.

Quest. 4. Nonne potest promitti certum & determinatum lucrum ei qui solam industriam confert?

Resp. Id quidem licitè fieri potest, sed tunc non contrahitur Societas, cum nulla sit vera communicatio in lucro & in damno (quod tamen est de essentia Societatis, ut probavimus) sed contrahitur locatio operarum.



CAPUT XIII.

De Societate animalium.

Quaest. I. **Q**UALES conditiones in pecorum Societate requiruntur?

Resp. Requiritur primò ut quando moriuntur aut pereunt pecora, sine culpa ejus qui illa in Societatem accepit, eorum jactura ad Dominum, seu illum qui ea in Societatem contulit, spectet, non verò ad accipientem; si enim aliter inter socios conveniret, contractus esset usurarius, ut constat ex Bulla Sixti V. supra citata: *Damnamus & reprobamus omnes & quoscunque contractus, & conventiones & pactiones posthac ineundos, seu ineundas, per quos, seu quas cavebitur personis pecunias, animalia, aut quaelibet alias res Societatis nomine tradentibus, ut etiam si fortuito casu quamlibet jacturam, damnum aut amissionem sequi contingat, sors ipsa seu capitale semper salvum sit, & integrum à socio recipiente restitatur, sive ut de certa quantitate vel summâ in singulos annos aut menses, respondeatur. Statuimusque hujusmodi contractus, conventiones, & pactiones, usurarios, & illicitos post hac censeri debere. Atque impofterum non licere iis qui pecunias vel animalia, aut alias res in Societatem tradent, de certo lucro, ut praefertur, percipiendo inter se pacisci & concordare. Neque etiam sive ad certum, sive ad incertum lucrum convenerint, socios, qui ea recipient, ad sortem seu capitale salvum & integrum, ubi illud casu fortuito perierit, vel amissum erit, reddendum quovis pacto aut promissione sibi obligare. Ac ne de cetero Socia-*

In Bulla. De-
rehabilitis. Six-
ti V.

tates ineantur sub huiusmodi pactis & conditionibus, qua usurariam pravitatem sapiunt, districte interdiciamus & prohibemus. Dicitur etiam in Concilio Mediolanensi, quod In Societate animalium qua inastimata alicui dantur ad custodiam, sive ut operas praestet, omnes casus, etiam fortuiti, semper sint periculo ejus qui dederit, nisi id alterius socii dolo, vel magna negligentia accidisse constiterit; nec fiat pactum ut fors sit semper salva etiam ex primis factibus. Et idem habetur in Concilio Burdigalensi anno 1585. congregati cap. 29.

Concil. Mediol. r. de usuris.

Ratio autem, cur necesse sit, ut is qui pecora in societatem confert, subeat periculum sortis principalis, est primò quia contra naturam Societatis est, quod lucrum percipiatur ab eo qui non sustinet periculum sortis, juxta mentem leg. Si non fuerit. §. Aristot. ff. pro socio. ubi dicitur Societatem injustam esse, cum is qui damnum sustinet lucrum non percipit; Iniquissimum enim genus Societatis est ex qua quis damnum, non etiam lucrum expectet. Ex quibus verbis sequitur, quod è contrario ille qui nullum damnum & periculum subire vult, nullum etiam lucrum sperare debet. Secundò quia pactum quo cavetur ut omne periculum ad unum ex sociis spectet, contrarium est æqualitati quæ inter socios, jure quodam fraternitatis, observari debet, & talem contractam usurarium reddit. Tertio quia dum res datur eâ conditione ut alia similis reddatur, mutuum contrahitur, ut videtur in leg. 2. §. Mutui datio. ff. si certum petatur. At ille qui mutuo dat cum pacto recipiendi aliquid ultra sortem principalem, usuram committit, ut constat ex Can. Si fœneraveris. 14. q. 3.

Lege Si fueris. ff. pro socio. §. Aristot.

Secunda conditio quæ requiritur ut Societas

licita, est ut ille qui animalia in Societatem recipit, se in tali administratione fideliter convertaturum promittat, nec animalia mutaturum, sed debito modo eorum conservationi invigilaturum, & de eorundem animalium fructibus rationem fideliter redditurum.

Tertia conditio est ut servetur æqualitas; id est ut unus non magis gravetur quam alius; & ideo lucrum, expensæ, jacturæ, damna jussu inter socios dividantur; ita ut qui animalia custodienda recipit, lucri partem habeat laboribus, curis, industriæ, & expensis in hujusmodi custodia faciendis convenientem; & pariter alius qui animalia in Societatem contulit, quorum jacturam sustinet, justam etiam lucri partem consequatur.

Quest. 2. Quidnam ex supradictis concludendum est?

Resp. Concludendum est primò quod si emanant animalia à rustico, quæ deinde eidem in Societatem dabuntur, justo pretio emenda sunt, aliàs enim injustitia committitur, cum juxta doctrinam sancti Thomæ, *Si vel pretium excedat quantitatem valoris rei, vel è converso res excedat pretium, tolletur justitia æqualitas; & ideo carius vendere, vel vilius emere rem quàm valeat, est secundum se injustum & illicitum.*

Secundò concludendum est quod contractus Societatis animalium, in quo qui animalia confert, nullum periculum sustinet, eo quod pacto convenit ut rusticus finito tempore præsentis Societatis, seu potius appaltus, ei restituat eundem animalium numerum juxta æstimationem factam, injustus est & illicitus si speretur aliquod lucrum ultra sortem principalem; tunc enim verus est contractus mutui, in quo usuram sine dubio committit qui ali-

3. Th. 2. 1.

q. 77. art. 1.

in corp.

quid ultra sortem principalem spectat, ut videre est in Can. *Plerique*. 14. q. 3. quia, ut supra dictum fuit, ad hoc ut sit vera Societas, requiritur, ut socii in lucro & in damno participant; & talis contractus in Concilio Mediolanensi damnatus fuit his verbis: *Si autem animalia dentur æstimata, ita ut fors danti salva sit, nihil omnino percipi possit.*

Concil. Mediol. 1.

Quæst. 3. Ille qui multas possidet pascuales terras potest-ne inquilino animalia æstimata dare cum hac conditione, ut talis inquilinus teneatur post certum tempus illa animalia juxta priorem æstimationem restituere, & interim uno quoque anno aut mense certam quantitatem lactis, casei, butiri, aut lanæ solvere?

Resp. Certum est quod juxta principia in hac materia stabilita quæ super decisionibus summorum Pontificum, & Conciliorum fundata sunt, si id quod percipietur quovis anno vel mense ab illo qui talia animalia dedit, superat justum pascuorum pretium (quod semper in praxi accidit) ibi reperitur usura manifesta; constat enim ex iis quæ superius dicta sunt, quod dum æstimata dantur animalia, nihil ex illorum fructibus recipi potest.

Quæst. 4. Debet-ne usurarius censeri qui fundum inquilino colendum tradit, ita ut teneatur ex illius fructibus quingentos aureos annuatim sibi solvere, eo quod fundo adjuncta sunt animalia secundum æstimationem data quæ talem fundum melioris conditionis reddunt, qui fundus sine animalibus quadringentos aureos tantum annuatim Domino redderet?

Resp. Haud dubiè in tali contractu usura reperitur, cum Dominus intendat aliquid ratione animalium recipere, quæ mutuo tantum data sunt ut supra probatum est.

Quæst. 5. Quandoquidem potest inquilino

tradi fundus ad certum tempus cum pacto quod annuatim certum illius intuitu lucrum solvet, quare non eodem modo poterit percipi lucrum certum ex animalibus quæ fundo adjunguntur, cum animalia perinde ac fundus ex natura sua fructifera sint?

Resp. Dicendum est primò magnam reperiri diversitatem inter traditionem fundi inquilino factam & traditionem animalium; in traditione etenim fundi non transfertur dominium, quod tamen est de essentia mutui, & inquilinus tenetur semper, finito termino constituto, eundem fundum Domino restituere. At in traditione animalium æstimatorum, transfertur dominium in accipientem, qui non tenetur ad restituenda eadem animalia, sed tantum similia & ejusdem qualitatis & quantitatis: & hæc duæ conditiones constituunt essentiam mutui ex quo nullum lucrum sperare licet sine usura.

Dicendum secundò sufficere debere quod Christianus sciat, id esse legibus Ecclesiæ prohibitum, ut statim concludat faciendum nullo modo esse.

Quæst. 6. Nonne dici posset, Dominum animalia inquilino locasse, & ita licitè posse aliquid ultra sortem principalem exigere, sicut aliquid exigi potest pro locatione equi & similia?

Resp. Respondeo locari animalia, ut alicui usui inserviant, ut equi ad itinerandum aut arandum terram & similia; non verò ut ex eis fructus proveniat: talis enim fructus juxta Canones, locari nullo modo potest. Adde quod dum locatur equus, debet idem equus restitui finita locatione, quod est contra naturam mutui, ut videtur in leg. *Mutuum. ff. si certum petatur.* Præterea res quæ locantur, usu ut plurimum minuuntur & deteruntur;

CAP. XIII. *De Societ. animal.* 273

animalia autem quæ æstimata dantur, nullo modo minui possunt aut deteri in præjudicium dantis, cum recipiens teneatur semper animalia ejusdem æstimationis & valoris restituere.

Quæst. 7. Quomodo se gerere debet Dominus, dum boves aut vaccas, fundi sui melioris efficiendi causâ, tradit subministrando pascua ad eos alendos necessaria?

Resp. Necesse est ut Dominus periculum fortis principalis in se recipiat, ita ut si aliquod animal sine culpâ recipientis moritur, Domino pereat: & ita licitum erit mediam partem fructuum ex animalibus provenientium consequi; quia in hoc casu erit vera & legitima Societas in qua tres supradictæ conditiones reperiuntur. Et hæc est doctrina S. Thomæ, licet enim de pecunia loquatur idem tamen dicendum sine dubio est de animalibus propter omnimodam paritatem rationis: Ille, inquit, *D. Th. 2. 2. q. 78. art. 2. ad 5.* qui committit pecuniam suam vel mercatori, vel artifici per modum Societatis cujusdam, non transfert dominium pecunie suæ in illum, sed remanet ejus; ita quod cum periculo ipsius mercator de ea negociatur, vel artifex operatur: & ideo sic licitè potest partem lucri inde provenientis expectare tanquam de re sua.

Quæst. 8. Nonne excusari potest contractus in quo animalia æstimata in Societatem traduntur, ut pecora rustico, eo pacto ut reddere teneatur, finitâ Societate, eundem pecorum numerum ejusdem æstimationis & valoris, modò tradens rationabiliter rustico compenset periculum animalium quod in se recipit rusticus, dum se obligat ad restituendum eundem animalium numerum aut eorum æstimationem? Nonne videtur quod cum periculum quod sustinet rusticus aliquo pretio æstimari

possit, ille qui animalia tradit, iniquè cum eo non agit si justam æstimationem talis periculi computet & compenset, relinquendo rustico majorem fructuum ex animalibus provenientium partem, quam aliàs consequeretur.

Resp. Certum est, quod ille qui animalia tradit, non potest ita pacisci, ut nullum sortis principalis periculum sustineat, etiamsi, ob eam causam minorem fructum ex animalibus consequatur; quia tale pactum efficit ut contractus societatis mutetur in verum mutuum, vi cujus nihil sine usura percipi potest; quia tunc dominium rei traditæ translatum censetur in accipientem, qui etiam tenetur restituere animalia ejusdem valoris: & ita adsunt conditiones necessariae ad constituendum mutuum, quæ Societatem prorinus tollunt & destruunt, ut habetur in supra citata leg. *Si non fuerint.* §. *Aristo. ff. pro socio.* Et ut constet ex supra dicta doctrina S. Thomæ. 2. 2. q. 78. art. 2. ad 5. in Societate lucrum ad eum pertinere debet qui periculum sustinet: & ita cum in casu proposito, omne periculum spectet ad eum qui animalia recipit, debet consequenter omne lucrum ex eis proveniens, consequi: ita ut si ille qui animalia æstimata dedit, velit aliquid ultra sortem principalem percipere, injustitiam manifestam committat, ex eo quod vult lucrum percipere, quod ad eum non pertinet, quia nullum periculum sustinet; quod fusiùs explicabitur cap. sequenti, in quo de trium contractuum injustitia differetur.

Quæst. 9. Quonam modo licitè fieri possunt contractus & societates circa animalia?

Resp. Potest v. g. tradi pecorum; aut aliorum animalium grex ad sex annos, ita ut per totum hoc tempus, æqualiter dividantur, inter dantem & accipientem, fructus qui ex tali

CAP. XIV. De Contr. soc. pec. 275

grege proveniunt, & finito contractus tempore, dividatur etiam grex eo modo quo fuerit expresse conventum.

Potest etiam ita fieri, ut unusquisque mediam animalium partem in Societatem conferat sicut & expensarum, quæ ad alenda & custodienda animalia requiruntur: & deinde animalia, & eorum fructus æqualiter dividantur: Vel etiam potest unus è sociis pascua subministrare & alter expensas custodiæ, & sic de cæteris.

C A P U T XIV.

De Contractu Societatis pecuniaria, & utrum possit, asscuratâ sorte principali, aliqua spes lucri remanere per viam trium Contractuum.

Quæst. 1. **P**ECCATNE, qui mediante Societatis contractu pecuniam mercatori, negotiationis causâ tradit?

Resp. In hoc nihil mali est, modo adsint conditiones requisitæ, quarum præcipua est, ut adsit communicatio & communio quædam jacturæ & lucri, inter recipientem & dantem; quia talis communicatio est de essentia Societatis.

Quæst. 2. Nonne posset in Societate, asscuratio sortis principalis, & alicujus lucri per viam triplicis contractus fieri?

Risp. Ut difficultati propositæ dilucidè respondeatur, sciendum est primò, quid per tres contractus intelligatur, quod ut breviter exponatur.

Sciendum est, primum contractum vocatâ Societatis contractum, per quem unus ex so-

ciis pecuniam confert, & alter industriam, ea conditione ut æqualis sit uniuscujusque jactura & lucrum.

Secundus contractus vocatur affecuratio sortis principalis, dum scilicet ille qui solam industriam in Societatem contulit, securum facit de sorte principali eum qui pecuniam contulit, eâ conditione, ut ad compensandum periculum quod subit, retineat aliquam partem lucri, quod ei qui pecuniam contulit competeret. In tertio contractu fit emptio minoris lucri certi, pro majore lucro incerto; dum ille cui data est securitas sortis suæ principalis, ut omnem suspensionem amoveat, & vitet laborem necessarium in rationum redditione focii examinanda, illum rogat ut securum eum de aliquo lucro certo faciat, paratus aliquam partem lucri sibi probabiliter in societate obventuri cedere: exempli gratiâ, Joannes contractum Societatis cum mercatore init, ea conditione ut dictus Joannes pecuniam, mercator verò industriam in Societatem conferant, & æqualiter in lucro & in damno participent. Joannes timens pecuniæ traditæ jacturam, mercatori proponit, ut sibi Joanni securitatem faciat de sorte principali, mediante aliqua parte lucri sibi convenientis, quæ illi mercatori relinquatur. Et ita si probabile esset, quod in hac societate lucrum ascenderet usque ad quindecim nummos pro quolibet centenario, mercatori tertia hujus probabilis lucri pars ceditur, ad compensandum periculum, quod pro Joanne subit. In tertio autem contractu, Joannes vendit lucrum incertum, quod probabiliter ascenderet usque ad decem pro quolibet centenario; pro lucro certo, quinque pro centenario: & ita inito isto ultimo contractu, remanet obligatus mercator, ad affe-

CAP. XIV. De Contr. soc. pec. 277

curationem sortis principalis Joannis, cum interesse annuo quinque pro quolibet centenario.

Hoc posito constat ex his quæ capite præcedenti dicta sunt, non licere in societate, assecurare sortem principalem, aut interesse per tres hujusmodi contractus; quia secundus & tertius contractus destruunt essentialia societatis, videlicet participationem in lucro & in damno, quæ cum his tribus contractibus subsistere nullo modo potest; quia per illos id efficitur, ut unus è sociis habeat lucrum certum non obstante alterius socii damno, & ita nulla sit participatio in lucro & in damno.

Secundò injustitia triplicis hujusmodi contractus damnata fuit in Constitutione Sixti V. quæ adeo clara est, ut Azorius part. 3. lib. 9. cap. 4. quæst. 7. dixerit, eos Doctores qui pro tribus contractibus steterunt, ante Sixti V. Constitutionem scripsisse. *Damnatus*, inquit, summus Pontifex, & *reprobamus omnes & quoscumque contractus, conventiones, & pactiones posthac ineundos seu ineundas, per quos seu quas cavebitur personis pecunias, animalia, aut quaslibet alias res societatis nomine tradentibus, ut etiam si fortuito casu quamlibet jacturam, damnum aut amissionem sequi contingat, fors ipsa seu capitale semper salvum sit, & integrum à socio recipiente restituatur, sive ut de certa quantitate vel summa in singulos annos aut menses, durante societate, respondeatur: Statuimusque hujusmodi contractus, conventiones & pactiones, usurarios & illicitos posthac censeri debere. Ac ne de cætero societates ineantur sub hujusmodi pactis & conditionibus, quæ usurariam pravitatem sapiunt, districtè interdiciamus & prohibemus. Deinde hujusmodi societatum autores damnat, usurarios esse declarat, & poenis*

Sixtus V in B. 45. quæ incipit, *Detestabilis*;

Canonicis præcipit coerceri. Constat igitur ex hac Bulla, non posse per viam secundæ contractus assecurari sortem principalem, cum in ea damnentur contractus per quos id efficitur, ut assecuretur sors principalis illis qui pecuniam aut animalia aliis, sub prætextu faciendæ societatis, tradiderunt.

Quæst. 3. Nonne huic quæstioni responderi potest, in ea non daminari assecurationem capitalis vel fortis principalis & interesse, tanquam juri naturali & divino contrariam, sed ut de usura suspectam, & ita contrariam soli juri Ecclesiastico quod talem assecurationem damnat, præcipue dum cum pauperibus sit hujusmodi contractus: & ita talem constitutionem obligare solummodò in illis regionibus in quibus publicata & usu recepta fuit?

Sixtus V. in
Bulla 45.

Resp. Constat ex Bullæ verbis & rationibus, quibus ad illam publicandam motus fuit summus Pontifex illam assecurationem non solum Juri Ecclesiastico sed etiam divino & naturali contrariam esse: *Inreperit enim*, inquit Pontifex, *versutè & callidè antiquus humani generis hostis per varios dolos & fallacias, & incantatos homines quastus dulcedine captos & delinitos opprimit, atque eò perducit, ut se ipsos in usurarum voraginem Deo hominibusque odiosam, sacris Canonibus damnatam, & Christiana charitati contrariam, sædè immergant; & dum vanas & terrenas divitias quarunt, veras ac celestes amittunt, sicut nuper cum magno dolore audivimus hoc malum in quasdam provinceias pervasisse. Nam multi speciosum & honestum societatis nomen suis scæneratitiis contractibus prætexendo, &c.* Hæc Bulla integra reperitur infrà, Tomo secundo in fine.

Quæst. 4. Nonne pariter responderi potest,

CAP. XIV. De Contr. soc. pec. 279

Pontificem tantum intendere contractum societatis damnare, in quo unus est socius securitatem habet de sorte principali & interesse, in vim solius contractus societatis: non autem voluisse condemnare societatem in qua affecuratio sortis principalis per secundum contractum habetur, in quo compensatur periculum quod in se recipit mercator, quodque aliquo justo pretio appretiari potest?

Resp. Certum est quod Pontifex non dicit se damnare affecurationem sortis principalis aut interesse certi, dum sit ex vi contractus societatis, sed absolute damnat omnem contractum in quo datur securitas sortis principalis cum aliquo interesse; quia talis affecuratio sortis principalis cum determinatione interesse & lucri usuraria est. Ex quo sequitur omnes & quoscunque contractus in quibus aderunt hæ duæ conditiones (affecuratio scilicet sortis principalis & determinatio alicujus lucri certi) usurarios esse & in hac Bulla damnatos; nisi tamen perciperetur aliquod interesse ex pecunia propter verum lucrum cessans aut damnum emergens, prout explicatum fuit cap. 4.

Præterea prævidens idem summus Pontifex, quod varii hujusce constitutionis eludendæ modi, cupiditate impellente, reperiri poterant, ut prætextu licitæ societatis usura impune exerceretur, necessarias societatis condiciones præscripsit his verbis: *Sed potius cuncti noverint societates ita ineundas seu contrahendas esse, ut non ad certam summam aut quantitatem ab omni periculo & damno, ut præfertur immunem, lucri nomine persolvendam, neque ad capitale, si casu fortuito perit, restituendum, socius accipiens teneatur.* Definienti usurarias esse omnes illas societates in quibus illæ conditiones non adessent. At constat illas con-

Bulla Sixti

V.

Vide Tomo.

2. in fine,

ditiones non reperiri in societate quæ cum triplici contractu celebratur, cum è contra in illa adsint conditiones diversæ & oppositæ quas Pontifex excludit & damnat. Dicendum est igitur huiusmodi tres contractus in illa constitutione injustos & usurarios declarari.

Quest. 5. Quo modo dici potest pactum, quod quis non teneatur participare in sortis principalis damno, esse contra societatis naturam; cum Ulpianus dicat in leg. *Si non fuerint. ff. pro socio.* Fieri posse societatem ita ut unus è sociis de damno non teneatur, & tamen de lucro participet?

Resp. Constat quod non solum concludi non potest ex verbis leg. *Si non fuerint.* Licere pacisci de asssecuratione sortis principalis in societate. Sed è contra eadem lex expressis verbis tale pactum excludit, dum decernit illud fieri non posse, nisi cum unius è sociis industria est æquè æstimabilis, ac damnum pecuniæ. Ita, inquit lex, *conveniri societatem posse, ut nullam partem damni alter sentiat, lucrum verò commune sit; quod ita demum valebit si tanti sit opera, quanti damnum est; plerumque enim tanta est industria socii ut plus societati conferat quàm pecunia.* Ratio igitur cur in hoc casu licita sit talis societas, ea est, quia si is qui in societate industriam confert quæ est ejusdem pretii ac pecunia, subiret aliquod periculum pecuniæ, haberet in societate plus periculi quàm lucri; sustineret enim ex una parte periculum industriæ suæ quæ est æquè æstimabilis ac ipsa pecunia & ex alia periculum alicujus partis pecuniæ; quod esset contra æqualitatem quæ inter socios observari semper debet; tunc enim mercator ex quatuor partibus periculi: tres sustineret, & tamen haberet tantum mediam lucri partem.

L. Si non fuerint. ff. pro socio.

CAP. XIV. *De Contr. soc. pec.* 281

Ex quo sequitur legem decernere, ut lucrum quod in societate percipitur sit proportionatum & conveniens periculo quod sustinetur; & ita quod ille qui nullum periculum subire vult, nullum etiam lucrum percipere possit.

Quaest. 6 Si dum industria est æque æstimabilis ac ipsa pecunia in societate collata, licet percipere partem lucri etiam si de damno quis non teneatur: Nonne etiam dici potest quod in societate in qua industria parum æstimabilis est, & in qua nullum ferè reperitur periculum, ille qui pecuniam confert, potest mediam lucri partem percipere, licet de nullo damno teneatur?

Resp. Ut dilucidè cognoscatur, quod ille qui pecuniam in societatem confert, nullum unquam lucrum percipere potest, dum nullum vult subire periculum, nec de ullo damno teneri: Supponendum est pecuniam ex natura sua sterilem esse, nullumque fructum dare posse, nisi mediante illius industria quia ea utitur. Et ita ex duobus solis capitibus, lucrum aliquod ex societate percipi potest, vel quia in ea apponitur appretiabilis industria, vel quia adest amittendæ pecuniæ periculum: & ille qui nullam industriam in societate apponit, potest solummodo lucrum percipere, ex eo quod pecuniam suam periculo commercii exponit, quod certè periculum pecuniæ appretiabile est: Et hæc est ratio sancti Thomæ his verbis expressa: *Ille qui committit pecuniam*

suam, vel mercatori vel artifice, per modum societatis cujusdam, non transfert dominium pecunia sua in illum, sed remanet ejus: ita quod cum periculo ipsius, mercator de ea negociatur, vel artifex operatur: Et ideo sic licitè potest partem lucri inde provenientis expetere tanquam de re sua. Et consequenter ille qui

D. Th. 2. 2.]
q. 78. art. 2.
ad 5.

in societatem nullam industriam apponit, nec ullum periculum pecuniæ sustinet, nihil ex ea societate percipere licitè potest; quia rationes, propter quas aliquid percipi potest, tunc temporis non adsunt. Et ita videtur quod hæc est differentia inter illum qui partem lucri in societate percipit, quia industriam confert, licet nullum periculum pecuniæ subeat: & illum qui pecuniam solummodo conferens, vult aliquod lucrum habere sine ullo damni periculo; nam in primo casu ratio, propter quam lucrum percipi licitè potest, scilicet quia apponitur industria cujus periculum in commercio sustinetur, remanet intacta. In secundo vero casu nulla adest ratio, cum nec industria, nec pecuniæ periculum adsit.

Quæst. 7. Nomen dici posset, quod cum periculum pecuniæ respectu illius qui illam tantum in societatem confert, requiratur solummodo ut adsit æqualitas, quæ inter socios servari semper debet; illud periculum necessario subeundum non est, dum is qui illud subire renuit, dat aliquam partem lucri, quod probabiliter sibi in societate obveniret; ad compensandum periculum, quod socius sustinet: & ita æqualitas in societate observatur, cum lucrum, quo se in favorem socii primus spoliatur, æquè æstimabile sit, ac periculum quod secundus in se recipit?

Resp. Dum ille qui pecuniam solummodo in societatem confert, periculum sustinere non vult, æqualitas inter socios nullo modo observari potest, si aliquod lucrum ex societate idem recipiat: neque dici potest, socium sufficientem compensationem pro periculo recipere, dum ei remittitur aliqua pars lucri, quod probabiliter in societate habebitur: & ratio est, quia ut dictum est præcedenti N. juxta

farctum Thomam, tota ratio propter quam ille, qui pecuniam in societate solummodo confert, potest aliquam partem lucri recipere, est quia pecuniam suam periculo negociationis exponit: & ita dum totum illius periculum in socium rejicit, ad hoc ut æqualitas servaretur, necesse esset, ut idem socius omne societatis lucrum perciperet, cum in hoc casu id omne conferat, ex quo lucrum justè provenire potest. Sicut igitur æqualitas non servaretur in societate, si Joannes qui mediam partem lucri percipere debet, eo quod industriam æquivalentem pecuniæ in societatem confert, ita conveniret cum Petro, qui pecuniam confert, ut eidem Petro aliquam partem lucri cederet, cum ea conditione, ut Petrus conferret & pecuniam & industriam; quia cum in eo casu tota ratio lucrandi in societate spectet ad Petrum, æquum est ut totum omnino lucrum percipiat: ita pariter concludendum est æqualitatem inter socios observari nullo modo posse, dum ille qui pecuniam in societate solummodo contulit non vult illius amittendæ periculum sustinere, & tamen aliquam partem lucri socialis percipit; licet illud periculum necessariò subeundum sit, ut adsit aliquod jus participandi in lucro, nam sola pecunia sine periculo sterilis est ex natura sua, & ita corruit omne lucrandi fundamentum.

Quæst. 8. Quo pacto responderi potest objectioni sumptæ ex Decretali Innocentii III. in cap. *per vestras. De donationibus inter virum & uxorem*: In qua vult Pontifex, ut maritus qui non est solvendo, fidejussorem inveniat, & cautionem det de reddenda dote, aut certè illam alicui mercatori tradat, ut ex honesto lucro, quod ex ea percipiet, onera matrimonio sustinere possit. Ibi intendit Pontifex, quod

284 Tract. IV. De Mutuo & usura.

dos sit in securo, cum illius securitatis habenda causâ, decernat ut in manibus mariti non remaneat: & tamen in hoc casu potest maritus honestum ex ea lucrum percipere, ad sustinenda onera matrimonii. Itaque concludi posse videtur, posse lucrum ex pecunia percipi, licet asscuretur fors principalis?

Resp. Ut huic difficultati breviter & dilucidè respondeatur, dicendum est non intendisse summum Pontificem, quod dos mercatori tradita esset immunis à periculis, & fortuitis eventibus, qui in societate accidere possunt; sed tantum quod liberaretur ab evidenti periculo in quo reperiebatur apud pauperem matitum, qui fidejussorem dare non poterat: & ideo præcipit ut dos mercatori tradatur, ut possit matitus ex honesto lucto, quod ex ea proveniet, onera matrimonii sustinere. Intendit autem ut dos sit apud mercatorem, eodem planè modo quo esset apud matitum divitem, cum ratio propter quam marito ordinatum fuit, ut dotem apud mercatorem collocaret, fundetur in sola matiti paupertate: & quemadmodum licet dos esset apud matitum divitem, à casibus fortuitis non esset immunis: sequitur quod etiam à talibus casibus fortuitis immunis esse non debet apud mercatorem. Quod clarè patet ex Glossa, quæ exponens illa Decretalis verba *Honesti lucri*: *Non enim*, inquit, *teneretur maritus facnerari dotem, & de usuris alere uxorem; sed CONVERTAT EAM IN SOCIETATEM HONESTAM, vel aliquod commercium, ut ex lucro honesto eam alat*: At evidens est, ex his quæ superius dicta sunt, societatem honestam non esse, nisi adsit communicatio & participatio in lucro & in damno, quæ tamen participatio post securitatem factam de sorte principali, omninò corrui.

Glossa in cap.
Per vestras de
donat. inter
virum & uxorem.

CAP. XIV. *De Contr. soc. pec.* 285

Quæst. 9. Quare in societate non poterit fieri pactum , ut sortis principalis periculum ad mercatorem spectet , etiam si ad eum non transferatur pecuniæ proprietates & dominium, sicut fieri potest pactum in contractibus depositi , commodati & locationis , ut periculum rei depositæ , commodatæ , aut locatæ , non spectet ad Dominum rei , sed ad depositarium , commodatarium , aut conductorem , licet in his contractibus dominium non transferatur. Potest Petrus , exempli gratiâ , equum suum Paulo cum hoc pacto locare ut si moriatur equus etiam casu aliquo fortuito , & absque ulla Pauli culpa , teneatur tamen Paulus conductor , equi pretium Petro solvere , licet , ut dixi , Paulus equi Dominus non sit. Igitur videtur quod eodem planè modo , potest Joannes pecuniam mercatori in societate tradere , ita ut mercator sustineat pecuniæ periculum , licet illius dominium ad eum translatum non sit; modò tale periculum compensetur assignando mercatori majorem lucri faciendi partem ?

Resp. Magna reperitur diversitas inter pactum assecurationis sortis principalis appositum in contractu societatis , & idem pactum appositum in deposito , commodato aut locatione; quia tale pactum non est contrarium essentiae horum trium ultimorum contractuum , sicut est contrarium essentiae societatis. Nam etiam si connaturale , & conveniens sit , ut rei depositæ , commodatæ , aut locatæ periculum respiciat eum qui deponit , commodat , aut locat ; attamen illud requisitum non est nec essentialiale naturæ illorum contractuum , cum depositi essentia so'ùm consistat in custodia rei alienæ ; essentia commodati , in concessione gratuitâ usus alicujus rei , servatâ illius substantia : essentia deinùm locationis in concessio-

re alicujus rei usus, justo pretio facta: sed è contra pactum assecurationis sortis principalis in contractu societatis appositum, illius essentiam destruit, quæ consistit in participatione & communicatione in lucro & in damno, quæ pacto assecurationis tollitur, dum eo mediante, unus è sociis lucrum habet certum, etiam si alter confocius damnum quodlibet patiarur. Et ita sicut in contractu depositi, non posset apponi pactum, ut ille qui rem depositam recipit, illam servare non teneatur: nec in contractu locationis, ut conductor re conducta nullo modo utatur, quia tales conditiones sunt contra illorum contractuum essentiam: non potest pariter in contractu societatis fieri pactum, ut assecuretur sors principalis in favorem unius ex sociis; quia tale pactum tollit & destruit communicationem quæ inter socios esse debet, & essentiam societatis constituit.

Id autem optimè à S. Antonino exponitur D. Ant. 2. p. his verbis: *Quæritur an dans pecuniam mercatori ad mercandum, vel artifici ad materias emendum, ut ex eis artificata faciat, cum pacto, vel etiam sine pacto, sed cum hac intentione principali, quod capitale sit saluum, & partem lucri habeat: nunquid talis est usurarius? Sciendum est quod Glossa in Can. PLERIQUE. 14. q. 3. tenet quod talis contractus non sit licitus, ex quo periculum spectat ad recipientem: sed si periculum capitalis spectaret ad utrumque, tunc cum societas contrahatur per talia verba, tunc bene est licitus. Et paulò post sic habet. In aliis contractibus valet pactum appositum præter naturam contractus, ut damnum spectet ad recipientem: ut in commodato & similibus, contrarium tamen dicendum in societate; quia*

D. Ant. 2. p.
tit. 1. cap. 7.
S. 17.

ialis non est vera societas, cum sit contra ejus naturam: societas enim est quedam fraternitas. ff. PRO SOCIO L. VERUM. Unde sequitur, quod tale pactum non sit præter, sed contra naturam contractus: unde non valet.

Quæst. 10. Nonne dici posset, affecurationem sortis principalis in societate factam, rei traditæ dominium non transferre, sicut illud in deposito, commodato aut locatione non transfert; & ita societatem non posse transire in mutuum, in quo semper dominium transfer-
tur?

Resp. Certum est, id rationabiliter dici nequaquam posse: & in hoc differunt hi tres ultimi contractus à societate, quod in illis affecuratio sortis principalis non efficit, ut depositarius, commodatarius, aut conductor, possit de re depositâ, commodata, aut locatâ liberè & absolutè disponere, quod tamen ad dominium requiritur: At verò in contractu societatis, affecuratio sortis principalis, efficit, ut mercator possit de pecunia à socio sibi in societatem tradita, liberè & absolutè disponere, cum illius qui pecuniam tradidit non intersit, eò quod mercator non teneatur eandem pecuniam finitâ societate reddere, sed tantum illius valorem.

Quæst. 11. Nunquid objici posset, quod in contractu societatis in quo vult quis habere affecurationem sortis principalis, medio secundi contractus, potest etiam apponi pactum, ut mercator pecunia, modo tantum præscripto uti possit: & ita de ea liberè, & absolutè disponere non poterit, sicque non erit illius dominus?

Resp. Illud pactum iniquum omnino esset; quia dum quis mercatori pecuniæ suæ usum concessit, in eum etiam transtulit dominium,

& proprietatem, quæ à pecuniæ usu non distinguitur: & contra æqualitatem facit, qui alium prohibet à libero usu rei quæ ad illum pertinet.

Quæst. 12. Potest-ne aliqua alia autoritate probari injustitia societatis, quæ cum triplici hujusmodi contractu conjuncta est?

Resp. Id quod de tali triplicis contractus injustitia diximus, aliis multis autoritatibus confirmari potest, quarum prima sumitur ex Glossa in cap. Plerique. 14. q. 3. Glossa quæ sic loquitur: *Videtur quod si quis pecuniam dedit negociatori ut inde emat merces, & det sibi partem lucri, quod illud sit licitum. Quod non concedo si periculum spectet ad recipientem, ut sit inter eos contractus mutui: sed si per illa verba societatem contrahant, & tunc periculum spectat ad utrumque; tunc bene licitum est quod unus socius det pecuniam & alter suppleat laborem qui deest in pecunia, ut ff. PRO SOCIO, leg. 5. Et ita cum constet quod hujusmodi tres contractus impediunt communicationem periculi inter socios, inferendum est societatem illis tribus contractibus connexam prohibitam esse, neque posse dici fieri compensationem periculi quod rejicit unus ex sociis; cum juxta Glossam, dum ille qui pecuniam in societatem confert, vult esse de sorte principali securus, societas in contractum mutui mutatur, ex quo nihil sperare licet juxta Evangelium & Can. Si fueris. 14. q. 3. Secunda autoritas contra triplicem contractum, habetur in Decisione Rotæ Romanæ his verbis: *Quod aliquis lucretur aequales fructus, & non subeat periculum amissionis capitalis sicut socius: illud genus societatis, ut scilicet capitale sit solvendum, est omni jure improbatum.* At illud fit in triplici contractu, nam affecuratur sors principalis,*

CAP. XIV. De Contr. soc. pec. 289

palis, & exigitur pars lucri, unde his Decisionis verbis damnari tres contractus concludere possumus. Addi potest Bulla beati Pii V. in qua sic decernitur: *Conventiones directe aut indirecte obligantes ad casus fortuitos eum qui alias ex natura contractus non tenetur, nullo modo valere volumus.* Sed in tribus contractibus mercator tenetur sustinere periculum casus fortuiti qui pecuniæ accidere potest, ad quod periculum ex natura contractus societatis obligari non deberet: & ita dici potest, tres contractus in hac Bulla reperiri quodammodo damnatos.

Pius V. in Bulla 79.

Præterea duo celebres collectores & interpretes sacrorum Canonum, qui sæculo duodecimo docta commentaria in primum Concilium generale Nicænum ediderunt, illam palliatam usuram quæ in tribus contractibus latet reprobaverunt. Primus, Zonaras nemine, explicans illum Concilii Canonem in quo Clericis prohibita fuerat usura: *His igitur, ut abstineant Decreto Clericis edito* inquit, *ut abstineant Decreto Clericis edito* pœnam quoque in eos qui non obtemperaverint, synodus constituit. Nam si quem, inquit, postea quæ nunc statuimus usuras ex tractatione, hoc est quasi instar negotiatoris fœnerationem sibi tractandam susceperit, aut aliâ quæcumque ratione exigere compertum fuerit (fœneratorii enim nominis infamiam aliqui declinantes pecuniam ita dant mutuam, ut sibi lucri partem ex eâ paciscantur, nec se fœneratores, sed socios dicunt, ac emolumentum tantummodo participes, nullum interea jactura periculum subeunt) hac hujusmodi omnia Canon vetat, eaque qui exercent, aut aliud quidpiam turpis lucelli gratiâ excogitaverint, depositione mulctari jubet. Videmus igitur trium contractuum subtile commentum

Joan. Zonaras. Can. 17. Concil. Nicæni. 1.

novum non esse, sicut nec alias similes usurae palliationes; sed videmus etiam tale commentum jam olim reprobatum esse, ut pariter apparet in commentario Theodori Balsamonis Patriarchae Antiocheni in eundem Concilii Ni-

Theod. Bal-
samon. Pa-
triarcha An-
tioch. in Can.
17. Concilii
Nicæni.

cæni Canonem: *Quidam sacerdotes*, inquit, *Canonem intelligentes & ipsum circumscribentes eique fraudem facientes, verba quidem servant, mentem autem negligunt: dant enim nonnullis pecuniam & tantam ex lucro partem se capturos paciscuntur, periculum autem agnituros qui eam accipiunt; & cum sint revera fœneratores, verbo tamen societatem prætexus: hoc ergo Canon aversatur, & eos qui hujusmodi quid faciunt deponit.*

Sed evidenter constat, illos qui tribus contractibus utuntur, eadem agere quæ ab his auctoribus in Concilio Nicæno damnata esse dicuntur; igitur juxta illos tres contractus usurarii sunt.

Quæst. 13. Qui contractum societatis cum mercatore iniit, nonne per secundum contractum potest securitatem pecuniæ suæ seu sortis principalis habere ab aliquo tertio, solvendo justum pretium periculi quod ille tertius sustinebit: & si id possit fieri cum tertio, quare non etiam cum eodem mercatore cum quo contracta est societas fieri poterit?

Resp. Ille qui contractum societatis cum mercatore iniit, non potest consequi sortis principalis securitatem neque ab eodem mercatore, neque ab alio tertio, quin ad illum transferat jus quod in societate habet; cum, ut constat ex verbis sancti Thomæ supra relatis, omne jus quod habet lucrandi in societate, fundetur super periculo cui pecuniam suam exponit: Adde quod cum societas, cujus essentia consistit in communicatione in lucro & in

CAP. XV. De Usurarior. pœnis. 291

damno, tali affecurationis contractu tollatur & destruat; videtur quod ille qui sortis principalis securitatem habuit, non possit in societate quæ respectu illius non subsistit, amplius lucrari, cum non communicet amplius in damno. Sed posito etiam & non concesso, talem affecurationem ab aliquo tercio iuste obtineri posse, non ideo concludendum esset id cum socio fieri posse, & ita tres contractus licitos esse; quia satis constat tres huiusmodi contractus solius usuræ cooperiendæ & palliandæ causâ fieri; non enim primus contractus fieret nisi adesset securitas alios duos faciendi. Et ita videtur quod dum quis verè vult ex pecunia mutuo data lucrum consequi, quærit modum talis lucri per tres contractus palliandi, ut non usura, sed lucrum licitum esse videatur. In quo quidem sæpè homines falli possunt, sed scrutans corda & renes Deus nunquam fallitur.

C A P U T X V.

De Usurariorum pœnis.

Quæst. 1. **Q**UI habendi sunt tanquam Usurarii publici & manifesti?

Resp. Juxta Glossam Manifesti usurarii dicuntur illi de quibus notorium est de jure, ut quia confessi, vel condemnati, vel de facto, vel quia habent operis evidentiam; qua nulla tergiversatione posset celari, aut quia tenent altare suum paratum, vel etiam si contra eos fiat probatio testium, vel sint certa argumenta cum fama. Can. INFAMES 3. quæst. 7.

Glossa in cap. Usurarum. de usuris in 6. super his verbis, Manifesti.

Quæst. 2. Qualibus pœnis usurarii publici feriuntur?

292 Tract. IV. De Mutuo & usura.

Resp. Sex præcipuæ usurariorum publicorum pœnæ enumerari possunt. Primò namque, juxta Canonem *Infames dicuntur exercentes improbum fœnus, & illicitè exigentes usuras usurarum.* Ideoque usurarii eligi non possunt ad beneficia, illisque quos possident privandi sunt, ex Decretali Alexandri III. in qua Episcopo sic scribit: *Parochianis tuis usuras recipere interdicas; qui si parere contempserint, si Clerici sint, eos ab officio beneficioque suspendas.* Quod habetur etiam in Canone, *Si quis.* 14. q. 4.

Alexander.
III. in C. *Præterea.* de usuris,

Cap. *Quia in omnibus.* de usuris,

Secundò, usurarii manifesti ad communionem Ecclesiæ non admittuntur: *Constituimus quod usurarii manifesti nec ad communionem admittantur Altaris, nec Christianam (si in hoc peccato decesserint) accipiant sepulturam,* ut decernit idem Alexander tertius.

Tertiò, non licet sacerdotibus usurariorum oblationes recipere; id enim illis prohibetur in Canone sub pœna suspensionis ipso facto; ut appareat quantum Ecclesia ab usuræ crimine abhorreat.

Quarò, usurariorum Testamenta invalida & nulla sunt, ut videre est in cap. *Quamquam de usuris* in sexto, ubi decernitur etiam, ne quis audeat esse testis in usurariorum Testamentis, nisi omnia per usurarum acquisita restituant.

Quintò, prohibetur ne quis locet aut commodet domum suam alicui usurario, in Canone *Usurarum de usuris*, in sexto. Id Clericis, sub pœna suspensionis, interdicitur; Laïcis verò sub pœna excommunicationis; Communitatibus denique sub pœna interdicti.

Sextò, tenentur quemadmodum latrones restituere non solum per usuram acquisita, sed etiam interesse partis læsæ, non solum id quod

CAP. XV. *De Usurarior. pœnis.* 293


acceperunt, sed etiam id quod verus Dominus percēpisset, si rem per usuram ablatam habuisset: Et hæc est opinio omnium Theologorum, & præcipuè S. Thomæ dum res per usuram acquisita fructum ex natura sua facit, ut prædium, aut domus & similia. 2. 2. q. 78. art. 5. in corp.

Quæst. 3. Quales pœnas incurrunt Notarii, aut Cancellarii qui contractus fabricant usurarios?

Resp. Multis legibus civilibus aut municipalibus officio privantur, & pœnâ insuper pecuniaria mulctantur. Sed ultra S. Antoninus petit, *Vtrum Notarii teneantur ad restitutionem usurarum de quibus confecerunt instrumenta?* Et statim inquit, *Respondeo cum distinctione; quia si scienter faciunt instrumenta vel chartas, de debito usurarum ac si esset legitimum debitum; puta quia facit instrumentum quod Martinus mutuaverit Petro 100. hinc ad annum restituendos, cum sciat non mutuassee nisi nonaginta: Tunc tenetur in solidum si ipsi usurarii non restituant; & hoc nisi facerent in favorem receptionis mutui: puta quia ille aliter non volebat mutuare & Petrus multum indigebat, nec poterat aliter sibi providere: tunc enim non teneretur notarius: peccaret tamen mortaliter hoc faciens scienter; quia perjurium incurreret faciens instrumentum falsum & in fraudem usurarum; quia communiter solent jurare Notarii quod talia non facient.*

D. Ant. 2. p.
tit. 1. cap. 9.
§. 5.





TRACTATUS QUINTUS
DE CAMBIO,
LOCATIONE,
DOTE, DEPOSITO,
ET PRECARIO.

CAPUT PRIMUM.

De Cambio.

Quæst. 1. QUID est Cambium ?

Resp. Cambium generaliter & lato modo sumptum potest dici Permutatio unius rei cum alia : quæ definitio convenit tam cambio pecuniario de quo infra, quàm cambio cuiuslibet alterius rei. Secundò cambium strictiùs sumptum respicit tantùm pecuniæ cambium : & hoc modo definiri potest ; Permutatio aliqujus certæ speciei pecuniariæ , pro alia ; & in hoc differt à venditionis contractu , in quo pecunia pro aliis rebus datur.

Quæst. 2. Quo pacto dividitur cambium ?

Resp. Dividitur primò in verum & reale cambium, & fictum siccumque, ut dicitur.

Quæst. 3. Quale cambium est reale & verum ?

Resp. Illud est quod verè & propriè cambium vocari debet , in quo scilicet verè & realiter aliqua pecuniæ & monetæ species , pro alia mutatur.

Quæst. 4. Quale est cambium fictum & ficcum?

Resp. Illud quod speciem tantum & apparentem cambii figuram præfert, cum re verà verum mutuum sit: vocaturque cambium ficcum, similitudine sumpta ab arbore sine succo quæ speciem tantum præfert viventis arboris, fructumque producere non valet: eodem placè modo cum illud cambium ficcum verum cambium non sit, sed mutuum, nullum fructum aut lucrum producere licitè potest, ut constat ex Constitutione 118. Beati Pii V. *Damnamus*, inquit, *ea omnia cambia quæ sicca nominantur, & ita consinguntur, ut contrahentes ad certas nundinas seu ad alia loca cambia celebrare simulent; ad quæ loca ii qui pecuniam recipiunt, litteras quidem cambii tradunt, sed non mittuntur, vel ita mittuntur, ut transacto tempore, unde processerant inanes referantur; aut etiam, nullis huiusmodi litteris traditis, pecunia ibi denique cum interesse reposcitur, ubi contractus fuerat celebratus; nam inter dantes & recipientes usque à principio ita convenerant, vel saltem talis intentio erat, neque quisquam est, qui in nundinis, aut locis supradictis huiusmodi litteris receptis, solutionem faciat. Cui malo simile etiam illud est, cum pecunia sive depositi, sive alio modo ficti cambii traduntur, ut postea eodem in loco vel alibi cum lucro restituantur. Hæc Constitutio integra habetur Tomo secundo in fine.*

Bulla 118. Pii V. quæ incipit. In eam pro nostro.

Illud quoque cambium ficcum reprobaturum fuit in primo Concilio Mediolanensi à sancto Carolo congregato: *Ne fiant*, inquit, *cambia cum littera ad destinatum locum verè non mittuntur, & ibi non sit solutio, sed uno & eodem loco pecunia datur & recipitur.*

Conc. Mediol. 1. tit. de usuris,

Quaest. 5. Quo modo dividi potest reale & verum cambium ?

Resp. Dividitur in cambium minutum, cambium per litteras, & cambium ad certum constitutum diem & terminum.

Quaest. 6. Quale est cambium minutum ?

Resp. Est contractus per quem majoris valoris pecunia & moneta pro aliis minoris valoris permutatur, vel è contra : sicut quando aurei pro assibus, vel julii mutantur, aut julii pro aureis, & sic de cæteris.

Quaest. 7. Quale est cambium per litteras factum ?

Resp. Illud est, in quo traditur pecunia in aliquo loco cum pacto ut numeretur & solvatur in alio loco : ut si Petrus Florentiæ centum aureos mercatori tradat, eâ conditione, ut eadem summa Neapoli solvatur : quod fit ut possit haberi talis pecunia Neapoli, majori cum commodo & securitate ; & ideo sumitur littera cambii à præfato mercatore Florentino, qui eodem tempore ad Neapolitanum mercatorem scribit, ut talem summam latori litterarum solvat.

Quaest. 8. Quale est cambium ad certum constitutum diem, & terminum ?

Resp. Illud est quod à mercatoribus plerumque fit, dum pecuniam, sub interesse & lucro duorum cum dimidio, aut trium pro quolibet centenario tradunt : quæ pecunia eis post tres circiter menses reddi debet cum præfato lucro, quod sæpius Parisiis, Lugduni, & alibi fit in praxi.

Quaest. 9. Potest-ne licitè recipi aliquod lucrum ex cambio minuto ?

Resp. Qui aliquod lucrum ex tali cambio percipit, non peccat, modò lucrum moderatum sit & proportionatum labori numerandæ

pecuniæ, & expensis quæ ad sustinendum tale commercium in conductione apothecæ & salario ad id servientibus dando fiunt, ut etiam damno quod sustinet mercator dum se utilitate aut commodo pecuniæ privat: modò etiam id fraudulentè non fiat & ad palliandam usuram. Nam ea de causa, quamvis tale cambium licitum sit, attamen aliquoties potest esse illicitum, quia plus sumitur quàm consuetum sit, aut traditur moneta quæ justì ponderis non est, & ideo recusari potest. Quantum ad lucrum quod ex cambio minuto sumitur, illud majus aut minus juxta locorum consuetudinem esse debet, nisi alia scripta lex adsit.

Quæst. 10. Cambium quod per litteras fit, est-ne licitum?

Resp. Tale cambium illicitum non esse probatur ex Bulla 118. beati Pii V. in qua dicitur, usum litterarum cambii esse legitimum propter publicam necessitatem & utilitatem quæ ex illo provenit: ratio autem propter quam potest recipi aliquid ultra id quod datum est, est quia ille qui dedit, sustinet periculum pecuniæ, quia cum labore & expensis transfertur pecunia in alium locum: & ita dici potest quod lucrum non habetur ex tradita pecunia quæ ex se sterilis est; sed propter periculum & expensas quæ fiunt ad habendos socios correspondentes, domum, servos & alia hujusmodi in simili negotiatione requisita; neque enim justum est ut quis, alienæ utilitatis gratiâ, curas & labores suos frustra ponat in negotio licito, & inde tamen nullum lucrum sperare possit; & hæc ratio assignatur à S. Thoma his verbis: *Dis-* D. Th. opusc.
71. de usuris
cendum quòd ars campforia de se est justa; &
est ratio, quia illud plus quod accipitur à cap. 132
campforibus in tali permutatione moneta, non
accipitur ratione pecunie, qua de se est inven-

dibilis, sed ratione periculi vel interesse, ut subveniatur salariis pensionum domorum, ministrorumque, & laboribus & expensis in arte necessaria & licita, ne frustra ponant operam & sudorem suum in re licita ad utilitatem aliorum.

Quaest. II. Aliquando Campsor seu Bancarius nullum damnum patitur, nullum periculum subit, nullumque laborem apponit in procurando quod pecunia sibi tradita alio in loco solvatur; quia habet & amicos & pecuniam, quam ad se transmitti cupiebat, in eo loco in quo solutio summæ vi litterarum suarum alteri fieri debet. His positis licet-ne campfiori lucrum aliquod exigere?

Resp. Licet omnino, quia ea per accidens in favorem campforis eveniunt, & illa facilitas cum qua procurare potest ut in locis remotis suo nomine valor solvatur pecuniæ sibi traditæ, ex campforis statu & industria provenit, non autem ex natura contractus, aut persona illius qui litteras cambii accipit. Et ita inter illum qui pecuniam mutuò dat cum interesse & lucro alicui mercatori, & alium qui litteras cambii tradit, hæc est differentia; quod qui mutuum dat, injustitiam committit si plus quam dedit exigere velit, eo quod lucrum quod in commercio consequitur mercator cui mutuum datum est, non provenit ex natura pecuniæ mutuatae quæ ex se sterilis est, sed ex industria mercatoris. E contra facilitas quam habet campfor qui litteras cambii tradit, ex statu suo & industria provenit; & ita licet, juxta S. Thomam, non possit vendi & appretiarī in favorem venditoris utilitas quam consequitur emptor ex re empta, dum ab eodem venditore non provenit, sed à statu & qualitate emptoris: *Si aliquis*, inquit Angelicus Doc-

tor, multum juvetur ex re alterius quam accipit, venditor non debet eam super vendere; quia utilitas qua alteri accessit, non est ex vendente sed ex conditione ementis. Attamen potest vendi illa utilitas, dum solummodò ex conditione venditoris provenit, ut constat in casu proposito, cum facilitas quam reperit campfor in litteris cambii dandis, non provenit neque ex natura contractus, secundum quem requiritur ut pecunia ex uno loco in alium transferatur, neque ex conditione seu statu & qualitatibus illius qui litteras cambii sumit; sed tantum ex statu & industria campforis qui etiam aliquoties merces suas modico pretio vendidit in loco in quo debet solvi pecunia, ea de causâ quia putabat se posse aliquam nancisci occasionem, suæ pecuniæ & solutionis recipiendæ etiam cum aliquo lucro, mediantibus cambii litteris quas daturus esset.

Quest. 12. Si cambium illicitum non sit, quare Christus campsores è templo ejecit?

Resp. Dicendum est cum S. Thoma, id egisse Christum, eò quod templum in solis rebus spiritualibus inservire debet, & ita illi qui tale commercium exercebant, agebant contra honorem & reverentiam Sancto loco debitam; Secundo quia templi ministris, id est Ecclesiasticis, non licebat similia commercia frequentare; nam ut dicitur in Canone, *Antequam Ecclesiasticus quis sit, licet ei negotiari; facto jam non licet.* Unde alibi sic habetur: *Negotiatorem Clericum, & ex inope divitem, & ex ignobili gloriosum, quasi quamdam pestem fuge.* Ex quibus verbis facillè cognoscere possumus commercium & negotiationes sæculares ut & accumulandi cupiditatem statui Ecclesiastico valdè contraria & opposita esse.

Quest. 13. Quales requiruntur conditiones

N vj

D. Th. 1. 2.
q 77. art. 1.
in corp.

Can. Fornicat.
rii. distinct.
88.

Can. Negotiatorem. distinct.
88.

ut campsores, seu Bancarii, possint licitè, & tuta conscientia exigere aliquod interesse ex pecunia quâ in litteris cambii solvendis utuntur?

D. Th. 2: 2:
q. 78. art. 1.
ad 7.

Resp. Duæ præcipuè conditiones requiruntur, quæ in supra dicta Bulla 118. beati Pii V. præscribuntur. Prima ut majus lucrum, ob solutionis moram, non exigant; nam, ut jam dictum est, lucrari tantum possunt ratione expensarum, laboris, industriæ, & periculi quod ex translatione pecuniæ provenit, non autem ratione moræ quæ in solutione intercedit; quia ut docet S. Thomas, *Expectatio pretii solvendi, habet rationem mutui; unde quidquid ultra justum pretium pro hujusmodi expectatione exigitur, est quasi pretium mutui, quod pertinet ad rationem usura.* Quia ex mutuo nihil licet sperare, ut habetur in Canone *Si fœneraveris* 14. q. 3.

Secunda conditio requisita est, ut campsor qui accepta pecuniâ litteras cambii tradit, non se obliget ad solvendum interesse pecuniæ quam recepit casu quo campsor qui illis visis solvere debet, non solvat tempore convento. Ratio autem cur Pontifex tale pactum prohibuit dum traduntur cambii litteræ, ea fuit, ne scilicet, sub prætextu litterarum cambii, fœnus & usura impunè exerceantur; posset enim dari pecunia campsoni accipiendo ab eo litteras cambii non solvendas, ut ita campsor remaneret obligatus ad solvendum interesse pecuniæ propter affectatam solutionis moram.

Quæst. 14. Licitum-ne est cambium ad certum constitutum diem & terminum?

Resp. Constans & indubitatum est, lucrum quod recipiunt mercatores ex pecunia, quam eo modo tradunt ut intra certum constitutum diem solvi debeat, ex se illicitum & usurarium

esse; ibi namque adest reale & merum mutuum, & lucrum sumitur tantummodò ob dilationem solutionis, id est ob tempus quod ad solutionem faciendam datur. Nihilominus, quia pecunia ut plurimum tali modo traditur inter solos mercatores, interesse & lucrum quod exigitur excusari potest propter lucrum cessans aut damnum emergens, dum adsunt illæ conditiones [quas supra retuli Tract. 4. de mutuo & usura. cap. 4.] quæ necessariò requiruntur ad hoc ut ex illis duobus titulis, damni emergentis, aut lucri cessantis, possit excusari ille qui in mutuo, plus accipit quàm re verâ dederat: quarum prima est, ut principalis intentio illius qui mutuo dat ea sit, ut profit & auxilium præbeat ei qui mutuum recipit, non autem ut magis aut commodius lucretur in hac negotiatione, quæ ex natura sua injusta est; quia intentio sive explicita sive implicita lucrandi in mutuo, usuraria est; nam, ut ait S. Antoninus, *Campfor committit usuram, si principaliter intendit exercere tale mutuum, quod cambium vocat, non ut serviat, sed ut magis lucretur, quia magis per viam illam lucratur quàm per viam negotiationis, & intentio lucri ex mutuo implicito, vel explicito facit usurarium.*

D Ant. 3. p.
tit. 8. cap. 7.
5. de negoti-
atoribus,

Ob illius conditionis defectum, ut plurimum usuram committunt mercatores, dum cum aliquo interesse mutuam dant pecuniam, sibi intra certum tempus solvendam. Adde quod sæpius ex tali mutuo, nullum pariuntur verum damnum, quod juxta sanctum Thomam, adest solummodò, dum perditur lucrum, quod velut in manibus erat, & fieri valdè probabiliter debebat; aut dum quis patitur aliquam diminutionem bonorum, quæ priùs possidebat: cum v. g. mutuo datur pecunia, quæ ex-

inctioni alicujus census destinata erat, qua extinctione non facta ob tale mutuum, necesse est annuatim censum solvere: Quod numquam ferè inter mercatores accidit, non enim ut plurimum, pecuniam sibi certo tempore solvendam tradunt, nisi cum inutilis sterilisque in cap'a remanet, ob defectum opportuna occasionis; & ita interesse & lucrum quod exigunt, est ferè semper usurarium, cum non possit esse loco justæ compensationis pro lucro amisso, aut damno secuto.

Quaest. 15. Licet-ne mercatori, qui pecuniam hoc modo sibi intra certum tempus & terminum solvendam tradit, lucrum consequi, solummodò, ob cambium monetæ? Ut si v. g. Petrus pecuniâ indigens, Joannem campforem adeat, rogans ut summam quâ opus habet, sibi mutuo det, cum pacto quod eandem summam in alia monetæ specie restituet, quam magis valituram putat eo tempore aut loco, in quo se soluturum promittit: *Quæritur* utrum ea conventio licita sit?

Resp. Huic quæstioni dilucidè respondet S. D. Th. opusc. 73. de usuris, cap. 14. Thomas dicens, quod *Aur mutuans existimat dictam monetam plus valituram in loco aut in tempore quibus est persolvenda; & tunc dicendum quod mutuans committit usuram, quia lucrum sperat ex mutuo; aut mutuans nihil lucri in mutuo intendit, si ve ex tempore, si ve ex loco, sed tantum ob favorem & gratiam proximi hoc mutuatur, & tunc nihil culpabile ex hoc incurrit.*

Quaest. 16. Si quis habens pecuniam cujus pretium valdè brevi minuentum putat, illam idcirco alteri mutuam det, cum ea conditione ut remaneat obligatus ad reddendam eandem summam, perinde ac si monetæ traditæ valor non fuisset imminutus, est-ne usurarius?

Resp. In hoc nulla haud dubiè committitur usura ; quia dicendum est cum S. Thoma, *Quod aliud est vitare damnum, & aliud sperare lucrum: quicumque enim ex mutuo sperat lucrum, peccat usura vitio, sed non qui ex mutuo vitat damnum; nec in hoc damnificatur qui mutuum accipit, quia non ad hoc accipit, ut ipsum usque ad tempus illud conseruet, in quo verisimiliter minus valitura esset, sed ut ipsâ uteretur pro tempore illo pro quo valorem reservaret, quem habebat cum eam in mutuo acceperat.*

Quaest. 17. Peccat-ne qui pecuniam cum pacto dandi aliquod lucrum à mercatore recipit ?

Resp. Glossa in Canone *Debitor* docet, quod *solvere usuras non est peccatum, sed ille qui recipit, peccat.* Rationem autem assignat S. Thomas dum sic differit: *Non licet inducere aliquem ad mutuandum sub usuris: Licet tamen ab eo qui hoc paratus est facere, & usuras exercet, mutuum accipere sub usuris, propter aliquod bonum quod est subventio sua necessitatis vel alterius. Sicut etiam licet ei qui incidit in latrones, manifestare bona quae habet (qua latrones peccant diripiendo) ad hoc quod non occidatur: exemplo decem virorum qui dixerunt ad Ismaël, noli occidere nos, quia Thesavros habemus in agro, ut dicitur Jeremia 41.*

Quaest. 18. Mercator potest-ne sine peccato mutuo pecuniam sub usuris accipere sine aliqua necessità, & solummodò ad majus exercendum commercium, & majori cum decore vivendum ?

Resp. Docet S. Thomas, quod in hoc casu: *Mercatores dando usuras peccaverunt tanquam occasionem peccandi usurariis prae-*

D. Th. ibi-
dem,

Glossa in
Can. *Debitor*
res. de jure-
jurando ver-
bo: *Reddere*
juramentum.

D. Th. 2. 2.
q. 78. art. 3.
in corp.

D. Th. opusc.
67. de Empt.
& vend.

tes, cum necessitas qua ponitur, ut scilicet honorabilius vivant, & majores mercationes faciant, non sit talis necessitas, qua sufficiat ad excusandum peccatum prædictum. Quod intelligendum est dum mercatores mutuuum accipientes, sciunt illum qui mutuo dat, verè & realiter usuram committere; si enim putarent, lucrum quod ab illo exigitur esse loco compensationis ob damnum emergens, aut lucrum cessans; in tali casu mutuuum etiam sine ulla necessitate petendo, non peccarent, quia nullius peccati participes efficerentur, cum, ut supponitur, mutuuum etiam cum interesse dans, non peccet.

CAPUT II.

*De Locationis definitione & de rebus
qua locari possunt.*

Quæst. I. QUID est Locatio?

Resp. **Q**UOD est Locatio? Est contractus in quo pro aliqua mercede à Domino conceduntur alteri ad tempus, fructus, aut alius usus rei suæ, aut personæ.

Primò est *Contractus in quo conceduntur ad tempus*: Quia si concederetur in perpetuum rei alicujus usus, non ampliùs esset locationis contractus, qui perpetuus esse non debet; sed emptio.

Secundò est contractus *in quo conceduntur fructus, aut alius usus*: Et in hoc differt à contractu emptionis, in quo tota res traditur.

Tertiò est contractus in quo conceditur usus *Rei suæ aut personæ*; quia non solùm prædia, & bona quælibet, tam mobilia quàm immo-

bilis locari possunt, sed etiam ipsæmet personæ: ut dum quis se aut filium locat ad inferiendum alteri.

Quartò & ultimò, est contractus in quo *Pro aliqua mercede* conceditur usus, quod intelligendum est de quacumque mercede, sive in pecunia numerata, sive in aliis quibuscumque rebus, quæ pretio æstimari possunt: in quo etiam locatio differt ab emptione, cujus pretium in pecunia numerata solvi necesse est: & ita potest v. g. locari equus pro mensura frumenti, non autem vendi; quia ubi pretium in pecunia numerata non consistit, fit potius permutatio quàm venditio.

Quæst. 2. Quæ res locari possunt?

Resp. Ex omnes quæ vendi possunt, nisi in aliquo casu earum locatio expressè prohibeatur in corpore Juris civilis, aut Canonici, in Conciliis, aut omni alio jure Ecclesiastico.

Quæst. 3. Quæ res locari prohibentur in corpore Juris Canonici aut Conciliis?

Resp. Primò, ex Decreto Concilii Tridentini, *Non licet jurisdictiones Ecclesiasticas, seu Facultates nominandi aut deputandi Vicarios in spiritualibus, locare, nec conductoribus per se aut alios ea exercere.* Conc. Trid. sess. 25. de ref. cap. 124 Secundò, non licet Episcopis jura sigilli locare, aut jus Diœcesim visitandi, aut admittendi & instituendi illos qui à Patronis ad Beneficia præsentantur, & similia. Tertiò decernitur in eodem Concilio quod *Omnes locationes, si anticipatis solutionibus fiant, nullatenus in præjudicium successorum valida intelligantur.* Quartò non licet domum usurario publico locare, ut habetur in cap. *Usurarium*. de Usuris, relato suprâ in Tract. 4. de mutuo & usura.

Quæst. 4. Prohibetur-ne Jure Civili aliquarum rerum locatio?

Resp. Primò non licet locare aliquam agri aut prædii servitutem, velut Facultatem quam quis habet transeundi per vicini prædium, nisi prædium dominans eodem tempore eidem locetur. Nam, ut ait lex, *Locare ff. locati. Locare servitutem nemo potest.* Secundò, locari non possunt res, quarum quis tantummodò usum habet, id est quarum quis potest tantum uti ad necessitatem: Licet illæ res locari possint quarum quis habet usumfructum, id est quibus uti potest non solum ad necessitatem, sed etiam ad voluptatem & commoditatem; ut

Justinianus,
lib. 2. Inst.
tit. 5.

Authent. De
lenonib. 5.
præconisamus

enim decernit Justinianus Imperator, *Is qui fundi nudum habet usum, nulli alii jus quod habet locare potest, cum is qui usumfructum habet, possit hoc facere.* Tertiò non potest locari domus lenoni, ut patet ex authentica in qua dicitur, quod *Si quis patiat in domo sua quemdam lenonem & hac denunciata cognoscens, non ex domo sua expulerit, sciat se & decem librarum auri sustinere pœnam, & citra ipsam perditurum habitationem.*

Quest. 5. Poteſt-ne locari pecunia?

Resp. Duobus diversis modis pecuniâ uti possumus ex S. Thoma: Primò namque possumus illam consumere seu expendere quocumque modo. Secundò possumus illâ ad pompam & apparatus aut ad dandum aliquod pignus uti. His positis dicendum est cum eodem Angelico Doctore, non posse locari pecuniam dum qui eam recipit, eâ ad comparandam aliam rem uti vult, quia in hoc pecunia consumitur. Quod si è contrario recipiens velit pecuniâ ad pompam uti, aut ad dandum pignus; in hoc casu pecuniam locare licet; & hoc modo intelligi debet lex civilis in qua sic habetur: *Non potest commodari id quod usu consumitur, nisi fortè ad pompam vel ostentatio-*

L. Sed mihi
videtur. ff.

CAP. III. *Obligationes locantis.* 307

nem quis accipiat. Et ratio est quia in loca- commodati,
tione perinde ac in commodato, conceditur ali- §. ult.
cujus rei usus, reservando sibi proprietatem;
& ideo necesse est ut usus distinguatur à pro-
prietate & dominio, quæ distinctio non repe-
ritur in pecunia dum quis consumendo eam
utitur.

Notandum nihilominus est quod utilitas &
lucrum quod ex pecunia ad ostentationem &
apparatum locata habetur, non debet excede-
re valorem talis usus, secundum pruden-
tiam æstimationem: præterea quoad ostentationem,
periculum est ne qui locat in aliquod pecca-
tum incurrat, superbiæ & vanitati alterius
cooperando, aut etiam fraudi quæ sæpè in hu-
jusmodi alicui paratur & texitur.

C A P U T I I I.

De Obligationibus & peccatis illius qui rem suam alteri locat.

Quæst. I. **Q**UALES obligationes contra-
hit locator?

Resp. *Quinque*; Primò namque, ut ait S.
Thomas, *Periculum rei locata remanet apud* D. Th. opusc.
locantem. Nisi culpâ locatarii seu conductoris 73. cap. 8.
pereat res locata, eo quod dominium per lo-
cationem non transferatur; & ita ut vulgo
à Jure-Consultis dicitur, res quæ perit, perit
semper periculo domini: quod tamen ita in-
telligi debet, nisi aliquod pactum contrarium
factum fuerit; quia cum tale pactum, quod
scilicet rei periculum spectet ad conductorem,
non sit contra naturam locationis, illam non
destrueret & observandum esset: potest v. g.
locari domus cum ea conditione & pacto, quod

L. Si quis. ff.
locati,

si casu aliquo fortuito corruat, conductor illam resarcire tenebitur: Si quis, inquit lex, fundum locaverit ea lege, ut etiam si quid vi majore accidisset, hoc ei prastaretur, pacto standum est. In quo casu necesse est ut qui cum simili conditione rem suam locat, minus pretium exigat juxta valorem & æstimationem periculi quod in conductorem rejicitur contra communem contractus usum.

Secundò, locator tenetur propriis sumptibus facere id quod requiritur ad conservationem rei locatæ; quia is qui, v. g. domum suam alteri locat, illius usum concedit, & ita tacitè se obligat ad præstandas necessarias expensas ut conductor ea commodè uti possit: quod tamen eodem planè modo intelligendum est ut ea quæ de periculo dicta sunt; ut scilicet procedat hæc obligatio, modò aliter inter partes conventum non fuerit.

D. Ant. 2. p.
tit. 1. cap. 15.
§. 6.

Tertiò, tenetur locator conductorem admonere eique manifestare vitium & defectum rei locatæ; nam ut docet S. Antoninus, Si quis locat rem vitiosam scienter, puta domum ruinofam, vel equum claudicantem, vel aliquid defectuosum: peccat mortaliter si inde sequutum est, vel verissimiliter sequi poterat notabile damnum conductori, & tenetur ad satisfactionem de damno sequuto.

Quæst. 2. Si quis ignoranter locavit dolia vitiosa & corrupta putans esse bona, & idcirco vinum effundatur aut corrumpatur: tenetur-ne in conscientia solvere & reparare damnum conductoris?

L. Si quis do-
lia. ff. locati.

Resp. Constat ex lege civili, quod in talibus ignorantia non excusat, in ea enim sic habetur: Si quis dolia vitiosa ignarus locaverit, deinde vinum effluxerit, tenebitur in id quod interest, nec ignorantia ejus erit excusata:

aliter dicendum si saltum pascuum locasti in quo herba mala nascebatur; hic enim si pecora vel demortua sint vel etiam deteriora facta, quod interest prastabitur, si scisti; si ignorasti, pensionem non petes. Ratio autem diversitatis est quia ignorantia illius qui dolia vitiosa locat, præsūmitur ex sua culpa accidisse, poterat enim facillimè cognoscere utrum dolia bona an vitiosa essent: illius verò ignorantia qui locat pascua, facillè potest esse sine culpa, eo quod multò difficilius cognoscatur utrum herbarum animabus noceant an non, præsertim ab homine talibus rebus non assueto. Ex quo inferri posse videtur ex illa lege, locatorem non obligari ad resarciendum damnum quod conductor passus est, nisi dum dolia tanquam bona locavit: cum verò illa ut erant simpliciter locavit, & nesciens utrum bona aut mala essent, dixit conductori ut illa probet & visitet; in hoc casu non peccavit nec obligatur ad resarciendum damnum quod ex sua culpa non processit. Attamen nullam locationis mercedem in talibus casibus exigere potest; quia, ut supra dictum fuit, locator tenetur efficere ut conductor re locatâ uti possit, & hoc nisi res locata facillè locatori in aliis usibus utilibus & fructuosis inservire potuisset; nam tunc conductor semper teneretur mercedem promissam solvere, licet re locatâ uti non potuisset.

Quæst. 3. Qui v. g. alteri dolia vitiosa insciens commodavit, tenetur-ne resarcire damnum quod inde secutum est, prout dictum est de locatore?

Resp. Non tenetur juxta G'ossam, in qua sic habetur: *Si commodasti mihi vas corruptum scienter, & vinum acuit, teneris commodati, sicut si ignoranter. Secus in locatore vel venditore; quia ille tenetur si ve scienter*

In Can. inter hæc. dist. 3. de pœnit. verb. *Vas.*

si se ignoranter locet vel vendat vas corruptum. Quod conforme est legi in rebus §. item qui. ff. commodati. Et ratio est quia locatio & venditio utriusque contrahentium gratiâ celebrantur, & ita, ut docet S. Antoninus, *In his venit culpa levis, quia gratiâ utriusque celebrantur.* Quod secus est in commodato, quod gratiâ solius commodatarii fit.

D. Ant. 2. p.
tit. 1. cap. 5.
§. 6.

Quaest. 4. Propter quam culpam locator tenetur ad restitutionem damni, quod conductor passus est?

Lib. 3. Inst.
tit. 25. §.
Qui pro usu.

Resp. Tenetur primò cum fraudem aliquo modo adhibuit, veluti si vitium rei locatæ scienter occultaverit. Secundò cum damnum ipsiusmet locatoris culpa accidit: v. g. quia noluit domum locatam reparare, licet de ruinæ periculo monitus fuerit. Tertiò tenetur etiam locator restituere ob levem culpam, cum scilicet non adhibuit illam diligentiam, quam prudens pater familias communiter in suis rebus adhibet: veluti si nullo modo probaverit utrum dolia sua sint bona aut vitiosa, & ea temerè locat, suam de hac re ignorantiam conductori non manifestans. Illud autem quod de locatore dictum est, debet etiam ad conductorem extendi, dum scilicet res conducta suâ perit culpâ; nam, ut ait Imperator, *Qui pro usu aut vestimentorum, aut argenti, aut jumenti, mercedem aut dedit aut promisit, ab eo custodia talis desideratur, quam diligentissimus pater familias suis rebus adhibet.* Et hîc obiter notandum est per illam vocem *Diligentissimus*, intelligi solummodò diligentem, id est eum qui negligens non est, prout expcunt communiter interpretes.

Hujus autem obligationis inter locatorem & conductorem, communis ratio affertur à S. Antonino dum ait: *In hoc contractu venit*

D. Ant. 2. p.
tit. 1. cap. 15.
§. 6.

CAP. III. *Obligationes locantis.* 311

culpa levis, cum gratiâ utriusque celebretur: Concludendum igitur est, tam locatorem quàm conductorem, ad damni restitutionem invicem obligari ob fraudem, latam, & levem culpam; licet ob culpam levissimam non obligentur.

Quest. 5. Nullus-ne potest reperiri casus in quo conductor, ob culpam levissimam ad restitutionem obligetur?

Resp. Constat quod si quis operam suam alteri locaverit, ad transferendam rem, in qua maxima diligentia ex natura sua adhibenda est ne pereat, ut v. g. in columna marmorea: in simili casu talis conductor tenetur de levissima culpa; ut dicitur *In lego merces. §. qui columnam. ff. locati.*

Quest. 6. Quæ sunt aliæ locatoris obligationes?

Resp. Quartò locator obligatur ad non tollendū conductori usum rei locatæ, ante tempus inter eos constitutum: & si locator re locatâ, invito conductore ante elapsum tempus uteretur, peccaret & teneretur ad restitutionem damni quod conductor eâ de causa passus est:

Si Dominus, inquit sanctus Antoninus, *expul- D. Ant. 2. p. tit. 1. cap. 15, §. 6.*
lit conductorem de habitatione, vel usu rei locata ante terminum conventum inter eos, peccavit, & tenetur ad satisfactionem, si conductor ex hoc aliquod damnum incurrit.

Attamen notandum est, reperiri quatuor casus in quibus locator potest rem locatam sumere ante tempus constitutum, qui casus in lege enumerantur. Primò namque si conductor non solvit mercedem pro locatione conveniam, potest re locata à locatore privari: Notandum tamen est, juxta Glossam, quod si domus locata fuerit ad quinque aut sex aut etiam plures annos, conductor ab ea expelli non potest nisi

Glossa in
Can. Propter
sterilitatem. §.
verum. de lo-
cato.

in ea habitaverit per duorum annorum spatium sine ulla mercedis conventæ solutione: *Potest expelli*, inquit, *Gloss.* cum Canonem per biennium non solvisset. Si verò domus pro breviori spatio locata fuerit, ab eâ quovis tempore expolli potest conductor, mercedem conventam non solvens: in quo tamen Regionum & locorum diversæ consuetudines observandæ sunt. Secundò si res locata facta fuit necessaria locatori, qui in ea habitare vult, veluti quia alia domus in qua habitabat, aut corrui, aut ruinam minatur, aut quia uxorem duxit, aut alius successit casus, qui similem necessitatem respectu locatoris inducat; quod tamen intelligi debet, si talis necessitas post locationem domus accidit, non ante locationem. Tertiò, si domus reparatione omninò indigeat, ob aliquod ruinæ periculum, post locationem factam cognitum. Quartò, si conductor re conductâ malè utatur, seu eam deteriorem reddendo, seu in pravos usus detorquendo: ut si ea ad perpetranda aut procuranda scelera utatur, veluti ad fornicationes, furtum & alia id genus, quæ omnia in lege exponuntur his verbis:

L. *Æde. C.*
de locato.

Æde, quam te conductam habere dicis, si pensionem Domino in solidum solvisti, invitum te expelli non oportet, nisi propriis usibus Dominus eam necessariam esse probaverit, aut corrigere domum maluerit, aut tu malè in re locata versatus es.

Quintò tenetur locator pensionem seu mercedem conventam, aut illius partem conductori remittere ob casus fortuitos qui rei locatæ utilitatem eidem conductori ademerunt: quod dilucidè in una Gregorii noni Decretali exponitur his verbis:

Cap. Propter
sterilitatem.
de locato.

Propter sterilitatem afficientem magno incommodo conductores, vitio rei, sine culpa colonis sine casu fortuito contingentem; colonis Ecclesiæ
si a

fi a sua pro rata pensionis remissio est facienda, nisi cum ubertate precedentis vel subsequentis anni valeat sterilitas compensari. Idem habetur in lege Ex conducto. §. Si vis tempestatis. ff. locati. De hac materia disferui Tom. 6. Tract. 8. de 7. Decalogi Præcepto.

CAPUT IV.

De Peccato quod in locatione domus facta in favorem Meretricis aut Concubinarij committitur.

Quæst. I. **P**ECCAT-ne qui domum suam meretrici aut concubinario scienter locat, dum intendit solummodò pensionem recipere, nullum alium eodem pretio inveniens conductorem?

Resp. In hoc graviter delinquit, præbet enim hujusmodi personis peccandi occasionem & commoditatem, cum nullo modo liceat peccatorum instrumenta aliis subministrare: sicut etiam mortaliter haud dubiè peccaret qui venderet aut commodaret enssem ei quem scit eâ ad duellum uti velle, licet tale duellum commodando aut vendendo non intenderet, sed tantum utilitatem aut lucrum sibi inde proveniens: Ille, inquit S. Raymundus, qui facit vel vendit gladios, peccat si ex qualitate persona vel temporis cognosceret, vel probabiliter dictaret sibi conscientia, quod ille non quarit rem nisi ad malum perpetrandum: tunc enim non deberet illi vendere contra talem conscientiam. Et ita eadem ratione dicendum est, quod ille qui domum suam alteri locat sciens aut valde probabiliter dubitans, conductorem velle

D. Raym. in
summa lib. 2.
tit. de negotiis
saecularibus §. 6.

ea domo ad impudicitatem uti, peccare etiam videtur mortaliter.

Authent. De
Lenonibus. S.
preconifamus.

Illud etiam probatur ex auth. in qua habetur quod, *Si quis patiat in domo sua quemdam Lenonem, & hac denunciata cognoscens, non ex domo sua expulerit: sciat se & decem librarum auri sustinere poenam, & citra ipsam perditurum habitationem.* Ex quibus verbis inferitur in lege supponi, magnum in hoc committi delictum, gravemque contra rem publicam injuriam, cum graves poenae non infligantur nisi pro gravi culpa.

Quaest. 2. Non-ne licet alimenta & vestes meretrici vendere, modò id cum perversa intentione non fiat, sed cum aliquo fine honesto, v. g. ut quis licito modo lucretur necessaria ad familiae sustentationem, etiam si talis foemina nullo modo peccare posset nisi alimenta aut vestes ei venderentur?

Resp. Magna reperitur differentia inter venditionem rerum quae ad vitam necessariae sunt & locationem domus factam in favorem meretricis. Primò, quia domus praebet tali foeminae proximiorē occasionem ad peccandum. Secundò quia, ut docet S. Thomas loquens de dantibus eleemosynam, *Si constaret quòd de eo quod eis datur in peccatum abuterentur, non deberet eis dari aliquid, nisi necessitas extrema exposceret: & hoc modo intelligenda est autoritas inducta.* (*Ecclesiastici. 12. Da misericordiam & non suscipias peccatorem, & iterum benefac humili & non des impio.*) In qua doctrina videmus, quod etiam si liceat vendere meretrici, ea quae ad sustentationem necessaria sunt, non tamen licet eidem locare domum, quā ad peccandum uti vult; quia meretrix posset aliam habitationem necessariam invenire, quam tamen non posset in lu-

D. Tho. 4.
sent. dist. 15.
q. 2. art. 6.
quaestiuicula
1. in corp.

panar commutare. Videtur præterea quod non potest quis, sine debita honestatis discrimine, meretrici domum suam locare, & in hac quandam injuriam vicinis fieri: Adde quod valde expedit, quod ob domus defectum, tales mulieres quodam modo ad mutationem vitæ incitentur, aut saltem, ut Parœciam vel locum quem sua præsentia dehonestant & inficiunt, deferere magno Christianorum bono compellantur.

Quæst. 3. Quid agere debet Confessarius dum scit pœnitentem locasse aut locare velle domum suam alicui meretrici, vel lenoni?

Resp. Videtur quod in tali casu neganda est pœnitenti absolutio, nisi promittat se talibus domum suam non locaturum; aut si jam locavit, debet ei imponi, ut quanto citius fieri poterit, meretricem à domo sua quovis modo expellat, differrique posset absolutio, donec aliqua super hoc diligentia facta fuerit, & hæc videtur esse sancti Caroli doctrina dum sic loquitur: *Nec eos absolvant, qui cum peccatis mortalibus, simul etiam eorum occasiones vitare plane non proponant, ut sunt qui domum tenent in hunc finem aliis paratam, ut tabellis cartaceis vel aleis ludant.* Et ita si, juxta tanti Præfulis mentem, non debent absolvi illi qui domum ludentibus paratam habent, nisi spondeant se tales peccati occasiones, per quæ cooperantur aliorum delictis, amputaturos: Nonne major adest ratio absolutionem denegandi illis, qui domos suas meretricibus, aut lenonibus locare volunt, & ita aliquo modo talium personarum delictis cooperantur. Debet igitur Confessarius magna cum caritate pœnitentem monere, primò ferè impossibile esse, quod solis meretricibus domum suam locare possit; præcipuè si locationis pretium

S. Carol. instruct. Confess. cap 5.

Matth. c. 5.
v. 29.

tantisper velit minuere : Secundò attendenda esse verba in Evangelio à Christo prolata : *Si oculus tuus dexter scandalizat te , erue eum & projice abs te ; expedit enim tibi ut pereat unum membrorum tuorum , quàm totum Corpus tuum mittatur in gehennam &c.* Et ita licet amittenda esset aliqua pretii pars , aut etiam totum pretium , ne meretrici locaretur domus , id confidenter fieri debere , Deumque in hoc sæculo , & quod majus est in alia quam speramus vita , ei non defuturum , quia aliqua in sui gratiam contempserit , sed centuplum , juxta Domini verba , accepturum in hoc sæculo , & vitæ æternæ hæredem fore in altero. Adde quod , ut ait S. Hieronymus, *Melius est ut quis emolumentis carnalibus careat , quàm dum vult lucrifacere , causam habeat ruinarum.*

S. Hier. côm.
in Matth. lib.
3.

C A P U T V.

De Obligationibus & peccatis locatarii seu conductoris.

Quest. 1. **A**D quæ obligatur conductor ?
Resp. Tenetur primò re locatâ eo modo uti quo conventum est ; nam si aliter eâ uteretur , teneretur damnari ; quod inde passus esset locator , resarcire ; nisi rationabiliter præsumpsisset conductor , consentire locatorem tali usui ; quorum ratio est , quia in contractu locationis , rei dominium non transfertur , sed usus tantùm rei locatæ conceditur ; ita ut dum re locatâ utitur conductor aliter , quàm conventum est , injustitiam committit , quia re alienâ contra Domini voluntatem utitur : unde , ut decernit Justinianus Imperator , *Si is qui*

Lib. 4. Inst.
tit. 1. §. 6.

CAP. V. *Obligationes locatarii.* 317

rem utendam accepit, in alium usum eam transferat, quàm cuius gratiâ ei data est, furtum committit, veluti si quis equum gestandi causâ commodatum sibi, longiùs aliquò duxerit; & §. sequenti: Qui rebus commodatis aliter utuntur quàm utendas acceperint, ita furtum committunt, si se intelligant id invito Domino facere, eumque si intellexisset non permissurum: at si permissurum credant, extra crimen videtur.

Secundò, tenetur locatarius seu conductor à locatione ante tempus conventum non recedere; nisi rei locatæ aliquid accidat, quod illius usum impediat; ut si quis domum locavit, ejus deinde aliqua pars corrui: si domus ob alicujus larvæ seu spectri apparitiones, fiat inhabitabilis; si ob contagionem aut bellum conductori sit recedendum. In his autem casibus debet conductor locatorem de suo discessu admonere, domusque claves restituere, si id commodè fieri possit; nam si discessionem suam locatori celaret conductor dum illum admonere difficile non est, & idcirco non potuisset dominus domum suam alteri locare; in hoc casu ex æqualitate teneretur conductor damnum, quod inde passus est locator, restituere.

Tertiò, Conductor tenetur rem locatam, finitâ locatione incolumem domino reddere; quia ut docet S. Antoninus, *Si conductor malè tractavit rem sibi locatam, sic plus vel minus peccavit secundum lationem, & præcipuè quando ex malitia, vel crassa negligentia hoc egit, tenetur ad satisfactionem.* D. Ant. 2. p. tit. 1. cap. 15. §. 6.

Quartò, debet conductor mercedem & pretium rei locatæ, tempore convento solvere, aut si de tempore solutionis inter partes conventum non sit, debet solvere juxta regionum

receptam consuetudinem ; nam ut ait idem S. Antoninus , *Si conductor non solveret tempore debito cum posset , peccavit.*

CAPUT VI.

De Locatione famulorum & operarum.

Quaest. 1. **Q**UI operarium conduxisset, & deinde illius operam non fuisset usus : teneretur-ne solvere mercedem conventam, & posset-ne aliquid ex ea minuere, eo quod artifex non laborasset?

Glossa in leg.
Si ano. ff. locati, verbo, Personis.

Resp. Huic quaestioni expresse respondet Glossa his verbis, *Cum autem quis operas suas locat, vel rem & operam, nec per eum stat quominus ea solvat, sed per conductorem, licet casu fortuito impeditum, mercedem totius temporis consequetur ; si vero stetit per locatorem quominus operas praestet, vel per casum fortuitum in sua persona contingentem, tenetur in primo casu ad interesse, in secundo ut pensionem remittat vel reddat, pro rata temporis, quo eas non praestitit.* Et juxta illius Glossae doctrinam intelligi debet lex in qua sic habetur : *Cum quidam operas suas locasset, deinde is qui eas conduxerat decessisset, Imperator rescripsit, Cum per te non stetisse proponas quominus locatas operas solveres, si eodem anno mercedes ab alio non accepisti, si dem contractus impleri aequum est.*

L. Sed addet.
§. Cum quidam. ff. locati.

Quaest. 2. Regula generalis quod qui operam suam alteri locat, nullam mercedem consequi debet, cum casu aliquo fortuito in locatoris persona contingente, non potest id quod promiserat praestare, debet-ne ex-

CAP. VI. De Locatione famul. 319

tendi ad omnes qui operas suas locant ?

Resp. Hæc regula non extenditur ad Advocatos, qui mercede accepta ad tuendam in iudicio aliquam causam, eam deinde, casu aliquo fortuito superveniente, tueri non possunt; Patroni enim à regula generali expressè exempti sunt in lege, his verbis: *Divus Severus ab hæredibus Advocati eo mortuo prohibuit mercedem reperi: quia per ipsum non stetit quominus causam ageret.* Quod tamen intelligendum videtur, cum putatur advocatus aliquam diligentiam, & curam adhibuisse ad talem causam tuendam.

L. Praeses. ff. de variis & extraordi. cognitio. §. Divus.

Quaest. 3. Cum locatione facta à domino, rei locatæ dominium legitimè in alium transfertur, cessat-ne omnino locatio? v. g. Petrus cum domum suam Paulo locasset, statim mortuus est; quaeritur utrum hæres Petri, possint Paulum à domo locata expellere, aut utrum teneantur locationem factam observare?

Resp. Ut huic quaestioni responderi dilucidè possit, supponendum est, rem aliquam duplici modo ab uno domino in alium transferri posse: aut enim mortuo primo domino, successit hæres universalis, aut res vendita fuit, aut legata. In primo casu hæres universalis tenetur locationi à defuncto factæ stare, nec potest conductori ante tempus conventum rem locatam tollere; quia hæres universalis unicam in jure personam sustinet, unà cum testatore, &, ut ait lex, *Viam veritatis ignoras, in conductionibus non succedere hæres conductoris existimans.* In aliis casibus constat ex lege, quod Emptorem quidem fundi necesse non est stare colono, cui prior Dominus locavit, nisi eo, eâ lege emit. Et idem prorsus de legatario dicendum est, vel alio quolibet, qui quamcumque rem alio titulo, quàm hæres universalis

L. Viam. Cod. de locato.

L. Emptorem. Cod. de loca-

acquisivit, quia tales defuncti personam non repræsentant.

Quæst. 4. Si Petrus operam Pauli locaverit ad ædificandam domum aut faciendam statuam, navem & alia hujusmodi, & deinde, re infecta, moriatur Paulus: tenentur-ne hæredes Pauli ad faciendum per se aut per alios id quod facere promiserat Paulus? aut si è converso, Petrus moriatur, tenentur-ne illius hæredes conventiones, quas cum Paulo fecerat observare?

Resp. Casus isti sunt à lege definiti, his expressis verbis: *Generaliter sancimus, omnem stipulationem, siue in dando siue in faciendo siue mixta ex dando & faciendo inveniatur, & ad hæredes, & contra hæredes transmitti, siue specialis hæredum fiat mentio, siue non.* Et ita in utroque casu hæredes tenentur vices defuncti, aut per se aut per alios, fideliter supplere.

Quæst. 5. Qui rem aliquam à domino locat, potest-ne rem locatam dimittere, dum illius proprietas ad alium dominum transit?

Resp. Non potest locatarius, seu conductor, rem sibi locatam deferere & abjicere ante tempus conventum, nisi adsit novi domini consensus: quod probatur ex lege *Emptorem* supra relata, & ex lege *qui fundum*. In quibus loquens Imperator de iis, qui non tenentur stare locationi factæ eamque observare, conductorem seu locatarium in eorum numerum non refert, & ita supponit non esse extra generalem contractuum regulam, quæ illos perpetuos ex natura sua esse jubet.

Quæst. 6. Si famulus vili pretio necessitate compulsus se locaverit, Dominum enixè rogans, ut illum in suo famulatu reciperet: tenetur-ne Dominus in tali casu consuetum ser-

L. Veteris juris Cod. de contrahenda & commit-tenda stipulatione.

CAP. VI. De Locatione famul. 321

vitii & laboris sui salarium in foro conscientiae famulo solvere, aut tantummodò mercedem conventam?

Resp. Eodem planè modo loqui possumus de eo qui famulum locat, ac de alicujus rei emptore; quia ut docet Justinianus Imperator,

Locatio & conductio proxima est emptioni & venditioni, iisdemque juris regulis consistit. L. 1. Instit. tit. 25.

Cùm igitur, juxta sancti Thomæ doctrinam,

Si pretium excedat quantitatem valoris rei, vel è converso res excedat pretium, tolletur justitia aequalitas. Et ideo carius vendere, vel vilius emere rem quàm valeat, est secundum se injustum & illicitum. D. Th. 2. 2. q. 77. art. 1. in corp.

Possumus etiam asserere illum qui utilitatem propriam, ex famuli necessitate captans, non ei justum servitutis,

quam sibi impendit pretium solvit, injusticiæ reum fieri. Si verò Dominus qui talem famulum recipit, eo non multum indigebat, eum-

que solummodo recepit, ut ejus enixis precibus annueret: ita ut non pluris æstimer servi-

tutem, quæ sibi à famulo præstatur, quàm mercedem conventam, eo quod tali famulo

carere lubenter consensisset: in hoc casu non tenetur augere pretium conventum: sicut enim

asserit S. Thomas, *Quod Cùm aliquis multum indiget habere rem aliquam, & alius laeditur* D. Th. loco citato.

si ea careat: in tali casu justum pretium erit; ut non solum respiciatur ad rem quæ venditur,

sed ad damnum quod venditor ex venditione incurrit. Ita etiam in casu proposito non æsti-

manda est servitus, quam famulus hero impendit, juxta servitutis valorem, sed juxta utilitatem, quam herus ex ea sentit. Saltem

adverrendum est, quod conventi salarii modiciras, non debet dare famulis occasionem,

bona dominorum surripiendi, sub compensationis plerumque inani prætextu; ne enim id

in praxi fieret, propositionem sequentem condemnavit sancta Sedes.

37. Propositio damnata.

Innoc. XI. in
Decret. con-
tra. 65. pro-
pos.

Famuli & famula domestica possunt occultè heris suis surripere ad compensandam operam suam, quam majorem judicant salario quod recipiunt.

Quaest. 7. Cùm herus famulum dimittit ante tempus conventum, tenetur-ne integrum totius temporis conventi salarium solvere: aut sufficit-ne ut salarium pro servitii præstiti ratâ solvat?

Resp. In contractu locationis pacta inter partes conventa debent observari; & ita si herus famulum ante tempus conventum expellat, absque gravi ratione & fundamento, ex parte famuli proveniente, tenetur integrum salarium solvere, perinde ac si famulus ei servisset toto tempore convento, modò tamen famulus alium herum non habuerit per id tempus quo à primo dimissus est; quia ut dicitur in lege:

I. *Qui operas*
ff. locati.

Qui operas suas locavit, totius temporis mercedem accipere debet, si per eum non stetit quominus operas suas præstaret. Et eodem planè modo, si absque legitima causâ famulus ante tempus conventum herum deserat, potest herus justè compensare damnum, quod ex præproprio famuli discessu sustinet; nam, ut ait Glossa, *Si verò stetit per locatorem quominus operas præstet, tenetur ad interesse.*

Glossa in L.
si uno. ff. lo-
cati. verbo,
Personis.

Quaest. 8. Apparitores, lictores, cursores & similes, qui res judiciarias contra varias personas unâ die foris exequuntur, possunt-re exigere à singulis pretium taxatum, perinde ac si unicam tantùm executionem fecissent?

Resp. Id eis variis constitutionibus, & statutis municipalibus prohibitum fuit, præcipuè autem in Gallia edictis Philippi IV. anno 1302.

articulo 5. & 22. & 27. & Francisci primiano 1535. cap. 16. art. 10. neque dubium esse potest quin tales justissimæ leges observandæ à subditis sint. Adde quod id valdè juri & æquitati naturali conforme esse videtur.

Quæst. 9. Cùm artifex quilibet modico nimium pretio, aliquid facere imprudens promisit, ita ut licet rectè & assidue laboret, non tamen possit justum salarium in tali opere consequi: tenetur-ne Dominus tale pretium augere, cùm illius nimiam modicitatem cognovit?

Resp. Si erravit operarius in computatione laboris & temporis quæ in tali opere insumenda sunt, & constet, illius salarium longè infra mediocritatem esse: in hoc casu tenetur Dominus, id est qui artificis opera utitur, pretium augere juxta qualitatem, & æstimationem laboris necessarij; modò talem expensam non fecerit, ob promissionem sibi ab artifice factam, quod tale opus majorem summam non requireret, ita ut ita fuerit dispositus & animatus, ut si majus fuisset rei pretium, de ea non cogitasset. Quod probatur ex his quæ superius diximus, quod scilicet idem dicendum est de locatione, ac de emptione: sed ex sancto Thoma, *Carius vendere, vel vilius emere rem quàm valeat, est secundum se injustum & illicitum.* Secundò, quia ut habetur in lege, *Qui per dolum obligatus est competit ei exceptio, etsi nullus dolus intercesserit stipulantis, sed ipsa res in se dolum habet.* Et ita cùm in casu proposito constet, quod Dominus rem pro minori pretio habet quàm reverà valeat, sequitur illum teneri supplere, id quod deest justo pretio laboris, qui pro se factus est, licet illa nimia modicitas ex culpa Domini non provenerit, sed ex artificis igno-

D. Th. 2. 2.
q. 77. art. 1.
in corp.

L. Si quis. de
verborum
obligationib.

rantia ; quia ut videtur in ratione & anima legis modo laudatæ , licet nulla adsit Domini fraus aut culpa , posset tamen artifex justum laboris sui pretium in iudicio petere.

Quæst. 10. Nonne dici posset , eam legem debere solummodo intelligi dum adest læsio , ultra dimidiam iusti pretii , quandoquidem leges illam tantum læsionem in contractibus prohibent , ut videre est in leg. *Rem maioris. Cod. de rescind. vendit. & cap. cum causa. de emptione & venditione ?*

Resp. Dicendum est quod leges illæ intelligendæ sunt pro foro externo ; nam , ut inquit Angelicus doctor , *Lex humana non potuit prohibere quidquid est contra virtutem , sed ei sufficit ut prohibeat ea quæ destruunt hominum convictum : sed lex divina nihil impunitum relinquit quod sit virtuti contrarium ; unde secundum divinam legem illicitum reputatur , si in emptione & venditione non sit æqualitas iustitiæ observata , & tenetur ille qui plus habet recompensare ei qui damnificatus est , si sit notabile damnum.* Et juxta Innocentium quartum , *Illud quod dicitur quod liceat contrahentibus se invicem decipere intra non dimidium iusti pretii , tenet jure fori , sed forsan non jure poli.*

D. Th. 2. 2.
q. 77. art. 1.
ad 1.

Innoc. IV. in
cap. In civi-
tate. de usu-
ris.

C A P U T VII.

De Contractu dotali.

Quæst. 1. **Q**UID est Contractus dotalis ?
Resp. Est donatio quædam quæ à muliere aut mulieris parentibus aut etiam extraneis pro illa marito fit ad sustinenda onera matrimonii ; quæ definitio iisdem ferè verbis

CAP. VII. De Contr. dotali. 325

traditur à S. Antonino dicente , quod *Dos est qua datur viro à muliere pro onere , quod de matrimonio sustinet*. Illius verba exponere non erit inutile.

D. Ant. 3. p.
tit. 1. c. 24.
§. 1.

Primò , contractus dotalis est *Donatio quædam* , in quibus verbis continetur genus definitionis , quandoquidem hoc illi commune est cum aliis variis donationibus. *Quæ à muliere aut mulieris parentibus aut etiam extraneis pro illa fi* ; hæc verba perspicua sunt , & ex illis concluditur , quòd dos , juxta legem , est proprium mulierum patrimonium.

Additur *Fit marito* , ut noveretur solum maritum esse dominum dotis , ita ut , juxta sancti Antonini mentem , ex ea eleemosynas pauperibus dare regulariter non possit mulier : *Quandiu* , inquit , *stat matrimonium , dominium rerum dotalium est panes virum ; unde contra voluntatem viri mulier non potest eleemosynam facere*. De hac materia fusiùs disserui Tom. 5. Tract. 2. de primo Decalogo Præcepto , cap. 3. de charitate. num 19. *Ad sustinenda onera matrimonii* , ex quo inferitur , dotem durare quandiu durat matrimonium , & nullam esse dotem sine matrimonio ; *Neque enim* , inquit lex , *dos sine matrimonio esse potest : ubicumque igitur nomen matrimonii non est , nec dos est*.

D. Ant. ibidem,

L. Dotis. ff. de Jure dotium.

Quæst. 2. Quomodo dividi potest Dos , seu contractus dotalis ?

Resp. Dos , aut bona dotalia , quæ idem in hoc casu sonant , sunt aut profectitia , aut adventitia : bona dotalia profectitia ea sunt quæ mulieri dantur à Patre,avo , &c. aut etiam ab extraneo , si illa det sub nomine Patris , aut avi mulieris. Dos autem adventitia est , quæ neque à Patre neque ab aliis consanguineis in linea ascendenti masculina paterna constitutis

provenit; quamque mulier sibi ipsa constituit ex bouis matris, fratris, avunculi aut extranei; quæ omnia habentur in lege.

Quæst. 3. Teneatur-ne pater filiam dotare?

Resp. Certum est quod si filia cum consensu patris nubat, tenetur illam dotare si possit, eò magis quòd cum alimenta iis quos genuit subministrare debeat, dos in locum alimentorum succedit, & ita juxta legem, *Qui liberos injuriâ prohibent uxorem ducere, vel nubere, vel qui dotem dare non volunt, coguntur in matrimonium collocare & dotare.*

Quæst. 4. Pater tenetur-ne dotare filiam, quæ sine illius consensu nupsit?

Resp. In hoc casu pater non dotare tenetur in Gallia, ubi adsunt eâ de re varia Regum Decreta: Henrici II. mense Februario 1556. Henrici III. 1579. & Ludovici XIII. an. 1629. Illi tamen Reges, nolunt ut talis exheredatio locum habere possit erga filios triginta annis, aut filias viginti quinque annis majores, ut videre est in Decreto Henrici II. In aliis Regionibus leges & statuta municipalia quæ in talibus casibus observantur, etiam in conscientia attendenda sunt. Notandum tamen, tales poenas in conscientia non incurri nisi cum filii aut filia matrimonium contraxerunt patre aut matre rationabiliter invitis, aut iis sine justa & gravi causa non consultis: sed de his alibi fusiùs Tom. 4. ubi de matrimonio.

Quæst. 5. Si Pater, ob paupertatem, filia dotem constituere non possit, mater tenetur-ne in illius subsidium constituere, si possit?

Resp. Mater quæ non minùs liberos diligere debet quàm Pater, tenetur eis alimenta subministrare; & ita si Pater ita sit pauper, ut filia dotem in casu matrimonii dare non possit, debet illius vices supplere mater, & illam na-

L. *Qui liberos. ff. de ritu nuptiarum,*

juralem obligationem, cum potest, implere; nam juxta doctrinam Glossæ, *Vbi pater & filius egent, mater compellitur eos alere.*

Quæst. 6. Tenetur-ne frater sororem dotare, cum id pater aut mater facere non possunt?

Resp. In hoc casu frater tenetur; quia juxta Glossam, dives fratri inopi alimenta subministrare debet: & hæc obligatio validior est in Ecclesiastico qui possidens bona Ecclesiæ quæ ex natura sua pauperum usibus inservire debent, ex eis sororem dotare debet, si nullum habet patrimonium; in quo tamen attendi debet, ut ea dos talis non sit, ut ob eam soror in altiore conditionem aut fortunam transferatur; nam, ut ait S. Ambrosius, *Hæc est approbanda liberalitas, ut proximos seminis tui non despicias, si egere cognoscas, non tamen ut illos ditiores fieri velis, ex eo quod tu potes conferre inepibus.* Et quia periculosum admodum est, ne carnis & sanguinis affectus in tali negotio dominetur, & cæcitatem inducat, talia temerè facienda non sunt, nec sine bono & fidei spiritualis hominis consilio.

Quæst. 7. Si virgo nubere nolit, sed Monasticam vitam ducere cupiat; in hoc casu tenetur-ne pater illam dotare, ut etiam patrimonium filio Ordines sacros recipere volenti constituere?

Resp. Quandoquidem dos filix nubenti constitui debet, dubitari non potest, quin filius Ordinem sacrum suscipiens, aut filia Monasterium ingrediens, eodem privilegio gaudere debeant; cum juxta Canones, vota quæ in professione Monastica, aut in Ordine sacro fiunt, quoddam veluti matrimonium spirituale producant, ex quo non minor unio cum Deo oritur, quam sit illa quæ in matrimonio com-

Glossa in C.
Cum haberes.
de eo qui duxit in matrimonium, &c.
verbo, secundum facultatem.

D. Ambrosius, lib. 14 de officiis. cap. 30.

D. Th. 2. 2. q. 185. art. 7. ad 1.

muni mulierem inter & maritum intercedit, unde à matrimonio carnali, ad matrimonium spirituale sæpissimè in jure Canonico datur consequentia.

Quaest. 8. Quonam tempore tenetur maritus dotem restituere?

Resp. Si dos ex rebus immobilibus constet, eam statim soluto matrimonio debet maritus restituere; quod si in rebus mobilibus, pecunia & similibus consistat, ad illam restituendam, juxta legem civilem, non obligatur maritus nisi elapso anno post matrimonii dissolutionem, ut videre est in leg. *Rem in presenti. §. cum autem.* Cod. de rei uxoria actione. Attamen similes casus resolvendi sunt, etiam in foro conscientiae, juxta leges & consuetudines legitimas quæ in variis regionibus observantur.

Quaest. 9. Tenetur-ne maritus totam dotem restituere?

Resp. Si maritus ita pauper sit, ut restituta integra dote non habiturus sit, unde juxta statum & conditionem suam vivat, tunc non tenetur nisi in id quod facere potest, id est deducto ne egeat; quæ tamen legis dispensatio personalis est, mariti personam non egreditur, & ad illius hæredes extraneos non extenditur:

L. Maritum.
ff. soluto ma-
trimonio.

Maritum, inquit lex, *in id quod facere potest condemnari explorati juris est, sed hoc hæredi extraneo non esse præstandum.*

Quaest. 10. Cum maritus sine timore inopiæ dotem restituere potest, eamque reverà per se aut per hæredem restituit: potest-ne retinere id quod ad conservanda bona dotalia expendit?

Resp. Si tales expensæ necessariò faciendæ erant ad conservationem aut perpetuam dotis utilitatem, illas haud dubiè compensare &

CAP. VII. De Contr. dotali. 329

computare poterit maritus; nam ut dicitur in lege: *In necessariis impensis hoc sciendum est eas demum impensas dotem minuere qua in dotem factæ sunt.* Igitur, si v. g. maritus multum expendisset ad refarciendam domum dotalem quæ ruinam minabatur, potest tales expensas ab hæredibus conjugis repetere.

L. Impensarum. ff. de impensis in reb. dotalib. factis.

Quod si expensæ in fundo aut alia re dotali factæ sint solummodò ut majores inde fructus maritus consequeretur, non autem ut res dotalis majoris pretii fieret: tunc nullam compensationem ob eas prætereptere potest maritus; conveniens enim & justum est, ut quandoquidem fructibus ex re dotali provenientibus fruatur, hujusce generis expensas uxori non imputet juxta legem civilem.

Cum autem expensæ solam mariti commoditatem aut voluptatem respiciunt, & ad vanum ornatum potius quàm ad utilitatem spectant: tunc in considerationem non veniunt, nec ullam compensationem producant, etiam si consentiente conjuge factæ fuissent: *In voluptuariis autem*, inquit lex, *nec si voluntate mulieris factæ sunt, exactionem parere.*

L. In voluptuariis, ff. de impensis in reb. dotalib. factis.

C A P U T V I I I.

De Deposito.

Quæst. I. QUID est Deposito?

Resp. **Q**UOD est contractus quo res aliqua alteri custodienda committitur: & ut dicitur in lege: *Depositum est quod custodiendum alicui datum est.* Ex hac definitione facillè infertur, depositarium justè non posse re deposita uti, cum ejus tantum concessa sit custodia, non autem usus; in quo depositum à com-

L. Depositum; ff. de depositis.

modato differt, in quo res ita traditur, ut eâ quis utatur: differt etiam à pignore, in quo res traditur ad alicujus debiti securitatem.

Quaest. 2. Quonam modo dividitur Depositum?

Resp. Aliud est judiciale depositum, quod fit de re litigiosa quæ judicii aut sequestro traditur, usque dum decernatur & declaretur ad quem debeat pertinere. Aliud est etiam depositum quod à debitore in manus personæ publicæ traditur, ut exinde se à solutione interesse eximat: accidit enim aliquoties quod debitor volens debitum creditori solvere, in varias oppositiones & contradictiones incurrit; quandoque ipsemet creditor solutionem recipere non vult: & in hujusmodi casibus debitor pecuniam quam debet in manibus personæ publicæ deponit, quo facto liberatur ab obligatione quam in favorem creditoris contraxerat.

L. Depositum, ff. de positi. Tertia species depositi est, cum res aliqua alteri custodienda traditur, & hoc est propriè loquendo depositum de quo nunc loquimur: dicitur autem depositum à verbo deponere, & ut dicitur in lege, *Propositio de auget depositum, ut ostendat, totum fidei ejus esse commissum, quod ad custodiam rei pertinet.*

Quaest. 3. Depositarius potest-ne uti re, quæ apud se deposita est?

Resp. Si deponens, id est Dominus rei quæ deposita est, non verè consentit expressè aut tacitè, quod eâ utatur depositarius, certum est quod peccat, & quamdam speciem furti in tali usu committit, ut habetur in lege: *Qui rem depositam invito Domino sciens, prudensque in usus suos converterit, etiam furti delicto succedit.* Unde sequitur quod si vestis, aut alia hujusmodi res, deposita fuerit & ea depo-

fitarius, sine Domini consensu utatur, tenetur restituere; quia usus talis vestis depositæ ejus valorem minuit, neque præsumi communiter debet, Dominum, qui nullo modo tali usui consensit illum approbare; quin potius judicandum est illi non placere, cum in illius damnum vergat. Quod si deposita fuerit pecunia, aut inclusa est in arca clavi à Domino obscurata; & in hoc casu si depositarius illâ utatur, furtum committit; quia ex tali depositi modo constat Dominum nolle illius usum concedere. Si verò pecunia simpliciter, non inclusa deposita sit, potest ea uti depositarius, modò tamen securus sit, se aliam pecuniam subitò inventurum ad reddendum Domino quancumque eam petierit: *Si sacculum*, inquit lex, *vel argentum signatum deposuero, & his panes quem depositum fuit, me invito contrectaverit, & depositi, & furti actio mihi in eum competit. Si ex permissu meo deposita pecunia, is panes quem deposita est, utatur, ut in cæteris bona fidei judiciis, usuras ejus nomine prestare mihi cogitur.*

L. Si sacculum
ff. depositi

Quæst. 4. Ad quid tenetur depositarius, dum res deposita in suis manibus minuitur aut perit?

Resp. Licet naturalis adsit obligatio restituendi id quod ab alio depositi causa habuimus; nihilominus si res deposita casu aliquo fortuito in manibus depositarii pereat, non tenetur restituere; quia ut plurimum, ejus tantum gratiâ qui deponit, depositum contrahitur, non autem gratiâ depositarii. Unde sanctus Thomas sic disserit: quandoque *Aliquis*

D. Th. 2. 22
q. 62. art. 6.
in corp.

accipit rem alterius absque injuria, non pro sua utilitate, sicut patet in depositis: & ideo ille qui sic accipit, in nullo tenetur ratione acceptionis, quin imò accipiendo impendit ob-

sequium: tenetur autem ratione rei, & propter hoc si ei subtrahatur res absque sua culpa, non tenetur ad restitutionem; secus autem esset si cum magnâ sua culpâ rem depositam amitteret. Et in hoc secutus est S. Thomas legis civilis Decretum, juxta quam depositarius rem depositam restituere tenetur, si fraude sua aut culpa gravi perierit: Depositarius non tenetur nisi de dolo, & latâ culpa.

*L. Depositum.
S. quod autem.
ff. depositi.*

Quaest. 5. Qualis est illa culpa gravis in deposito?

*I. Quod Ner-
va, ff. depo-
siti.*

Resp. Culpa gravis est, cum rei depositæ custodia valde negligitur, neque eo modo, & ea vigilantia conservatur quo res propriæ; & ideo sic habetur in lege: Latiorẽ culpam domum esse mihi verissimum videtur; nam etsi quis non ad eum modum quem hominum natura desiderat diligens est, nisi tamen ad suum modum curam in deposito præstet, fraude non caret; nec enim salvâ fide minorem his, quàm suis rebus diligentiam præstabit.

*Cap. Bona fi-
des. de depo-
si. o.*

Unde etiam dicitur in Decretali, quod Bona fides abesse præsumitur, si rebus tuis salvis existentibus depositas amisisti. Cujus rei exemplum affert Glossa his verbis: Præsumitur autem lata culpa vel dolus si non adhibeat diligentiam qualem in rebus suis; ut si res suas ponebat in arca securas, res depositas dimittebat in domo super bancas.

*Glossa. ibi-
dem,*

Quaest. 6. Depositarius tenetur-ne quandoque restituere ob aliquam culpam, quæ lata & gravis non est?

Resp. Tenetur in duobus casibus: Primò si aliquam mercedem recepit ad custodiendam rem depositam, tunc namque tenetur restituere, si levi culpâ res deposita pereat; quia in eo casu depositum utriusque gratiâ celebratur; & ut ait lex: In deposito si merces accessit,

CAP. VIII. De Deposito. 333

etiam culpa exhibetur. Vbi utriusque utilitas vertitur, dolus & culpa praestatur. Secundò si depositarius se obligaverit ad restituendam rem depositam, si aliqua sua culpa etiam levi perierit, tenetur observare pactum, ut habetur in lege: si convenit ut in deposito & culpa praestetur, rata est contractus conventio; contractus enim legem ex conventionione accipiunt.

L. Si ne certa ff. commo-
dati. §. Nunc
videndum.

L. Depositum.
§. Si convenit.
ff. depositi.

Quaest. 7. Teneri-ne potest ad restitutionem depositarius, etiam ob culpam levissimam?

Resp. In duobus casibus ob levissimam culpam teneri. Primò namque si depositarius totum in se rei depositae periculum suscepit, conventioni stare tenetur. Secundò, si Domino volenti rem aliquam deponere; depositarius semetipsum ad illam custodiendam obrulerit, de levissima culpâ tenetur: quod tamen locum habet, si cum Dominus hominem diligentissimum requireret, sese obtulit depositarius uti talem suam diligentiam venditans; tunc enim justum est, ut illam diligentiam quam ostentavit, de facto adhibeat; & ut non minori curâ rem depositam quam res proprias custodiat; ita ut si aliqua talis depositarii etiam levissima culpâ, res deposita pereat, teneatur illius pretium Domino restituere, ut habetur in lege his verbis: Sapè evenit ut res deposita vel nummi, periculo sint ejus apud quem deponuntur, ut puta si hoc nominatim convenit; sed & si quis se deposito obtulit, idem Julianus scribit periculo se depositi alligasse, ita tamen ut non solum dolum, sed etiam culpam & custodiam praestet. Quod etiam Jure Canonico cautum videtur, dum dicitur: De culpa quoque teneris, si te ipsum deposito obtulisti.

L. Depositum.
§. Sape evenit
ff. depositi.

Cap. Bona fides. de deposito.

Quaest. 8. Teneri-ne aliquando depositarius refarcire damnum, quod casu aliquo fortuito rei depositae accidit, sine illius culpa:

ut si v. g. equus depositus est, debet ne depositarius illius pretium restituere, si apud se mortuus fuerit?

Resp. Teneri potest ad restitutionem depositarius in duobus casibus. Primò, si ita inter eum & deponentem convenerit. Secundò, si depositarius requisitus à Domino, noluerit tunc reddere rem depositam, & pendente morâ perierit; quia potuit ab obligatione rem conservandi se liberare, & ita illius mora culpabilis est, illumque reddit obnoxium ad resarcienda omnia damna rei depositæ tempore quo eam invito Domino retinet. Unde dicitur in lege

l. Si in Africa ff. depositi. §. quem admodum.

Cap. Bona fides. Extra. de deposito.

quod *Depositum eo die quo depositi actum est, periculo ejus est apud quem depositum fuerit.*

Quod etiam Decretali Gregorii noni confirmari potest; in ea enim habetur quod *In deposito, pacto, culpâ vel morâ precedentibus, casus etiam fortuitus imputatur.*

Quaest. 9. Si Dominus rem suam depositam petat, ut ea utatur ad aliquod scelus perpetrandum: ut si ensen depositum requirat, ut eum eo homicidium committat, tenetur-ne tunc depositarius rem depositam tradere?

Resp. In talibus casibus depositarius rem depositam Domino reddere non tenetur; juxta sancti Thomæ doctrinam: *Est aliquis casus, inquit sanctus Doctor, in quo depositum non est reddendum, ne homo perversam voluntatem habens malè eo utatur, ut puta si furiosus, vel hostis rei publica arma deposita reponcat.*

Quaest. 10. Si fur rem Caïo surreptam apud Titium deponat; deinde tractu temporis agnoscat Titius, talem rem ad Caïum pertinere: debet-ne illam Caïo aut furi restituere?

Resp. Etiam si sciat Titius depositarius rem depositam à deponente furto surreptam fuisse,

D. Th. 1. 2. q. 57. art. 2. ad 1.

CAP. VIII. De Deposito. 335.

eam tamen debet, juxta legem civilem, deponenti restituere. Nihilominus si verus Dominus rem suam eodem tempore cum fure petat, in hoc casu depositarius ex æquitate eam Domino tradere debet, ut dicitur in lege & in Glossa Canonica his verbis: *Depositum restitui debet pradoni, tamen si Dominus cum fure simul petat, Domino restitui debet de æquitate.*

L. *Depositum.*
S. *si prado.* ff. *depositi.*

Quaest. 11. Si quis deposita re aliqua, grave scelus committat in cujus poenam bona illius publicantur & fisco addicuntur: tunc teneturne depositarius rem deponenti reddere, aut eam Judicibus tradere?

Resp. Juxta naturale jus, res deposita soli deponenti reddi debet: sed juxta legum civilium rigorem, quæ decernunt ut reus etiam privatione bonorum temporalium puniatur, res deposita Judicibus tradi debet. *Reus capitalis judicii*, inquit lex, *deposuit apud te centum, bona ejus publicata sunt; utrumne ipsi ea reddenda, an in publicum deferenda sint? Si tantum naturale, & gentium jus inueamur, ei qui deposuit restituenda sunt: Si civile jus & legum ordinem, magis in publicum deferenda sunt: nam male meritis publicè ut aliis exemplo ad deterrenda maleficia sit, etiam egestate laborare debet.* Sed videtur quod in hujusmodi casu potest depositarius Juris Canonici clementiam, rigori legis civilis præferre, & ita rem, deponenti, quantumcumque reo restituere, cujus conditio pejor esse non debet quàm conditio furis, cui depositum etiam juxta legem civilem reddi debet, ut nu. 10. diximus.

L. *Bona fides.*
ff. *depositi.*

Quaest. 12. Si v. g. famulus apud Sejum heri sui Pomponii anulum deponit, & Sejus talem herum non cognoscens, anulum Titio bona

fide restituit, putans quod esset illius Dominus; tenetur-ne in hoc casu Sejus Pomponio annuli valorem restituere?

Resp. Sejus restituere non tenetur si prudenter & absque ullo dolo annulum Titio restituerit, credens ad illum pertinere; quia in hoc casu res perit casu fortuito, & constans est axioma Juris, quod res quæ perit casu fortuito, perit semper periculo Domini, nisi aliter conventum sit: Si, inquit lex, rem à servo depositam, Titio quem Dominum ejus putasti, cum non esset, restituiſti, depositi actione te non teneri Celsus ait, quia nullus dolus intercessit. Eadem ratione si hæres rem depositam inter bona hæreditaria inveniens, & nesciens depositam esse, bonâ fide eam consumat, non tenetur ejus valorem Domino restituere, nisi tali consumptione hæres factus sit ditior; quia nemo debet locupletari cum alterius jactura, ut sæpiùs dictum est & desumitur ex lege in qua dicitur, quod Si hæres rem apud testatorem depositam distraxerit, ignorans anteneatur, & quia dolo non fecit, non te rebitur de re; an tamen vel de pretio teneatur quod ad eum pervenit, & verius est teneri eum.

. Depositam.
§. si rem. ff.
depositi.

L. Depositum.
§. quod autem.
ff. depositi,

C A P U T I X.

De Commodato.

Quest. I. QUID est Commodatum?

Resp.

Est contractus quo res aliqua gratuitò certo modo utenda conceditur, ea lege ut eadem numero res reddatur, id est juxta juris terminos, ut eadem res reddatur in specie, non in genere. Et, ut ait Glossa, Commodatum est alicujus rei in aliquem specialem

Glossa in cap.
Cum gratia,

CAP. IX. De Commodato. 357

cialem usum gratuito facta concessio. Primò *Est contractus gratuitus* ; nam in hoc differt commodatum à locatione , quod locatio fit pro aliqua mercede & pretio interveniente , commodatum autem necessariò debet esse sine mercede. Secundò , *Res aliqua utenda conceditur* , ut appareat in commodato dominium nullo modo transferri , sicut accidit in mutuo. Tertiò dicitur , quod *Res certo modo utenda conceditur* , ut distinguatur à precario in quo rei usus conceditur sine ulla determinatione temporis , loci aut usus. Et ideo si commodatarius re sibi commodata utatur aliter quàm tacitè vel expressè conventum est , aliquam furti speciem committit. Quartò dicitur in definitione ; quod eadem numero res debet reddi , quia non sufficeret aliam rem similem aut illius valorem restituere ; & in hoc etiam commodatum à mutuo differt.

Extra de cō-
modato ver-
bo, Commoda-
tum.

Quaest. 2. Ille qui rem suam alteri ad tempus aliquod determinatum commodavit , potest-ne ejus restitutionem exigere ante tempus conventum ?

Resp. Conventioni stare tenetur qui commodavit , & ideo non potest , invito commodatario , rem suam sumere aut exigere ante tempus determinatum , ut expressè dicitur in una Gregorii noni Decretali his verbis : *Contra eum quoque rectè commodati non agitur , nisi post usum completum cujus gratiâ res fuerat commodata , cum non decipi beneficio nos oporteat , sed juvari.* At si res accipi posset à commodante ante tempus conventum , sæpius id onerosum esset commodatario damnumque injustum ei afferret.

Cap. Cum gra-
tia. de com-
modato.

Quaest. 3. Ad quid tenetur commodatarius seu ille cui res aliqua commodata fuit ?

Resp. Tenetur primò , re commodata ad id

TOMIUS I.

P

L. Si ut cario.
ff. commo-
dati. §. Quin
imo.

Just. lib. 4.
inst. tit. 1. §.
Furtum autem
fit.

tantummodò uti pro quo commodata fuit;
Quin imò, inquit lex, qui utitur re commo-
data aliter, non solum commodati, verùm
furti quoque tenetur: quemadmodum qui equo,
vel vestimento aliter quàm commodatum est
utitur. Sed illud clariùs exponitur à Justinia-
no Imperatore, dum in suis Institutionibus de-
cernit, quod si is qui rem utendam accepit,
in alium usum eam transferat, quàm cujus
gratià ei data est, furtum committit, veluti si
quis equum gestandi causà commodatum sibi,
longiùs aliquò duxerit. Placuit tamen eos qui
rebus commodatis aliter uterentur, quàm
utendas acceperint, ita furtum committere,
si se intelligant id invito Domino facere, eum-
que si intellexisset non permissurum: at si per-
missurum credant, extra crimen videri, opti-
ma sanè distinctione, quia furtum sine affectu
furandi, non committitur.

Secundò tenetur commodatarius, rem com-
modatam, tempore convento & determinato
restituere Domino, ut dicitur in L. de resti-
tuendis. Cod. de commodato.

L. Si vero. ff.
commodati.
§. quòd verò.

Tertiò rem commodatam cum eadem cura
conservare, & custodire debet, ac si esset pro-
pria; hinc sequitur, quod si res commodata
damnum aliquod patitur culpà aut negligentia
commodatarii, tenetur tale damnum relarci-
re; nam ut dicitur in lege: Si aliquod dam-
num contingit, tenetur ille qui commodatum
accepit, si cùm posset res commodatas salvas
facere, suas pratulit. Custodiam planè com-
modata rei etiam diligentem præstare debet.

Quæst. 4. Ob qualem culpam ad restitutio-
nem tenetur commodatarius?

Resp. Cùm commodata res est solummodò
ob utilitatem commodatarii, ut plerumque
fit, tenetur tam jure civili quam Canonico ob

culpam etiam levissimam, cum scilicet eam non adhibuit diligentiam in conservatione rei commodatæ, quam diligentissimus paterfamilias adhibuisset, quod ita habetur in Canone:

Cum gratia sui tantum quis commodatum accepit, de levissima etiam culpa tenetur.

Cap. Cum gratia, de commodato.

Quest. 5. Commodatarius tenetur ne refarcire damnum, quod rei commodatæ casu aliquo planè fortuito sine culpa accidit, ut si incendio, naufragio, latrocinio pereat?

Resp. Constat ex Decretali, quod commodatarius ob casus merè fortuitos non tenetur, cum nullam omninò culpam commisit, nisi expressè in se recepisset rei commodatæ qualecumque periculum: & hæc resolutio desumitur ex Canone in quo sic habetur: *Licet casus fortuitus (nisi acciderit culpa sua, vel intervenit pactum seu in mora fuisset) sibi non debeat imputari.*

Cap. Cum gratia, de commodato.

CAPUT X.

De Precario.

Quest. 1. QUID est Precarium?

Resp. Est contractus quo res aliqua utenda conceditur, ad beneplacitum, & eo modo & tempore, quo Dominus voluerit. *Precarium est, inquit lex, quod precibus petenti utendum conceditur, tamdiu quamdiu is qui concessit patitur.*

L. Precarium. ff. de precario.

Dicitur primò contractus Quo res utenda conceditur, ut cognoscatur in eo dominium nullo modo transferri. Secundò conceditur ad beneplacitum, & eo modo & tempore quo dominus voluerit, & hæc est differentia quæ inter commodatum & precarium reperitur; in

commodatoque namque res utenda aliquo modo, & tempore determinato conceditur; in precario autem omnia beneplacito Domini reservantur, qui quocumque tempore rem precario concessam, sumere & exigere justè potest.

Quaest. 2. Quot modis precarii contractus finitur?

Resp. Primò finitur Domini rei precario concessæ voluntate, ut supra dictum est, & habetur in lege his verbis: *Qui precario concedit sic dat, quasi tunc recepturus cum sibi libuerit precarium solvere.*

l. Precarium.
ff. de pre-
cario.

Cap. Precarium de pre-
cariis.

Secundò finitur morte illius cui res precario concessa est. Tertiò finitur cum dominium rei precario concessæ à Domino translatum est in alium qui precarium continuare non vult: non autem corrumpitur morte illius qui precario dedit, nisi illius hæredes rem postulent, quia censetur continuata precarii voluntas in hæredes, nisi ei expressè contradixerint: & hæc omnia habentur in Canone his verbis: *Precarium utendum conceditur, quamdiu patitur, qui concessit: solvitur quoque obitu ejus, cui concessum est, non etiam concedentis: aut cum ipsum alienare contingit alicui hoc revocare volenti: quia per conventionem hujusmodi non licet rem alienam invito Domino possideri.*

Quaest. 3. Nonne aliæ difficultates super precarii materia excitari & agitari possunt?

Resp. Possunt equidem, sed eodem planè modo solvendæ sunt, ac illæ quæ superius in commodato propositæ sunt, & ita satis superque resolutæ remanent in iis quæ capite præcedenti dicta sunt. Adde quod in praxi, vix ulla ut plurimum inter commodatum & precarium reperitur differentia; nam sæpius dum res aliqua commodatur, id fit absque determina-

tionem temporis, loci, aut usus; quæ tamen determinatione tacita aut expressa, totam diversitatem, quæ inter commodatum & precarium intercedit, constituit.



TRACTATUS SEXTUS
DE FIDEJUSSORIBUS;
PROMISSIONE,
ET LUDO.

CAPUT PRIMUM.

De Fidejussoribus.

Quæst. I. **Q**UID per Fidejussores intelligitur?

Resp. *Fidejussores sunt*, ut ait Glossa, *qui pro alienis debitis intercedunt*, ad majorem creditoris securitatem, ita tamen ut principalis debitor semper remaneat obligatus. In tit. de fidejussoribus apud Greg.

Ex hac definitione sequitur: Primò fidejussores primariò debitum non contraxisse, & ita neminem sui metipsum esse posse fidejussorem: unde etiam cum fidejussor debitor principalis non sit, non potest cogi ad debiti solutionem, nisi postquam principalis debitor repertus est non habere unde solvat, juxta authenticam in qua sic habetur: *Præsente tamen utroque*, In auth. præ-
non permittitur intercessorem conveniri prius, sent. Cod. de
quàm reus inventus est minus idoneus, sive in fidejussori-
in totum, sive in partem. Et hæc regula procedere intelligitur, nisi aliter conventum sit, bus,

342 *Tract. VI. De Fidejussorib. &c.*

si enim adhibitum sit pactum, ut promiscuè tam fidejussor quàm debitor conveniri possint, ita ut tam primus, quàm secundus haberi possint tanquam principales debitores in solidum, in hoc casu pactum observari debet.

Secundò sequitur ex eo quòd dicitur; fidejussores adhiberi ad majorem creditoris securitatem, illam inveniri differentiam inter fidejussorem, & eum qui se pro alio soluturum promittit, quod talis promissor solus remanet obligatus; fidejussor autem communem habet cum principali debitore solvendi obligationem, & ut diximus, solvere regulariter non tenetur nisi convento, & excusso debitore, qui solvendo non est, sicque major adest securitas creditoris, dum nempe primò debitorem, & in illius subsidium, fidejussorem in jus vocare, & ad solutionem obligare potest.

Quaest. 2. Quot sunt fidejussionum species?

Resp. Duæ fidejussionum species enumerari possunt. Prima vocatur judicialis, dum scilicet reus è carcere egrediens, fidejussoribus datis, promittit se in judicio compariturum, quoties id sibi à judice jubebitur. Secunda extrajudicialis dicitur, cum scilicet quis se obligat ad solvendum pro alio, casu quo talis debitor solvendo non sit.

Quaest. 3. Potest-ne ita se obligare fidejussor ut plura teneatur solvere quàm ipse debitor principalis?

Resp. Fidejussores, ut ait Imperator, ita obligari non possunt ut plus debeant, quàm debet is pro quo obligantur. Nam eorum obligatio, accessio est principalis obligationis, nec per se in acceptione potest esse, quàm in principali re. At ex diverso, ut minus debeant, obligari possunt. Itaque si reus decem aureas

*Just. lib. 3.
Inst. tit. 11. §.
Fidejussores.*

promiserit : fidejussor in quinque rectè obligatur , contra verò obligari non potest. Item si ille purè promiserit , fidejussor sub conditione promittere potest , contra verò non potest. Non solum autem in quantitate , sed etiam in tempore minùs aut plus intelligitur. Plus est enim statim aliquid dare ; minus est post tempus dare.

Quaest. 4. Qui alteri pecuniam mutuo dat , potest-ne aliquid exigere eò quod abstineat à petendo fidejussore , quem petere potuisset ?

Resp. Ob talem causam nihil exigi potest ; quia etiam si creditor non petat fidejussorem , prout petere potuisset , id non tollit obligationem solvendi à debitore in mutuo contractam , & hic fidejussoris defectus auget solummodo periculum ne creditor debitum ob inopiam debitoris perdat ; quod periculum nullum titulum exigendi aliquod interesse producere potest , cum ex sancto Thoma , Ratio periculi etiam circa sortem non tollat rationem usura.

D.Th. opusc.
73. cap. 6.

Et usuram tantum potest tollere illud periculum quod cum societate conjunctum est , & dicitur periculum juris. De quo fusiùs in Tract. 4. de mutuo & usura.

Quaest. 5. Qui pro Titio fidejubet , potest-ne ab eodem aliquid , ratione talis fidejussionis , exigere ?

Resp. Id fieri justè non potest , quia fidejussori remanet obligatus principalis debitor , ad resarciendum omne damnum quod ex tali fidejussione oriri possit , & ita remanet tantum insolvabilitatis periculum , quod , ut supra dictum est , non producit justum titulum petendi aliquod interesse ; unde ille qui ab alio aliquid exigit , ut pro illo fidejussorem se exhibeat , usuram comittit , à qua non excusatur , licet in se periculum recipiat (cum tenca-

344 *Traët. VI. De Fidejussorib. &c.*

tur solvere principali debitore non solvente)
quia talis debitor semper remanet obligatus ad
refarciendum fidejussoris damnum. *Nec obstat,*
inquit S. Antoninus , Cùm in casu nostro
etiam in me suscipio periculum ; quia si tu illi
non solvis , ego teneor solvere : quoniam tu
mibi remanes obligatus ad reddendum.

Quæst. 6. Ille qui requisitus à creditore
fidejuber pro aliquo debito in illius favorem
ab altero contracto , potest-ne aliquid pro tali
fidejussione à creditore exigere ? v. g. Joannes
centum Petro dedit mutuo , timensque debi-
tum perdere , petit à Paulo , ut debiti à Petro
contracti fidejussor accedat , promittens se
certam pro tali fidejussione summam solutu-
rum. Hoc posito queritur utrum id liceat ?

Resb. Constat id justè fieri posse , quia in-
teresse quod fidejussori promittitur , mutuum
nullo modo respicit , cùm illius intuitu pro-
missum non sit , sed tantùm intuitu securitatis ,
seu assecurationis & periculi pretio æstimabilis
quod in se recipit fidejussor ; & ita tale in-
teresse , ut ait lex , periculi pretium est , &
pro illo periculo à mutuo separato potest sine
usura exigi justum pretium illi proportiona-
tum : *Aut* , inquit S. Antoninus , *recipit illud*
ultra sortem præcisè ratione periculi , ut pre-
tium periculi ; & sic non est usura sed li-
citum.

Hæc autem est diversitas , inter hunc casum ,
& illum qui supra propositus fuit , quod in casu
præsenti nulla mutui ratio & species esse po-
test ; cùm fidejussor nihil commune habeat
cum illo , cui mutuum datum est , sed solum-
modò interesse recipiat , tanquam assecuratio-
nis à se factæ pretium : è contrario ille qui vult
aliquid à debitore exigere , ut illius fidejussor
sit , vult etiam aliquid accipere ex vi mutui

D. Ant. 2. p.
tit. 1. cap. 7.
§. 45.

D. Ant. 2. p.
tit. 1. cap. 7.
§. 2.

impliciti. Unde dici potest, quod sicut usuram committeret, qui alterius debita solvere vellet, eâ conditione quod talis debitor sibi summam pro eo datam, unâ cum aliquo interesse restitueret: ita etiam à fortiori, ille usuram committit, qui fidejubet pro alterius debito, sub ea conditione, quod sibi aliquid dabit debitor; quia sine dubio minus est pro alio fidejubere, quàm pro alio solvere; & ita, ut ait S. Antoninus, *Paria quidem videntur mutuare ultra sortem; & certum quid recipere, & panes creditorem satis dare, & aliquid à debitore recipere.*

D. Ant. 2. p.
tit. 1. cap. 7.
§. 45.

Quaest. 7. Ille qui pro altero fidejussor est, potest-ne ita cum creditore convenire, ut pro certa summâ illius fidejussioni renuntiet, illumque ab obligatione liberet? v. g. Petrus fidejussor Pauli fuit pro aliqua summa à Joanne mutuo data Paulo: Joannes potest-ne Petrum à fidejussionis onere liberare, aliquo pretio interveniente?

Resp. Id haud dubiè fieri licitè potest; si enim Petrus potuit aliquid à Joanne exigere, pro fidejussione à se facta per modum asscurationis, ut supra explicatum est; eadem prout ratione Joannes vicissim potest aliquid à Petro exigere ut eum ab ejusdem fidejussionis onere liberet. Si quis velit liberari ab asscuratione alicujus debiti in favorem creditoris facta, æquum est ut illius liberationis pretium solvat; etenim si aliquid ratione asscurationis recipere potuit, quare ob illius asscurationis liberationem, idem pretium ab eo exigì non posset, cum ejusdem planè valoris, & æstimationis sit, eodemque principio & fundamento nitatur?

Quaest. 8. Teneretur-ne principalis debitor omnia damna, quæ illius causâ fidejussor passus est restituere?

P 7

346 Tract. VI. De Fidejussorib. & c.

Resp. Tenetur omninò quoties talia damna, debitoris principalis culpâ, acciderunt; ut si debiti solutionem ultra tempus conventum distulerit, prout habetur in cap. *Pervenit* & in cap. *constitutus*, de fidejussoribus.

Quaest. 9. Fidejussionis onus transit-ne ad hæredes, ita ut fidejussoris hæres, sit etiam fidejussor, quemadmodum defunctus?

Resp. Onus fidejussionis ad hæredes omninò transit, ut expressè habetur in lege his verbis:

L. *Potest accipi*, ff. de fidejussoribus. *Fidejussor & ipse obligatur, & suum heredem obligatum relinquit, cum rei locum obtineat.*

Quaest. 10. Licet-ne alicui pro alio fidejubere, dum scit se non habere unde solvat?

Resp. Si ob talem fidejussionem pecunia alteri mutuo datur, quæ sine ea data non fuisset, peccat graviter fidejussor si putet debitorem posse non habere unde solvat: & ratio est, quia, juxta sancti Thomæ doctrinam, *Dare alicui occasionem periculi vel damni semper est illicitum*. Id autem in casu proposito fieret si ille qui pro alio fidejubet, non haberet unde solveret; nam tunc daret tali creditori veram occasionem periculi & damni, quia sine hac inani fidejussione pecuniam mutuo non dedisset illi quem solvendo non esse, aut posse fieri dubitabat.

B. Th. 2: 2.
q. 77. art. 1.
in corp.

Quaest. 11. In quibus casibus ille qui pro alio fidejussit, contra debitorem in judicio agere potest, ut se à fidejussionis onere liberet, & omne damnum ex ea secutum resarciat?

Resp. Id in quatuor casibus fieri potest. Primò si debitor solutionem debiti multum protraxerit. Secundò, si bona sua dilapidet. Tertiò, si fidejussor ad solvendum pro eo condemnatus à Judice fuerit. Quartò, si pro principali debitore solverit, aut cum eo convenerit

ut se à fidejussione intra tale tempus liberare teneatur ; & hi quatuor casus in una Decretali, & illius Glossa reperiuntur his verbis : *Eum pro quo te fidejussorem obligasti, si diu in debiti solutione cessavit, aut dissipare bona sua coepit, seu super hoc condemnatus fuisti, jure poteris convenire, & te à fidejussione liberare.* Cap. Eum pro quo. de fidejussoribus.

CAPUT II.

De Promissione.

Quaest. I. QUID est Promissio ?

Resp. Est contractus quo quis se aliquid alteri daturum aut pro altero facturum gratuitò pollicetur, quæ definitio habetur in lege his verbis : *Pollicitatio est offerentis solius promissum.* L. Pañum. ff. de pollicitatione.

Primò, Est contractus quo quis pollicetur, unde colligitur quod in promissione solius promittentis, consensus requiritur ; in quo à pacto differt quod duorum consensum necessario requirit. Nihilominus tametsi illius cui promittitur consensus expressus absolquè necessarius non sit, debet tamen adesse illius consensus tacitus, & aliqualis acceptatio promissionis in sui favorem factæ.

Secundò dicitur *gratis* ut distinguatur promissio ab aliis contractibus, in quibus aliquid fieri aut dari promittitur.

Quaest. 2. Tenetur-ne quis in conscientia promissa implere ?

Resp. Tenetur etiam sub mortali, dum res promissa est notabilis, si ille cui promissio facta est, verbo aut scripto, illam acceptaverit ; quia hoc ipso, jus legitimum in rem promiss-

348 Tract. VI. De Fidejussorib. & c.

sam adeptus est, quo sine injustitia privari non potest: at constat injustitiam peccatum grave ex sua natura involvere: *Si quis*, inquit sanctus Thomas, *non faciat quod promissit, tunc videtur infideliter agere per hoc quod animum mutat*, in præjudicium proximi; unde, ut docet S. Antoninus, *Non servando quod promissit cum posset; utique peccat; quia omne promissum debitum quod jure naturali servandum est, est à Deo: quia, secundum Augustinum, fides etiam quando hosti promittitur, servanda est. Quod confirmari potest ex Glossa in qua habetur, quod Ex nuda promissione quis tenetur, & ex regula Juris Canonici, in qua dicitur, quod Mutare consilium quis non potest in alterius detrimentum.*

Quæst. 3. Quandonam ab obligatione implendi promissa liberi esse possumus?

Resp. Id quatuor in casibus accidere potest. Primò si quis dum promittebat, non habuit animum se obligandi ad executionem talis promissionis, ut si promittatur per ceremoniam & urbanum quemdam confabulandi modum, ita ut ille cui promissio facta est, credere non debuerit, talem promissionem implendam esse; si enim promissio facta fuisset decipiendi causâ, & aliquod damnum ex ea secutum fuisset quocumque modo, teneretur promissor tale saltem damnum resarcire.

Secundò, quis potest ab obligatione promissionem implendi liberari, si superveniat aliqua causa rationabilis & iusta: ut si postquam promisi mutuo dare pecuniam, illa deinde mihi necessaria sit: aut si ille cui aliquod obsequium & servitium præstare promiseram, mihi deinde gravem injuriam infert, & me tanquam inimicum insequitur; videtur enim quod similibus casibus supervenientibus, quis

D. Th. 2. 2.
q. 110. art. 3.
ad 5.

D. Ant. 2. p.
tit. 10. c. 1.
§. 4.

Glossa in
cap. *Sunt qui-*
dam. 17. q. 1.

Reg. 31. De
Regulis Juris,
in 6.

non intendit se ad promissionem implendam obligare ; & ideo , ut docet sanctus Antoninus , *Omne promissum servandum est , & hoc nisi subsist , vel superveniat causa rationabilis non implendi , puta novus casus impræmeditatus.*

D. Ant. 1. p.
tit. 10. cap. 1.
§. 4.

Tertiò , si id quod promissum est , sit deinde impossibile : ut si qui centum aureos alteri promisit , ad summam paupertatem deveniat : si ille qui alteri comitem se in aliqua peregrinatione futurum promisit , tempore convento in morbum incidat : si aliquid prohibitum , quodque sine peccato impleri non potest , promissum sit ; in quo casu , ut docet sanctus Thomas , *Excusatur quis adimplere quod promisit , si promisit id quod manifestè est illicitum ; quia promittendo peccavit ; mutando autem propositum , bene facit : quia non possumus obligari ad peccandum , cum ad nihil fortius obligari possimus , quàm ad vitandum peccatum.*

D. Th. 2. 2.
q. 110. art. 3.
ad 5.

Quartò , possumus liberari ab obligatione implendi promissa , cum aliquid ob rem illicitam promissum est , ut si aliquid promissum sit meretrici tanquam peccati pretium , in quo casu non solum non tenetur quis implere promissa , sed etiam promittendo peccavit , & insuper novum peccatum committit dum promissum pretium solvit , eà intentione ut denuò cum eadem fœmina peccandi licentiam habeat : quod probatur ex Canone in quo sanctus Augustinus , *Qui donant meretricibus* , inquit , *quare donant ? Non ibi attendunt naturam operis Dei , sed nequitiam operis humani.* Et reverà dantes , occasionem dare videntur peccandi ; unde Glossa : *Dicunt quidam , ait , quod dare meretrici causâ affectionis pactione non præcedente , sed causa remunerandi , bene possumus post factum : quod non credo , quia*

Canone. *Qui*
venatoribus.
dist. 86.

Glossa, ibid.
verbo : *Me-*
reticibus,

350 Tract. VI. De Fidejussorib. &c.

semper peccatum est dare. Et hæc videtur esse mens sancti Augustini non solum in dicto Canone, sed etiam in Tract. 110. in Joannem. Unde etiam apud sanctum Thomam legimus: *Augustinus dicit supra Joannem, quod dare res suas histrionibus vitium est immane, non virtus, nisi forte aliquis histrio esset in extrema necessitate, in qua esset ei subveniendum.* Et ita ex paritate rationis, minus etiam licitum videtur donare meretricibus; eò magis quod hæc dona, illas ad denuò peccandum ut plurimum movent; nisi tamen in extrema necessitate essent constitutæ. Ratio autem cur talia munera vix licita esse possint, est quia sæpius fiunt cum intentione denuò cum illis peccandi (quæ intentio peccatum sine dubio mortale involvit) aut saltem cum intentione servandæ facultatis peccatrices invisendi, cum illis confabulandi, quod certè signum est, remanere in corde aliquem erga illas affectum, nec relinquere quem velle omnes proximas peccandi occasiones.

Quæst. 4. Ille qui aliquid recepit, quod sibi pro re illicita promissum fuerat, tenetur-ne restituere?

D. Th. 2. 2.
q. 61. art. 5.
ad 1.

Resp. Dicendum, cum sancto Thoma, quod aliquis dupliciter aliquid illicitè dat. Vno modo, quia ipsa datio est illicita, & contra legem, & talis meretur amittere quod dedit, unde non debet restitutio fieri de his; & quia etiam ille qui accepit, contra legem accepit, non debet sibi retinere, sed in pios usus convertere. Alio modo aliquis illicitè dat, quia propter rem illicitam dat, licet ipsa datio non sit illicita: sicut cum quis dat meretrici propter fornicationem: unde & mulier potest sibi retinere quod ei datum est; sed si superflue aliquid per fraudem vel dolum extorsisset, tenetur eidem restituere.

CAP. II. De Promissione. 351

Igitur, juxta sancti Thomæ doctrinam, constat illum qui contra prohibitionem Juris, & contra justitiam, aliquid pro re illicita perpetranda accepit, ad restitutionem teneri in favorem causæ piæ, non autem illius qui illicitè dedit: & ita si Judex aliquid pro ferenda sententia justa vel injusta acceperit, tenetur restituere pauperibus aut Ecclesiæ, quia illicitè & contra Decreta legum accepit; ut videre est in Canone in quo sic habetur: *Cum autem ju-*

Can. Non sancti
14. q. 5.

dicticia & testimonia, qua nec justa, nec vera vendenda sunt, iniqua & falsa venduntur: multo sceleratius utique pecunia sumitur, quia sceleratè etiam quamvis à volentibus datur. Dum autem aliquid pro re illicita, sed non illicitè, & contra juris prohibitionem datum est, restitui non debet, ut expressè alio in loco docet sanctus Thomas in casu meretricium: Quod enim, inquit, mulier meretriciam exercet, turpiter agit & contra legem Dei; sed in eo quod accipit, non injustè agit, nec contra legem. Vnde quod sic illicitè acquisitum est, retineri potest. Et id conforme est legi in qua sic habetur: Quod meretrici datur repeti non potest, illam enim turpiter facere quod sit meretrix, sed non turpiter accipere cum sit meretrix.

D. Th. 2. 2. q. 32. art. 7. in corp.

L. Idem si. ff. de Condict. ob imp. causâ.

Quæst. 5. Qui aliquid pro re prohibita promisit, & ita promissioni stare non tenetur; potest-ne tutâ conscientia, id quod promiserat retinere sine ulla obligatione pauperibus distribuendi?

Resp. Videri posset, idem dicendum esse de eo qui pecuniam pro re illicita promisit, quod dictum est de eo, qui pro eadem re dedit; maxime cum ex natura rei, ut quæstione secunda probatum fuit, teneatur quis in conscientia solvere quod promisit, & ita si, ut post

sanctum Thomam dictum est, dum quis pecuniam pro re illicita facienda dedit, jus quod in illa pecunia habebat penitus amisit, unde ei restitui non debet, sed pauperibus; simili modo fortassis dici posset, illum qui pecuniam pro re illicita promisit, non debere quidem ei cui illicitè promisit solvere, sed tamen illam pauperibus erogandam esse; quia jus quod in illa habebat Dominus, promissione illicita amisisse videri potest: id certè hujusmodi peccatori valdè in praxi expediret, ut eo modo misericordiam à Deo faciliùs impetraret.

CAPUT III.

De Definitione & divisione ludi.

Quaest. I. QUID est Ludus?

Resp. Id est quod dicitur aut fit, animi relaxandi causâ. *Ludicra*, inquit S. Thomas, *vel jocosa, sunt dicta, vel facta in quibus non quaritur nisi delectatio animalis.* Unde ludus propriè inventus & introductus est, tanquam remedium ad reficiendas, reparandasque animi vires; & quemadmodum somnus ad vires corporis refocillandas inservit, ita ludus institutus est ut aliquantulum à seriis averteretur animus, & aliqua intermissione, vires diuturnis negotiis curisque fatigatas repararet, & deinde novis laboribus magis idoneus redderetur; dum enim hâc veluti animi quiete, & hilaritate spiritus animales reficiuntur, succedentibus curis faciliùs, & absque damni & defatigationis periculo sufficit.

Hinc patet, non ita sumi à nobis ludum, ut à novis casuum conscientiae Scriptoribus, communiter describitur, dum asserunt ludum esse

D. Th. 2. 2.
q. 168. art. 2.
in corp.

contractum, quo duo aut plures periculo res suas amittendi se voluntariè exponunt, ob spem lucri faciendi: & ita ludi finem in lucrandi aviditate constituunt, quæ tamen aviditas ludum sine aliquo peccato exerceri non sineret; quæ, juxta doctrinam S. Thomæ, *Videtur esse aliquid illicitum, quod aliquis trahat alium, ex cupiditate lucrandi, ad ludum.* Sed loquimur de ludo in eodem sensu, quo sanctus Antoninus & S. Thomas de eo loquuntur, in quo haud dubiè sensu Angelicus Doctor dicit, quod *Necesse est talibus interdum uti ludis, quasi ad quamdam animi quietem.*

D. Th. 2. 2.
q. 168. art. 13
in corp.

Quæst. 2. Quotnam sunt ludi species?

*Resp. Dicendum, inquit S. Thomas, quod ludorum triplex est differentia: quidam enim ludi sunt, qui ex se ipsis turpitudinem habent, & tales ludi ab omnibus vitandi sunt, & præcipuè à pœnitentibus, qui per fletum peccata corrigere debent, sicut ludi qui in Theatris agebantur ad luxuriam provocantes. Alii ludi sunt, qui ex gaudio devotionis procedunt, sicut David dixit; *Ludam, & vilior siliam coram Domino*, secundo Reg. 4. & tales ludi non sunt vitandi, sed laudandi & emulandi. Quidam autem ludi sunt nullam turpitudinem habentes: & ideo servatis debitis circumstantiis, possunt laudabiliter fieri, ad quietem propriam, & aliis laudabiliter convivendum. Huic divisioni conformis est illa, quam sanctus Antoninus affert his verbis: *Triplex est ludus. Primus proveniens, ex magna devotione: & hic peramandus. Secundus contingens ex magna recreatione, & hic tolerandus. Tertius procedens ex diabolica suggestionem: & hic evitandus.**

D. Th. in 4.
sent. dist. 16.
q. 4. art. 2.

D. Ant. 2 p.
tit. 1. c. 13.

CAPUT IV.

De Ludis prohibitis.

Quæst. 1. **L**UDI qui à sorte tantummodò pendere videntur, sunt-ne prohibiti Clericis?

Resp. Dicendum est, quod tales ludi sunt Clericis omninò prohibiti: Clerici, inquit, summus Pontifex in una Decretali, *ad aleas vel taxillos non ludant, nec huiusmodi ludis intersint.* Et in Canone habetur, quod Episcopus, aut Presbyter, aut Diaconus alea deserviens, aut desinat, aut certè damnetur. Subdiaconus autem, aut Lector, aut Cantor similia faciens, aut desinat, aut communione privetur: similiter & Laicus. Quod grave Decretum expendens sanctus Raymundus: *Ex Canone Apostolorum colligitur, inquit, quòd peccatum eorum qui alea deserviunt, sit mortale & grave, cum tales poena non sint imponenda, pro levi crimine.* Ille autem Canon inter alios ad vitam Clericorum spectantes à sacro Concilio Tridentino renovatus est sessione 22. de Reformatione cap. 1. de vita & honestate Clericorum.

Quæst. 2. Nonne nimis durè & rigorosè asseritur, Clericis non licere talibus ludis, qui ut diximus à sorte tantummodò pendere videntur, operam dare; etiam si non notabilem pecuniæ summam, sed exiguam exponerent, relaxandi animi gratiâ?

Resp. Ex Glossa in Authenticam de sanctissimis Episcopis constat, quod id eis non licet: *Nunquid, inquit Glossa, gratis ad tabulas sanctissimis Episcopis ludere potest Clericus? R. quod non; cum*

Can. Clerici.
de vita &
honestate
Cleric.

Can. Episcopus.
dist. 3.

D Raym. lib.
2. tit. de ne-
gotiis saecul.
6. 11.

Glossa in au-
thent. De san-
ctissimis Episco-

CAP. IV. De Ludis prohibitis. 355

etiam spectatores fieri hic prohibeat. Certè qui *pis*, *S. inter-*
 sublimem attentè perpendet status Clericalis *dicimus.*
 dignitatem, quæ eos ita perfectos esse requi-
 rere videtur, ut teste sancto Bernardo, *Inter* *D. Bern. lib:*
seculares, naga, nuga sint; inter sacerdotes, *2. de confid.*
blasphemia, facile cognoscet, non sine legiti- *cap. 23.*
 ma causa Canones & Concilia illis vetasse, ne
 quodcumque aleatorium ludum exercerent,
 cum ludi qui à sorte pendent sint ex natura sua
 mali & vituperio digni juxta mentem sancti
 Francisci Salesii, cui nimia severitatis nota à
 nemine data unquam fuit, ut legitur in lib.
 Philoteæ, p. 3. cap. 32. Si, ut ait Petrus Ble-
 sensis, sæpè *Quod veniale est plebi, criminale* *Petrus Ble-*
est sacerdoti. Et à Concilio Tridentino monen- *sensis. Serm.*
 tur Clerici quatenus *levia etiam delicta,* *super Psal. 24*
in ipsis maxima essent, effugiant, ut eorum *v. 10.*
actiones cunctis afferant venerationem. Mi- *Concil. Trid.*
 rum-ne videri debet Canones decrevisse, ut *sess. 22, c. 1,*
 Ecclesiæ ministri à ludis aleatoriis perpetuò *de ref,*
 abstinere, cum iidem ludi nec à Laïcis exer-
 cere debeant? Tales ludi ita indecori visi sunt
 quando exercentur à Clericis; ut etiam Justi-
 nianus Imperator sic expressè sanxerit: *Inter-* *Authentica*
dicimus sanctissimis Episcopis, & Presbyteris, *Interdicimus.*
Diaconis, & Subdiaconis, & lectoribus. . . *Cod. de Epis-*
ad tabulas ludere, aut aliis ludentibus parti- *copis & Cle-*
cipes esse, aut inspectores fieri. *ricis,*

Quæst. 3. Sunt-ne aliæ ludorum species Ec-
 clesiasticis prohibita?

Resp. Sunt equidem, nam primò illis pro-
 hibentur ludi qui Clericali honestati gravitati-
 que non conveniunt, quales sunt ii omnes qui
 in publico exercentur; unde sanctè in Concilio
 Senonensi prohibetur, *Ne Clerici in publico* *Concil. Seno-*
ludant pilâ aut aliis ludis, maxime cum *nense. Can.*
Laïcis: à ludo alearum aliisque ludis qui à *25. an. 1518.*
sorte pendent, abstineant. Omnes etiam pu-

Concil. Me-
diol. 1. C. de
armis, &c.

blici ludi Ecclesiasticis interdiciuntur in Con-
cilio Mediolanensi à sancto Carolo congregato,
his verbis: *Clericalis Ordinis hominibus omni
genere saltationis & ludi, præsertim verò
alea ac talorum interdiciamus: prohibemus
etiam Globos qui ligneis malleis impelluntur.
Si autem valetudinis interdum causâ, parva
pila aut alio non indecoro exercitationis ge-
nere uti contigerit, nec publicè id faciant,
nec pecunia intercedat in ludo.*

Secundò ii ludi Clericis illiciti sunt, qui sine
dimissione vestis talaris exerceri non possunt,
nam eam sine rationabili causa dimittere non
debent. Demùm ab iis ludis fideliter abstinere
debent Ecclesiæ ministri, in quibus aliquam
scandali occasionem præberent, cùm illorum
vita Perpetuum, quoddam prædicandi genus
esse debeat, juxta Concilii Tridentini verba,
& à Domino *Lux mundi* in Evangelio nuncu-
pentur.

Quæst. 4. Quales ludi Clericis licent?

Resp. Latrunculorum aut tabularum ludi,
sicut & alii similes, qui ab industria præcipuè
pendent, modo publicè non exerceantur, Cle-
ricis prohiberi non videntur; *Licet*, ut ait S.
Antoninus, *potius solatia sua in Scripturis
deberent querere, juxta illud 1. Machabeo-
rum 1. Habentes solatio libros Sanctos in ma-
nibus nostris. Quod tamen tanquam salubre
consilium, non autem rigorosum præceptum
dicitur à sancto Præsule.*

Quæst. 5. Quales ludi Laïcis prohibentur?

Resp. Illi omnes ludi qui à fortuna & sorte
præcipuè pendent, etiam Laïcis prohiberi vi-
dentur; ut probatur primò ex Canone *Epis-
copus* supra relato, in quo ludi qui à fortuna
pendent etiam Laïcis prohibentur sub excom-
municationis pœna. Secundò probatur autho-

D Ant. 1. p.
tit. 1. c. 23.
§. 1.

CAP. IV. De Ludis prohibitis. 357

ritate sancti Raymundi, sancti Antonini, & sancti Francisci Salesii, in locis jam relatis.

Quest. 6. Laici peccant-ne semper mortaliter, quoties tales aleatorios ludos exercent?

Resp. Id semper mortale esse dici non potest; unde S. Antoninus *Ludus alea*, inquit, *D. Ant. 2. p. tit. 1. c. 23.*
est peccatum mortale secundum Raymundum.

Quod credo verum, quando ex cupiditate quis S. 2.
ludit: scilicet principaliter motus ad acquirendum, & quid notabile, per ludum. Nam ludere quid modicum ut pueri faciunt, vel ob recreationem, & moderate, non videtur mortale: Præsertim dum non adsunt in tali ludo illæ circumstantiæ, propter quas ludi qui à fortunâ præcipuè pendent, à legibus Canonicis & civilibus prohibiti sunt.

Quest. 7. Quales circumstantiæ ludum aleatorium illicitum reddunt, & causam dederunt prohibitionibus, quæ in Jure Canonico & civili continentur?

Resp. Variæ sunt illæ circumstantiæ. Primò namque perditio temporis, dum scilicet nimis diù luditur, est prava ludi aleatorii circumstantia; cum ut superiùs cum sancto Thoma dictum est, ludus tantummodò inservire debeat, *Ad quandam animæ quietem, & ad reficiendas reparandasque animi diuturna applicatione fatigati vires, in longam occupationem transire non debet.* O quàm malè, inquit S. Antoninus, *D. Ant. 2. p. tit. 1. cap. 23.*
poterunt reddere rationem Deo de tempore, qui toto die ludunt, & aliquando etiam noctem S. 6.
adjungunt, circa ludum immorantes. Lussores D. Ant. ibidem.
etiam, inquit idem Sanctus, negligunt festa servare, quia in illis permaximè ludunt: & plura peccata & graviora committunt, quàm si terram colerent, quod est festa violare.

Secunda ludi perversa circumstantia, est cum quis in eo miscet blasphemias, aut cupi

L. Alearum
Cod. de Reli-
giosis & sum-
ptibus fune-
rum.

Can. Notum.
2. q. 1.

eo ludit quem videt talibus blasphemis assue-
tum ; quæ circumstantia merito Justinianum
Imperatorem compulit, ut aleatorios ludos
prohiberet : *Quidam*, inquit, *in alearum ludo*
propriis substantias perdiderunt ; consequenter
autem ex hac inordinatione blasphemare, id
Deo maledicere conantur. Ii autem qui cum
blasphemantibus ludunt innoxii non sunt, quan-
doquidem peccatis alienis participare viden-
tur, dum illis talem occasionem ludi præbent,
ita ut de talibus ludentibus quodammodò dici
possit, quod, ut ait Canon, *Facientem &*
consentientem, par poena constringit.

Tertia prava circumstantia est, cum ludi
periculo magnæ pecuniæ summæ exponuntur,
ita ut si perdantur, inde magnum incommo-
dum ludenti oriatur, ejusque res familiares
periclitentur, & rerum necessariarum penu-
riam patiatur, dum major substantiæ pars ludo
temerariè exponitur, ex qua causâ, varia in
familia mala sæpè nascuntur.

D. Ant. 2. p.
tit. 1. c. 23.
§. 2.

Quarta demùm prava circumstantia ludi est,
cum ex immoderata & avida nimium lucrandi
cupiditate quis ludit, non autem animi laxandi
causâ, in qua circumstantia peccatum mortale
reperiri posse notavit sanctus Antoninus his
verbis : *Ludus alea est peccatum mortale,*
quando ex cupiditate quis ludit scilicet prin-
cipaliter motus ad acquirendum & quid no-
tabile per ludum non ob recreationem.

Quæst. 8. Peccant-ne illi qui domum ad
ludendum chartaceis, aut taxillis paratam
habent ?

Resp. Id sine gravi culpa fieri posse non vide-
tur ; quia tales aliquo modo participes fiunt
peccatorum, quæ à ludentibus ut plurimum, &
passim perpetrantur, dum eis occasionem ta-
lium peccatorum subministrant. *Dans domum,*

CAP. IV. De Ludis prohibitis. 359

inquit S. Bernardinus Senensis, *ut intus ludatur, sit parsiceps tot peccatorum, quot ibi fiunt: dans tabulam & prestans taxillos, toties peccat mortaliter, quoties prestat: nullus Confessor poterit eum absolvere, donec remove- rit domum à tali pessimo usu ludendi; im- possibile est ipsum salvari, nisi relinquat illas suas artes maledictas.* Unde sanctus Carolus in illis monitis & instructionibus, quas Con- fessariis dedit, decernit, *Ne eos absolvant qui cum peccatis mortalibus simul etiam eorum oc- casiones vitare planè non proponunt, ut sunt qui domum tenent in hunc finem aliis para- tam, ut tabellis cartaceis vel aleis ludant.* Et eadem planè ratione Eminentissimus Cardi- nalis Grimaldus Archiepiscopus Aquensis, Con- fessariis suæ Diœcesis interdicit, ne abolutio- nem in Sacramento Pœnitentiæ illis conce- dant, qui aliis occasionem peccandi præbent, nisi occasionem tollant, & malo cujus causa fuerunt, remedium quod ab eis pendere potest apponant. Quales sunt, inquit, illi qui ad lu- dendum publicè paratas habent domos, in qui- bus impietates, commercia castitati contraria, & alia hujuscemodi peccata perpetrantur.

S. Bernardi-
nus. Scim. 332.
in Dom. 41
quadrag.

S. Carol. Inq
str. Conf. 3
cap. 1:

C A P U T V.

*De Casibus in quibus adest obligatio
restituendi illud quod quis in ludo
aleatorio lucratus est.*

Quæst. 1. **Q**UANDO nam tenetur quis restituere, quod in ludo qui à fortuna pendebat lucratus est?

Resp. In hac quæstione sanctus Thomas ex- pressè asserit, quod *Circa illa quæ per aleas*

D. Th. 2. 2.
q. 32. art. 7.
ad 2.

acquiruntur, videtur esse aliquid illicitum; ex divino jure, scilicet quod aliquis lucretur ab his qui rem suam alienare non possunt, sicut minores & furiosi, & hujusmodi, & quod aliquis trahat alium ex cupiditate lucrandi ad ludum; & quod fraudulenter ab eo lucretur: & in his casibus tenetur ad restitutionem. Ex qua Angelici Doctoris autoritate inferre licet, tres reperiri posse casus in quibus ex Jure divino tenetur quis ad restituendum id omne quod lucratus est in ludo aleatorio, id est qui à fortunâ pendet; ita ut non sufficiat tale lucrum pauperibus distribuere, nisi in casu quo non possent inveniri, qui in tali ludo perdiderunt, aut eorum hæredes.

D. Ant. 2. p.
tit. 1. cap. 23.
§. 3.

Primus casus obligans ad restitutionem est, dum quis lucratus est in ludo ab his qui alienare non poterant, velut à minoribus, furiosis, prodigis, pupillis, religiosis professis, quibus superiores aliquid in proprios usus insumentum relinquunt, quod tamen in ludo alienare non possunt, quia hic usus Religiosis licitus non est. Sed & Religiosi, inquit sanctus Antoninus, si qua haberent ad usum suum, vel per administrationem, illa tamen donare vel alienare non possunt illicitè ut in ludis: unde qui eos vincerent etiam pralatis ad restitutionem tenerentur monasteriis vel pralatis. Clerici quantum ad res Ecclesia, cum pauperum sint. Can. QUONIAM. 16. q. 1. alienare illicitè non possunt ut in ludis. Filii familias qui emancipati non sunt à Patre alienare non possunt per ludum. Similiter & uxores si non habent parafernalia, alienare non possunt. Qui ergo acquirit ab his per ludum restituere tenetur tutoribus, vel curatoribus, vel pralatis, aut Dominis eorum secundum Thomam, Raymundum, Petrum de Palude, & alios: nisi

nisi forte sit quid modicum, de quo præsumi possit, quod eorum superiores, ut Patres, Tutores, & huiusmodi non curarent. Quod confirmari potest ex his quæ fusè diximus Tom.

2. Tract. 1. de Beneficiis. cap. 11. q. 5.

Secundus casus obligans ad restitutionem ex sancti Thomæ doctrina, est dum quis alium violenter seu fraudulenter ad ludendum attraxit, veluti fingens se talis ludi peritiam non habere.

Tertius casus est dum ludum in ludo factum est dolo malo, & aliqua fraude adhibita, ut si taxillis adulteratis res acta sit, aut tabellis quas ludens astute signaverat, ut eas etiam inversas agnosceret, & sic de cæteris.

Quæst. 2. Quo modo id intelligi debet quod asserit S. Thomas in secundo restitutionis casu supra quæstione prima relato, quod scilicet teneatur quis restituere ea quæ lucratus est dum alium ad ludendum attraxit?

Resp. Cum quis, inquit S. Antoninus, attraxit aliquem ad ludum per vim vel nimiam importunitatem; si ve in principio ludi: si ve in medio cum alius vellet dimittere, & non finit: tunc etiam tenetur restituere secundum Thomam & Raymundum. Idem communiter asserunt celebriores sancti Thomæ discipuli, Silvester in summa, ver. Ludus §. 11. Cajetanus, Bannes, Soto, & alii, quos etiam sequitur Didacus Covarruvias his verbis: *Datur præterea obligatio restituendi in anima iudicio ludo vias reg. Pec. quesita, quoties quis alterum ad ludum cupiditate lucri involuntarium attraxerit, secundum Tho. 2. 2. q. 32. art. 7. quem ceteri communiter sequuntur.* Covarru. reg. Pec. 2. P. 41

Quæst. 3. Nulli-ne sunt alii casus in quibus adsit obligatio restituendi ea quæ quis in ludis à fortuna pendentibus lucratus est.

Resp. Sanctus Thomas in jam citato loco innuit, quod si leges Canonice & civiles ludo hujuscemodi prohibentes, censi non possint consuetudine contraria abrogari, semper adest hæc obligatio restituendi, quia tales leges Domini translationem impediunt, ut concludi potest ex lege *Quod in convivio. ff. de aleatoribus.* Et ex Edicto Ludovici XIII. Gallie Regis dato Parisiis die 30. Maij 1611. in quo expressè habetur, quod omnia debita ex ludo contracta nulla sunt, & omnes obligationes & promissiones ratione ludi factæ, quovis colore pallientur, nullius sunt roboris & momenti, nec ullam pariunt obligationem civilem, aut naturalem. *Aliud autem,* inquit sanctus Thomas, *videtur esse ulterius illicitum ex jure positivo civili quod prohibet universaliter tale lucrum; sed quia jus civile non obligat omnes, sed eas solos qui sunt his legibus subjecti, & iterum per dissuetudinem abrogari potest: Ideo apud illos qui sunt hujusmodi legibus obstricti, tenentur universaliter ad restitutionem qui lucrantur, nisi forte contraria consuetudo prevaleat.* Igitur ubi promiscuè, & videntibus Magistratibus, nec ullo modo prohibentibus, ludi tales aleatorii exercentur, videtur prevalluisse consuetudo, ita ut ex hoc ultimo capite obligatio restituendi non oriatur.

D. Th. 2. 2.
q. 12. art. 7.
ad 1.



TRACTATUS SEPTIMUS
DE DONATIONE
ET TESTAMENTO.

CAPUT PRIMUM.

De Donatione.

Quaest. 1. QUID est Donatio?

Resp. Est liberalis datio rei alicujus sine obligatione facta, quia, ut ait lex, *Donari videtur, quod nullo jure cogente conceditur.* L. Donari. ff. de regulis juris.

Dicitur primò donum seu liberalis datio, ut notetur donationem præcipuè ex benevolentia donantis fieri. Secundò dicitur datio sine obligatione facta, quia, juxta legis mentem, dum quis dat ex obligatione naturali aut civili, non est propriè donatio, sed potiùs quædam solutio: *Ha stipulationes quæ ob causam sunt, non habent donationem.*

Quaest. 2. Quot sunt donationum species?

Resp. Alia est donatio inter vivos, alia causâ mortis: Donatio inter vivos, juxta legis verba, appellatur quando dat aliquis eâ mente ut statim velit accipientis fieri, nec ullo casu ad se reversi. L. Donationes ff. de donationibus.

Donatio causâ mortis, ex lege, est cum quis habere se mavult quàm cum cui donat, magisque cum qui donat, quàm heredem suum. Et hæc donatio effectu caret vivente L. Mortis causa ff. de donationibus causa mortis.

364 *Traët. VII. De Donatione, &c.*

eo qui donavit, quique talem donationem revocare potest.

Plures aliæ donationum subdivisiones à Jure-Consultis afferuntur: dividunt enim donationem inter vivos, in perfectam & absolutam, per quam aliquid purè & absque ullâ conditione statim datur; & donationem conditionalem, in qua non transfertur dominium rei donatæ nisi post conditionem impletam.

Dividunt etiam Jure-Consulti donationem causâ mortis, in eam quæ fit intuitu mortis quæ imminere creditur, & eam quæ fit intuitu mortis, quæ non citò eventura putatur; sed cum illæ divisiones parùm prosint ad dirigendâs Christianorum conscientias, existimavi in his diutius non esse immorandum.

Quæst. 3. Quales solemnitates in jure requiruntur ad donationis validitatem?

Resp. Si id quod datur excedat quingentorum aureorum seu scutorum summam, necesse est ut talis donatio insinuetur, seu inter acta publica, præsentem, & decernente legitimo Magistratu, scribatur.

Sed quantum ad talem insinuationem, observandæ sunt leges, consuetudines, & statuta cujuslibet Provinciæ aut etiam civitatis, & eodem planè modo judicandum in foro conscientiæ, quo Judex in foro externo judicare in praxi tenetur.

Quæst. 4. Quis donare potest?

Resp. Unusquisque habens dominium seu proprietatem alicujus rei, illam donare regulariter potest, nisi id ei aliqua lege expressè prohibeatur; ut colligitur ex lege 124. ff. *De regulis juris.*

Quæst. 5. Quis donare non potest?

Resp. Primò donare non possunt in minoritate constituti, & si reverà donaverint, restitu-

tionem in integrum postulare possunt, & ita rem donatam repetere, nisi majores facti talem donationem ratam habuerint, ut colligitur ex lege. Si inter minores, quinque & viginti annis, facta sine dolo divisio est, eamque post legitimam aetatem ratam fecerint manere, integram habere convenit.

L. Si inter minores. Cod. si minor factus ratum habuerit.

Secundò, pupilli donare non possunt, quia alienare non possunt sine auctoritate tutoris.

Tertiò, Monachi & Religiosi professi, ut habetur ex Canone *Abbati*. distinctione 54.

Quartò, illi omnes quibus propriorum bonorum administratio interdicta est, ut dementes, furiosi, prodigi & similes relati in lege *Julianus*. ff. de curatoribus furioso & prodigo dandis.

Ultimò, filii familias donare non possunt, sine consensu Patris, bona adventitia, (quæ scilicet à matre habent aut aliundè quàm à Patre) neque etiam bona profectitia quæ scilicet à patre habuerunt. Donare autem possunt filii familias bona Castrensia, quæ scilicet in bello aut occasione belli acquisierunt, & bona quasi Castrensia quæ scilicet in exercitio alicujus officii Forensis, veluti Advocati, Judicis, Notarii sibi compararunt. *Filius familias*, inquit lex, donare non potest; neque si liberam peculii administrationem habeat. Caterùm qui habent Castrense peculium vel quasi Castrense, in ea conditione sunt, ut donare & mortis causâ & non mortis causâ possint, cum Testamento factionem habeant.

L. Si filius familias. ff. de donationibus.

Quæst. 6. Possunt-ne Beneficarii bona ex redditibus Ecclesiasticis provenientia consanguineis donare?

Resp. Id justè fieri non potest, quia tenentur Beneficarii Ecclesiæ vel pauperibus erogare quicquid superest post honestam susten-

366 Tract. VII. De Donatione, &c.

tationem, nec veri & absoluti Domini sunt reddituum Ecclesiasticorum, ut fusè probatum fuit, Tom. 2. Tract. 1. cap. 1. nu. 11. Unde, juxta sacrorum Canonum doctrinam, *Quidnam. 16. q. 1. quid habeant Clerici pauperum est*, Et hæc tantummodo, ut ait S. Thomas, Clerici *Est ap- q. 183. art. 7. probanda liberalitas, ut proximos seminis sui non despiciant, si egero cognoscat, non tamen ut illos ditiores fieri velit ex eo quod potest conferre inopibus; Quia redditus Ecclesiastici non tanquam proprii considerandi sunt; unde sanctus Leo magnus Episcopis Siciliæ scribens eisque præscribens quo pacto reditus Ecclesiasticos administrare deberent: Episcopus, inquit, rebus Ecclesiæ tanquam commendatis, non tanquam propriis utatur. Sed de his fusiùs Tom. 2. Tract. 1. cap. 11.*

Quæst. 7. Quibusnam donare possumus?

Resp. Donare possumus cuilibet, ut docet S. Antoninus, nisi per legem prohibeatur, & quidem siue sit præsens, siue absens, natus, vel ignotus.

Quæst. 8. Quibusnam donare prohibemur?

Resp. Milites concubinæ donare non possunt, & juxta legem si ancillam, tales donationes invalidæ & nullæ sunt. Id expressis verbis sancti Ludovicus XIII. Galliæ Rex an. 1629.

Declaramus quod omnes donationes in favorem concubinæ factæ invalidæ & nullæ sunt.

Præterea in Glossa habetur in Can. *Qui venatoribus. dist. 26. quod meretricibus sine peccato dari nequit, ut scilicet ad peccatum pertrahantur; licet juxta legem, id quod eis datum est, non possit reperi.*

Quæst. 9. Potest-ne pater filiis in potestate sua existentibus donare?

Resp. Certum est quod generaliter loquendo donationes factæ à patre in favorem filii non-

Can. Quo-

niam. 16. q. 1.

S. Th. 2. 2.

q. 183. art. 7.

ad 2.

Can. Sine ex-

ceptione. 2.

q. 1.

D. Ant. 3. p.

rit. 10. c. 4.

S. 2.

1. Idem si. 4.

de conditio-

ne ob turpem

causam,

dum emancipati, nec à patria potestate soluti, nullæ sunt, juxta legem *Cum de bonis*. Cod. de donationibus, quia filius in potestate patris constitutus, confertur una & eadem persona, ita ut quidquid acquirit acquirit patri. Adfunt tamen aliqui casus in quibus talis donatio invalida non est. Primò namque valida est constitutio dotis à patre facta, quæ tamen donatio est infavorem filix, ut habetur in lege, *Pomponius Philadelphus. ff. familia herciscunde*.

Tertiò, valida donatio est dum pater remittit filio usumfructum, qui sibi competebat ex bonis illius adventitiis.

Denique validè datur filio-familias à patre ratione alimentorum. *Item*, inquit S. Antoninus, valet donatio, si pater remittat filio usumfructum quem habet in rebus illius adventitiis. *Item* valet si fiat ob alimenta.

D. Ant. 3. p.
tit. 10. c. 4.
§. 41

Quæst. 10. Est-ne valida donatio à marito infavorem uxoris facta, vel ab uxore infavorem mariti?

Resp. Generaliter loquendo tales donationes invalidæ sunt & prohibitæ Jure Canonico & civili. *Moribus*, inquit lex, apud nos receptum est, ne inter virum & uxorem donationes valerent: hoc autem receptum est, ne mutuo amore se invicem spoliarent. Et qui sincerè consortem diligeret, pauper sæpiùs evaderet.

L. 1. ff. De donationibus inter virum & uxorem.

Quæst. 11. In quibusnam casibus valida esse potest similis donatio inter consortes facta?

Resp. Primò valet talis donatio, dum ille qui donavit in eadem voluntate usque ad mortem perseveravit, quæ resolutio habetur in cap. *Donatio*, his verbis: *donatio qua constante matrimonio inter conjuges dicitur esse facta (ex qua alter locupletior, & pauperior alter efficitur) firmitatem non habet, nisi donatoris obitu confirmetur.*

Cap. *Donatio*, de donationibus inter virum & uxorem.

368 Tract. VII. De Donatione, &c.

Secundò valet talis donatio cùm donans inde pauperior non efficitur, licet donatarius locupletior evadat.

Demùm talis donatio valet, cùm mutua & reciproca est inter virum & uxorem, qui bona sua sibi invicem donarunt, ita ut supervivens iis gaudeat, juxta leg. *Quod autem. §. Si vir. ff. de donationibus inter virum & uxorem.*

Quaest. 12. Donatio inter vivos potest-ne quibuldam de causis revocari?

Resp. Potest equidem propter ingratitudinem donatarii, seu illius cui donatum est. Sic enim habetur in Decretali: *Propter ejus ingratitudinem in quem liberalitas est collata, donatoris persona de rigore juris eam potuit revocare. Si fortè in ipsum impias manus injecerit, aut sibi atroces injurias, seu grave rerum suarum damnum, vel vita periculum inferre praesumpserit.*

Cap. Propter.
de donatio-
nibus,

Cod. De revo-
candis dona-
tionibus. ver-
bo: *Valuerit.*

Et etiam, juxta Glossam in lege *Generaliter.* Si donator inops factus non alatur, potest dici eum ad hoc cogi, scilicet donatarium, vel donationem revocari. Si donatarius donatorem pauperem alere recuset.

C A P U T II.

De Testamento.

Quaest. 1. QUID est Testamentum?

Resp. **Q** Definitur in lege his verbis: *Testamentum est voluntatis nostra justa sententia de eo quod quis post mortem suam fieri velit.*

L. Testamen-
tum, ff. de tes-
tamentis,

Dicitur primò *justa sententia*; quia ut Testamentum validum sit, necesse est ut in condendo observetur id omne, quod à Jure

præscriptum est, v. g. ut adsit numerus tertium, ut contineat expressam hæredis institutionem.

Secundò dicitur sententia *voluntatis nostræ*, ut pateat, servos, filios-familias, amentes, prodigos & hujusmodi, qui voluntatem propriam in jure non habent, cum sub alterius potestate constituti sint, testamentum condere non posse.

Dicitur denique sententia, *De eo quod quis post mortem suam fieri velit*, quia dispositio testamentaria non respicit ea, quæ viventē testatore facienda sunt, sed tempus post ejus mortem venturum; unde etiam ambulatoria est testatoris voluntas usque ad mortem, ut habetur in lege. 4. ff. *De adimend. vel transferendis legatis*. Et testamentum confirmatur tantum illius morte.

Quæst. 2. Quot sunt testamentorum species?

Resp. Testamentum generaliter dividitur in solemne & nuncupativum: solemne dicitur illud, in quo testator suam voluntatem in scriptis declarat & coram testibus qui subscribere & sigillum proprium apponere debent, licet necesse non sit ut sigillatim sciant singula quæ in testamento continentur, modo cognoscant, ex propria testatoris relatione, contineri in eo suam ultimam voluntatem.

Nuncupativum testamentum dicitur illud in quo testator proprium hæredem viva voce nominat coram septem testibus absque ulla alia solemnitate, ita ut scriptura necessaria non sit: potest tamen tale testamentum in scriptis redigi & ita solet fieri in praxi, tuncque necesse est ut subscriptione testium firmetur: hæc divisio habetur in leg. *Hæc consultissima. Cod. de testamentis.*

370 Tract. VII. De Donatione, &c.

Quaest. 3. Quænam solemnitates ad testamenti validitatem requiruntur?

Resp. Necessè est ut præsentibus septem testibus fiat, ut constat ex tit. 10. lib. 2. Institutio-
num Justiniani. §. ult. & ex lege *Si unus.* Cod.
de testamentis.

Quaest. 4. Est-ne semper necessaria illa so-
lemnitas?

Resp. Potest omitti dum pater aut mater in
favorem filiorum testamentum condunt, ut
habetur in lege *Hac consultissima.* Cod. *de*
testamentis. Ita ut si pater in tali testamento
solemnitatibus non adhibitis facto, partem bo-
norum suorum filiis propriis dedisset, & aliam
partem extraneis, id est non filiis, testamen-
tum valeret ratione illius partis, quæ filiis data
est, & tamen invalidum esset ratione alterius
partis quæ favorem extraneorum respicit. So-
lemnitates etiam non requiruntur cum testa-
mentum sit in favorem causæ piæ juxta legem
Canonicam quæ habetur in cap. *Relatum.* de
testamentis.

Quaest. 5. Nonne reperiuntur alii casus in
quibus solemnitates non requirantur?

Resp. Milites non tenentur solemnitates ser-
vare dum militiæ adscripti testamentum con-
dunt, &, juxta Justiniani Imperatoris Decre-
tum, sufficit, ad testamentorum militarium
validitatem, ut adsint duo testes. Attamen no-
tandum est quod illud militum privilegium lo-
cum tantummodò habet pendente militiâ; &
ita si ea relicta testamentum faciant, tenentur
solemnitates à jure præscriptas servare perinde
ac reliqui homines, ut videre est in lege *Ne-*
quidem. Cod. *de testamento militis.*

Quaest. 6. Est-ne invalidum testamentum co-
ram Parocho, & duobus aut tribus testibus
factum?

CAP. II. De Testamento. 371

Resp. Validum est tale testamentum, juxta constitutionem sanctæ Sedis, quæ habetur in cap. *Cum esses. de testamentis.* Quod tamen intelligi debet habere locum in terris ditioni temporali summi Pontificis immediate subiectis, aut ubi talis constitutio usque recepta est.

Quæst. 7. Tenetur-ne hæres solvere legata facta in testamento in quo observata non sunt solemnitates à Jure civili requisitæ ad legatorum validitatem?

Resp. Videtur quod hæres teneatur solvere talia legata, si de voluntate testatoris dubitare non possit, etiam si solemnitates à Jure civili requisitæ adhibitæ non sint in testamento; quia ut ait sanctus Gregorius Papa, *Ultima voluntas defuncti modis omnibus servari debet.*

Can. ultima
13. q. 2.

Nota, inquit S. Antoninus, *Quod cum quis sanus vel infirmus, qui est sane mentis, ultimo disponit de bonis suis, de quibus potest disponere, per simplicem scripturam vel per verba solum, non violentatus, vel circumventus, sed liberè, sine notario & testibus debitis, standum est ejus tali dispositioni in foro conscientia, & hæredes quibus hoc constat certitudinaliter, tenentur ad observandum illud, etiam si prius per solemne testamentum aliter disposuerat.*

D. Ant. 3. p.
tit. 10. c. 34
§. ult.

Et hæc resolutio conformis est menti Justiniani Imperatoris in Institutionibus; ex quibus concluditur, quod si hæres aut alius qui testamento aut alia ultima voluntate gravatus est dare aliquid alteri, fateatur quidem id verum esse, sed opponat defectum solemnitatum, omnino solvere cogendus est. Hæc sunt Imperatoris verba: *Quod si is à quo relictum dicitur, confiteatur quidem aliquid à se relictum esse, sed ad legis subtilitatem requirat, omnino solvere cogendus est.*

Lib. 2. Instit.
tit. 2.
De Fideicom-
missariis hære-
ditaribus. §.
ult.

Cap. Indicante.
de Testamentis.

Eadem videtur esse resolutio Juris Canonici in cap. Indicante, de testamentis. Cognovimus quod moriens uxor concham argenteam nudis verbis jussit venundari, & suis dari liberis : & scutellam argenteam cuidam monasterio reliquisse, in quibus voluntatem ejus per omnia volumus adimpleri. Ex quibus patet legata esse solvenda, sine ulla solemnitate facta, ubi constat de simplici voluntate testatoris.

In his autem servari debet in conscientia, id quod æquus judex decerneret, si veritatem facti cognosceret, sicut diximus cap. 6. 2. Tract.

C A P U T III.

De his qui Testamentum facere vel non facere possunt.

Quæst. 1. **Q**UINAM testamentum facere possunt ?

D. Ant. 3. p.
tit. 10. c. 3.
§. 13.

Resp. S. Antoninus respondet quod, Quilibet potest facere testamentum, cui non prohibetur.

Quæst. 2. Quinam testamentum facere nequeunt ?

Resp. Illi, qui alieno juri subjiuntur, puta filii-familias, testamenti faciendi jus non habent : adeo quidem ut quamvis parentes eis permiserint, nihilo magis jure testari possunt, nisi de peculio Castrensi, aut quasi Castrensi, cujus dispositionem habent independentem à patre ; quod probatur ex institutionibus Justiniani Imperatoris. Quod etiam probatur ex Canone Licet. de sepulturis, apud Bonifacium ; ubi dicitur ; filius familias pro anima sua præter patris assensum (nisi peculium Castrense,

L. 2. Institutionum. tit. 12. Quibus non est permittum

CAP. III. De Testamento. 373

aut quasi Castrense habeat) aliquid judicare facere testari non potest. Id est, ut ait Glossa, in ultima voluntate relinquere.

Secundò, testari non possunt pueri, qui nondum ad 14. ætatis annum pervenerunt, quia tanto non pollent judicio, ut de rebus suis disponere possunt.

Tertiò, amentes & prodigi, quibus interdicta est bonorum suorum administratio.

Denique, secundum eundem Justinianum, loco mox citato, muti & surdi; quia non habent sufficientem ejus quod agunt cognitionem.

Quæst. 3. Licet-ne Clericis sæcularibus testamentum condere?

Resp. Alexander III. in Canone sic ait: *Licet Clericis de his, quæ paternæ successionis, vel cognationis intuitu, aut de artificio sunt adepti, seu dono consanguineorum aut amicorum, non habito respectu ad Ecclesiam, liberè disponere valeant: De his tamen quæ consideratione Ecclesiæ perceperunt, nullum de jure possunt facere testamentum.* Invaluit tamen consuetudo ut testamenta à Clericis facta, etiam de bonis Ecclesiæ valida sint, licet in conscientia de iis minimè possint disponere secundum voluntatem suam in gratiam consanguineorum, sed tantum in favorem causæ piæ; & ratio est quoniam certum est eos non habere dominium bonorum Ecclesiasticorum, sed tantum usum. Ita divus Thomas. *Ecclesiasticorum bonorum*, inquit, *sunt Episcopi dispensatores vel procuratores; dicit enim Augustinus ad Bonifacium: Si privatim possidemus quod nobis sufficiat, non sunt illa nostra sed pauperum, quorum procuracionem quodammodo gerimus, non proprietatem nobis usurpatione damnabili vendicamus.* De hac ma-

Cap. *Quia*
nos. de testa-
mentis.

D. Th. 2. 2.
q. 185. art. 7.
in corp.

C A P U T I V.

De his quibus bona per Testamentum relinqui possunt.

Quest. 1. **Q**UINAM in testamento possunt
hæredes institui?

Resp. Generaliter loquendo institui hæres po-
test quilibet, modo jure non prohibeatur. Ut
ait Justinianus lib. 2. Inst. tit. 14. *de hæredibus
instituentis.*

Quest. 2. Quinam hæredes, aut legatarii
in testamento institui non possunt?

Resp. Plures sunt, quorum præcipui & ma-
gis uisitati, primò sunt liberi nati ex personis
inter quas matrimonium esse non poterat eo
tempore quo nati sunt, quales sunt ii, qui ex
adulterio nati sunt, aut ex personis eo con-
sanguinitatis, aut affinitatis gradu conjunctis,
ut matrimonium inter se contrahere nequeant,
de ii liberi à lege vocantur *spuriis*: Quod qui-
dem probatur ex lege ubi dicitur, *sed qui ex
damnato sunt coitis omni prorsus beneficio se-
cluduntur*: Patres tamen in conscientia tales
liberos alere tenentur, ut decrevit Clemens
Papa III. qui respondens Episcopo qui cum
consuluerat quid agendum esset de muliere quæ
decem filios pepererat ex adultero, sic habet:
*Sollicitudinis tamen tua intererit, ut inter quo-
libet suis secundum quod eis suppetunt fa-
cultates, necessaria subministret.* Rationem
autem assignat lex, cum dicit, *Necare vide-
tur qui alimoniam denegat.*

Secundò nec hæredes institui possunt multis

L. Licet. Cod.
de naturalib.
liberis.

Cap. Cùm hæ-
bere. De eo
qui duxit in
matrimonium
quam polluit
per adu-
terium.

L. Necare. ff.
de liberis ag-
noscendis.

in locis, & præsertim in Gallia, Tutores, Curatores, custodes, cæterique administratores, cum id cautum fuerit à Francisco I. Francorum Rege annò 1539. mense Augusto, his terminis: Declaramus omnes dispositiones, aut donationes inter vivos, aut testamento etiam factas; & deinceps faciendas à donatoribus aut testatoribus, in gratiam tutorum, curatorum, custodum, cæterorumque administratorum, esse nullas, nullius effectus & valoris. Quod Decretum ab ejus filio Henrico II. interpretatum fuit de testamentis aut donationibus fraude factis durante tempore administrationis per personas directè vel indirectè interpositas in favorem Tutorum, Curatorum & aliorum administratorum.

Hi quoque inepti sunt ut hæredes & legatarii instituantur, qui civiliter mortui sunt, quales sunt ii qui ad trémes damnati sunt; sed etiam extranei in Gallia, nisi regnicolæ fiant licetis, quas vocant naturalitatis à Principe concessis, hæredes scribi minimè possunt.

Quæst. 3. Qui institutus fuit hæres, hoc pacto ut redderet hæreditatem puero quem testator suscepit ab ea, cum qua matrimonium contrahere non valebat, quem leges *Spurium* dicunt, tenetur-ne hanc hæreditatem huic puero restituere, an illis qui succederent ab intestato defuncto testatori?

Resp. Si talis hæreditas, non excederet honestam sustentationem illius filii, tenetur institutus hæres, hanc illi summam restituere; quia tenentur patres talibus filiis necessaria ad vitam ministrare, ut in superiori mox responsione probavimus; si autem hæc summa excederet illud quod necessarium foret, ut hic filius honestè vivere posset, teneretur hære-

Regula. *Cer-*
tum est. 88. de
regulis juris
in 6.

ditatem restituere hæredibus ab intestato; quia ut dicitur in regula juris, certum est quod *Is committit in legem, qui legis verba complectens, contra legis nititur voluntatem.* Si quidem lex tales filios paterna hæreditate privare vult, in odium criminis à patre perpetrati: proindeque is qui foret institutus hæres, ea conditione ut hæreditatem redderet filio ex tali coitu suscepto, contra prohibitionem legis in conscientia reddere minimè posset, si summa excederet illud quod necessarium foret tali filio ad honestè vivendum.

Quæst. 4. Spurius, seu qui natus est ex illegitimo concubitu, seu illegitima conjunctione, potest-ne in conscientia retinere quod à patre sibi relictum est contra prohibitionem legis?

Resp. Si hæc bona excedunt, quæ necessaria sunt ad honestam sustentationem, retinere non potest, quia declaratus est à legibus, paternæ successionis incapax, ut pater ex lege *Licèt. Cod. de naturalibus liberis* supra relata, & quia, ut ait divus Thomas, *Leges justæ obligant in foro conscientia.*

B. Th. 1. 2.
 q. 96. art. 4.
 in corp.



CAPUT V.

De Legatis.

Quæst. 1. QUID est Legatum ?

Resp. Legatum est donatio quædam à defuncto relicta, ab hærede præstanda. Lib. 2. Instit. tit. 20. de Legatis. §. 1.

Quæst. 2. Si quis legatum aliquod pium instituisset, exempli gratia, fundationem alicui Ecclesiæ hac conditione, ut quotidie Missa celebretur pro requie animæ suæ, aut alia simili conditione, & legatarius nollet acceptare legatum hac conditione, posset-ne hæres sibi illud retinere, aut teneretur-ne impendere legatum in aliquod opus pium ?

Resp. Procul dubio teneretur hæres legatum illud impendere in opera pia, nisi testator expressè declaravisset hæredi, velle se ejus arbitrio legatum relinquere, in eo casu, in quo legatarius cum hac conditione illud acceptare nollet: cujus ratio est, primò quia sæpè accidit, ut testatores, legatum aliquod pium instituentes, id faciant, ut satisfaciant restitutionibus incertis quibus se obligatos credunt ad satisfaciendum: ac proinde hæres qui est una eademque persona cum testatore, eandem incurrit obligationem.

Secundò, dato etiam quod hæres certus esset quod nulla foret obligatio quæ testatorem induxerit ad instituendum legatum, peccaret tamen saltem contra charitatem, si nollet solvere tale legatum à testatore relictum pro salute animæ suæ, & quod necessarium judicavit ad satisfaciendum pro peccatis suis.

378 Tract. VII. De Donatione, &c.

Quaest. 3. Est-ne grave peccatum differre solutionem legatorum piorum?

D. Ant. 2. p.
tit. 1. c. 21.
§. 3.

Resp. Ex S. Antonino, *Qui detinent legata facta Ecclesiis vel aliis piis locis, & non solvunt, sacrilegium committunt; unde Hieronymus; Amico aliquid subtrahere furtum est, Ecclesiam vero defraudare sacrilegium.* 12. q. 2. *Can. GLORIA.* Et tales multum differendo utique peccant. Quamvis enim non noceat hoc animabus defunctorum, qui illa legaverunt quantum ad meritum dignum premio Gloria, quia ex illa ordinatione Ecclesia facienda consecuti sunt meritum: nocet tamen quantum ad expiationem poenarum quibus est debitor: qui non ita cito evadet, vel sublevabitur: Vnde dicuntur necatores animarum. 13. q. 2. *Can. QUI OBLATIONES.*

Quaest. 4. Si legatarius ante mortem testatoris rei legatæ dominium acquisivisset, teneretur-ne hæres rei pretium legatario restituere?

Resp. Ut huic difficultati satisfiat, distinguendum est; aut enim legatarius acquisivit rei legatæ dominium titulo lucrativo; hoc est nihil pro ea re solvendo, & absque ullo onere, qualis est titulus donationis; aut eam acquisivit titulo oneroso, cum scilicet æquivalens rei dedit, ut ejus haberet dominium, qualis est titulus emptionis.

In primo casu non tenetur hæres aliquid dare legatario; quia, ut dicitur in lege, *Omnes debitores. ff. de obligationibus & actionibus*, non potest eadem persona jus in eandem rem habere duplici titulo lucrativo; ac proinde cum res data jam fuerit legatario, iterum ei dari non potest.

In ultimo vero casu teneretur hæres dare

legatario pretium rei, quæ illi legata fuerat. Si res aliena legata fuerit, inquit, Imperator Justinianus, Et ejus rei vivo testatore legatarius Dominus factus fuerit: si quidem ex causa emptionis, ex testamenti actione pretium consequi potest. Si verò ex causa lucrativa, veluti ex donatione, vel ex alia simili causa, agere non potest. Nam traditum est duas lucrativas causas in eundem hominem & eandem rem concurrere non posse.

Quæst. 5. Ad quem pertinere debet legatum ad pias causas, cum testator non expressit cui illius debeat fieri solutio?

Resp. In tali casu servari posset dispositio Novellæ Justiniani Imperatoris: Si quis, inquit, in nomine magni Dei & Salvatoris nostri Jesu-Christi, hereditatem, aut legatum reliquerit, jubemus Ecclesiam loci illius, in quo testator domicilium habuerit, accipere quod dimissum est. Et quia Episcopus plenam habet de jure administrationem causarum piarum, ad illum pertinet cura ejusmodi legati, etiam juxta dispositionem legis Nulli licere.

Nov. 134 c. 2.

L. 28. §. 7. Cod. de Episcopis & Clericis

Bulla 7. & 8. Alex. VII.

Cod. de Episcopis & Clericis, in qua sic legitur: Si personam non designata, testator absolute tantummodo summam legati vel fideicommissi taxaverit, qua debeat memorata causa proficere: vir Reverendissimus Episcopus illius civitatis ex qua testator oritur, habeat facultatem exigendi quod hujus rei gratia fuerit relictum, pium defuncti propositum, sine ulla cunctatione, ut convenit, impleturus. Pluribus tamen in regionibus observantur Bullæ summorum Pontificum, & præsertim Alexandri VII. juxta quas legata pia incerta Fabricæ sancti Petri de Urbe applicantur.

Possent hæc aliæ multæ difficultates ad legata

380 T. 7. De D. & T. c. 5. de Leg.
pertinentia definiri, v. g. An solvi debeant le-
gata facta sub conditione impossibili? Utrum
solvenda sint legata alicui Virgini religiosam
vitam amplexæ, quæ facta fuerunt ea lege ut
nuberet? & similes casus. Sed quia in his tri-
bunal interius, seu conscientiæ, non differt ab
exteriori tribunali, quod varium est aliquando
atque diversum secundum diversa statuta Re-
gionum, & Provinciarum: in his ut plurimum
in conscientia sequi quis debet, quod in exte-
riori foro definitum foret, aut definiri solet,
ab æquo scilicet Judice.

Finis Tomi primi.



INDEX

RERUM PRÆCIPUARUM
in hoc primo Tomo contentarum,
ordine Alphabetico.

A

IN Adinventionibus
suis vadunt Doc-
tores, qui non se-
quuntur dicta Sacerdo-
rum. Tract. 1. Cap. 1.
Quæst. 3. fol. 2

Authoritates possunt ne
inveniri in sacra Scrip-
tura, Conciliis, aut
Patribus, ad omnes ca-
sus decidendos? Tr. 1.
cap. 1. q. 4. 3

Apostolos habemus au-
thores. Tr. 1. cap. 1.
q. 6. 7

Sanctus Augustinus de-
cisiones sanctorum Pa-
trum fideliter sequi-
tur. *Ibid.* 8

Quid Autoritas habeat
antiqua, in omnibus
requirendum est. Tr.
1. cap. 1. q. 7. 11

Adulationes à salutis viâ
abducunt. Tr. 1. cap. 1.

Tomus I.

q. 8.

14

Cardinalis de Aguirre;
probabilitatem exagi-
tat. Tract. 1. cap. 5.
q. 5. 37

In his quæ Animæ salu-
tem respiciunt, ad vi-
tandos graves remor-
sus conscientiæ, pars
securior est tenenda.
Tract. 1. cap. 6. q. 2.
49.

Sanctus Augustinus Aca-
demicos probabilistas
explosit. Tr. 1. cap. 6.
q. 3. 52

Actus reflexus, nullam
certitudinem parit. Tr.
1. cap. 6. q. 3. 54

Autoritas veterum, &
quæ ab antiquo facta
legitur SS. definitio
Patrum, opportuna
cernitur ad tollendas
lites & contentiones.
Tr. 1. cap. 6. q. 4.
55.

R

INDEX RERUM.

- R. P. Natalis Alexander, probabilistas explodit. Tract. 1. cap. 6. q. 4. 70.
- Annunciare aliquid Christianis, præter id quod acceperunt nunquam licuit, nusquam licet, nunquam licebit. Tr. 1. cap. 8. 91
- Actus aliquis, qui de genere suo est malus, totaliter à peccato excusatur, quando totaliter involuntarius redditur; unde si sit talis passio quæ totaliter involuntarius reddat actum sequentem, totaliter à peccato excusat, alioquin non totaliter. Tr. 1. cap. 11. q. 2. 110
- Ex Assuefactione perversa, vitiosus quasi repente præcipitatur. Tract. 1. cap. 15. q. 1. 114.
- Apparitores, Liétores, Cursores, & hujusmodi duplex salarium unicâ die percipere justè non possunt. Tr. 5. cap. 6. q. 8. 322
- Artifex justum pretium consequi debet, etiam si pro minori convenit. Tr. 5. cap. 6. quæst. 9. 323
- Ad Aleas Clerici, vel taxillos, non ludant, nec hujusmodi ludis intersint. Tr. 6. cap. 4. q. 1. 354
- Episcopus, aut Presbyter, aut Diaconus Aleæ deserviens, aut desinat, aut certè damnetur. Tr. 6. cap. 4. q. 1. 355
- Ex Canone Apostolorum colligitur, quod peccatum eorum, qui Aleæ deserviunt sit mortale & grave. Tr. 6. cap. 4. q. 6. 356
- Aleatorii ludi, quatuor circumstantiæ aggravantes. Tr. 6. cap. 4. q. 7. 357
- B
- C**ARDINALIS Bel-larminus, probabilitatem rejicit. Tr. 1. cap. 6. q. 8. 60
- C
- C**ASUS omnes, possunt-ne resolvi auctoritate Scripturæ sacræ, Conciliorum, aut Patrum? Tract. 1. cap. 1. q. 4. fol. 3

INDEX RERUM.

- Cæcitas Scriptorum, ex multis causis. Tr. 1. cap. 1. q. 5. 3
- Christiani sacris morum Regulis submittere se debent. *Ibid.* q. 5. 4
- Christus ex semetipso non est locutus. Tr. 1. cap. 1. q. 6. 6
- Casus dubii, quomodo olim decidebantur? Tr. 1. cap. 1. q. 7. 10
- Concilia Provincialia quæstiones valdè arduas resolvebant. *Ibid.* 11.
- Concilia Provincialia bis in anno congregabantur. Tr. 1. cap. 1. q. 7. 11.
- In Casibus difficilioribus, summus Pontifex consulebatur. *Ibid.* 12
- Christianus quo pacto dispositus esse debet, dum Doctorem consulit? *Ibid.* q. 8. 13
- Confessarii palpantes, vitandi sunt. Tract. 1. cap. 1. q. 8. 14
- Conscientia quid est? Tr. 1. cap. 2. q. 1. 18
- Conscientia est cordis scientia. *Ibid.* 18
- Conscientia alia vera est: alia falsa & erronea. *Ibid.* 18
- Conscientia vera, præceptis est conformis. Tr. 1. cap. 2. q. 3. 18
- Conscientia erronea, est apparentis lux falsa, quæ suadet facienda ea quæ prohibita sunt, insinuans non esse prohibita. *Ibid.* q. 4. 18
- Conscientia erronea sequenda non est. Tr. 1. cap. 2. q. 5. 19
- Conscientiæ dictamen, non est spernendum. *Ibid.* 19
- Ex Conscientia, error quo creditur esse mortale quod non est mortale, ligat ad peccatum mortale. Tr. 1. cap. 2. q. 5. 19
- Contra Conscientiam quis aliquando peccat, etsi contra præcepta apertè non peccet. *Ibid.* 19
- Dictamen Conscientiæ erroneæ, excusat-ne semper à peccato? q. 6. 19.
- Conscientiam erroneam sequens, quandonam peccat? Tr. 1. cap. 2. q. 7. 20
- Quando Conscientiæ error, est aliquo modo voluntarius, non omninò excusat à peccato. Tract. 1. cap. 2. R ij

INDEX RERUM.

- quæst. 7. 21
- Conscientiæ error, quo pacto excusat à transgressione præceptorum. q. 8. 21
- Illud quod agitur contra legem, semper est malum, nec excusatur per hoc quod est secundum conscientiam. Tr. 1. cap. 2. q. 10. 24.
- Certitudo quæ requiritur in materia morali, non est certitudo evidentiae, sed probabilis conjecturæ. Tr. 1. cap. 2. q. 12. 24
- Certitudo moralis, in quo consistit? Tr. 1. cap. 2. q. 13. 25
- Conscientia probabilis, dubiosa, vel scrupulosa, quæ sit? Tr. 1. cap. 2. q. 13. 26
- Certitudo moralis, confurgit ex probabilibus conjecturis, magis ad unam partem, quam ad aliam se habentibus. Tr. 1. cap. 4. q. 2. 29.
- Canones & sancti Patres, sunt doctrinâ probabilis antiquiores. Tr. 1. cap. 6. q. 1. 45
- Non sumus in Conscientia securi, ex sancto Thoma, dum sequimur opinionem minus probabilem in concursu probabilioris. Tr. 1. cap. 6. q. 1. 48
- Ad vitandos Conscientiæ graves remorsus, in his quæ salutem animæ respiciunt, pars securior est tenenda. Tract. 1. cap. 6. q. 2. 49.
- In sacris Congregationibus, illa omnino sententia præfertur, quæ omnibus hinc inde consideratis, tutior videtur, aut juri & æquitati conformior. q. 8. 70
- Antonius Charlas S. Theol. Doctor, probabilitatem repellit. Tr. 1. cap. 6. q. 8. 70.
- Conscientia dubia, quæ sit? Et quid tunc agendum? Tr. 1. cap. 7. q. 1. 72
- Conscientiæ scrupulus, in quo consistit? Tr. 1. cap. 8. q. 1. 76
- Qui habet Conscientiam ex credulitate levi & temerariâ, conscientia levis & temerariæ credulitatis explosâ, ad sui Pastoris consi-

INDEX RERUM.

- lium licite agere potest. Tr. 1. cap. 8. q. 1. 77.
- Quod est contra Conscientiam, est malum, quamvis non sit contra legem. Tr. 1. cap. 8. 87
- Circumstantiæ peccatorum variæ. Tr. 1. cap. 10. q. 7. 107
- Circumstantiæ aut leviter, aut notabiliter aggravant peccatum. *Ibid.* 107
- Quæ Circumstantiæ in Confessione aperiendæ? Tr. 1. cap. 10. q. 9. 108
- Vi Consuetudinis malæ, tanquam mole terrenâ, premitur animus. cap. 15. q. 1. 114
- Consuetudo non minuit, sed aggravat peccatum. Tr. 1. cap. 15. q. 3. 116
- Consuetudinis violentia, est lex peccati. Tr. 1. cap. 15. q. 5. 120
- Propter Contemptum, peccatum veniale potest fieri mortale. Tr. 1. cap. 15. q. 4. 118
- Consuetudo est jus quoddam moribus institutum, quod pro lege suscipitur, cum deficiat lex. Tr. 1. cap. 17. q. 1. 127
- Secundum Consuetudinem non est judicandum, si jus contrarium præcipiat. *Ibid.*
- Consuetudo rationem aut legem non vincit. Tr. 1. cap. 17. q. 1. 127
- Canones non ex electione proprii arbitrii sancti Patres, sed potius ex sententia Divini iudicii sanxerunt. Tr. 1. cap. 17. q. 3. 127
- Canonum violatores graviter judicantur. Tr. 1. cap. 17. q. 3. 128
- Consuetudo abrogat ne Canones? Tr. 1. cap. 17. q. 4. 128
- Canonum dux species. Tr. 1. cap. 17. q. 4. 130.
- Sacri Canones toto orbe venerandi, & sancto Spiritu inspirante digesti, imò calamus sanctorum Patrum, qui eos de ordine & statu sanctæ Dei Ecclesiæ conscripserunt, regente. Tr. 1. cap. 17. q. 5. 134.
- Consuetudines quæ Canonibus adversantur, valde suspectæ sunt. *Ibid.* 135

INDEX RERUM.

- Consuetudo quod mulieres pectore nudato incedant, non excusat. Tr. 1. cap. 17. q. 7. 146
- Contractus duplici modo sumi potest. Tract. 2. cap. 1. q. 1. 139
- Contractus quidam sunt ultrò citròque obligatorii, ut emptio & venditio: quidam ex una parte, ut est donatio. Tr. 2. cap. 1. q. 1. 140.
- Contractus alii sunt gratuiti, alii onerosi. Tr. 2. cap. 1. q. 2. 140
- Contractus alii nominati, alii innominati. Tr. 2. cap. 1. q. 2. 141
- Contractus alii bonæ fidei, alii stricti juris. *Ibid.* 141
- In Contractibus potest esse error circa substantiam, aut circa qualitates. Tr. 2. cap. 2. q. 2. 143
- In Contractibus potest esse error concomitans, aut efficiens. Tr. 2. cap. 2. q. 3. 144
- In Contractibus error circa substantiam, consensum tollit. *Ibid.* q. 4. 144
- In Contractibus error circa qualitates, consensum non tollit. *Ibid.* q. 6. 144
- In Contractibus fraus & dolus duobus modis potest adesse. Tr. 2. cap. 3. q. 2. 146
- Contractus factus ex dolo dante causam contractui, nullus est. Tr. 2. cap. 3. q. 3. 147
- In Contractibus, si venditor dolo fecerit ut rem pluris venderet, tenetur præstare emptori illud quod minus dedisset, si dolum cognovisset. Tr. 2. cap. 3. q. 4. 147
- In Contractibus qui per dolum obligatus est, competit ei exceptio, etsi nullus dolus intercesserit stipulantis, sed ipsa res in se dolum habet. Tr. 2. cap. 3. q. 5. 148
- In Contractibus bonæ fidei, si dolus dat causam contractui, non per contrahentes, sed per alium: tenet contractus, sed datur actio de dolo contra tertium. q. 6. 149
- Contrahere possunt, qui habent usum rationis. Tract. 2. cap. 5. q. 1. 160.

INDEX RERUM.

- Contrahere possunt in propriam utilitatem infantiae proximi. *Ibid.* q. 2. 160
- Contractus sine solemnitatibus necessariis, sunt invalidi. Tract. 2. cap. 6. q. 1. 164
- Census potest quandoque emi minori pretio quam sit capitale. Tr. 3. cap. 2. q. 6. & 7. 173.
- Commercium maritimum, juxta quod assecurantur merces in quovis periculo constitutæ, mediante aliquo pretio, licitum est. Tr. 4. cap. 7. q. 6. 243
- Constitutiones sanctorum Pontificum venerandæ sunt, non emendandæ. Tr. 1. cap. 7. q. 7. 245.
- Contractus census, seu loci montium non sunt usurarii. Tr. 4. cap. 10. q. 4. 254
- Contractus census conditiones. Tr. 4. cap. 10. q. 5. 255
- Confessarius quid agere debet cum variis usurariis? Tr. 4. cap. 11. q. 1. 2. 3. & seqq. 260
- Condonationis variæ conditiones. Tr. 4. cap. 11. q. 3. 260
- Tres Contractus expcuntur, & reprobantur. Tr. 4. cap. 14. q. 2. 275
- Objectiones pro tribus Contractibus, contra Bullam Sixti V. dissolvuntur. Tr. 4. cap. 14. q. 3. 278
- Aliæ objectiones diluuntur. Tr. 4. cap. 14. q. 5. 6. 7. 8. 9. 10. & 11. 280.
- Conventiones directè aut indirectè obligantes ad casus fortuitos cum qui aliàs ex natura contractus non tenentur, nullo modo valent ex Bulla Pii V. Tr. 4. cap. 14. q. 12. 289.
- Tres Contractus reprobantur à Zonara & Balsamone. Tr. 4. cap. 14. q. 12. 289
- Cambium aliud verum & reale, aliud fictum & ficcum. Tr. 5. cap. 1. q. 2. 294
- Cambia sicca damnantur à B. Pio V. Tract. 5. cap. 1. q. 4. 295
- Cambium aliud minutum, aliud per litteras, aliud ad certum diem. Tr. 5. cap. 1. R iiiij

INDEX RERUM.

- quæst. 5. 296
Cambium minutum sæpius licitum est. Tr. 5. cap. 1. q. 9. 297
Cambium per litteras, licitum est. Tr. 5. cap. 1. quæst. 10. & seqq. 297.
Quare Campsores è templo ejecti sunt à Christo Domino ? Tr. 5. cap. 1. q. 12. 299
Cambii duæ præcipuæ conditiones. Tr. 5. cap. 1. q. 13. 300
Campfor committit usuram, si principaliter intendit exercere tale mutuum, quod Cambium vocat, non ut serviat, sed ut magis lucretur. q. 14. 301
Compensationes injustæ famulorum reprobantur. Tract. 5. cap. 6. q. 6. 321
Illud quod dicitur, quod liceat Contrahentibus se invicem decipere intra non dimidium justipretii, tenet jure fori, sed forsan non jure Polli. Tr. 5. cap. 6. q. 10. 324.
Commodati Definitio. Tr. 5. cap. 9. q. 1. 336
Commodans conventioni, circa tempus & reliqua, stare tenetur. Tract. 5. cap. 9. q. 2. 337.
Commodatarii obligationes tres. Tr. 5. cap. 9. q. 3. 337
Commodatarius de levissima culpâ tenetur. Tract. 5. cap. 9. q. 4. 338.
Clerici ad aleas vel taxillos non ludant, nec hujusmodi ludis intersint. Tr. 6. cap. 4. q. 1. 354.
Episcopus, aut Presbyter, aut Diaconus aleæ deserviens, aut desinat, aut certè damnetur. Tr. 6. cap. 4. q. 1. 354.
Ludi qui à sorte pendent, sunt Clericis prohibiti. Tract. 6. cap. 4. q. 2. 354.
Clerici levia etiam delicta, quæ in ipsis maxima essent, effugiant, ut eorum actiones cunctis afferant venerationem. Tract. 6. cap. 4. q. 2. 355
Ne Clerici in publico ludant pilâ aut aliis ludis, maximè cum Laïcis. *Ibid.* q. 3. 355
Clerici à ludo alcarum, aliisque qui à sorte pen-

INDEX RERUM.

- dent, abstineant. Tr. 6. cap. 4. q. 3. 355
- Clerici publicè non ludant, quocumque ludo. Tr. 6. cap. 4. q. 3. 356.
- Clericorum vita, *perpetuum quoddam predicandi genus* esse debet. Tr. 6. cap. 4. q. 3. 356.
- Quidquid habent Clerici, pauperum est. Tr. 7. cap. 1. q. 6. 365
- Clerici de his quæ consideratione Ecclesiæ perceperunt, nullum de jure possunt facere Testamentum, saltem nisi in favorem causæ piæ. Tr. 7. cap. 3. q. 3. 373.
- D
- D**IRIGERE mores hominum, quid est? Tract. 1. cap. 1. quæst. 2. fol. 1
- Doctores novi prophetaverunt de corde suo. Tr. 1. cap. 1. q. 5. 4
- Doctores sancti noluerunt proferre novas opiniones. *Ibid.* q. 6. 6.
- Doctrinæ vento non circumferamur. Tract. 1. cap. 1. q. 6. 7
- Doctrinis variis nolite abduci. *Ibid.* 7
- Sancti Doctores noluerunt à traditione declinare, vel novi aliquid & ex proprio sensu statuere. Tract. 1. cap. 1. q. 6. 8
- Definitionibus sanctorum Patrum hæcamus, quos præveniens misericordia Dei gratiis illuminavit ut crederent, & sequens instruxit spiritaliter ut docerent. *Ibid.* 9
- Decreta sanctorum Patrum, velut inextinctæ quædam semperque lucentes faces, sequenda sunt. Tract. 1. cap. 1. q. 6. 9
- Director bonus quomodo discerni possit? Tr. 1. cap. 1. q. 9. 15
- Directores falsi pravique semper multum nocuerunt. *Ibid.* 16
- Directores pravi, per dulces sermones & benedictiones, seducunt corda innocentium. Tr. 1. cap. 1. q. 9. 16
- Directores boni, qui? *Ibid.* 16
- Dubium probabile est, cum rationes sunt ad utramque partem quasi

INDEX RERUM.

- æquales ; & peccatum grave est se exponere tali dubio, ubi est mortale. Tr. 1. cap. 5. q. 3. 32.
- In Dubiis , tutior via est eligenda. Tr. 1. cap. 5. q. 3. 33
- In his quæ Dubia sunt, quod certius existimamus tenere debemus. *Ibid.* 33
- Qui aliquid committit vel admittit , in quo dubitat esse mortale peccatum, peccat mortaliter , discrimini se committens. Tract. 1. cap. 5. q. 6. 44
- Si Dubium est , an liceat an non ; ipsa dubietas certitudo est & determinatio , quia procul dubio non licet. Tr. 1. cap. 5. q. 6. 44
- Si quis dubitet leviter, & per modum scrupuli, sic agendo contra tale dubium non peccat, dum habet rationes probabiles pro ipsa magis quàm pro opposita. Tr. 1. cap. 6. q. 1. 48.
- Qui Dubitat , quam debeat opinionem eligere in conscientia , tenetur eandem adhibere diligentiam , ad discernendum quæ sit probabilior , quam homo sensatus in negotio alicujus momenti adhiberet. Tr. 1. cap. 6. q. 2. 50.
- In rebus Dubiis , cum ad utramque partem rationes plurimæ adducantur , ad tollendas lites & contentiones , oportuna cernitur veterum autoritas & quæ ab antiquo facta legitur sanctorum definitio Patrum. Tr. 1. cap. 6. q. 4. 55
- Deliberatio imperfecta, reddit peccatum veniale. Tr. 1. cap. 9. q. 12. 103.
- Quæ ex Deliberatione mentis non processerunt , non imputantur ad pœnam. Cap. 13. q. 1. 111
- Deliberationis defectus excusat à peccato , aut in totum , aut in parte. Tract. 1. cap. 14. q. 2. 113.
- Deliberationis defectus, vix unquam excusat à peccato totaliter actiones corporales. Tr. 1. cap. 14. q. 1. 113
- Dispensatio humana non

INDEX RERUM.

- aufert ligamen juris naturalis, sed solum juris positivi. Tract. 1. cap. 17. q. 8. 137
- Dispensatio quando legitima sit? Tr. 1. cap. 17. q. 8. 138
- Dolus malus, est omnis calliditas, fallacia, machinatio ad circumvenniendum fallendum, decipiendum adhibita. Tract. 2. cap. 3. q. 1. 146.
- Diversitas inter calliditatem, fallaciam, & machinationem. *Ibid.* 146.
- Dolus duobus modis in contractibus potest adesse. Tract. 2. cap. 3. q. 2. 146
- Dolus potest adesse, aut culpam contrahentis, aut alterius. *Ibid.* 147
- Dolus dans causam contractui, illum nullum reddit. Tr. 2. cap. 3. q. 3. 147
- Qui per Dolum obligatus est, competit ei exceptio, etsi nullus Dolus intercesserit stipulantis, sed ipsa res in se dolum habet. Tr. 2. cap. 3. q. 5. 148
- Damnum dedisse videtur, qui occasionem damni dat. Tr. 3. cap. 10. q. 4. 209
- Damnum emergens reperitur, cum, ob mutui dationem, tolerat quis aliquod damnum in suis bonis. Tract. 4. cap. 4. q. 3. 224
- Damni emergentis conditiones requisitæ. Tr. 4. cap. 4. q. 5. 225
- Damnum emergens, quandoque verè excusat in praxi? Tr. 4. cap. 4. q. 7. 226
- Dotis definitio explicata. Tr. 5. cap. 7. q. 1. 325.
- Dotare tenetur Pater, aut etiam Mater, Filiam; & aliquoties Frater. *Ibid.* 326
- Hæc obligatio extenditur ad filiam volentem profiteri in Monasterio, & Filium volentem Ordines sacros suscipere. Tr. 5. cap. 7. q. 7. 327
- Dos, soluto matrimonio, restitui regulariter debet. Tr. 5. cap. 7. q. 8. 328
- Dotem integram, quandoque maritus inops non restituit. Tract. 5. cap. 7. q. 9. 328
- Pro Dote expensæ ex-

INDEX RERUM.

- traordinariæ & utiles
 factæ , compensantur.
Ibid. q. 10. 329
 Depositum tres species. Tr.
 5. cap. 8. q. 2. 330
Qui Depositam rem, in-
 vito Domino , in usus
 suos converterit, etiam
 de furto tenetur. Tr. 5.
 cap. 8. q. 3. 330
 Depositarius non tenetur
 nisi de dolo & lata cul-
 pâ. Tr. 5. cap. 8. q. 4.
 331.
 In Deposito præsumi-
 tur lata culpa vel do-
 lus , si non adhibeat
 diligentiam , qualem
 in rebus suis. Tract. 5.
 cap. 8. q. 5. 332
 In Deposito levis culpa
 attenditur , si merces
 data sit. Tr. 5. cap. 8.
 q. 6. 333
 Res Depositæ sunt peri-
 culo ejus apud quem
 deponuntur ; si ita con-
 venit , si quis se depo-
 sito obtulit. Tr. 5. cap.
 8. q. 7. 333
 In Deposito , pacto, cul-
 pâ , vel morâ præce-
 dentibus , casus impu-
 tatur. *Ibid.* q. 8. 334
 Depositum restitui debet
 prædoni ; tamen si Do-
 minus cum fure simul
 petat , restitui debet
 Domino de æquitate.
 Tr. 5. cap. 8. q. 10. 335
 Depositum reddi potest
 etiam reo damnato.
 Tr. 5. cap. 8. q. 11.
 335.
 Donationis definitio ex-
 plicata. Tr. 7. cap. 1.
 q. 1. 363
 Donatio alia inter vivos,
 alia causâ mortis. Tr.
 7. cap. 1. q. 2. 363
 Donatio debet insinuari,
 si excedat quingento-
 rum nummorum sum-
 mam. *Ibid.* q. 3. 364
 Donare non possunt quin-
 que personarum spe-
 cies. Tract. 7. cap. 1.
 q. 5. 365
 Donationes aliquando
 invalidæ , aut revocan-
 dæ. Tr. 7. cap. 1. q. 8.
 & seqq. 366

E

EL O Q U I A divina ,
 sunt substantia Sa-
 cerdotii nostri. Tr. 1.
 cap. 1. quæst. 3. fol. 2
 Episcopo peculiare gra-
 tiam & majus lumen
 largitur Deus , ad eas
 difficultates quæ ad re-
 gimen animarum per-
 tinent decidendas. Tr.
 1. cap. 1. q. 7. 10

INDEX RERUM.

- Episcopus quæstiones ar-
duas terminabat in Sy-
nodo. Tract. 1. cap. 1.
q. 7. 10
- Ecclesia Romana om-
nium Ecclesiarum ma-
ter est & magistra. Tr.
1. cap. 1. q. 7. 12
- Error quo creditur esse
mortale quod non est
mortale, ex conscien-
tia ligat ad peccatum
mortale. Tr. 1. cap. 2.
q. 5. 19
- Error conscientia, quan-
do est aliquo modo
voluntarius, non om-
nino excusat à pec-
cato. Tract. 1. cap. 2.
q. 7. 21
- Error conscientia, quo
pacto excusat à trans-
gressione præcepti?
Ibid. 21
- Si ratio vel conscientia
erret Errore volunta-
rio, vel directè, vel
propter negligentiam,
quia est error circa id
quod quis scire tene-
tur: tunc talis error
rationis vel conscien-
tia non excusat. Tr. 1.
cap. 2. q. 11. 24
- Error quo non creditur
esse peccatum morta-
le, quod est peccatum
mortale, conscien-
tiam non excusat à
toto, licet fortè à tan-
to. Tr. 1. cap. 8. 80
- Episcopus est suæ Dicc-
cesis casuista. Tr. 1.
cap. 8. 90
- Error in contractibus
circa substantiā, con-
sensum tollit. Tr. 2.
cap. 2. q. 4. 144
- Error circa qualitates &
alia accidentia, con-
sensum non tollit. q. 6.
144.
- Emptio est contractus,
quo dominium alicu-
jus rei pro certo pre-
tio acquiritur. Tr. 3.
cap. 1. q. 1. 167
- Emptio debet fieri iusto
pretio. Tr. 3. cap. 2.
q. 1. 169
- In Emptione potest repe-
riri triplex justum pre-
tium. Tr. 3. cap. 2.
q. 2. 170
- Potest quandoque emi
infra pretium infimū,
aut ultra summum.
q. 4. 171
- Emptio census potest ali-
quoties fieri minori
pretio. Tr. 3. cap. 2.
q. 6. & 7. 173
- Emptio pretio anticipa-
to, potest-ne fieri mi-
nori pretio? Tract. 3.
cap. 3. q. 1. & 2. 177

INDEX RERUM.

Emere possunt-ne mercatores minori pretio anticipato, ob pericula? Tr. 3. cap. 3. q. 4. 179

Emptio anticipata olei, est sæpius usuraria. Tract. 3. cap. 3. q. 6. 182.

Emptio rerum furtivarum, obligare potest ad restitutionem. Tr. 3. cap. 4. q. 1. 183

Quid si talis res Empta, bona fide alienata fuit? Tr. 3. cap. 4. q. 3. 185

Emptio lasciviarum panni sæpius illicita. Tr. 3. cap. 4. q. 5. 187

Venditio facta summo pretio, cum securitate emendi infimo pretio, est usuraria. 187

Emptio fundi cum pacto redemptionis, est quandoque licita. Tr. 3. cap. 5. q. 2. 188

Emptio facta ab aurificibus, non computato artificio, est sæpius licita. Tr. 3. cap. 5. q. 3. 189

Emptio frumenti, vini, aut olei, ut carius postea vendantur, est sæpius licita. Tr. 3. q. 4. 190

Emptio proventus cerri, facta minori pretio, sæpius est usuraria. Tract. 3. cap. 6. q. 1. 192.

Emptio pecuniæ debitæ, facta minori pretio, aliquoties est usuraria. Tract. 3. cap. 6. q. 3. 193.

Qui emit pro alio, sæpius peccat sub pretextu compensationis laboris. Tr. 3. cap. 7. q. 1. & 2. 195

Sartor emens, sæpius dum lucratur peccat. Tr. 3. cap. 7. q. 3. & 4. 197

F

FREQUENTER peccans, & lugens, vix veniam meretur. Tr. 1. cap. 15. q. 3. fol. 117

Frequentia peccati, dispositivè inducit ad contemptum. *Ibid.* 117

Fucus vix vendi potest mulieribus sine peccato. Tract. 3. cap. 8. q. 3. 199

Noli foenerari, inquit S. Aug. tu accusas Scripturam dicentem: *Qui pecuniam non dedit ad usuram.* Non ego

INDEX RERUM.

- illud scripsi , non de ore meo primum exiit, Deum audi. Tract. 4. cap. 10. q. 2. 253
- Famulorum compensationes reprobantur. Tr. 5. cap. 6. q. 6. 321
- Famuli ante tempus dimissi , integrum salarium aliquoties recipiunt. Tr. 5. cap. 6. q. 7. 322
- Fidejussores sunt , qui pro alienis debitis intercedunt. Tr. 6. cap. 1. q. 1. 341
- Fidejussor conveniri non potest , ante quam excussus sit debitor Principalis ; nisi tamen aliter convenerit , ut plerumque fit. Tr. 6. cap. 1. q. 1. 341
- Fidejussio alia judicialis, alia extra judicialis. Tract. 6. cap. 1. q. 2. 342.
- Fidejussor plus obligari non potest , quam principalis debitor. Tr. 6. cap. 1. q. 3. 342
- Mutuū dans , potest-ne aliquid exigere , cō quod Fidejussorē non petat ? Tr. 6. cap. 1. q. 4. 343
- Fidejussor, potest-ne aliquid exigere pro fidejussione ? *Ibid.* q. 4. 343.
- Qui fidejubet petente creditore , potest aliquid exigere ab illo. Tract. 6. cap. 1. q. 6. 344.
- Fidejussor potest , pretio dato , liberari à creditore. Tr. 6. cap. 1. q. 7. 345
- Fidejussorem ab omni damno liberare tenetur principalis debitor. Tr. 6. cap. 1. q. 8. 346
- Fidejubere cum periculo & damno creditoris, non licet. Tr. 6. cap. 1. q. 10. 346
- Fidejussor potest obligare debitorem in quatuor casibus , ut se à Fidejussionis onere liberet. Tract. 6. cap. 1. q. 11. 347

G

- R**EVER. P. Gabriël Gerberon , probabilissimum rejicit in lib. *De vero Pœnitenti*. Tr. 1. cap. 5. q. 5. fol. 41
- R. P. Thyrsus Gonzalez, Soc. Jesu Præpositus Generalis , Probabilistarum opiniones refellit. Tract. 1. cap. 6.

INDEX RERUM.

quæst. 8. 62
 Antonius Godeau, Episcopus Venciensis, probabilitatē fortiter explodit. 77

H

QU I Habitu vitioso utitur, ex certa malitiā peccat. Tr. 1. cap. 15. q. 3. 116
 Habitus peccati duobus modis perpendi potest. Tract. 1. cap. 15. q. 5. 118.

Hæres tenetur ne solvere legata sine solemnitatibus relicta. Tract. 2. cap. 6. q. 3. 165

Hæredes aut legatarii, aliqui esse non possunt. Tr. 7. cap. 4. q. 2. 374.

Hæres gravatus reddere spurio à lege prohibito, quid faciet? Tr. 7. cap. 4. q. 3. 375

I

AD Inferos vadunt, per vitium præsumptionis, novitatum Rectores. fol. 2

Insipientia Magistrorum quæ sit? Tr. 1. cap. 1. q. 5. 4

Ignorantia invincibilis,

excusat à peccato. Tr. 1. cap. 1. q. 10. 17

Ignorantes sæpius peccare, probat sanctus Bernardus. Tr. 1. cap. 2. q. 6. 20

Ignorantia est voluntaria dupliciter. Tr. 1. cap. 2. q. 7. 21

Ignorantia ejus quod quis potest scire, & debet, dicitur voluntaria. *Ibid.* 21

Ignorantia, quomodo potest esse invincibilis? Tr. 1. cap. 2. q. 9. 21

Ignorantia alia juris, alia facti. *Ibid.* 21

Ignorantia juris ferè nunquam omninò excusat. Tr. 1. cap. 2. q. 9. 22.

Ignorantia neminem sic excusat ut sempiterno igne non ardeat; sed fortassis ut mitius ardeat. Tract. 1. cap. 2. q. 10. 22

Concors est sententia, nullam in his quæ Legis Divinæ sunt, cadere Ignorantiam invincibilem. *Ibid.* 23

In his quæ pertinent ad fidem & bonos mores, nullus excusatur, si sequatur erroneam opinionem; in talibus enim

INDEX RERUM.

- Ignorantia non excusat.
Ibid. 23
- Dum reverà aliquid egimus quod contra jus naturale erat, debemus in praxi judicare quod à culpa liberi non sumus. Tract. 1. cap. 2. q. 10. 24
- Ignorantia non excusat, nisi cum quis fecit id omne quod potuit, ut inveniret & amplecteretur veritatem. Tr. 1. cap. 6. q. 1. 46
- Instructiones sancti Caroli pro Confessariis, prælo mandatæ sunt jussu & impensis Cleri Gallicani. Tr. 1. cap. 8. 92.
- Inorantia quæ superari non potest, atque ob id invincibilis dici solet, nullum est peccatum, sed tantum vincibilis, si sit eorum quæ quis scire tenetur. Tract. 1. cap. 9. q. 3. 96.
- Ex Infirmitate quo pacto peccatur? Tr. 1. cap. 9. q. 4. 97
- Intentio mala est, dum voluntas operari discernitur propter finem, qui non refertur ad Deum. Tr. 1. cap. 16. q. 4. 121
- Intentionis rectitudo, non reddit bonum quod naturâ sua malum est. Tract. 1. cap. 16. q. 6. 121.
- Bona Intentio excusatne mulierem in vestibus sumptuosis? Tr. 1. cap. 16. q. 7. 123
- Intentio nulla excusare potest famulum servientem in impudicis rebus. *Ibid.* q. 8. 124
- Intentionis bonæ variæ conditiones. Tract. 1. cap. 16. q. 9. 124
- Jus Canonicum Christianorum actiones ad finem æternæ beatitudinis dirigit. cap. 17. q. 2. 127
- Jus Canonicum constat ex sententiis SS. Patrum, & ex summorum Pontificum & Conciliorum Decretis & Canonibus. Tract. 1. cap. 17. q. 3. 127
- Cum Juramento promissa, ob metum injustum, debent-ne solvi? Tr. 2. cap. 4. q. 7. 155.
- Jurans ex metu, potest cogitare de dispensatione. Tr. 2. cap. 4. q. 9. 156

INDEX RERUM.

L

Lex Dei, non secundum propriam ingenii intelligentiam legatur, vel doceatur. Tract. 1. cap. 1. quæst. 6. fol. 7

Cardinalis Laurea, probabilitatem explodit. Tr. 1. cap. 6. q. 8. 69.

Illud quod agitur contra Legem, semper est malum, nec excusatur per hoc quod est secundum conscientiam. Tr. 1. cap. 8. 87

Lex peccati est violentia consuetudinis, quâ trahitur & tenetur etiam invitus animus, eò merito, quò in eam volens illabatur. Tract. 1. cap. 15. q. 5. 120

Leges civiles, obligant in conscientia. Tr. 2. cap. 6. q. 2. 164

Luerum cessans adest, cum is qui pecuniam mutuo dat, non luatur id quod si mutuo non dedisset luertus fuisset. Tr. 4. cap. 4. q. 2. 223

Lucrum cessans debet esse cum tribus condi-

tionibus. Tr. 4. cap. 4. q. 4. 224

Luerum cessans, quandoam verè excusat in praxi? Tr. 4. cap. 4. q. 7. 226

Is committit in Legem, qui Legis verba cõplectens, contra Legis nititur voluntatem. Tr. 4. cap. 8. q. 5. 248

Luerum sperans ex mutuo, peccat usuræ vitio; sed non qui ex mutuo vitat damnum. Tr. 5. cap. 1. q. 16. 303.

Locationis descriptio exposita. Tr. 5. cap. 2. q. 1. 304

Locare Jurisdictiones Ecclesiasticas, seu Facultates nominandi aut deputandi Vicarios, non licet. Tract. 5. cap. 2. q. 3. 305

Locare non licet domum publico usurario. Tract. 5. cap. 2. q. 3. 305.

Locari quando potest pecunia? Tr. 5. cap. 2. q. 5. 306

Rei Locatæ periculum remanet apud locantem. Tract. 5. cap. 3. q. 1. 307

Qui locat rem vitiosam

INDEX RERUM.

- scienter, putà domum
 ruinofam, peccat mor-
 taliter; & tenetur ad
 fatisfactionem de dam-
 no fecuto. Tr. 5. cap. 3.
 q. 1. 308
Qui locavit dolia vicio-
 fa aut ejusmodi, ali-
 quoties tenetur de dā-
 no. *Ibid.* q. 2. 308
In Locatione obligat cul-
 pa levis, quia gratiā
 utriusque celebratur.
Ibid. q. 3. 310
 Aliquando conductor po-
 test teneri de levissimā
 culpa. Tract. 5. cap. 3.
 q. 5. 311
 Variæ Locatoris obliga-
 tiones. Tract. 5. cap. 3.
 q. 6. 311
 Locare domum Meretri-
 ci vel Lenoni non licet.
 Tr. 5. cap. 4. q. 1. &
seqq. 313
 Quatuor obligationes
 Locatarii seu conduc-
 toris. Tract. 5. cap. 5.
 q. 1. 316
 Dum res Locata domi-
 num mutat, succedens
 hæres universalis, te-
 netur stare locationi,
 non autem quilibet
 alius. Tract. 5. cap. 6.
 q. 3. 319
 Si qui locavit operas, re-
 infectā, moriatur, te-
 nentur hæredes. Tr. 5.
 cap. 6. q. 4. 320
 Ludi descriptio. Tr. 6.
 cap. 3. q. 1. 352
 Ludi variæ species. Tr. 6.
 cap. 3. q. 2. 353
 Ludi aleatorii Clericis
 prohiberi. Tr. 6. cap.
 4. q. 1. 354
 Non ludant publicè Cle-
 rici, quocumque ludo.
 Tract. 6. cap. 4. q. 3.
 356.
 Ludi qui ab industria
 præcipuè pendent, per-
 mittuntur Clericis, mo-
 dō tamen publicè non
 exerçantur. Tract. 6.
 cap. 4. q. 4. 356
 Ludi quatuor circum-
 stantiæ aggravantes.
 Tract. 6. cap. 4. q. 7.
 357.
 Qui domum ad Luden-
 dum paratam habent,
 graviter peccant. Tr.
 6. cap. 4. q. 8. 358
 Varii tres casus, in qui-
 bus restitui debent ac-
 quisita per Ludum. Tr.
 6. cap. 5. q. 1. 361
 Legata in Testamento in
 quo solemnitates de-
 fuerunt, debent ali-
 quandò solvi ab hære-
 de. Tr. 7. cap. 2. q. 7.
 371.
 Legatum, est donatio

INDEX RERUM.

quædam à defuncto relicta, ab hærede præstanda. cap. 5. quæst. 1.

377.

Legatum pium non acceptatum, debet ut plurimum piè applicari. Tr. 7. cap. 5. q. 2.

377.

Legatorum piorum solutio non differenda.

Tract. 7. cap. 5. q. 3.

378.

Cum res legata acquisita fuit à Legatario titulo lucrativo ante mortem testatoris, illius pretium non debet solvi ab hærede. Tr. 7. cap. 5. q. 4. 378

M

QUID est Theologia Moralis?

Tract. 1. cap. 1. fol. 1

Moralis dirigit mores hominum. Tr. 1. cap.

1. q. 1. fol. 1

Morum regulis submittere se debent Christiani. Tract. 1. cap. 1.

q. 5. 4

Magistri erroris existunt, qui veritatis discipuli non fuerunt. *Ibid.*

4.

Mandatum Dei, & non

nostras traditiones populo observandas tradamus. Tr. 1. cap. 1.

q. 6. 10

Mater est & Magistra omnium Ecclesiarum, Ecclesia Romana. *Ibid.*

q. 7. 12

R. P. Mutii Vitelleschi, Monitum. Tr. 1. cap.

5. q. 3. 34

R. P. Joan. Mabillon, probabilissimum representat. Tr. 1. cap. 5. q. 5.

41.

R. P. Joan. Franc. Malatrà, probabilitatem rejicit. Tr. 1. cap. 6.

q. 8. 70

Dicuntur homines ex cetera Malitiâ & industriâ peccare, quasi scienter malum eligentes. Tr. 1. cap. 9. q. 5. 97.

Morosa cogitatio, quo pacto est peccaminosa? Tract. 1. cap. 10.

q. 3. 105

Metus est instantis vel futuri periculi causâ mentis trepidatio. Tr.

1. cap. 4. q. 1. 149

Metus levis est, vel gravis. Tract. 2. cap. 4.

q. 2. 149

Metus gravis cadit in constantem virum. Tr.

INDEX RERUM.

2. cap. 4. q. 2. 150
 Metus alius est justus, alius injustus. *Ibid.* 150
 Metus justus à justa causa producitur, ut à Judice. Tr. 2. cap. 4. q. 2. 150
 Metus gravis tollit libertatem aliquoties. Tr. 2. cap. 4. q. 3. 151
 Metus gravis quandoque excusat à peccato. Tr. 2. cap. 4. q. 5. 152
 Ex metu injusto promissa solvi non debent. Tract. 2. cap. 4. q. 6. 154.
 Metus gravis, matrimonia & vota nulla potest reddere. Tr. 2. cap. 4. q. 10. 158
 Metus reverentialis, matrimonium non annullat. Tract. 2. cap. 4. q. 11. 159
 Metus gravis Ordinationem non annullat. Tr. 2. cap. 4. q. 12. 159
 Monopolium quid sit? & quæ ejus species? Tract. 3. cap. 11. q. 1. & 2. 211
 Monopolium auctoritate publicâ fieri licet. Tract. 3. cap. 11. q. 3. 212.
 Monopolium est grave delictum. Tr. 3. cap. 11. q. 4. 212
 Monopoliorum variaz species. Tract. 3. cap. 11. q. 5. 213
 Mutuum, ex meo tuum. Illius definitio. Tr. 4. cap. 1. q. 1. & 2. 215
 In Mutuo, intentio secundaria dicitur, cum etsi sperat aliquid sibi dari ab eo cui mutuavit ex sua liberalitate, tamen non illud eum movet, sed magis benevolentia; ita quod etiamsi non crederet sibi aliquid dari, adhuc tamen mutuarer. Tract. 4. cap. 1. q. 1. 218
 Si quis Mutuat, ea intentione vel pacto, ut vadat ad molendinum suum vel furnum, vel ad apothecam suam ad emendum, usuram committit. *Ibid.* q. 2. 219.
 Mutuum ex præcepto divino debet esse gratuitum. Tr. 4. cap. 3. q. 3. 220
 Mora potest reddere interesse licitum, modò absit dolus. Tr. 4. cap. 8. q. 2. & 5. 246
 Montes pietatis licite exigunt aliquod inter-

INDEX RERUM.

resse sine usurâ, Tr. 4.
cap. 8. q. 3. 246
Qui ex Mutuo sperat
lucrum, peccat usuræ
vitio; sed non qui ex
mutuo vitat damnum.
Tract. 5. cap. 1. q. 16.
303.
Mutuum petere sub usu-
ris, non licet, nisi in
gravi necessitate. Tr.
5. cap. 1. q. 17. &
seqq. 303

N

NOVITATUM rec-
tores, vadunt ad
inferos per vitium præ-
sumptionis. fol. 2
Novi Doctores prophe-
taverunt de corde suo.
Tract. 1. cap. 1. q. 5.
4.
Novas opiniones nolue-
runt proferre sancti
Doctores. *Ibid.* q. 6. 6
Novitas mendacitati de-
putata est. Tr. 1. cap. 8.
91
Necessitate voluntariâ
peccandi plectitur in-
ordinatus animus, eò
merito quo volens in
eam inhabitatur. Tr. 1.
cap. 15. q. 3. 117
Nuditates in Tempia Dei
introducitas, cooperiri

jussit Innocentius XI.
Tract. 1. cap. 17. q. 7.
136.
Notarii & Tabelliones
fabricantes contractus
usurarios, variis pœnis
subjacent, & quando-
que restituere tenen-
tur. Tract. 4. cap. 15.
q. 3. 293

O

OPINIONES va-
riæ de rebus em-
nibus. Tract. 1. cap. 1.
quæst. 5. fol. 5
Opiniones novas profer-
re noluerunt sancti Do-
ctores. *Ibid.* q. 6. 6
Opiniones in rebus sacris,
non sunt ex proprio
sensu proferendæ. *Ibid.*
6.
Obligaciones conscien-
tiæ, & Obligaciones
ex præceptis. Tract. 1.
cap. 1. q. 10. 17
Opinio probabilis, quæ
nullâ contraria ratione
impugnatur, dat-ne
conscientiæ securita-
tem? Tr. 1. cap. 4. q. 1.
28.
Opinio quæ aliquamdiù
probabilis fuit, est-ne
semper probabilis? Tr.
1. cap. 5. q. 1. 31
Opinio probabilis, po-

INDEX RERUM.

- test fieri improbabilis. *Ibid.* 31
- Opinio probabilis, in concursu contrariæ æque probabilis, fit dubia. Tr. 1. cap. 5. q. 2. 32
- Cum variæ & contrariæ Opinioniones sunt in aliqua materia morali, ille qui adhæret opinioni latioris viæ, videtur se exponere periculo mortalis, quia in dubio. Tract. 1. cap. 5. q. 4. 36
- Opinio Doctorum, qui asserunt licere sequi quamlibet ex æque probabilibus, non potest conscientiam nostram in tuto ponere. Tr. 1. cap. 5. q. 5. 36
- Ordo sancti Dominici, hortatu Alexandri septimi, vexillum extulit adversus Moralem laxam. Tract. 1. cap. 5. q. 5. 40
- Opiniones ridiculæ & ratione planè destitutæ, visæ fuerunt probabiles multis Scriptoribus. Tr. 1. cap. 6. q. 3. 51
- Opinio probabilior ea est, quæ nobis videtur magis conformis veritati præcepti. Tract. 1. cap. 6. q. 7. 58
- Opinio tutior ea est, quæ magis nos removeret à peccato, & ad maiorem perfectionem ducit. Tr. 1. cap. 6. q. 7. 58.
- Ornatus Christianorum, mores boni sunt. Tr. 1. cap. 16. q. 7. 123
- Ornatus vanus mulierum, quid est nisi magnum scandalum? Tr. 1. cap. 16. q. 7. 123
- Qui sentit Onus, sentire debet commodum, & è contra. Tr. 4. cap. 10. q. 7. 258

P

- P**ATRUM termini, non sunt transgrediendi. Tract. 1. cap. 1. q. 3. fol. 2
- Patres sunt interrogandi de moribus. *Ibid.* 2
- Prophetæ insipientes sequuntur Spiritum suum. Tr. 1. cap. 1. q. 5. 4
- Ad SS. Patrum doctrinam recurrendum. Tr. 1. cap. 1. q. 5. 4
- Prudentiæ suæ innititur, qui ea quæ sibi agenda vel dicenda videntur, Patrum Decretis præponit. Tract. 1. cap. 1. q. 5. 5

INDEX RERUM.

- Sancti Patres noluerunt
à traditione declinare,
vel aliquid novi & ex
proprio sensu statuere.
Tract. 1. cap. 1. q. 5.
8.
- SS. Patrum defini-
tionibus hæreamus,
quos præveniens mise-
ricordia Dei gratis il-
luminavit ut crede-
rent, & sequens inf-
truxit spiritualiter ut
docerent. *Ibid.* q. 6. 9
- Patrum tantum apponi-
mus sententias ac ver-
ba proferimus, & non
nostra; nec enim sa-
pientiores sumus quàm
Patres nostri. Tract. 1.
cap. 1. q. 6. 9
- SS. Patrum Decre-
ta velut inextinctæ
quædã semperque lu-
centes faces sequenda
sunt. Tract. 1. cap. 1.
q. 6. 9
- Summus Pontifex in
casibus difficilioribus
consultebatur. Tr. 1.
cap. 1. q. 7. 12
- Sum. Pont. casus diffi-
ciliores per semetipsum
definiebat, aut in Con-
cilio à se convocato.
Tr. 1. cap. 1. q. 7. 12
- Procuratoris securitas
non valet, si paterfa-
miliæ non acceptet.
Ibid. q. 8. 15
- Probabilia dicuntur, quæ
videntur omnibus, vel
pluribus, vel sapienti-
bus, aut omnibus, vel
præcipuis & maximè
notis. Tract. 1. cap. 3.
q. 1. 26
- Probabilis opinio, quæ
nullâ contraria ratio-
ne impugnatur, dat-
ne securitatem in con-
scientia? Tr. 1. cap. 4.
q. 1. 28
- Dum de Præcepto posi-
tivo agitur, non pec-
cat quis, etiam si er-
rans contra tale præ-
ceptum agat sequendo
opinionem quæ pro-
babilior apparet. *Ibid.*
cap. 6. q. 2. 50
- Qui Probabilem opinio-
nem sequitur in con-
cursu probabilioris,
non agit prudenter.
Tract. 1. cap. 6. q. 3.
50.
- Probabilistas Academi-
cos rejecit sanctus Au-
gustinus. Tr. 1. cap. 6.
q. 3. 52
- Cardinalis Paleotus pro-
babilitatem repellit.
Tract. 1. cap. 6. q. 8.
61
- Cardinalis Sfortia Dalla-
vicinus,

INDEX RERUM.

- vicinus, probabilitatem
damnat. Tr. 1. cap. 6.
q. 8. 63
- Quotidie Probabilista-
rum numerus minui-
tur. Tract. 1. cap. 6.
q. 8. 68
- Peccat graviter, qui in
rebus ad salutem per-
tinentibus, certis in-
certa præponit. Tr. 1.
cap. 7. q. 2. 73
- Quid est peccatum? Tr.
1. cap. 9. q. 1. 96
- Tribus modis peccatum
admittitur; nam aut
ignorantiâ, aut infir-
mitate, aut studio, id
est malitiâ perpetra-
tur. Tract. 1. cap. 9.
q. 2. 96
- Peccata ex infirmitate,
proveniunt à nostri ani-
mi motibus & passioni-
bus, quæ verè spiritua-
les infirmitates sunt.
Tract. 1. cap. 9. q. 4.
97.
- Ex malitiâ peccare dici-
tur, qui animo delibe-
rato scelus committit,
nec ad illud aut igno-
rantiâ, aut violenta
passione impellitur. Tr.
1. cap. 9. q. 5. 97
- Gravius peccatur infir-
mitate quàm ignoran-
tiâ, sed multò gravius
Tomus I.
- studio, id est malitiâ,
quam infirmitate pec-
catur. Tract. 1. cap. 9.
q. 6. 98
- Peccatum mortale, pro-
priè est quod repugnat
charitati, per quam
anima vivit Deo con-
juncta. Tr. 1. cap. 9.
q. 8. 99
- Quo pacto peccatum
mortale potest à venia-
li discerni. Tr. 1. cap.
9. q. 10. 99
- Peccatum mortale ex ge-
nere suo, ex eo quod
non fit ex consensu li-
bero & perfecto, ve-
niale redditur. Tr. 1.
cap. 9. q. 10. 101
- Aliquoties non excusat à
peccato mortali levi-
tas materiæ. Tract. 1.
cap. 9. q. 11. 102
- Peccatum veniale reddi-
tur, ex imperfecta de-
liberatione. Tr. 1. cap.
9. q. 12. 104
- Peccatur per actum me-
rè internum, & per ac-
tum externum. Tr. 1.
cap. 10. q. 1. 104
- Peccatorum circumstan-
tiæ variaz. Tr. 1. cap.
10. q. 7. 107
- Peccatum aut leviter,
aut notabiliter aggra-
vatur per circumstan-

INDEX RERUM.

- tias. *Ibid.* 107
- Peccata tanto sunt graviora, quanto diutius animam detinent alligatam. cap. 15. q. 3. 116.
- Peccantium assidue non miseretur Deus. Tr. 1. cap. 15. q. 3. 117
- Frequenter peccans, & lugens, vix veniam meretur. Tr. 1. cap. 15. q. 3. 117
- Lex Peccati est violentia consuetudinis. Tract. 1. cap. 15. q. 5. 120
- Peccare convincitur, qui non propter hoc agit, propter quod agere debet. Tract. 1. cap. 16. q. 5. 121
- Peccata nullâ bonâ intentione facienda sunt. Tract. 1. cap. 16. q. 6. 122.
- Promissa ex metu injusto, solvi non debent. Tract. 2. cap. 4. q. 6. 154.
- Ille qui vim intulit, hoc meretur, ut ei promissum non servetur. *Ibid.* 154.
- Promissa cum juramento ob metum injustum, debent-ne solvi? Tr. 2. cap. 4. q. 7. 155
- Pubertas est in masculis post 14. annum, in foenis post 12. Tract. 2. cap. 5. q. 3. 161
- Prope pubertatem est, si solum semestre reliquum fuerit. Tract. 2. cap. 5. q. 3. 161
- Peculia varia. Tract. 2. cap. 5. q. 4. 161
- Pupillus tenetur quandoque solvere mutuum accepta. Tract. 2. cap. 5. q. 5. 162
- Periculum etiam circa sortem, non excusat usuram in mutuo. Tr. 3. cap. 3. q. 4. 180
- Periculum aliud est facti, aliud juris. Tr. 4. cap. 7. q. 1. 234
- Pericula facti ab usurâ non excusant. Tr. 4. cap. 7. q. 2. 235
- Pericula juris, sæpius in praxi ab usura non excusant. Tr. 4. cap. 7. q. 3. 236
- Si quis pecuniam naviganti commiserit mutuum propter spem lucri, licet periculum fortis super se receperit, judicatur usurarius. Tract. 4. cap. 7. q. 4. 238
- Periculum etiam circa sortem, non tollit rationem usuræ in mu-

INDEX RERUM.

tuo. cap. 7. q. 5. 241
 SS. Pontificum Constitutiones venerandæ sunt, non emendandæ. Tr. 4.

cap. 7. q. 7. 245
 Precarii definitio explicata. Tract. 5. cap. 10.

q. 1. 339
 Precarium tribus modis finitur. Tr. 5. cap. 10.

q. 2. 340
 Promissionis definitio explicata. Tr. 6. cap. 2.

q. 1. 347
 Ex nuda promissione quis tenetur. Tr. 6. cap. 2.

q. 2. 348
 Si quis non faciat quod promissit, tunc videtur infideliter agere, per hoc quod animum mutat. Tract. 6. cap. 2.

q. 2. 348
 Promittens potest in quatuor casibus non teneri. Tract. 6. cap. 2.

q. 3. 348
 Promissum pro re illicita, cui restitui debeat? Tract. 6. cap. 2. q. 4.

350.

Q

QUÆSTIONES circa mores, quomodo olim decidebantur? Tract. 1. cap. 1. quæst. 7. fol. 10

Quæstiones majores & difficiles, ad Sedem Apostolicam referri debent. *Ibid.* 12

R

REGULÆ generales quas observare tenemur in moralibus.

fol. 2
 Regula morum, est Tract. 1. cap. 1.

quæst. 3. 2
 Regulis morum submittere se debent Christiani. Tr. 1. cap. 1. q. 5.

4.
 Responsiones ex sanctorum Scripturarum disciplina, vel ex Patrum regulis colligendæ. Tr.

1. cap. 1. q. 5. 4
 Ratio, ut in singulis, fallax est. Tr. 1. cap. 1.

q. 5. 5
 Regulam rectæ fidei custodire, prima salus est, & à constitutis Patrum nullatenus deviare. Tr.

1. cap. 1. q. 6. 10
 Ad Remorsus conscientiae vitandos, in his quæ salutem animæ respiciunt, pars securior est tenenda. Tr. 1.

cap. 6. q. 2. 49
 Actus Reflexus, nullam

S ij

INDEX RERUM.

certitudinem producit.
 Tr. 1. cap. 6. q. 3. 54
 Restitutio facienda ob
 usuras. Tr. 4. cap. 11.
 q. 2. 3. 4. 5. 6. & 7.
 260.
 Restitui debent acquisita
 per ludum in tribus ca-
 sibus. Tract. 6. cap. 5.
 q. 2. 360

S

SCIENTIA quæ ho-
 minum mores diri-
 git. Tract. 1. cap. 1.
 q. 1. fol. 1
 Scriptura sacra, est re-
 gula morum. *Ibid.* q. 3.
 2.
 Sacerdotii nostri substan-
 tia sunt eloquia divina.
Ibid. 2
 Sapientiores non sumus
 Patribus. *Ibid.* 2
 Scriptores novi, varias
 opiniones laxas secuti
 sunt. *Ibid.* q. 5. 3
 Sancta Sedes, plusquam
 centum opiniones la-
 xas damnavit. *Ibid.* 3
 Scriptorum cœcitas, ex
 multis causis. Tract. 1.
 cap. 1. q. 5. 3
 Sceleræ dolosæ quales?
 Tr. 1. cap. 1. q. 5. 6
 Sancti Doctores & Pa-
 tres, novas opinio-
 nes noluerunt proferre.

Ibid. 6
 Spiritus sanctus non lo-
 quetur à semetipso.
 Tract. 1. cap. 1 q. 6.
 7.
 In Scripturis divinis, sunt
 multa quæ possunt tra-
 hi ad sensum quem sibi
 unusquisque præump-
 fit, sed fieri non oportet.
 Tract. 1. cap. 1.
 q. 6. 7
 Scripturarum intelligen-
 tiam discere oportet
 ab eo, qui eam à ma-
 joribus secundum veri-
 tatem sibi traditam
 servavit. Tr. 1. cap. 1.
 q. 6. 8
 Ad Scripturam pertinens
 controversia interpre-
 tanda est ut Ecclesiæ
 luminaria & Doctores
 suis scriptis exposue-
 runt. Tract. 1. cap. 1.
 q. 6. 8
 Sancti Patres & Ecclesiæ
 Doctores noluerunt à
 traditione declinare,
 vel aliquid ex proprio
 sensu statuere. Tr. 1.
 cap. 1. q. 6. 8
 Sententias Patrum oppo-
 nimus; nec enim sa-
 pientiores sumus quam
 Patres nostri. Tract. 1.
 cap. 1. q. 6. 9
 Scripturarum divinarum

INDEX RERUM.

- authoritate fultum statuamus. *Ibid.* 10
- Salus prima est rectæ fidei regulam custodire, & à constitutis Patrum nullatenus deviare. Tr. 1. cap. 1. q. 6. 10
- In Synodo quæstiones arduæ resolvebantur. Tr. 1. cap. 1. q. 7. 10
- Ad Sedem Apostolicam majores & difficiles quæstiones referri debent. *Ibid.* 12
- Securitas Procuratoris non valet, si paterfamilias non acceptet. *Ibid.* q. 8. 15
- In his quæ Salutem animæ respiciunt, ad vitandos graves remorsus conscientiæ, pars securior est tenenda. Tract. 1. cap. 6. q. 2. 49.
- Scrupulus conscientiæ, in quo consistit? Tr. 1. cap. 8. q. 1. 76
- Scrupulus est vacillatio quædā confurgens cum formidine ex aliquibus conjecturis debilibus & incertis. Tr. 1. cap. 8. q. 1. 76
- Sufficit in humanis agilibus talis certitudo, quæ non semper Scrupulos omnes abjiciat, sed sufficit ut contemnat & superet eos. Tr. 1. cap. 8. q. 1. 77
- Sermo quæ locutus sum vobis, ipse vos judicabit in novissimo die. Tr. 1. cap. 8. 80
- Sartores eementes, sapidi, dum lucrantur, peccant. Tr. 3. cap. 7. q. 3. & 4. 197
- Societas ita ineunda est, ut non ad certam summam ab omni periculo & damno immunem lucri nomine persolvendam; neque ad capitale, si casu fortuito perit, restituendum, socius accipiens teneatur. Tr. 4. cap. 7. q. 5. 242
- In Societate, in qua alter pecuniam confert, alter operas; lucri distributio non constituitur nisi per quotas partes. Tr. 4. cap. 7. q. 5. 242
- Societas est duorum aut plurium circa res licitas & honestas conventio, in qua pecunia aut industria, aut aliæ res pretio æstimabiles, in communem ponuntur majoris lucri faciendi gratiâ.

INDEX RERUM.

- Tract. 4. cap. 12. q. 1. 265.
 Societatis duæ potissimum species. Tr. 4. cap. 12. q. 2. 265
 Societatis tres conditiones. Tract. 4. cap. 12. q. 3. 265
 Societatis animalium tres condiciones. Tract. 4. cap. 13. q. 1. 268
 In Societate animalium, omnes casus semper sint periculo ejus qui dedit illa; nisi id alterius socii dolo vel magnâ negligentia acciderit; nec fiat pactum ut sors sit semper salva, etiam ex primis fortibus. Tract. 4. cap. 13. q. 1. 269
 Societatis iniquissimum est genus, ex qua quis damnum, non etiam lucrum expectet. Tr. 4. cap. 13. q. 1. 269
 Si animalia dentur æstimata, ita ut sors danti salva sit, nihil omnino percipi possit. Tr. 4. cap. 13. q. 2. 271
 Dum qui dat animalia, periculum sortis in se recipit, potest mediam partem fructuum percipere ex societate. Tract. 4. cap. 13. quæst. 7. 273
 Societas non potest subsistere, & esse licita cum tribus contractibus. Tr. 4. cap. 14. q. 2. 275
 Qui in Societatem confert pecuniam, nullum unquam lucrum percipere potest, dum nullum vult subire periculum, nec de damno teneri. Tr. 4. cap. 14. q. 6. 281
 In aliis contractibus valet pactum appositum, ut damnum spectet ad suscipientem, ut in commodato & similibus. Contrarium tamen dicendum in Societate; quia talis non est vera Societas, & tale pactum non valet. Tr. 4. cap. 14. q. 9. 286.
 Quod quis lucretur æquales fructus, & non subeat periculum amissionis capitalis, illud genus Societatis est omni jure improbatum. Tr. 4. cap. 14. q. 12. 288
 Inter sæculares nugæ, nugæ sunt: inter Sacerdotes blasphemix Tr. 6. cap. 4. q. 2. 351

INDEX RERUM.

Quod veniale est plebi,
criminale est Sacerdo-
ti. Tract. 6. cap. 4.
q. 2. 355

T

TRADITIO sanc-
torum, est Regu-
la morum. Tr. 1. cap.
1. q. 3. fol. 2

Termini Patrum, non
sunt transgrediendi.
Ibid. 2

Traditiones nostras po-
pulo observandas non
tradamus. Tr. 1. cap.
1. q. 6. 10

Timor, si sit multum
vehemens & excessi-
vus, in tantum quod
rationem perturbet,
impedit operationem
ex parte mentis. Tr. 1.
cap. 13. q. 1. 111

Si quis propter timo-
rem, sic dispositus est,
ut faciat aliquid pro-
hibitum, vel præter-
mittat aliquid præcep-
tum in Lege divina,
talis timor est pecca-
tum mortale. Dimi-
nuitur tamen secun-
dum aliquid, quia mi-
nus voluntarium est
quod ex timore agitur.
Tract. 1. cap. 13. q. 2.
112.

Timor potest excusare à
præceptis Ecclesiæ.
Ibid. 112

Taxillis aut Tabellis pic-
tis seu Cartis uti, cas-
que vendere non con-
sulendum; & quare?
Tract. 3. cap. 8. q. 4.
& 5. 200

Tabernarii & Macella-
rii non raro peccant,
vendentes aut parantes
carnes prohibitas, aut
cœnam jejunii tempo-
re. Tr. 3. cap. 8. q. 6.
7. & 8. 202

Tutores, Curatores, No-
biles, viduæ &c. non
excusantur ab usura, si
exigant aliquod lucrû
ultra sortem. Tr. 4.
cap. 9. q. 1. 248

Tutores, quo pacto se
hoc modo indemnes
præstare possunt? Tr.
4. cap. 9. q. 4. 249

Tutores possunt-ne com-
pensare damnum sibi
emergens? Tract. 4.
cap. 9. q. 4. 251

Testamenti definitio ex-
plicata. Tr. 7. cap. 2.
q. 1. 368

Testamentorum variae
species. Tr. 7. cap. 2.
q. 2. 369

Testamentorum solem-
nitates quandoque non

INDEX RERUM.

- necessariæ. Tr. 7. cap.
 2. q. 4. 370
 Testamentum coram Pa-
 rocho validum de Jure
 Canonico. Tr. 7. cap.
 2. q. 6. 371
 Legata in Testamento in
 quo solemnitates defi-
 ciunt, debent aliquo-
 ties solvi ab hærede.
 Tract. 7. cap. 2. q. 7.
 371.
 Testamentum quidam
 facere non possunt. Tr.
 7. cap. 3. q. 2. 372
 Clerici de his quæ con-
 sideratione Ecclesiæ
 perceperunt, nullum
 de jure possunt facere
 Testamentum, saltem
 nisi in favorem causæ
 piæ. Tract. 7. cap. 3.
 q. 3. 373
 In Testamento hæredes
 aut legatarii, aliqui
 esse non possunt. Tr.
 7. cap. 4. q. 2. 374
- V
- V**IA lata ducit ad
 perditionem. Tr.
 1. cap. 1. q. 8. fol. 14
 Via salutis arcta est. *ibid.*
 14.
 Vix veniam meretur,
 frequenter peccans &
 lugens. Tr. 1. cap. 15.
- q. 3. 117
 Vestium pompa, Chris-
 tianos non decet. Tr. 1.
 cap. 16. q. 7. 123
 Voluntas non est perfec-
 ta, nisi opportunitate
 datâ operetur. Tract. 1.
 cap. 16. q. 10. 126
 Vendi non possunt res
 quæ in usus tantum
 malos inserviunt. Tr.
 3. cap. 8. q. 3. 199
 Videntes Tabernarii,
 aut macellarii, carnes
 prohibitas, aut paran-
 tes cœnam diebus je-
 junii, non raro pec-
 cant. Tract. 3. cap. 8.
 q. 6. 7. & 8. 202
 Vendentium fraus circa
 speciem, ad restitutio-
 nem obligat. Tract. 3.
 cap. 9. q. 1. 204
 Vendentium fraus circa
 pondus, mensuram, aut
 quantitatem, ad resti-
 tutionem obligat. Tr.
 3. cap. 9. q. 2. 205
 Vendentium fraus circa
 qualitatem, obligat ad
 restitutionem. Tract. 3.
 q. 3. 205
 Difficile est inter ven-
 dentis & ementis com-
 mercium non interve-
 nire peccatum. Tr. 3.
 cap. 9. q. 3. 206
 Venditor tenetur ne vi-

INDEX RERUM.

- tium rei venalis aperi-
re? Tract. 3. cap. 10.
q. 1. 207
- Si rei Venditæ vitium fa-
ciat rem minus valere,
injusta erit venditio,
unde peccat occultans
vitium. Tract. 3. cap.
10. q. 2. 208
- Venditor ex hoc ipso dat
emptori damni vel pe-
riculi occasionē, quod
rem vitiosam ei offert.
Tract. 3. cap. 10. q. 2.
208.
- Si Venditor dolo fecerit
ut rem pluris venderet,
tenetur præstare emp-
tori illud quod minus
dedisset si dolum cog-
novisset. Tr. 3. cap. 10.
q. 3. 209
- Cariùs Vendere rem quā
valeat, est secundum
se injustum & illicitum.
Tr. 3. cap. 10.
q. 5. 210
- Si vitia rei, quæ venden-
da proponitur, sint oc-
cultæ, nisi per vendi-
torem manifestentur,
non sufficienter com-
mittitur emptori judi-
cium. *Ibid.* 210
- Usura est lucrum ex mu-
tuo principaliter inten-
tum. Tract. 4. cap. 2.
q. 1. 217
- Usura alia realis, alia
mentalis. Tr. 4. cap.
2. q. 3. 219
- Usura violat jus natura-
le, divinum, & Eccle-
siasticum. Tr. 4. cap.
3. q. 1. 219
- Usuras utriusque Testa-
menti pagina detesta-
tur. Tr. 4. cap. 3. q. 4.
221.
- Usuræ tollitur injustitia,
quando non spe lucri
accipitur, sed pro re-
compensatione damni.
Tract. 4. cap. 4. q. 7.
226.
- Usuræ vitium non excu-
satur, nisi tollatur spes
lucri. Tract 4. cap. 4.
q. 7. 227
- Usura in quibusdam ca-
sibus non est, licet
plus accipiatur. Tr. 4.
cap. 6. q. 1. 231
- Usura tacita est, cum
quis aliquid commune
habet cum alio, & pe-
riculum & damnum
non est commune. Tr.
4. cap. 7. q. 5. 242
- Legendum-ne est cap.
Naviganti, cum ne-
gatione: *Vsurarius non
est censendus*? Tr. 4.
cap. 7. q. 7. 244
- Ab Usura non excusan-
tur Tutores, Curato-

INDEX RERUM.

- res, Nobiles, &c. qui
exigunt interesse ultra
sortem. Tract. 4. cap.
8. q. 1. 248
- Ab Usura excusantur ne
viduz exigentes ali-
quod interesse? Tr. 4.
cap. 9. q. 5. 251
- Usura non excusatur,
etiam quantumcum-
que ordinetur ad vitæ
necessitatem. Tract. 4.
cap. 10. q. 2. 253
- Usuræ varii prætextus
exploduntur. Tract. 4.
cap. 10. per totum.
252.
- Cum Usurariis, quo pac-
to agere debet Confes-
sarius? Tract. 4. cap.
11. per totum. 260
- Ab Usurariis restitutio
requirenda. Tract. 4.
cap. 11. q. 2. 3. 4. 5.
& 7. 260
- Usurarii manifesti dicun-
tur illi de quibus noto-
rium est de jure, ut
quia confessi, vel con-
demnati: vel de facto
quia habent operis evi-
dentiæ quæ nullâ po-
test tergiversatione ce-
lari. Tract. 4. cap. 15.
q. 1. 291
- Usurariorum variz pec-
næ, sex præcipuæ. Tr.
4. cap. 15. q. 2. 292
- Usurarios contractus fa-
bricantes Notarii pu-
niantur, & quandoque
restituere tenentur, si
usurarii non restituant.
Tract. 4. cap. 15. q. 3.
293.
- Non licet ut plurimum
inducere aliquem ad
mutuandum sub usuris.
Tract. 5. cap. 5. q. 17.
303.
- Non licet, nisi in ur-
genti necessitate, mu-
tuum petere sub usura.
Tract. 5. cap. 1. q. 17.
303.

Z

- Z**ELUS Episcopo-
rum Galliz ad re-
primendam novorum
quorundam Scripto-
rum audaciam. Tr. 1.
cap. 8. fol. 92
- Zelus B. Gregorii Papæ
septimi. Tract. 1. cap.
1. q. 5. 4
- Zelus Episcoporum con-
tra Probabilissimum. Tr.
1. cap. 5. q. 5. 37

FINIS.

MAG 743



